

**DE NECESSARIA AD
SALUTEM GRATIA,
OMNIBUS, ET
SINGULIS DATA
SECUNDUM...**

Carolus Joseph Tricassinus
(Tricassinus)






vel

16

Ex Bibliotheca
majori Coll. Rom.
Societ. Jesu

44. 4. 25.
44 D 44
26 D 49




DE NECESSARIA AD SALVTEM
GRATIA,
OMNIBVS, ET SINGVLIS
DATA

SECVNDVM AVGVSTINVM.
VBI TAM IN GENERE QVAM IN SPECIE
ostenditur, dari gratiam verè sufficentem omnibus,
& singulis hominibus.

*Item & explicatur modus peculiaris, quo illa descendit ad
singulas quasi hominum species, V. G. ad Christianos,
infideles, hereticos, induratos &c.*

Et tandem multa produntur singularia, & Arcana Augustini principia, ex quorum cognitione, plena pendet, & perfecta totius illius doctrinæ, præsertim quoad gratiam, intelligentia.


Authore P. F. CAROLO-IOSEPH TRICASSINO
Concionatore Capucino.



PARISIIS,
Apud ÆGIDIUM ALLIOT, Bibliopolam Juratum, viâ Jacobæ,
sub signo sancti Norberti.

M. DC. LXXIII.

CVM PRIVILEGIO ET APPROBATIONE.





PRÆFATIO AD LECTOREM.

POST tractatum de indifferenti lapsi hominis arbitrio sub gratia & concupiscentia, compositum, mihi necessarius visus est alius de gratia sufficiente tractatus addendus, propterea quod, mihi videbatur imperfecta fore illa materia, nisi tractatum illum adderem, per quem alteri, de gratia, principali quaestioni, quantum possem, satisfacerem, cum hæ duæ præcipuè quaestiones agitentur in Scholis in tractatu de gratia, & in eis decidendis bene & laudabiliter attendatur ad magni mentem Augustini, tanquam ad oraculum gratiæ, & Prædestinationis æternæ. Quapropter licet aliàs statuissem istos tractatus diversis in temporibus edere, satius esse iudicavi, ad perfectius, pleniusque assequendam de gratia doctrinam, & magni simul mentem Augustini circa eam, simul & semel istos tractatus in lucem proferre.

Quamquam autem multa monenda essent quoad istum tractatum, sicut & quoad alterum: quia tamen ea non differunt ab iis quæ jam monui in præcedente tractatu, ideo nihil peculiare hîc monendum habeo, nisi quod

P R Æ F A T I O

multa in eo singularia Augustini principia & fundamenta retego, quæ necessaria prorsus sunt ad solvendas objectiones ex eo sumptas, contra gratiam sufficientem omnibus, & singulis datam, ex quorum ignoratione factum esse existimo (quoniam pauci sunt, qui volunt illius scripta cum attentione perlegere) ut hæc doctrina videretur aliquibus, esse ipsi Augustino contraria, imo vero (quod horribile dictu est) Pelagiana aut Semipelagiana: quia nempe quasi validissimis ex Augustino sumptis argumentis oppugnabatur, & quasi parum validis responsionibus, itemque paucioribus contra oppositam sententiam argumentis ex eodem Augustino sumptis, defendebatur: adeo ut tales Augustinianæ doctrinæ defensores, viderentur adversariis, vix aliquantulum delibasse seu legisse Augustinum & propter hoc ipsi quererentur ambitiosissime, neminem hucusque qui aliter sentiret, quam ipsi, scripta eius perlegisse. Spero autem quod ii non querentur, me non legisse Augustinum; an vero per responsiones meas eorum impugnationibus abunde satisfecerim, iudicabit ipse Lector, quem postulo esse sincerum, & opinione contraria non præventum, prout necesse prorsus est, ad rectè, & verè de quacumque materia iudicandum.

Cæterum si non tam abundantem hæc probationum suppellectilem profero quam in præcedente tractatu de indifferenti &c. non est attribuendum negligentię meæ, aut imbecillitati causæ susceptę, sed securitati Augustinianę: cum enim hæc veritas non impugnaretur ab illius adversariis, quantum attinet ad generalitatem illam bonę voluntatis Dei circa salutem omnium, & singulorum quam defendimus, sed potius ab utraque parte in eam

A D L E C T O R E M.

conveniretur : hinc factum est , ut multò pauciora de hac quæstione August. attigerit , ut non sibi necessaria , quam de illa , de qua egimus in præcedente tractatu , in qua , ut vehementissime premebatur ab adversariis , quasi tollens arbitrii libertatem per suam gratiam necessariam , quam ipsi putabant esse libertati contrariam : ita & necesse habuit ad amoliendam à se hanc invidiam , multa , & multoties dicere pro libertate , seu pro indifferentia lib. arbitrii sub gratia & concupiscentia , servata , quod necesse non habuit dicere pro defendenda supradicta bonæ voluntatis Dei generalitate circa salutem omnium , & singulorum , cùm de ea ab adversariis non accusaretur , sed potius ab illo & ab illis in eam consentiretur.

Vnde cùm in utroque tractatu non secuti fuerimus mentem nostram sed solùm Augustinianam , ideo ubi pauca nobis suppeditavit Augustinus , ibi pauca tibi reddimus , ubi multa , multa , quamquam in utroque satis multa , sed in isto tantum pauca , in comparatione longe plurium quæ in præcedente tractatu tradidimus. His itaque fruire bone Lector & de his , si tibi placent , laudem Deo tribue , si non placent non pigeat orare , ut , aut tibi placeant , si bona sunt , sin minus , ut alia tibi , & nobis velit Deus inspirare.

ADM. VENERABILI IN CHRISTO PATRI
CAROLO-JOSEPHO TRICASSINO
PREDICATORI CAPUCINO.

F. STEPHANVS A CÆSENA Ordinis
FF. Minorum Sancti Francisci Capucinorum Mini-
ster Generalis, Lic. im., Sal.

CUM Paternitas vestra tractatum de necessaria ad salu-
tem gratia omnibus & singulis data secundum mentem
D. Augustini composuerit, postuletque licentiam, ut ipsam
Typis mandare valeat, praesentium virtute ipsi facultatem
elargimur, quatenus praetatum tractatum à duobus Ordinis
nostri Theologis, reuisum & approbatum servatis aliis, de
jure servandis, praelo committere valeat. Datum in conventu
nostro Cremenſi Provinciae Brixienſis die 23. Martij 1672.

Fr. STEPHANUS Minister Gen.

Facultas R. P. Provincialis Parisiensis.

VISIS Theologorum nostri Ordinis approbationibus per-
mitto quantum in me est, ut imprimatur liber, cui titu-
lus est: *De necessaria ad salutem gratia omnibus & singulis
data secundum Augustinum.* Authore Patre F. CAROLO-
JOSEPHO Tricassino concionatore Capucino. Datum Pari-
ſiis die 22. Aprilis anni 1672.

F. BASILIUS Parisinus Pr. Parisiensis
Min. Provincialis indig.

EGO Frater Joannes Chrysostomus Ambianus , Ordinis
Fratrum Minorum Capucinorum in Theologia Lector &
definitor Perlegi librum cui titulus est : *De necessaria ad sa-*
lutem gratia omnibus & singulis data secundum D. Augusti-
num, à venerabili P. CAROLO-JOSEPHO Trecenti Theo-
logo Concionatore Capucino editum : in quo sæpe miratus
sum subtilem scilicetque authoris in perscrutanda enuclean-
da, & stabilienda mente D. Augustini, satis alioquin abstrusa, &
in sensus minus Germanos hæcenus à pluribus detorta. Cen-
seo igitur hoc opus dignum quod prælo detur, ut in publicam
utilitatem cedat , & propterea sub signo libens & approbo.
Datum Parisiis Anno D. 1672. 9. Aprilis.

F. JOAN. CHRYSOSTOMUS Ambianus qui supra.

LIBER hic. *De necessaria ad salutem gratia omnibus &*
singulis data secundum D. Augustinum. Authorem suum
V. Patrem CAROLUM-JOSEPHUM Trecentem Theologum
& Concionatorem Capucinum ; verum esse magni Augustini
discipulum manifestat : quippe egregium illum Ecclesiæ Do-
ctorem in omnibus redolet ; mentem ejus utcumque involu-
tam, à paucis devolutam, & bene intellectam aperit ; obscu-
riora ejusdem loca , & abstrusiores sententias clarè explicat ;
perdifficilem de gratia quæstionem ab annis pluribus variè
agitata ita resolvit , ut nulla impofterum difficultas super-
esse videatur ; denique nihil continet orthodoxæ fidei contra-
rium, nihil bonis moribus dissonum, sed doctrinam sanam ad
sedandas fidelium conscientias valde utilem , ideoque librum
qui in lucem prodeat , dignissimum censeo.

Parisiis in nostro majori Capucinorum
Conventu die 13. Aprilis anni 1672.

P. F. CYPRIANUS GAMACHEUS
Concionator Capucinus.

SVMMMA PRIVILEGII.

LUDOVICI XIV. Regis Christianissimi diplomate cautum
Est, ne quis librum, *De necessaria ad salutem gratia omnibus &
singulis data secundum D. Augustinum*, A. P. F. CAROLO-JO-
SEPHO Tricassino, Concionatore Capucino compositum, intra
quinguentium vel Typis mandet, vel mandari curet, aut venalem
habeat, nisi ex consensu prædicti P. F. CAROLI-JOSEPHI
Tricassini, Capucini, ejusdem libri Authoris: idque sub intermina-
tionibus in diplomate contentis. Datum in vico Sancti Germani
die 11. Januarij 1672.

Signatum,

SOUFFLOT.

*Ius autem illud suum, idem P. CAROLUS-JOSEPHUS Tricassinus
Capucinus, cessit, & concessit REGIDIO ALLIOT Bibliopole Pa-
risiensi Jurato, ut patet ex illius Chirographo diplomati apposto.*

Enregistré sur le Livre de la Communauté des Marchands Im-
primeurs & Libraires de cette Ville de Paris, le 14. Octobre 1672.

Signé,

D. THIERRY, Syndic.

SERIES

SERIES EORVM QVÆ IN PRIMA PARTE
CONTINENTVR.

P R I M A P A R S.

Quæ est de gratia sufficiente in genere.

S E C T I O P R I M A.

QUÆDAM prænotanda.

pagina 1

S E C T I O S E C V N D A.

Proponitur generalis conclusio, & ejusdem prima probatio, sumpta ex eo quod voluit Augustinus cum Apostolo, Deum velle omnes saluos fieri: sumens omnes pro singulis.

4

§. I. In quo ostenditur: prædictam Dei voluntatem saluandi omnes, & singulos, esse collatiuam gratie sufficientis, & neceßariæ: nec umquam id infirmatum esse Augustinum.

7

§. II. In quo quædam oppositæ prædictis instantiæ diluuntur.

12

§. III. Vni quæsito Respondetur: & eadem nostra prima probatio confirmatur ex Augustino & Prospero.

15

S E C T I O T E R T I A.

In qua proponitur secunda nostra probatio, sumpta e:

INDEX.

- morte Christi quam agnuit Augustinus esse pro omnibus & singulis hominibus, exponens quosdam textus Apostoli. 17
- Prosecutio ejusdem probationis sumpta ex morte Christi quam etiam agnuit Augustinus esse pro omnibus, & singulis hominibus loquens ex mente propria, & exponens sensum suum. 22
- §. I. Respondetur quibusdam objectionibus contra nostram probationem factis, & primò iis quæ sumuntur ex Prospero. 26
- §. II. Solvuntur objectiones sumptæ ex Augustino contra mortem Christi pro omnibus & singulis hominibus. 29
- §. III. Aliæ solvuntur objectiones, sumptæ ex Augustino contra mortem Christi pro omnibus, & singulis hominibus. 33
- §. IV. Solvuntur objectiones, sumptæ ex Augustino de oratione Christi, quasi non fuerit facta pro omnibus, & singulis hominibus. 37
- §. V. Reliquæ solvuntur objectiones de oratione Christi, quæ si non esset facta pro omnibus, & singulis hominibus secundum Augustinum: ubi & aliquid aliud solvitur objectum ex Prospero. pag. 40

SECTIO QUARTA.

- In qua proponitur tertia nostra probatio, sumpta ex præceptis, seu ex possibilitate præceptorum, à Deo nobis impositorum. 43
- §. I. Quædam contra prædicta solvuntur objectiones, ubi, & apparet, quod quando negat Augusti-

PRIMÆ PARTIS.

nus adesse gratiam, hoc tantum intelligit de proxima, non vero de remota, seu de potentia orandi, quam supponit tunc adesse. 46

§. II. Vbi adhuc ostenditur: Augustinum supposuisse, quod gratia orandi aderat, quando aberat potentia proxime faciendi. 49

§. III. In quo respondetur argumentis negantibus semper adesse gratiam, saltem orandi, quando faciendum est aliquid, quod præcipitur. 52

§. IV. In quo aliis respondetur argumentis, inficiantibus adesse gratiam saltem orandi, quando faciendum est aliquid, quod præcipitur. 55

§. V. Aliarum objectionum ad eandem materiam spectantium, solutio. 59

§. VI. Proponitur vera ratio, cur Adamus non peccasset sicut & nos, si gratia proxima ei defuisset, & ideo præceptum non observasset: & de duplici merito, quorum unum est contrarium gratia, alterum vero non. 62

§. VII. Quibusdam aliis respondetur oppositionibus. 65

§. VIII. Multis aliis respondetur objectionibus de excusatis, & obduratis: ubi & quadam adversariorum impostura detegitur. 68

§. IX. Examinantur quidam modi, quibus absolute impossibile dicitur possibile, & non excusans à peccato in transgressione mandati. 72

§. X. De eadem impossibilitate, & de diversis, cum ea, possibilitatis modis. 76

XI. Eiusdem materiae prosecutio, & finalis conclusio. 80

S E C T I O Q V I N T A .

In qua proponitur quarta nostra probatio , sumpta ex inexcusabilitate reproborum , & damnatorum . sæpe ab Augustino indicata , & inculcata. 84

Prosecutio quarta nostræ probationis sumpta ex inexcusabilitate reproborum , & damnatorum , ut singulariter indicata , & inculcata in speciali quodam loco Augustini. 88

§. I. In quo quædam solvuntur adversariorum objectiones , & ostenditur , quo sensu perperam dixerint Pelagiani contra Augustinum quod ubi ignorantia aderat , ibi culpa aberat . & quo sensu illud idem recte dicant Catholici secundum mentem Augustini. 91

§. II. In quo late explicatur quidam locus Augustini , fallaciter ab adversariis adductus , contra inexcusabilitatem peccatorum. 95

§. III. In quo quidam alij explicantur Augustini loci , contra inexcusabilitatem peccatorum. 100

§. IV. In quo reliqui diluuntur Augustini loci ab adversariis adducti , cum explicata eorumdem doctrina de inexcusabilitate peccatorum. 105

S E C T I O S E X T A .

In qua proponuntur tres probationes sequentes: quarum prima sumitur ex hoc quod redarguit Augustinus impios , eo quod noluerunt bene agere. Secunda ex eo quod non vult quemquam damnari , ob id quod non potuit prestare : tertia ex eo quod dicit Augustinus ,

PRIMÆ PARTIS.

Deum esse avarum animarum nostrarum. 108

SECTIO SEPTIMA.

In qua proponuntur quatuor probationes sequentes, quarum prima sumitur ex singulari quadam propositione Augustini: secunda ex virtute spei: tertia ex adæquata quadam di-visione hominum: quarta ex altera quadam di-visione rerum ad salutem pertinentium. 112

SECTIO OCTAVA.

In qua duodecima exhibetur probatio, sumpta ex interpretatione Augustini in locum illum Apostoli: fidelis est Deus, qui non patietur vos tentari, supra id quod potestis. 115

§. I. In quo solvuntur objectiones ad-versariorum prætendentium, Augustinum solum intellexisse prædictum locum Apostoli de prædestinatis, & iis qui actu vincunt tentationem, & non de aliis. 118

§. II. In quo reliquæ solvuntur objectiones ad eundem, qui supra, scopum collimantes. 121

SECTIO NONA.

In qua proponuntur duæ sequentes probationes sumptæ ex di-versis phrasibus Augustini. 125

SECTIO DECIMA.

In qua proponuntur duæ aliæ probationes sumptæ ex aliis quibusdam phrasibus Augustini. 128

INDEX.

SECTIO VNDECIMA.

In qua dua sequentes proponuntur probationes quarum una sumitur ex eo quod dicit Augusti. Deum expectare pœnitentiam hominum, altera ex locis formalibus vel equipollentibus pro gratia sufficiente. 134

SECTIO DVODECIMA.

In qua proponitur ultima probatio generalis, sumpta ex doctrina discipulorum Augustini. 138

§. I. Testimonia Prosperi, & Fulgentij. ibidem.

§. II. Proponuntur testimonia Orosij Augustini discipuli: ubi & obiter ostenditur ex Augustino, quod possumus vincere omnes tentationes nostras, tam collectivè, quam distributivè sumptas. 142

§. III. Prosecutio ejusdem materia, & in fine testimonia Primasij Augustini discipuli. 146

SECTIO DECIMA-TERTIA.

Sol-vuntur objectiones contra præcedentem doctrinam facta. Et primò ea qua fieri communiter solent. 149

§. I. Prima objectio sumpta ex desertione, & altera sumpta ex apparenti omnis vocationis negatione, proponuntur, & sol-vuntur. 149

§. II. In quo sol-vuntur tres sequentes objectiones: quarum prima est, quod aliqui habent gratias insufficientes, dua cetera, quod habent nullas. 155

§. III. In quo sol-vuntur dua objectiones sequentes qua-

PRIMÆ PARTIS.

rum una est quod Augustinus rejicit gratiam communem, altera est, quod si talis gratia daretur, frustra sunderentur preces ad Deum.
pag. 159

§. I V. In quo octava proponitur obiectio, sumpta ex eo quod asseritur, omnem Christi gratiam esse efficacem. 162

§. V. In quo nona & ultima proponitur obiectio sumpta ex hoc quod nunc justè negatur nobis omnis gratia ob peccatum orig. & est iusta pœna peccati illius. 166

SECTIO DECIMA-QUARTA.

Solvuntur quædam objectiones Estij. 170

SECTIO DECIMA-QUINTA.

Solvuntur objectiones Calvinæ. 174


§. I. In quo multe fraudes reteguntur Calvinianæ.
pag. 174

§. II. In quo quædam alia reteguntur fraudes, & confusiones Calvinianæ in exponendo vero sensu Augustini: ubi & explicatur quid sit esse vas honoris, aut contumelia secundum Augustinum.
pag. 178

§. III. In quo quædam alia reteguntur hallucinationes Calvinæ: & est aliquid de libro D. Augustini de corrept. & gratia, quod est valde notabile. 182

— §. IV. In quo clare explicatur quidam locus difficilis Augustini à Calvino in prævium sensum detortus. 186

I N D E X.



S E C V N D A P A R S.

Qua est de gratia sufficiente in specie.

S E C T I O P R I M A.

Qua est de fidelibus , seu Christianis ; quomodo habeant gratiam necessariam , seu sufficientem ad salutem.
pag. 193

S E C T I O S E C V N D A.

Qua est de infidelibus , seu Paganis ; quomodo habeant gratiam necessariam seu sufficientem ad salutem : ubi & de duplici fide qua creditur primò in Deum , deinde in Christum.
196

§. I. *In quo probatur ex Augustino : quod quilibet Paganus potuit per-venire ad veram fidem , & proinde ad salutem , per contemplationem rerum creatarum , non deficiente eis interna Dei gratia.*
201

§. II. *In quo idem , quod supra , probatur ex Prospero , vero interprete Augustini , & discepto.*
pag. 205

§. III. *In quo duae , quae fieri possent , objectiones contra doctrinam proxime traditam , diluuntur.*
pag. 208

§. IV. *In quo aliqua alia obiectio diluitur , & alter modus additur quo Pagani possunt per-venire ad veram fidem sine predicatione Evangelij,*
ubi

SECUNDÆ PARTIS

ubi & variis questionibus ad id pertinentibus respondetur. 217

§. V. In quo demonstratur : nullam unquam Augustinum agnovisse actionem moraliter ; seu ex omni parte bonam in homine ante omnem fidem ; sed semper putasse quamlibet fuisse aliquam ex parte vitiatam , & peccaminosam. pag. 215

§. VI. In quo demonstratur , predictas infidelium actiones , non ideo vocari malas ab Augustino , quia carent merito vite aeternae , sed quia carent bono fine , aut aliqua circumstantia ad moralem bonitatem requisita , & non aliter. pag. 219

§. VII. Eiusdem contentionis , seu eiusdem materiae profuturum. 224

§. VIII. In quo proponitur , & exponitur Augustini conclusio de operibus infidelium , & contraria cuiusdam eiusdem conclusionis expositio reiicitur. 227

§. IX. In quo magis ac magis ostenditur predictae absurditatis expositionis nobis adversae , & exponitur quatuor momenti putavit Augustinus esse in disputationem de bonis operibus moralibus infidelium , quam putavit pertinere ad fidem , contra multorum opinionem , prout calumniam eius doctrinam. 231

§. X. In quo ostenditur , quod non obstante praecedente doctrina non peccant tamen necessario infideles , sed libere , & cum indifferentia : ubi

I N D E X

- de contrariis quibusdam satisfat obiectionibus.* 235
- §. XI. *Alique alia solvuntur obiectiones contra libertatem infidelium, & eorum gratiam sufficientem recapitulatur.* 238
- XII. *Duo difficiles Augustini loci exponuntur, & ostenduntur, non esse contra gratiam sufficientem infidelium.* 240

S E C T I O D E C I M A.

- Qua est de Iudaeis: quomodo habeant gratiam necessariam seu sufficientem ad salutem.* 244
- §. I. *Solvuntur obiectiones contra praecedentem doctrinam: & ostenditur, antiquos Iudeos habuisse veram, & eandem fidem, quam habent Christiani secundum Augustinum.* 247
- §. II. *Proponuntur quaedam rationes, cur Augustinus saepe depresserit vetus testamentum: & tandem ostenditur, Neotericos Iudeos etiam habere gratiam sufficientem, sed eis resistere secundum Augustinum.* 251


S E C T I O N O N A.

- Qua est de induratis: quomodo habeant sibi necessariam, & sibi sufficientem gratiam ad salutem.* 254
- §. I. *Solvuntur quaedam obiectiones contra praecedentem doctrinam.* 259
- §. II. *Alique alia solvuntur obiectiones: ubi & de impotentia propria & impropria.* 262
- §. III. *Reliquae solvuntur obiectiones contra sufficientem induratorum gratiam.* 264

SECVNDÆ PARTIS.

SECTIO QVINTA.


*Qua est de parvulis, quomodo habeant sibi necessariam,
& sibi sufficientem gratiam ad salutem.* 268



ELENCHVS ERRATORVM.

Pagina 17. linea 36. a. pone s.
p. 27. l. 30. alium. p. alius.
p. 43. l. ult. certit vine. p. certitu-
dine.
p. 52. l. 31. scire. p. sciri.
p. 77. l. 28. dele. (
p. 84. l. 14. resisteres haberes (un-
de. pone. resisteres (haberes
unde.
p. 101. l. 22. infidelibus invincibi-
liter, ignorantibus. p. infideli-
bus, invincibiliter ignorantibus.
p. 113. l. 37. per noc. p. per hoc.
p. 114. l. 27. sentient. p. senties.
p. 125. l. 18. invitam p. invitum.

p. 147. l. 5. sive. p. sine.
p. 150. l. 28. alite. p. aliter.
p. 191. l. 27. posse. p. posset.
p. 202. l. 1. solatum. p. solatium.
p. 206. l. 23. consilij, adde. quibus.
l. 41. Paganis. p. Paganis.
p. 211. l. ult. cum. adde. hæc.
p. 230. l. 32. capies. p. capiet.
p. 237. l. 12. vel adde. ad spem fu-
turi sæculi, vel.
p. 238. l. 22. impleteret. p. implevit.
p. 262. l. 7. X l. p. II. l. 31. frustra,
p. frustra.
p. 271. l. 28. erant. p. erunt.





DE NECESSARIA AD SALUTEM
GRATIA,
OMNIBUS ET SINGULIS
DATA,

SECUNDUM AUGUSTINUM.

P A R S P R I M A.

SECTIO PRIMA.

QVAEDAM PRAENOTANDA.

VT plenius capiatur quicquid in hoc opere disputare præ-
tendimus, annotanda valde tria sunt: primum est: quod
hic per gratiam necessariam intelligimus eam gratiam sine
qua salvari nemo potest: & non solum hoc; sed etiam,
& præcipuè talem intelligimus gratiam quæ vere sufficiat
ad salutem cum effectu consequendam: parum enim, aut nihil pro-
desset nobis habere gratiam necessariam, seu talem sine qua salvari
non possumus, nisi etiam talis esset, cum qua salvari possemus, seu
nisi etiam sufficiens illa esset ad salutem nostram consequendam.
Quapropter talem gratiam toto hoc opere prosequemur, quæ est
necessaria, & sufficiens ad salutem, & non solum necessaria, quia sine
ea non possumus: sed etiam sufficiens, quia cum ea possumus, quod est
præcipuum ad salutem, & sic de tali gratia toto hoc opere disseremus.
Secundum autem, quod bene notari volumus, est: quod longe aliter

sumpsit Augustinus istam gratiam sufficientem & necessariam quam nunc sumunt Doctores scholastici: illa enim gratia, sufficiens Augustino visa est, quæ æquales habebat vires cum effectu, sive illum actu poneret sive non: de qua gratia sufficiente, ut prorsus homini necessaria formaliter disputavit cum Pelagianis, & Semipelagianis Augustinus: his contententibus gratiam illam sufficientem esse solum in intellectu, illo vero contra contentente non sufficere gratiam in intellectu, sed præterea requiri aliam in voluntate necessariam per quam ipsa voluntas sufficiens, & satis potens fieret ad bonum agendum, & sine qua nihil posset nisi male. Doctores vero scholastici aliter definire voluerunt gratiam sufficientem, & præter æqualitatem virium, quam requirunt in ea ad effectum ponendum sicut Augustinus, adhuc volunt eam non habere effectum: non sane quod ei repugnet effectus, aliàs non jam esset sufficiens, in eo vero nec potens, sed quia si haberet effectum, non jam pertineret ad gratiam sufficientem, sed ad gratiam efficacem, cui soli tribuunt effectum, & non alteri: Quæ divisio, ut voluntaria est, ita & reprehendenda non est, nisi quod aliqui abutentes ista divisione, & naturalem eam, & non voluntariam existimantes, hinc sumperunt occasionem calumniandi gratiam sufficientem velut inutilem, cum numquam habeat effectum: non satis advertentes, aut certe advertere nolentes istam divisionem sumptam esse ab effectibus, non autem à naturis, & proinde non esse inutilem gratiam sufficientem, cum non minus vere possit efficere quam efficax, sed per accidens esse, quod non habeat effectum, quia nempe non lubet arbitrio humano dare illi effectum, cum posset, & deberet, & sic illa, effectu caret, non ex defectu suo intrinseco, sed ex culpa illius ad quem adjuvandum missa fuerat, qui noluit eam audire, nec in ea sibi complacere, ut poterat, & debebat, sed maluit sibi complacere in opposita motione concupiscentiæ, & cum ea male agere, quam cum gratia Dei bene: & inde est tota hominis miseria, quam sæpe lamentatur Augustinus, & eam exprobrat humanæ malitiæ, quæ magis amat inimicæ favere concupiscentiæ, quam amicæ Dei gratiæ; quid enim poterat Deus amplius in favorem hominis, quam dare ei vires potentissimas contra concupiscentiam, ad consequendam suam salutem, & illas illius arbitrio dimittere, ne libertas ejus læderetur, & meritum tolleretur: hæc fecit Deus in gratiam hominis, & homo in contumeliam Dei, mavult sæpe eligere partes diaboli quam ipsius Dei, abutendo sua potestate, abutendo gratia Dei sufficientem, raro consentiendo illi gratiæ, sæpe vero concupiscentiæ.

Sic ergo sumimus cum Augustino gratiam sufficientem, pro ea quæ potest ponere effectum intentum à recipiente, sive ille effectus actu ponatur, sive non: hoc enim indifferens est ad illam gratiam sufficientem secundum Augustinum, quandoquidem loquitur de ea, nunc ut habente effectum, nunc ut non habente illum prout videre est in præcedentibus nostris tractatibus.

Denique notandum est quod gratiarum sufficientium aliæ sunt pro-

ximæ, aliæ remotæ: illa enim dicitur gratia sufficiens proxima, quæ proxime & immediate potest attingere effectum, remota vero dicitur illa, quæ non nisi alia mediante potest ad effectum intentum pertingere, vere tamen, & proprie utraque sufficiens est, quia nihil hoc detrahit de ratione sufficientiæ, quod non proximè possim bene agere, si aliunde possim obtinere id unde proximè bene agam, vel orando, vel elemolynas faciendo, vel alia facilia præstando ad quæ Deus dat ordinariè gratias proximas ut per illa nos disponamus ad difficilia, ad quæ non ita solet Deus dare gratias proximas secundùm Augustinum: unde & ipse monet omnes fideles lib. de Nat. & Gr. cap. 68. quod ubi difficultatem aliquam sentiunt, fidelissimis, & perseverantissimis precibus, & misericordiæ promptis operibus facilitatem à Domino impetrare persistant. Et infra capite 69. ait, quod quia firmissime creditur, Deum justum & bonum impossibilia non potuisse præcipere, hinc admonemur, & in facilibus quid agamus (in quo est gratia proxima & immediata ad actum) & in difficilibus quid petamus (in quo est gratia solum remota ad actum) & adhuc infra: petat quo destituitur (scilicet gratiam proximam) ut impleat quod jubetur. Et sic patet quod ad facilia immediatum auxilium datur secundum Augustinum, ad difficilia vero non nisi mediatum, utrumque tamen vere sufficiens, ut supra expositum est.

Sed quia posset aliquis putare secundum errorem aliquorum, quod gratia sufficiens dividi deberet in exteriorem & interiorem: quasi nempe illa fuisset Pelagianorum, hæc autem Augustini, & Catholicorum: ideo hinc monemus quod hæc divisio falsa est: ex quo enim Pelagiani cœperunt dicere se admittere aliquam gratiam, admiserunt interiorem, non solum in hoc quod ponerent illam in libero arbitrio, quod quiescam internum est, sed etiam in hoc quod admitterent legem, & doctrinam, per quas intelligebant gratias internas ad intellectum, & cognitionem pertinentes, scilicet divinas illuminationes, & revelationes (quæ omnino internæ sunt) ipso interpretante Augustino libro de gr. Christi capite 7. & sequentibus: unde numquam fuit inter illos scilicet inter Augustinum & Pelagianos disputatio de tali gratia sufficienti, sed tantum, ut diximus, de gratia pertinente immediate ad voluntatem, & de gratia pertinente ad intellectum, hanc solum admittentibus Pelagianis, ut vere sufficientem, alteram autem adhuc requirente Augustino ut necessariam præter prædictam, ad hoc ut homo vere sufficiens esset ad salutem: de quo quia satis alibi disputavimus, ideo non est necesse quicquam hic ibi dictis adjicere.

His itaque prælibatis, hæc erit methodus totius nostri tractatus. Primo probabimus in genere dari gratiam necessariam, & sufficientem ad salutem, omnibus & singulis hominibus. Deinde id probabimus in specie, aut potius explicabimus, quomodo id fiat in speciebus singulis: diversæ enim illæ species diversas habent difficultates. æ quarum nitida (faciem nobis præferente Augustino) sigillatim expo-

sitione spero non minimam percepturum esse lectorem jucunditatem ; & nostro labori esse gratulaturum : alia enim difficultas est ; quomodo gratia sufficiens communicatur fidelibus , seu Christianis , alia quomodo hæreticis & Judæis , alia quomodo paganis , alia quomodo parvulis nondum usum rationis habentibus , quas Deo optimo dante , & fidelissimo servo ejus Augustino suffragante , suo quasque ordine explicabimus : Primo itaque proponemus generalem conclusionem , & eam confirmabimus contra generales objectiones. Deinde subjiciemus singulares conclusiones , & eas similiter pro viribus explicabimus , atque confirmabimus contra particulares objectiones.

SECTIO SECUNDA.

*Proponitur generalis conclusio , & ejusdem prima probatio ,
sumpta ex eo quod voluit Augustinus cum Apostolo , Deum
velle omnes salvos fieri : sumens omnes pro singulis*

It itaque unica illa generalis conclusio : Gratia vere sufficiens ad salutem , datur omnibus , & singulis hominibus secundum Augustinum.

Probatio I. Probatur 1^o ex eo quod libro de sp. & litt. c. 33. adducens textum illum Apostoli : Deus vult omnes salvos fieri , & in agnitionem veritatis venire , nullam ibi apponit limitationem , quasi hoc pertineret ad omnes ut multos , non vero ut ad singulos , sed tantum indicat , illam bonam voluntatem ita debere intelligi , ut non imponat necessitatem hominibus , sed relinquat eis libertatem , tam ad malum quam ad bonum , ut patet ex his verbis quæ illi textui adjicit : non sic tamen , ut adimat lib. arbitrium quo vel bene , vel male utentes justissime judicentur. Ubi vides clarissime , nihil prorsus Augustinum excipere ab illa generali bona Dei voluntate quoad salutem omnium , nisi quod vult ita illam intelligi operari in unoquoque homine , ut non adimat liberum eorum arbitrium , sed bene compatiatur cum eo , per quod solum excludit gratiam determinantem , seu necessitantem arbitrium & nihil prorsus aliud. Nam quod per particulam illam , omnes , intelligat singulos Augustinus ipse satis indicat serm. 101. de divers. c. 2 : ubi referens aliquam sententiam alicujus sancti Episcopi , nomine Fructuosi , qui hanc interpretationem jam dederat illi termino , laudat , & approbat eam , & aliis verbis eam repetit dicens : audistis persequentium interrogationes , audistis consistentium responsiones , cum sanctorum passio legeretur. Inter cætera , quale erat illud beati Fructuosi Episcopi : cum ei diceret quidam , & peteret , ut eum in mente haberet . & oraret pro illo , respondit : me orare necesse est pro Ecclesia catholica ab oriente usque ad occidentem diffusa ; quis enim oret pro singulis (id est sigillatim pro unoquoque in particulari) sed neminem singulorum pra-

verit, qui orat pro universis : ab eo nullum membrum præmittitur, cujus oratio pro toto corpore funditur. Ubi vides clarissime omnes seu universos sumi pro singulis supra quod sic ait Augustinus ; quid ergo vobis videtur admonuisse istum Christi beatum confessorum . à quo rogabatur , ut oraret pro eo , quid putatis , sine dubio intelligitis : commemoramini & à nobis : rogabat ille ut oraret pro illo , & ego , inquit , oro pro Ecclesia Catholica ab oriente usque ad occidentem diffusa , *tu si vis , ut pro te orem , noli recedere ab illa , pro qua oro*. Ubi clare vides , Augustinum , sicut illum sanctum , censuisse universitatem comprehendere singulos . & per hoc eum censuisse , particulam omnes , de natura sua significare singulos , & ita debere semper exponi , nisi scilicet obstat subjecta materia , seu loci circumstantia , vel adversariorum fallacia , quod semper supponendum est : hinc enim est , quod cum alibi Pelagiani vellent supradictum textum Apostoli intelligi de voluntate Dei absoluta salvandi omnes , quorum tamen aliquos non posset salvare , eo quod id non penderet primitus ab eo per gratiam suam prævenientem , sed ab homine ipso , prius incipiente per arbitrium suum , quod erat apertissime contra gratiam Dei prævenientem . & omnipotentiam divinam , qua potest , & debet deus disponere de voluntatibus hominum prout vult , & non expectare , ut homo incipiat , ad hoc ut ipse solum perficiat . Cito vult abjici istam absurdissimam , & Deo , & gratiæ injuriam interpretationem generalem & ad alias confugi , sed tantum , ut evitetur tale inconveniens : unde & ibi permittit quasi libet volueris etiam generales interpretationes , modo non sint contra prædictam gratiam Dei , & ejus omnipotentiam , ut alibi demonstravimus . At vero ubi potuit illam particulam , omnes , sine ullo inconveniente intelligere de omnibus ut singulis , illā ita intellexit Augustinus , ut patet ex libro contra mendacium c. 1. ubi explicans illud *Psalmi* 7. *Odisti Domine omnes qui loquuntur iniquitatem , perdes omnes qui loquuntur mendacium* ; sic ait : non enim aliquos excipit (quid clarius) aut indefinite dixit , perdes loquentes mendacium , ut quosdam , non omnes intelligi sineret , sed universalem sententiam protulit dicens : perdes omnes qui loquuntur mendacium . Ubi clare apparet omnes opponi omissioni aliquorum , & per hoc sumi pro singulis : & lib. 2. contra litt. petil. c. 22. loquens de illis verbis quæ dixit Christus Apostolis , *Iam vos mundi estis , sed non omnes* , sic ait : dictum est , mundi erant *sed non omnes* , quia erat illic unus immundus . Ubi clare vides eum sumere omnes pro singulis . In quo sensu etiam in eodem libro c. 32. opponit omnes quibusdam ; & lib. 10. de Genesi ad litt. c. 16. explicans illum locum Apostoli . Sicut in Adam omnes moriuntur , vult ibi omnes sumi nullis exceptis : seu quod idem est , non quibusdam exceptis : & idem indicat in explicatione illius loci ad Rom. 5. quo dixit Apostolus : per unum hominem peccatum intrasse , & in omnes transisse mortem : quem volebat Julianus intelligi solum de multis , qui imitatione , & non de omnibus , & singulis , qui generatione peccassent , in quo

negabat peccatum originale : vult Augustinus eum intelligi de omnibus, & singulis, qui generatione peccassent. Et revera ita intelligitur, & debet intelligi secundum fidem Catholicam, unde & id acerrime propugnat Augustinus, contra prædictum hæreticum libro 2. operis imp. f. c. 114. 145. 147. 148, & multis aliis. Item & hunc locum Joannis 16, ubi ait Christus : *omnia*, quæ pater habet, mea sunt : quem Arriani volebant solum intelligi de aliquibus bonis, ut negarent divinitatem Christi : contra, ipse vult Augustinus intelligi de omnibus, & singulis bonis, quæ erant in patre ut patet ex his illius verbis : *dum dicit omnia, nihil reliquit* (id est nihil exceperit) quod minus haberet à patre : omnia, id est unius deitatis potentiam, substantiam, maiestatem. Item & hunc locum psalmi 103 : *omnia* à te expectant, ut des illis escam in tempore opportuno : vult intelligi de omnibus, & singulis & non tantum de aliquibus, dicens : *Si omnia omnes : si omnes & nos*, ubi clare vides eum sumere omnes pro singulis & proinde illum voluisse, istum terminum, omnes, sumi pro singulis. Item & explicans istum locum Joannis. Christus Salvator omnium. Serm. 2. non longe ab initio in 2. parte supplementi, sic ait : si salvator *omnium* hominum : ergo & Joannis. Neque enim Joannes non homo. Et paulò post : agnoscit itaque (scilicet Joannes) omnium salvatorem (esse) *suum*. Ex quibus omnibus manifestum est, Augustinum voluisse semper, omnes sumi pro singulis, quando scilicet non obstarit loci circumstantia, vel adversariorum fallacia : unde dicendum est quod cum in aliquibus locis, contra Pelagianos scribens, interpretatur illum textum Apostoli supra allatum : scilicet Deus vult omnes salvos fieri, aliter quam pro omnibus, & singulis hominibus : id solum facit, eo quod illo abutebantur isti errantes contra gratiam Dei prævenientem, & omnipotentiam divinam, ut dictum supra est. Propter quod necessariorum consuegendum fuit ad alias interpretationes, ut evitaret illud inconveniens. Et hinc est, quod cum solum illud inconveniens evitare vellet, dat cuiuslibet liberam eum quomodo voluerit interpretandi facultatem, modò non sit contra prædictam Dei gratiam, & omnipotentiam divinam, ut late explicavimus in nostra disput. de prædest. ad gl. parte 1. sect. 7. §. 2 puncto 5.

Serm. 6 de temp. non longe ab initio.

Serm. 72. de temp. cap. 5.

Volebat Augustinus, verba scripturæ simpliciter ferri, ut sonant quædo nullam hinc inferrebat inconveneris : si fecus autem volebat ea sumi aliter : tunc clare indicat libro 2 de Genes. ad litt. c. 1. & 7.

Unde non est mirum, quod cum nondum abusi fuissent supra allato Apostoli textu Pelagiani, quando usurpavit eum in loco præallegato (cum locus præallegatus decerptus sit ex libro qui conscriptus fuit longe antequam scriberet Julianus pro eis) illum Augustinus intellexerit generaliter de omnibus, & singulis hominibus cum nullum tunc inconveniens hinc timendum esset : quandoquidem non intelligebat eum de voluntate Dei absoluta, quemadmodum interpretati sunt eum postea Pelagiani, quo pacto erat contra gratiam Dei prævenientem, & omnipotentiam divinam, ut supra explicatum est : sed de voluntate Dei affectiva, & conditionata, & gratiarum ad salutem vere sufficientium, præparativa, quo pacto nihil continet contra gratiam

Dei prævenientem, cùm supponat gratiam ante actionem arbitrii : nec contra omnipotentiam divinam, cùm per prædictas gratias sufficientes, quarum aliquæ sunt effectum habituræ, ex voluntate tamen hominis, aliz non habituræ, possit Deus facere de voluntatibus hominum quicquid ipse velit, dando scilicet quas volet gratias ex his omnibus secundum futurum earum exitum quem præviderit & intenderit, ut alibi explicuimus, scilicet in tract. de indifferent. 1. parte. Ex quibus manifestum est, quod in loco Apostoli supra allato pro prædicta bona Dei voluntate erga salutem omnium, sumpsit Augustinus particulam illam, omnes, pro singulis : cùm ut dixi nihil ibi obfaret illi interpretationi per se germanæ, & naturali, & ut tali ab eo aliquando admisse, & usurpatæ, ut vidimus, quandoquidem nondum Pelagiani, per os supradicti Juliani, textum illum corruperant, nec generalitatem ipsius contra gratiam Dei prævenientem, & omnipotentiam divinam, ut supra explicatum est, depravaverant. Unde quantum ad hoc nullam superesse video dubitationem vel difficultatem.

§. PRIMUS.

In quo ostenditur : prædictam Dei voluntatem salvandi omnes, & singulos, esse collativam gratiæ sufficientis, & necessariæ : nec unquam id inficiatum esse Augustinum.

AT vero, quod illa bona Dei voluntas erga salutem omnium, & singulorum, non sit sterilis, & inactiva secundum Augustinum, facile probare est ex prædictis verbis Augustini, quibus exponit textum illum addens quasi correctionem contra illorum calumniam, qui ita potuissent explicare bonam illam Dei voluntatem quasi imponeret hominibus necessitatem, & tolleret ab eis liberum eorum arbitrium, seu liberam ab eis boni, vel mali electionem. Vult, inquit, Deus omnes homines salvos fieri, & in agnitionem veritatis venire : non sic tamen ut eis adimat lib. arbitrium, quo vel bene, vel male utentes justissime judicentur. Per quod ipse aperit, quod ipse putavit Deum ex vi bonæ voluntatis istius aliquid operari in nobis, sed non ita tamen, ut per actionem suam determinaret, aut necessitaret arbitrium nostrum ad bene agendum, sed tantum ita ut præberet ei necessarium auxilium ad sic agendum, & postea relinqueret illud indifferens, & liberum ad agere, vel non agere, ad uti gratia data, vel non uti, ut juxta bonum, vel malum illius usum justissime judicaretur : nam si talem voluntatem, putasset sterilem, & inactivam, & nullius gratiæ largitricem, quid opus erat ista quasi correctione, & comminatione, cùm à mera voluntate inactiva nihil sit metus, aut periculi in aliis, quod ab eis ipsa auferat libertatem, & imponat necessitatem. Unde cùm illam quasi correctionem, & comminationem ibi addiderit Augustinus, manifestum est, quod per illam voluntatem non intellegit

Ita naturalis est sumptio termini, omnes, pro singulis : ut cum Christus Dominus vellet laudare suos Apostolos de eorum puritate, & munditia, noluit tamen dicere quod omnes erant mundi, ob unicuiquidam qui non erat mundus, sicut alij. Et vos, inquit, mundi estis sed non omnes : scilicet bar enim inquit Evangelistam esset qui traderet eum, præterea dixit, non estis mundi omnes.

xit sterilem, & inactivam, sed alicujus gratiæ operativam, à qua quidem absolute penderet arbitrium in bene agendo, sed id omnino libere, & expedite: ita ut ea uti, vel non uti ex ejus libito penderet, & per hoc secundum illum usum sibi prorsus liberum justissime judicaretur.

Et sane si putasset Augustinus, illam voluntatem Dei generalem sterilem esse, & inactivam, & non prævenientem arbitrium per aliquam gratiam positivam, & necessariam, omnino ex tunc tenuisset posteriorum opinionem Pelagianorum, qui sic postea interpretati sunt textum illum Apostoli, quasi voluntas illa Dei expectaret solum, ut homo per se bonum inciperet, ut post modum cooperans cum illo, eum coronaret, prout infra videbimus ex ipsomet Augustino: unde illam sine dubio sententiam retractasset, ut erroneam, & hereticam quod non videmus factum in retractationibus libri illius, licet exactissime retractet ea omnia, quæ aliquando scripsit etiam tantisper accedentia ad errorem Pelagianum. Ex quo manifestissimum est, quod putavit illam voluntatem esse largitricem gratiæ, sed non talis gratiæ, quæ labefactaret arbitrium, aut liberam ejus electionem, sed potius faceret ipsum vere liberum & indifferens ad bonum & malum dando ei potestatem boni, cum prius solum haberet potestatem mali, ut sæpe alibi explicuimus. In hoc enim uno formaliter dissidebant Augustinus, & Pelagiani, quod licet utrique tenerent libertatem, atque indifferentiam ab bonum, & malum esse in homine lapsò, tamen volebat Augustinus, illam libertatem esse à gratia sine qua nihil prorsus boni fieri posset ab homine: Pelagiani autem id pernegarent, perperam existimantes, illam dependentiam à gratia in agendo, esse libertati contrariam, ita ut assererent: non esse lib. arbitrium, si gratia Dei indigeret: unde cum explicarent illam Pauli sententiam, Deus vult omnes homines salvos fieri &c. dicebant Deum, ex vi bonæ illius voluntatis velle quidem coronare hominem, sed prius expectare ut homo per se Deum quæreret, & oraret, & pulsaret ad eum, quibus præcedentibus conatibus mere humanis, & sine gratia Dei factis, bona Dei voluntas suam gratiam, ut eis debitam, & ab eis promeritam retribueret quod longe diversum est ab interpretatione Augustini & nostra, quæ non alia est quam Augustini, qui è contrario nolebat bonam illam Dei voluntatem expectare ullam actionem, seu motionem arbitrij, per se quærentis, orantis aut pulsantis ad Deum; sed volebat quod illa bona Dei voluntas prorsus præveniret, & præmoveret omnem talem actionem, ita quod ipsa Dei voluntas causa esset cur homo quæreret, oraret, & pulsaret ad Deum: ita tamen præmovendo, & præexcitando per gratiam voluntatem hominis ad agendum, ut non adimeret ei suum liberum arbitrium quo bene vel male utens, ut poterat libere & indifferenter, postea justissime propter acta sua judicaretur. Quam differentiam interpretandi locum illum Apostoli non advertentes quidam ex adversariis, mirum est, quam graviter lapsi

In tractatu de indifferenti lapsi hominis.

lapi sunt in indagando vero sensu Augustini quoad bonam illam Dei voluntatem circa salutem omnium : ita ut veram, & Catholicam, & Augustinianam sententiam imaginati sint esse opinionem Pelagianam : unde & putarunt supra allatum textum Augustini, esse objectionem Pelagianam, & non assertionem Augustinianam, quod alibi fufe confutavimus. Certe ista duo longe differunt : Deus vult omnes salvos fieri, *sine* prae-supposita necessaria in voluntate gratia : & Deus vult omnes salvos fieri *ex* prae-supposita necessaria in voluntate gratia : prior sensus erat Pelagianorum, contra gratiam praevenientem, ut jam explicuimus : posterior Augustini, & ejus discipulorum, pro gratia ipsa praeveniente, ut etiam supra explicuimus. Unde cum impugnant Augustinus, & illius discipuli scilicet Prosper, & Fulgentius, abulum illius textus in Pelagianis, & Semipelagianis nihil aliud arguunt, & reprehendunt in eis, quam negationem gratiae praevenientis, & praequisitae ad bene agendum, ad quaerendum, ad orandum, & ad pulsandum ad Deum, & non aliud : non gratiam indifferentem, non determinationem propriam, non denique quippiam eorum quae pertinent ad plenam, & perfectam libertatem arbitrij lapsi hominis quoad bonum, & malum ; sed meram, & puram negationem gratiae praevenientis, ut patet etiam ex ipsis Augustini textibus, quos perperam ipsimet pro se citant adversarij. Et primo id patet ex illo quem citant ex libro 4. contra Jul. c. 8. ubi sic loquitur Augustinus Pelagianis perperam utentibus supradicto loco Apostoli. Ibi vos, ut video, ponere jam coe-pis *merita gratiam praecedentia* quod est petere, quaerere, pulsare (scilicet ante gratiam, ut patet ex his verbis : *merita praecedentia gratiam* : & patebit ex sequentibus) ut his meritis debita illa reddatur, ac sic gratia inaniter nuncupetur, tanquam *gratia nulla praecesserit*, &c. ubi solum vides redargui negationem gratiae praevenientis : unde & paulo post subdit locum supra allatum Apostoli dicens : ut videlicet intelligamus docentibus vobis, ideo non omnes salvos fieri, & in agnitionem veritatis venire, quia ipsi nolunt petere (per merum scilicet lib. arbitrium sine gratia ut patet ex praedictis) cum Deus velit dare, nolunt quaerere, (per merum scilicet arbitrium sine gratia) cum Deus velit ostendere : nolunt pulsare (per idem scilicet merum arbitrium sine gratia) cum Deus velit aperire.

Ubi luce ipsa clarius vides, nihil prorsus in istis reprehendi quam meram, & puram negationem gratiae praevenientis, seu quod idem est, meram, & puram actionem arbitrij, per se solum bene agentis ante gratiam : cum in eorum sensu dicat, quod ideo homo non accipit gratiam, quia ipse per se non vult agere bene, cum bene posset agere sine illa, si vellet : ubi quidem est conditio praerequisita, ad hoc ut Deus actu salvos faciat, sed longissime diversa ab ea quam postulat Catholicis, ad hoc ut Deus actu salvos faciat : cum illa Pelagianorum, sit actio meri arbitrij sine gratia, haec autem Catholicorum, sit actio arbitrij cum gratia, seu consensus in gratiam. Unde non est quod ex-

lib. de
prae-dest. ad
gl. 1. parte
sect. 7. §
2. puncto 2.

Adversarij
utramque
conditio-
nem con-
fundunt. &
volunt no-
stram ean-
dem esse,
ac pelagia-
nam, quod
falsum est :
nam quod
conditio-
nem aliquam
postulave-
rit Augu-
stinus. pa-
ter ex no-
stro tract.
de indiffe-
renti &c.
parte 2. to-
ta. si d. pra-
cipue arg.
8. & 9.

probrent nobis adversarij quod ad illam salutem de qua fit mentio in textu Apolloli praequirimus conditionem sicut Pelagiani, cum illa conditio quam requirimus sit longe diversa ab ea quam praequirebant isti errantes: quandoquidem illa quam praequirebant Pelagiani, erat, ut supra vidimus, praevenienti gratiae contraria, & per hoc haeretica; ea autem quam requirimus, ita est gratiae praevenientis amica, ut sine illa gratia, haec conditio subsistere prorsus non possit, cum prorsus supponat eam, unde & est Catholica, & Augustiniana, & ipse Augustinus exprimit eam lib. de Catechis. rud. c. 26. ubi ait: quod *Deus à pañis sempiternis homines vult liberare* (quod est velle salvare) si sibi ipsi non sunt inimici, si non resistunt misericordiae creatoris sui.

Nec verò minus clarum est, Augustinum idem solum reprehendisse in Semipelagianis gratiae praevenientis negatoribus quoad initium fidei: ut patet ex illo ipso altero textu quem citant ibidem profe adversarij ex Epistola 107. ad Vitalem. Semipelagianis autem ubi verba ista tribuit illi erranti, seu ut errorem suum defendenti Augustinus. Operatur quippe ille dicis, quantum in ipso est, ut velimus: *cum nobis nota sunt ejus eloquia*: sed si eis acquiescere nolumus, nos, ut operatio ejus nihil in nobis prosit, efficiamus. Ubi vides solum commemorari gratiam intellectus, seu cognitionis, per hae verba: cum nobis nota sunt ejus eloquia: siliis autem penitus gratiam voluntatis, seu in voluntate residentem, & praeexcitantem illam ad bonum, quae erat sola gratia praeveniens hominis lapsi secundum Augustinum, cum altera esset tantum Adami, seu hominis stantis, & sani, quam libenter admittebant Semipelagiani cum Pelagianis; putantes naturam esse sanam quoad initium fidei, alteram autem repudiabant, cum supponeret naturam xgram, quod fateri nolebant isti errantes quoad initium fidei. Unde & adhuc infra referens ejusdem errantis opinionem Augustinus, sic ait. Hic tu rursus fortasse dicturus es hoc fieri (id est gressus hominis dirigi) à Domino, dum doctrina ejus legitur (audis meram intellectus gratiam) vel auditur, si homo veritati, quam legit, vel audit (quae solum indicant gratiam in intellectu) sua consentiat voluntate (scilicet per illam solam gratiam acceptam ut etiam mox sequitur) ac per hoc tantum putas à Domino gressus hominis dirigi ad eligendam viam Dei, quia sine doctrina Dei (quae est mera gratia intellectus) non ei potest innotescere veritas (per quod adhuc solum indicatur gratia intellectus seu cognitionis) cui propria voluntate consentiat. Cui si consentit, inquis, quod in ejus lib. arbitrio constitutum est: rectè utique dicuntur ab illo dirigi gressus ejus, ut viam ejus velit, *cujus doctrinam susceptione praecedente* (quod adhuc solam indicat intellectus gratiam) subsequente consensione scèdatur: quod libertate naturali (id est innata, & non data à Deo per gratiam in voluntate necessariam, & supernaturalem) si vult facit, si non vult non facit; pro eo quod fecerit primum recepturus (scilicet gratiam perficientem, & augmentem fidem inceptam) vel supplicium (id est negationem istius gratiae, quae admodum supra dicebant

Pelagiani, & mox sequitur) hæc est illa Pelagianorum mala, male dif-
 famata, meritoque reprobrata, & ab ipso etiam Pelagio timente dam-
 nari in orientalium Episcoporum judicio damnata sententia: qua di-
 cunt gratiam Dei non ad singulos actus dari (hi autem negabant dari
 ad initium fidei) sed in libero arbitrio esse vel in lege atque doctri-
 na (quod est gratia intellectus) & usque adeo, frater, erimus graves
 corde? ut de gratia Dei (scilicet præveniente, quam solam negabant
 Pelagiani) nemo adversus gratiam (scilicet prævenientem) eam Pe-
 lagianam sententiam teneamus, quam peccatore quidem ficto, sed ta-
 men Catholicos judices timens Pelagius ipse damnavit. Ubi solūm
 vides reprehendi ab Augustino in isto Semipelagiano negationem
 gratiæ prævenientis, ut supra fecerat in Pelagianis. Quod & late
 profequi possemus si vellemus, cūm reliqua omnia, quæ nobis obji-
 ciunt adversarii, nihil aliud innuant, quàm negationem gratiæ præ-
 venientis in voluntate necessariæ, & solam asserant gratiam intelle-
 ctus esse necessariam, quæ non erat gratia præveniens lapsi hominis
 secundum Augustinum. Vnde non multum me movent quædam inter-
 polata Augustini, Prosperi, & Fulgentij, non tam testimonia quàm
 verba, quæ postea suis assuunt adversarii, ut conficiant suum inten-
 tum, non audent asserre testimonia ipsa integra, ne fraus eorum
 detegeretur: cum satis pateat ex dictis, in quo sensu dicebant, &
 reprehendebantur ab istis patribus isti errantes, dum dicerent Deum
 velle omnes salvos fieri quantum in ipso est, aut si ipsi homines vel-
 lent, cūm supra satis ostenderimus quod ipsi ad ita intelligebant, ut
 Deus suæ isti bonæ voluntati præsupponeret actionem hominis, seu
 bonam hominis voluntatem, quærentem, orantem, & pulsantem ad
 eum ante gratiam, cui quasi in compensam ipse Deus cooperaretur,
 quantum in se est, ad æternam ejus salutem, cum ipse homo jam per
 seipsum semetipsum disposuisset ad hanc cooperationem Dei: qui sen-
 sus, quantum distet à nostro, satis patet ex dictis, cūm nos è contra
 dicamus bonam Dei voluntatem nihil prorsus supponere in nobis,
 quod mereatur ejus gratiam, aut divinam ejus cooperationem, sed
 ipsam potius Dei voluntatem ponere initium boni in nobis per gratiam
 suam sufficientem, omne prævenientem bonum opus arbitrij, cui
 gratiæ si assentiamur, cooperabitur nobiscum ad æternam nostram
 salutem, & sic salvos faciet nos Deus secundum prædictam suam bo-
 nam voluntatem. Vbi vides oppositum Pelagianicæ sententiæ, quæ, ut
 satis demonstratum est, priores partes dabat nature, seu lib. arbitrio,
 & posteriores gratiæ, seu Deo ei cooperanti per gratiam, cūm vellet
 lib. arbitrium incipere, & postea Deum perficere: nos autem è di-
 recto priores partes damus gratiæ, seu Deo nos excitanti per gra-
 tiam suam ad opus bonum, posteriores autem nature, seu libero no-
 stro arbitrio illi gratiæ consentienti, prius tamen excitato per ean-
 dem gratiam, & ab eo per eam usque ad consummationem adjuto: quæ
 est ipsissima Augustini sententia de gratia, & lib. arbitrio.

In quo quædam oppositæ supradictis instantiæ diluuntur.

QUantum autem ad id, quod adhuc urgent adversarii dicentes: illam conditionem quam adjiciunt Catholici: scilicet, si homines velint, seu consentiant: non minus pendere à voluntate Dei, quam salutem hominum. Respondeo id esse verissimum, sed non in eo genere dependentiæ quam ipsi putant, qui volunt id pendere à Deo per talem gratiam, quæ simul ac data est, determinet arbitrium ad agendum, nam nos id dicimus pendere quidem à Deo, sed non per talem gratiam determinantem, sed potius per gratiam indifferentem, præmoventem, & præexcitantem arbitrium hominis ad bonum, cui si ipsum arbitrium consentiat, & consequenter agat bonum, debet Deo agere gratias, qui excitavit illud ad illud opus, sine cujus prævia excitatione nihil quicquam boni poterat: si autem non consentiat, & sic agat malum, & non bonum, sibi ipsi tribuat, & non gratiæ, quæ non solum non excitavit illud ad istud opus, sed potius illud ab illo, quantum poterat, deterruit, sed ipsum arbitrium per seipsum id commisit, quod solum facere poterat sine gratia, ut optime dicit Augustinus libro de gr. Christi cap. 14. simul ostendens indifferentiam arbitrij, & propriam ejus ad utrumque sive bonum sive malum determinationem, dicens: quis autem non videat, & venire quemquam, & non venire *arbitrio voluntatis* (ergo determinatio pendet ab arbitrio voluntatis, ut veniat vel non veniat, ut consentiat, vel non consentiat, ut velit, aut nolit) sed hoc arbitrium *potest esse solum, si non venit, non autem potest nisi adiutum esse, si venit.* Ecce qualem dependentiam vult Augustinus nos habere à gratia, scilicet liberam, & indifferentem, non vero determinatam ab alio, & non liberam, qualem fingunt adversarii: imo & id ipsum est, quod dicit adhuc Augustinus ab ipsis allegatus, cum ait libro 4. contra Iul. cap. 8. quod qui jam utuntur voluntatis arbitrio, *nisi* eo volente, ac subveniente, à quo præparatur (id est prævenitur, ut alibi ex Augustino ipso explicuimus) voluntas, velle non possunt. Vbi tantum vides gratiam sine qua id est liberam, etiam in sensu adversariorum, à qua vult nos pendere in agendo, talem scilicet gratiam ut solum præcedat, atque præveniat, seu præparet voluntatem, non autem ut determinet, aut ut necessitet eam ullo modo, nec aliud quicquam indicat ille alius textus qui sequitur ex libro de prædestin. sanct. c. 8. ubi ait Augustinus: quare inquirunt (scilicet Semipelagiani) non omnes docet: si dixerimus, quia nolunt discere quos non docet (quod dicitur in persona Semipelagianorum, & in eorum sensu quem vidimus, quasi scilicet Deus prærequireret actionem arbitrij ante gratiam, ut doceret, & salvaret, & conferret gratiam per modum præmii, & mercedis, aliàs eam negaret. In quo est negatio gratiæ prævenientis necessariæ in volun-

tate, quam semper exigit Augustinus ad bonum opus) Respondebitur nobis (in persona scilicet Semipelagianorum ut supra loquentibus) & ubi est quod ei dicitur : Domine *tu convertens* (per gratiam tuam scilicet prævenientem , & non expectantem ullum bonum opus prævium arbitrij , ut volebant isti Semipelagiani , quo pacto deus non converteret , seu non esset convertens , sed homo potius se converteret , & cum deus sic conversum coronaret , ac perficeret) vivificabis nos : aut si non facit volentes ex nolentibus deus (per gratiam scilicet prævenientem , & præoccupantem arbitrium , antequam ipsum agat , sed expectet necessario , ut prius homines volentes sint , petendo , quærendo , & pulsando ad eum & sic non amplius sint nolentes) quid orat Ecclesia pro persecutoribus suis , &c. (cum ipsi nondum volentes sint , sed potius nolentes : si ad hoc ut operetur deus in eis per gratiam suam , necessarium est , ut prius velint , seu ut sint volentes , & non nolentes) quid autem oramus pro nolentibus credere , nisi ut deus operetur in illis & velle : id est ideo autem nos oramus pro istis nolentibus , seu nondum habentibus ullam bonam voluntatem præviam ad credendum , quia ipse deus prævenit eos , per gratiam , & non expectat eos , ut non amplius nolentes sint , & increduli . sed facit eos volentes , & credentes per gratiam suam , & non expectat id ab eis , ut prius operantibus & solis , ut volebant isti hæretici . Quod nihil aliud prorsus indicat , quam gratiam prævenientem in voluntate necessariam ad initium fidei , quam negabant isti hæretici , non autem ullam gratiam determinantem , aut necessitantem arbitrium ut prætendunt adversarij : sed de iis terminis alibi latius disseruimus , ut solam exprimentibus gratiam prævenientem ut prævenientem , non autem ullam determinantem , aut necessitantem arbitrium , quos ibi videre poteris .

In tractata
de gratia
indifferen-
ti parte e.
l.c. 5.

Quantum autem ad instantiam quam sumunt adversarij ex salvatione parvulorum , de quibus dicit Augustinus : quod licet ipsi non velint salvi fieri , cum nondum habeant velle , aut nolle , tamen multi eorum salvantur : per quod inferunt quod reprehendit Augustinus eos , qui volunt Deum expectare voluntates nostras , ut salvet nos . Respondeo id dici , & reprehendi , non in sensu nostro , qui supponit Dei gratiam prævenire voluntates nostras , sed in sensu Pelagianorum supra explicato , qui volebant Deum expectare voluntates nostras per se primò quærentes , & orantes , & pulsantes ad Deum sine gratia , quibus tanquam præcurrentibus , & necessariis meritis , & prædispositionibus ex parte hominis , conferret deus gratiam , & salutem : iis autem non præcurrentibus , non conferret gratiam : qui sensus damnatur ab Augustino in textibus ibi allegatis , ut contrarius gratiæ prævenienti ut sic , cum faciat eam pedissequam arbitrij , & subsequenter post ejus actum , non verò antecedentem , & præcurrentem , ut volebat eam esse Augustinus , ut quæ verè dabatur secundum eum , aut negabatur , sine ullo intuitu præcedentis actus arbitrij : quod cla-

re patet in ipsis illius textus terminis. *Sed hunc sensum vestrum* (ait Augustinus adversus Pelagianos) *infantes illi ipsa sua taciturnitate convincunt, qui nec petunt, nec querunt, nec pulsant* (audis precedentes illas dispositiones rejectas, ut fatuas, & insanas) *imo etiam cum baptizantur, reclamant, respuunt, reluctantur* (quasi diceret: imo habent dispositiones contrarias) & accipiunt tamen, & inveniunt, & aperitur eis, & intrant in regnum Dei, ubi sit eis aternitatis salus, & agnitio veritatis, longe pluribus infantibus in istam gratiam non adoptatis ab eo, qui vult omnes homines salvos fieri, & in agnitionem veritatis venire, quibus dicere non potest: *volui, & noluis* (per quod etiam rejicit meritum negationis gratiae, in parvulis, cum ipsi non essent culpabiles ex eo quod non vellent, nec quererent, nec orarent, nec pulsarent ad Deum, cum necdum ista velle possent, aut nolle, & tamen negabatur illis gratia, quae dabatur aliis parvulis similiter non volentibus, nec quærentibus, nec pulsantibus, imo vero iis reluctantibus, & reclamantibus, ut prædictum est: quod erat contra ea quæ paulo ante dixerat Julianus: ideo non omnes salvos fieri, & in agnitionem veritatis venire, quia ipsi nolunt petere, cum Deus velit dare, nolunt querere cum Deus velit ostendere, cum ecce isti parvuli, qui nequidem possunt nolle, nec ullam contrariam Deo voluntatem habere, quandoquidem, nondum habent usum liberum voluntatis suæ, & tamen negatur eis gratia, nec recipiunt baptismum, per quem intrent in regnum Dei ubi sit eis aternitatis salus, & agnitio veritatis) qui si voluisset; quis eorum, qui nondum habent voluntatis suæ arbitrium, voluntati ejus omnipotentissimæ resistisset! Idem & paulo post repetit, dicens: si Deus omnes homines vult salvos fieri, & in agnitionem veritatis venire, sed ideo non veniunt, quia ipsi nolunt; cur tot millia parvulorum, qui non percepto baptismo moriuntur, non veniunt in regnum Dei, ubi est certa agnitio veritatis; numquid aut homines non sunt, ut non pertineant ad id quod dictum est, omnes homines: aut aliquis potest dicere: *Deus quidem vult, sed ipsi nolunt*, qui nondum velle, seu nolle ista noverunt. Ubi solum rejicit omnem dispositionem præviam, & necessariam ante collationem gratiæ, aut negationem ejus: & ostendit eam esse prævenientem, & præcedentem omne meritum arbitrij, cum detur, & negetur sine ullo intuitu meriti, aut demeriti, iis qui necdum ullum meritum, aut demeritum habere possunt. Quod adhuc ostendit in sequenti textu citato ab adversariis ex Enchiridio, ubi ait Augustinus: *quando queritur causa, cur non omnes salvi fiant, respondetur solet: quia hoc ipsi nolunt*: quod quidem de parvulis dici non potest, quorum nondum est velle, seu nolle. Ubi adhuc solum rejicitur dispositio prævia ad gratiam, & nihil aliud.

Nota obi-
ter, ibi in
hoc textu
sumit ab Au-
gustino
omnes pro
singulis:
cum suffi-
ciat secun-
dum eum
quod quis-
piam sit ho-
mo, ut per-
tineat ad
illud om-
nes: unde
cum illi
parvuli es-
sent homi-
nes, vult
eos perti-
nere ad il-
lud omnes.

*Vni quæſito Reſpondetur : & eadem noſtra prima probatio confirmatur ex
Augustino & Proſpero.*

Verum forte quæri poſſet ; cur Pelagiani ſibi ſic perſuaſerant Deum non poſſe conferre pro libito ſalvationis gratiam , iis qui non per ſeipſos prius diſpoſuiſſent ſe ad illam recipiendam.

Reſpondeo primo , id forte eos intellexiſſe de potentia Dei ordinata , qua ſtatuit Deus neminem ſalvare niſi ob merita : at nullum ibi meritum agnoſcebant , ubi non adeſſet indifferentia , & nullam etiã indifferentiam agnoſcebant ubi eſſet dependentia à gratia , juxta illud eorum pronuntiatum multoties à nobis jam repetitum , & etiã repetendum , cùm ſit baſis , & fundamentum totius illorum erroris circa gratiam : quo dicebant , non eſſe liberum arbitrium , ſi gratia Dei indigeret : unde volebant ante eam eſſe præcedens meritum arbitrij , & ante negationem ejus eſſe demeritum ejusdem arbitrij , aliis ſi gratia præcurrat meritum arbitrij , ipſam eſſe fatum , & fatalem nobis imponere neceſſitatem , ut expreſſè queritur Julianus in ſupracitato capite libri 4. contra eum , ipſo referente Augustino his verbis : *veſtra quippe , non noſtra ſententia eſt , fato fieri quod merito non fit : & ne ſecundum iſtam definitionem fato fiant hominibus , ſi meritis non fiant , quæcumque ſunt : ideo merita , vel bona (reſpectu collationis gratiæ) vel mala (reſpectu negationis ejusdem gratiæ) quantum poteſtis , aſſeritis ne fatum ſit conſequens , ſi merita negareis.* Quod & alibi ſæpe repetit , ut libro 2. ad Bonif. c. 5. 6. 8.

Reſpondeo ſecundò , id forte eos dixiſſe , quia videbatur eis iniquum , ſi gratia Dei peccatoribus daretur , ut ait Celeſtius alter priorum Pelagianorum dux , & magiſter lib. de geſtis Pelagij c. 14. circa initium : unde & ipſe volebat eam ſecundum merita noſtra dari. Aut ut ait Julianus libro 2. ad Bonifacium c. 6. quia ſi Deus daret gratiam ſuam ſine ulla diſcretionem meritorum præcedentium , ſed pro ſuo mero libito , & voluntate , ipſe eſſet acceptor perſonarum , quòd eſt contra juſtitiam : unde cùm hæc non poſſint cadere in Deum , qui neque iniquus , neque acceptor perſonarum eſſe poteſt , quod etiã longe rejicit à Deo Augustinus cap. 7. ſequente , non eſt mirum quod dicerent : Deum non dare , aut negare gratiam hominibus niſi ſecundum merita bona , aut mala meri eorum arbitrij , & proinde (quantum ad locum Apoſtoli) Deum ſolùm velle omnes homines ſalvos fieri , ſi ipſi per meritum ſuum arbitrium ſine gratia Dei prævia quærerent , orarent , & pulſarent ad Deum , cùm putarent eam eſſe conditionem neceſſariam ſine qua Deus , nec daret , nec poſſet dare gratiam , qua ſalutem ſuam conſequerentur.

Ad id autem quod addunt de prædictis parvulis , circa quorum omnium , & ſingulorum ſalutem , negant fuiſſe ſupradictam Dei bonam

voluntatem, satis respondimus in disputatione nostra de prædest. ad gl. parte 1. sect. 7. §. 1. punct. 3. 4. & 5. & infra iterum eandem materiam funditus explicabimus cum de iis loquemur sigillatim, ut promissimus: interim accipe duo Augustini testimonia, quibus, ut arbitror, ea quæ diximus de prædicta bona Dei voluntate circa salutem omnium & singulorum valde confirmantur.

Primum est ex serm. 81. de diversis in fine, ubi ita commendat Augustinus generalem Dei voluntatem circa salutem omnium, ut satis innuat, eam esse pro singulis, & non tantum pro omnibus, ut sumitur pro multis, dicens: Deus quos seminavit (id est creavit, condidit, fecit) *spicas vult invenire* (id est bonos aut electos) *non spinas*: id est, non vero pravos aut reprobos: atqui omnes & singulos Deus creavit, & non tantum aliquos. Ergo vult omnes & singulos, esse bonos aut electos, non verò pravos, aut reprobos. Et consequenter dat omnibus, & singulis gratias sufficientes, ut electi sint, cum aliter id esse non possint.

Alterum testimonium est in tract. 12. in Joannem non longe à fine, ubi comparans Deum medico respectu hominum lapsorum, tanquam ægrotorum, sic ait: *quantum in medico est, sanare venit ægrotum*: ipse se interimit, qui præcepta medici observare non vult. Venit salvator in mundum, quare salvator dictus est, nisi ut salvet mundum, non ut judicet mundum: *salvari non vis ab ipso, ex te judicaberis*. Vbi clare vides, Christum quantum in ipso est (qui est modus loquendi Scholasticorum, quem tam præfracte damnant adversarii) velle sanare, non ægrotos in confuso, & in genere, sed ægrotum in singulari, tanquam individuum vagum, & per hoc indicans omnem singulum hominem, qui ægrotus est, scilicet per concupiscentiam: at quis hominum non est ægrotus hac egritudine? certe nullus negare potest se ægrotare hac egritudine; ergo nullum non hominem lapsum vult sanare per gratiam, & per hoc, omnem, & singulum hominem lapsum vult sanare per gratiam: sed per gratiam sufficientem, cum hæc sola sit gratia sanans, & expugnans concupiscentiam: unde & consequenter dicit unicuique reprobo; *sanari non vis ab ipso*, scilicet per gratiam sufficientem præstitam, quæ à solo Deo est: ex te judicaberis, id est ex peccato tuo, quod ex te solo est. & non à Deo nec à gratia ejus, cui consentire noluisti, condemnaberis.

Et sic manifestum est, Augustinum censuisse, Deum omnes, & singulos homines velle salvos fieri, quantum in ipso est: & per hoc in temporibus antiquis præbuisse, & nunc etiam præbere omnibus, & singulis hominibus gratias ad id sufficientes, quibus si consentiant, salvabuntur per gratiam, & cooperationem suam, si non consentiant, damnabuntur per seipsos solos, quia noluerunt gratiæ præstitæ consentire, & sic salvari, ut poterant, si voluissent præcurrente eos ista gratia: qui est sensus catholicus, & antonomastice Augustinianus. cui concinit fidelis Augustini interpres, & discipulus D. Prosper lib. 2. de vocatio-

de vocatione Gent. cap. 26. circa medium ubi ait : quod *opitulario Dei* per innumeros modos , sive occultos , sive manifestos omnibus adhibetur : & quod à multis refutatur , ipsorum est nequitia : quod autem à multis suscipitur , & gratia est *divina* , & voluntatis humana Cap. 28. sub finem sic ait : sicut qui crediderunt , juvantur ut in fide maneant , sic & qui nondum crediderunt juvantur ut credant : & quemadmodum illi in sua habent potestate ut exeant , ita & isti in sua habent potestate ne veniant , sitque manifestum , quod diversis , atque innumeri modis , omnes homines vult Deus salvos fieri , & in agnitionem veritatis venire : sed qui veniunt Dei auxilio diriguntur , qui non veniunt , sua pertinacia reluctantur. Quod luce ipsa clarius ostendit , omnes & singulos habere gratiam sufficientem , cum ibi faciat adæquatam hominum partitionem , quorum uni consentiunt gratia data , alteri verò resistunt eidem gratia , cui sane non resisterent , aut reluctarentur , si non eam haberent : ergo omnes & singuli habent illam gratiam.

SECTIO TERTIA.

In qua proponitur secunda nostra probatio , sumpta ex morte Christi quam agnovit Augustinus esse pro omnibus & singulis hominibus , exponens quosdam textus Apostoli.

PROBATIO 2. est , quia censuit Augustinus cum Paulo Apostolo , Christum pro omnibus , & singulis esse mortuum : ergo & censuit eum dedisse omnibus , & singulis gratias vere sufficientes ad salutem.

Consequentia clara est , nam vel ideo dicitur Christus mortuus pro omnibus , quia mors ejus sufficiens erat pro omnibus redimendis quoad valorem pretij , vel quia impendit eam pro omnibus , & quasi per eam , ut ait Augustinus , emit orbem terrarum : non primum , quia sic non esset magis mortuus pro hominibus , quam pro dæmonibus , ad quos redimendos sufficientissimū istud est pretium sicut & ad homines : quod tamen absurdum est : ergo dicendum secundum , scilicet quod ideo dicitur Christus mortuus quia mors illius impenſa est pro acquirenda omnium salute , seu quod idem est mortuus est pro acquirendis gratiis ad salutem omnium sufficientibus , atque necessariis. Unde cum D. Prosper in Respons. ad primam object. vinc. dicit : mortem Christi quoad potentiam pretij esse pro omnibus (ut objicit nobis Estius commentans hunc locum Apostoli 2. Cor. 2. Christus pro omnibus mortuus est , ergo omnes mortui sunt) non per hoc excludit alias etiam causas , quales sunt prædictæ gratia præstita ad salutem æternam sufficientes , sed tantum excludit voluntatem efficacem pro salvandis omnibus , & singulis , aut saltem convertendis ut satis explicuimus in disputatione nostra de prædest. ad gl. parte 1. sect. 7. §. 2. puncto 9. sub finem : ubi etiam multos ex eodem Prospero lo-

Infia adducetur ille locus Augustini.

cos citavimus, in quibus ipse admittit tales gratias sufficientes pro omnibus (ut ibi videre potes) propter quas gratias longe magis proprie Christus dici potest pro omnibus mortuus, quam propter solum valorem sui pretij, propter quem, potest dici mortem Christi solum aptam fuisse, quæ impenderetur pro omnibus, si eam pro iis impendere voluisset, non vero ex hoc proprie potest dici illam fuisse actum impensam, & datam pro omnibus, ut vult eam dici Augustinus lib. 4. de Trinit. c. 3. circa medium & prout necessarium est fateri ad hoc ut dicatur Christus vere & proprie mortuus pro omnibus, ut dicitur in scripturis; quid enim est aliquem mortuum esse *pro aliquibus*, nisi mortem ejus fuisse impensam pro iis; & per eam satisfecisse pro eis, ut etiam dicitur in quodam textu de morte Christi pro omnibus, quem allego ubi supra in margine ex aliquo concilio generali. Unde & ista nostra consequentia ita visa est certa, & rationabilis aliquibus ex adversariis, ut sincere fateantur genuinius, & verius aliter respondendum esse, quam negando illam, quapropter speramus illam ut certam, & rationabilem esse etiam ab aliis admittendam. Unde jam probatur antecedens: scilicet quod vere censuit Augustinus, ut & Paulus Apostolus, mortuum esse Christum pro omnibus, & singulis hominibus: nam fere omnes locos quos habet Apostolus pro ista morte, ut ad omnes, & singulos pertinente, urget, & inculcat Augustinus contra inimicos fidei; nam istum locum Apostoli 2. ad cor. 5. Christus pro omnibus mortuus est, ergo omnes mortui sunt (qui locus apertissime indicat mortuum esse Christum pro omnibus, & singulis, cum ex ista morte pro omnibus, inferat mortem omnium per peccatum originale, quæ non est mors omnium, ut multorum, sed omnium ut singulorum, ut per se manifestum est) sic illustrat, & inculcat libro 6. contra Iul. c. 4. dicens: si unus, inquit (scilicet Apostolus) pro omnibus mortuus est: ergo omnes mortui sunt: ostendens fieri non potuisse, ut moreretur nisi pro mortuis: *ex hoc enim probavit, omnes mortuos esse* (scilicet per peccatum origin. quæ est mors omnium ut singulorum) *quia pro omnibus mortuus est unus* (ubi vides mortuos per peccatum, inferri ab Augustino, ut & ab Apostolo, ex morte Christi pro omnibus, & proinde indicari mortem Christi pro omnibus, fuisse pro omnibus, ut singulis, cum ex ea inferatur mors omnium, ut singulorum, quæ est mors omnium nostrum per peccatum originale, & non tantum inferatur, sed etiam inculcatur, & urgetur vehementer, ut patet ex sequentibus, cum ait) impingo, inculco, infercio recusanti, accipe salubre est, nolo moriaris, unus pro omnibus mortuus est, ergo omnes mortui sunt: *vide quia consequens esse voluit, ut intelligantur esse mortui, si pro omnibus mortuus est.* Ubi vides clarissime, inculcatam istam Christi mortem pro omnibus, ut peremptorium argumentum mortis omnium in peccato, quæ est omnium, ut singulorum, & non tantum ut multorum: unde necessario sequitur, quod tam certum fuit Augustino, & Apostolo, mortuum esse Christum pro

omnibus, & singulis, quam omnes mortuos esse, & singulos per peccatum, imo vero etiam forte certius visum est, cum, secundum leges rectæ doctrinæ, notiores debeant esse præmissa quam illatio: mors autem Christi pro omnibus, tenet locum præmissa in hoc argumento, & mors omnium per peccatum, illationis: unde est quod multoties capite sequente inculcat idem argumentum contra Iulianum, item & cap. 9 ubi etiam dicit Christum esse mortuum pro mortuis: Lib. 1. op. unde cum nullus parvulus non mortuus sit, ita nullus est parvulus pro imperfect. quo Christus non mortuus sit. Quod & videas in aliis ejus operibus 115 & lib. 2. c. 30 & contra eundem Iulianum. 171 & lib.

3. op. perfect. c. 37. sed mirum est, Augustinum, cum toties locutus sit de peccato orig. ut in omnibus, & singulis, nunquam tamen excepisse B. Virginem, licet in iis locis sæpe exceperit Christum, imo dixerit illum solum esse exceptum: verum tamen non hinc certo inferendum est, il. un. noluisse B. Virginem etiam ab illo peccato esse exceptam, quandoquidem libro 1. contra Iul. c. 1. initio, ubi expressissime asserit, nullum exceptum esse à peccato orig. præter Christum, tamen sub finem illius capituli dicit: quod nullus habuit peccatum orig. qui postea non peccaverit actualiter, si diu supervixerit, ponens quasi ex æquo, habere peccatum origin. & actuale, in adultis, aut non habere ullum ex illis: ut patet ex his illius verbis: ubi loquens de Christo sic ait: profecto peccatum etiam maior fecisset, si parvulus habuisset: nam propterea nullus est hominum præter ipsum, qui peccatum non fecerit grandioris ætatis accessu. quia nullus est hominum, præter ipsum, qui peccatum non habuerit infantilis ætatis exortu. Vbi vides, cum asserere in iis solis locum habere peccatum orig. in quibus fuit peccatum actuale, cum adoleverint: At satis clare indicat lib. de nat. & gg. c. 16. initio quod B. Virgo nunquam peccavit actualiter, ut patet ex his illius verbis: excepta S. Virgine Maria; de qua propter honorem Domini, nullam præsumptum de peccatis agitur, habere volo questionem, inde enim scimus, quod ei plus gratiæ collatum fuerit, ut vincendum omni ex parte peccatum: quod concipere, ac parere meruit eum, quem constat nullum habuisse peccatum. Vbi solum loquitur de peccatis actualibus, & non etiam de origin. ut perperam aliqui locum illum interpretantur, quia sermo ibi erat de peccatis actualibus, sine quibus dicebat Pelagius quamplurimos sanctos vixisse, & negabat August. tum etiam quia loquebatur de peccatis que possunt vinci à peccante, qualia non sunt originalia, sed solum actualia: cum ergo dicat hic Augustinus B. Virginem non peccasse, & in supra allato loc. dixerit, quod qui habet orig. peccatum peccavit actualiter, si ad annos discretionis pervenerit: manifestum est quod in hisa qua intervenit inadvertentia, aut certe quod more suo noluit hanc incidentem questionem dirimere, an scilicet B. Virgo etiam exempta fuerit ab illo peccato. Et ita, sub dubio est quam opinionem tenuerit de immaculata Virginis conceptione.

In eodem sensu usurpavit Augustinus illum alium consequentem textum Apostoli, ubi dicit Apostolus: pro omnibus mortuus est unus, ut qui vivunt, jam non sibi vivant, sed ei qui pro ipsis mortuus est. Ubi clarus est sensus mortis Christi pro omnibus, & singulis hominibus. cum ibi exhortetur omnes qui vivunt, ut non sibi; sed ei qui pro ipsis mortuus est, vivant, & operentur: ac qui sunt qui vivunt; nonne omnes & singuli, ergo pro iis omnibus, & singulis mortuus est Christus. Deinde ibi arguit quod omnes qui vivunt, debent vivere Christo, ac qui sunt illi singuli, seu singulares homines qui non debent vivere Christo: ergo pro iis omnibus mortuus est Christus, ergo pro omnibus, & singulis. Vnde non possum non vehementer mirari Estium, qui pro sua, in sufficientem gratiam omnibus, & sin-

gulis præstitam, inimicitia, voluit tam clarum, & apertum textum corrumpere, tam crassa, & inepta corruptione, ut nemo sit qui non facillime possit illius errorem advertere. Nam cum videret magnam esse vim pro gratia sufficiente, omnibus, & singulis data, in his verbis: ut qui *vivunt* jam non sibi vivant, sed ei qui pro ipsis mortuus est: ubi maxime claret, quod ij pro quibus mortuus est Christus sunt omnes qui vivunt, qui sunt omnes, & singuli qui sunt in hoc mundo, & qui vita naturæ potiuntur: sic alienavit hunc sensum dicendo, quod ij pro quibus mortuus est Christus, *quamvis vivant* vita naturæ, debent tamen vivere Christo: quod est omnino sensum Pauli, & scripturæ subvertere. Quare enim mutare ista verba, propositioni illi intrinseca, scilicet: qui *vivunt*. In hæc alia verba, *quamvis vivant*. Nam pro-nomen illud, qui, determinat ibi quinam sunt ij, qui debent vivere Christo, nempe omnes viventes vita naturali: ergo tollendo illud, & mutando in, *quamvis*, tollis sensum intrinsecum isti propositioni, & mutas in alium, & proinde subvertis illum, mutas enim ibi subjectum in prædicatū, & prædicatum in subjectum: quod nihil aliud est, quam subvertere totum propositionis illius sensum: subjectum enim prædictæ propositionis est, qui vivunt: & prædicatum, est, quod pro iis mortuus est Christus, ut non sibi, sed Christo vivant: ut patet ex terminis, ut qui vivunt, inquit Apostolus, jam non sibi vivant, sed ei qui pro ipsis mortuus est, & tu facis contrarium, cum dicis in tua expositione: ut illi, pro quibus mortuus est Christus (ecce subjectum quod erat prædicatum) *quamvis vivant* vita naturali (ecce prædicatum quod erat subjectum) deinceps tamen non sibi vivant, sed Christo, quo nihil dici poterat corruptius, atque infelicius, cum in sensu, & verbis Apostoli, omnes viventes debeant vivere Christo, qui pro ipsis mortuus est: in tuo verò sensu, ij soli pro quibus mortuus est Christus, qui non sunt omnes viventes secundum te, sed soli prædestinati, debent vivere Christo. Quod omnino diversum est. Sed ut nemo sibi persuadeat nos ei tam fallam & tam infidam imponere D. Pauli expositionem, tota illa afferenda est, ut per hæc judicet lector, quid censere debeat de isto expositor, quem multi magni faciunt in exponendis his epistolis, quas tamen sæpe corrumpit, ubi cum suis sensibus, & opinionibus propriis non concordant: ecce ergo quod dicit in expositione prædicti loci. Sensus, inquit, periodi est: ad hoc unus ille, scilicet Christus, pro omnibus mortuus est, ut iidem illi, pro quibus mortuus est, *quamvis vivant* vita naturali, deinceps tamen non sibi vivant quasi libere facientes quicquid suggererit propria voluntas, sed sibi mortui, vivant ei, qui pro ipsis mortuus est, id est omnes vitæ actiones instituant ad nutum, & voluntatem, & honorem sui Domini, qui ipso sua morte redemit, eoque redemptionis jure servos suos effecit. Vbi vides caute sileri ista verba Apostoli: ut qui vivunt: qui sunt scopolus opinionis Est ij, & similium, contra gratiam sufficientem universalem, & ea commutari in hæc verba: ut ij pro quibus mor-

tus est : qui non sunt omnes viventes secundum Estium , sed soli prædestinati : per quod proinde non solum totus sensus , sed etiam totum Pauli intentum subvertitur : quando quidem volebat Apostolus invitare omnes viventes qui non sunt soli prædestinati , sed & omnes alij , ut non vivant amplius sibi , sed Christo , qui pro ipsis mortuus est , ut patet ex Pauli verbis cum ait : ut *qui vivunt* , jam non sibi vivant , sed ei qui pro ipsis mortuus est : & hîc tantum invitat prædestinatos (pro quibus solis mortuus est Christus secundum Estium) & non alios cum solum invitet eos pro quibus Christus mortuus est , ut patet ex his ipsis Estij verbis : ut idem , inquit , illi *pro quibus mortuus est* . . . non sibi vivant , sed . . . ei qui pro ipsis mortuus est . At secundum estium Christus mortuus est pro solis prædestinatis : ergo secundum eum , Paulus solum invitat prædestinatos , & non alios ad non vivendum sibi , sed Christo , quod est contra sensum Apostoli , ut ex prædictis clarum est . Sed numquid etiam tibi videtur mira ista ratiocinatio quam hîc tribuit Apostolo , cujus ne minimum quidem vestigium videas in pauli textu , scilicet : ut *quamvis* vivant vita naturali , deinceps non sibi vivant , sed Christo : quasi vero vita naturalis in aliquo contraria sit vitæ spirituali in Christo , adeo ut necesse sit admoneri homines , ut quamvis vivant vita naturali , debeant tamen etiam vivere vita spirituali : cum è contra vita naturalis , ita necessaria sit vitæ spirituali , non solum in hominibus , sed etiam in angelis , ut hæc sine illa prorsus esse non possit . & sola vita vitiosa , & irrationalis seu quæ est contra naturam rationalem vitæ spirituali contraria sit , de qua vita vitiosa , seu irrationali dici non potest , quod quamvis tali vita vivant homines debent tamen vivere Christo , cum tali vita viventes , non possint vivere Christo , seu vivere vita spirituali , quæ cum illa prorsus impossibilis est . Sed de his obiter , & non sine ratione , cum ita hic perscrutemur sensum Augustini , ut non negligamus sensum Apostoli , supra quem fundatus est textus Augustini quem allegavi . & alium quem allego pro hac nostra probatione antec. qui sumitur ex fragmento 19. ubi ait Augustinus : debet enim vita humana in se deficere , in Christo proficere : ut *qui vivunt* , non jam sibi vivant , sed ei qui pro omnibus mortuus est , & resurrexit , & dicat *unusquisque nostrum* (audis singulos generum , non genera singulorum) quod dicit Apostolus : vivo autem jam non ego vivit vero in me Christus . Ubi vides , Augustinum , sicut & Apostolum , absolute censuisse , mortuum esse Christum pro omnibus , & singulis , cum ex consideratione mortis illius ut pro omnibus , velit unumquemque nostrum ita vivere Christo , qui pro unoquoque (scilicet) nostrum mortuus est , ut possit dicere cum Apostolo , vivo autem , jam non ego , vivit vero in me Christus .

Eodem modo intelligit Augustinus hunc alium locum Apostoli ad Rom. 6. ubi dicit Apostolus : commendat dilectionem suam Deus in nobis , quoniam cum adhuc peccatores essemus , Christus pro nobis mortuus est . Supra quod sic ait Augustinus tract. 110. in Joannem cir-

ca finem: habebat itaque ille erga nos charitatem, etiam cum inimicitias adversum eum exercentes, operaremur iniquitatem, & tamen ei verissimè dictum est [Odisti Domine omnes qui operantur iniquitatem] proinde miro, & divino modo, & quando nos oderat, quales ipse non fecerat (quod odium, est in omnes & singulos, cum sit ob peccatum originale, quod est in omnibus & singulis) & quia iniquitas nostra opus ejus non omni ex parte consumplerat, noverat simul in unoquoque nostrum (audis adhuc singulos generum, non genera singulorum) & odisse quod feceramus, & amare quod fecerat. Vbi vides Augustinum velle, amorem illum ex quo dicit Apostolus Christum subisse mortem pro nobis, esse pro iisdem, pro quibus prius erat ejus odium ob peccatum originis: sed in omnes, & singulos erat ejus odium ob peccatum originis secundum Augustinum, ergo in omnes, & singulos, est ejus amor, seu dilectio, ex qua pro nobis mori dignatus est juxta sensum Apostoli, & etiam Augustini recte illum explicantis.

Prosecutio ejusdem probationis sumpta ex morte Christi, quam etiam agnovit Augustinus esse pro omnibus, & singulis hominibus loquens ex mente propria, & exponens sensum suum.

Sed non tantum explicando locos illos Apostoli voluit Augustinus Christum esse mortuum pro singulis, seu redemisse singulos sufficienter, sed etiam loquens ex seipso, & indicans sensum suum peculiarem extra explicationem scripturæ, id apertè indicavit, ut patet ex serm. 67. de temp. circa med. ubi Christus alloquens primum hominem, ut repræsentantem seipsum, & totam posteritatem suam, qui sunt omnes, & singuli homines, sic ait. Ego te ô homo de limo manibus meis feci, ego terrenis artubus infudi spiritum, ego tibi imaginem nostram, similitudinemque conferre dignatus sum, ego te inter paradisi delicias collocavi, tu vitalia mandata contemnens, deceptorum sequi, quam Deum maluisti: cum expulsus de paradiso jure peccati mortis vinculis tenereris, virginalem uterum sine dispendio virginitatis pariendū introivi, in præsepio expositus, & pannis involutus jacui, &c. flagellis casus, verberibus coronatus, cruci affixus, vulnere perfoissis, ut tu eripereris morte animam in tormentis dimissi. en clavorum vestigia, &c. cur ingratis redemptionis tuæ munera remisisti (hoc non spectat Adamum ut innocentem, quandoquidem ut innocens non redemptus est, ergo hoc spectat ad quemlibet hominem lapsum, tanquam individuum vagum) non te ego de morte mea quero, redde mihi vitam tuam pro qua meam dedi: redde mihi vitam tuam, quam vulneribus peccatorum indefinenter occidis, (certe hoc non spectat ad Adamum antiquum sed ad omnes præsentēs, & ad singulos ejus posteros maxime autem ad impios, obduratos, & reprobos de quibus major est dis-

ficultas quoad gratiam sufficientem , & quoad ejus mortem & ad omnes , & singulos , qui hoc faciunt indefinenter) cur habitaculum , quod mihi in te facerem , *luxuria sordibus polluis* (certe hoc non spectat ad Adam , de quo numquam auditum est , quod luxuria peccatum commiserit , sed ad ejus posteros , maxime autem ad prædictos) cur corpus meum illecebrarum turpitudine maculasti , cur me graviore criminum tuorum cruce , quam illa , in qua quondam pependeram , afflixisti : gravior enim apud me peccatorum tuorum crux est , in qua invitus pendeo , quam illa , in qua tui misertus , mortem tuam occisurus , ascendi . Et cetera , quæ ibi late prosequitur , quæ nimis clara per se sunt de morte Christi pro omnibus , & singulis hominibus descendentibus ab Adam , quam ut exponi singulariter hæc indigeant . Et serm. 122 circa med. loquens Augustinus diabolo , quem per mortem suam Christus spoliaverat , sic ait : *o quam bene te tuo impetu diabole percussisti , crudelitas tua tibi exitium , nobis attulit commodum : dum nulli parcis , teipsum tandem interimis , per unius delictum , omnes captivasti* (qui omnes sine dubio sunt singuli , cum sint omnes ij qui sunt irretiti peccato originali) *per unius justitiam omnes* (certe omnes , & singulos , ut æqua sit comparatio & ut non minus detur Christo liberanti quam diabolo captivanti) *nilominus amisisti* . Ubi si dixeris , omnes significare solum paucos illos qui salvantur , aut qui credentes fuerunt in Deum , quid ridiculius , & absurdius ista comparatione , & exprobratione Augustini in diabolum , cum exprobraret ei , quod cum captivaverit infinitos , & suæ diæmonis omnes illos fecerit , amiserit tantum paucos , imo vero paucissimos , & fere nullos , *quales sunt prædestinati* , si soli considerentur , in comparatione captivatorum , qui sunt innumerabiles : unde ut rationalis sit ista comparatio , & exprobratio , debent omnes , & singuli qui fuerunt captivati à diabolo , redempti esse à Christo : quod & mox inculcat Augustinus , dicens ipsi diabolo . Effudisti innoxium sanguinem , *redde damnatam progeniem* . At quæ est illa damnata progenies , nisi omnes . & singuli homines , qui captivati fuerant à diabolo , & vult Augustinus eos reddi Christo , ut pote emptos ab eo magno sui sanguinis pretio . Quod & adhuc inculcat sermone sequente circa med. ubi ait quod Deus carnem assumpsit ut *humanam naturam* (quæ est illa progenies damnata , de qua locutus fuerat in sermone præcedente , quæ omnes omnino , & singulos significat homines à diabolo captivatos , & non prædictos paucissimos ad eternam felicitatem prædestinatos , aut in Deum credentes) *emerit à diabolo , & regno restitueret aeterno* , promerendo scilicet eis per mortem suam gratias ad illud regnum assequendum sufficientes , quibus utendo , & consentiendo , in æternum salvi fierent , si vellent . Et in 2. parte fragmenti 7. clare indicat , eos omnes esse redemptos , quos ab eo novimus esse creatos , qui sane sunt omnes , & singuli : *Servi tui* , inquit sumus , creatura tua *sumus* , *fecisti nos* , *redemisti nos* (id est illos redemisti quos creasti) emere quisque potest servum suum , creare non potest :

(ecce vides quod loquitur de singulis) Dominus autem *servos suos* (at qu' s non est servus Dei: id est subditus deo idem enim ibi est servus, & subditus unde & supra quos vocavit servos, vocavit creaturas Dei) & *creavit*, & *redemit* (ecce adhuc vides, eos esse redemptos, quos novimus creatos, qui sunt omnes, & singuli) *creavit ut essent, redemit ne semper captivi essent* (ubi semper vides constantem comparationem creationis & redemptionis, ut in iisdem locum habentem) *incidimus enim in principem hujus sæculi* (at quem hoc locum respicit) qui seduxit Adam, & servum fecit, & cæpit nos tanquam vernaculos possidere, sed venit redemptor, & victus est deceptor. Et in psalm. 95 ante med. loquens de eadem Christi redemptione quoad omnes, sic ait : tenebantur homines captivi sub diabolo, & daemionibus serviebant, sed redempti sunt à captivitate (ecce ij qui erant captivi sub diabolo, redempti sunt à captivitate : at quinam erant captivi sub diabolo ; certe omnes, & singuli : ergo omnes, & singuli sunt per Christum liberati, & redempti) vendere enim se potuerunt, sed redimere non potuerunt. Venit redemptor, & dedit pretium (ergo mors ejus non est pretium dandum, sed datum, & proinde non ideo solùm dicitur Christus redemptor, & mortuus pro omnibus, quia mors ejus solùm habet valorem equivalentem salutem omnium, sed quia actu data, & impensa fuit pro omnibus, seu pro salute omnium : unde & sequitur) fudit sanguinem suum, *emit orbem terrarum* (ecce adhuc emptio, quæ arguit pretium datum, quod etiam mox sequitur) *queritis quid emerit* ; videte *quid dederit*, (ecce adhuc pretium datum) & *invenite quid emerit* (ecce ergo totum orbem terrarum hoc pretio emptum, omnes & singulos homines emptos, & redemptos per Christum, cùm ex valore pretij dati, colligat Augustinus empræ rei quantitatem. quæ sane sumpta pro tota hominum massa seu pro omnibus & singulis hominibus, parum est pro tanto, & tam infinito pretio dato : unde & sequitur) sanguis Christi pretium est, tanti quid valet, *quid nisi totus orbis* (ecce ergo quod consequens erat ex valore dati pretij ut totus orbis terrarum, seu, quod unum, & idem est, omnes, & singuli homines per illud redimerentur) *quid nisi omnes gentes* (sed nota valde quod sequitur) *valde ingrati sunt pretio suo, aut multum superbi sunt, qui dicunt, aut illud tam parvum esse, ut solos Asios emerit, aut se tam magnos esse, pro quibus solis sit datum* : ex quo necessario sequitur quod empti sunt omnes, & singuli. Nam si dicant prædestinari, quod ipsi soli sunt redempti, seu quod pro iis solis datum sit pretium, rectè potest dici secundum Augustinum quod valde sunt ingrati & superbi : item si id dicant justificati, valde sunt ingrati & superbi : si id dicant credentes, valde sunt ingrati & superbi, si id dicant aliqui soli, & non omnes, & singuli, valde sunt ingrati & superbi secundum Augustinum qui se tam magnos esse dicunt, pro quibus solis sit datum tantum pretium. Unde dicendum est secundum Augustinum, quod redempti sunt omnes, & singuli, seu quod pro omnibus, & singulis datum est pretium sanguinis Christi : propter quod

mox

mox sequitur contra prædictos ingratos, & superbos, qui volunt pretium sanguinis, esse datum tantum pro seipsis, Non ergo exultent, non superbiant: pro toto dedit, quantum dedit: *novit quid emerit, quia novit quanti emerit, & quanta dederit.* Vbi adhuc ex valore pretii dati, quod infinitum est, & proinde multò magis valens quam omnes homines, & singuli, infert quantitatem rei emptæ, quæ proinde limitanda non est ad aliquos, sed ad omnes extendenda, & singulos, ut aliquo modo æquet suum pretium, quod est sine ulla limitatione infinitum. Et sane improprissime hîc diceret Augustinus Christum emisisse totum orbem terrarum, si solam minimulam ejus particulam emisset, quales sunt soli prædestinati, aut justificati, aut soli credentes in Deum: unde contra istam calumniam clare dicit sub finem expositionis illius psalmi: quod non partem orbis emit, sed quod pro toto pretium dedit; æquans ibi omnes redemptos, omnibus in fine mundi judicandis, qui sunt omnes, & singuli. nam exponens illum versiculam hujus psalmi ultimum: judicabit orbem terrarum in æquitate, sic ait: *non partem, quia non partem emit* (quod tamen esset falsum, si solos prædestinatos, aut solos justificatos, aut solos credentes redemisset, cùm illi partem solam, eamque minimulam orbis terrarum particulam, potius quam partem constituent: unde & sequitur) *totum judicare habet, quia pro toto pretium dedit.* Vbi multitudinem judicandorum arguit ex multitudine redemptorum, quapropter dicendum esset, quod Christus non judicaret omnes, & singulos: si non redemisset omnes, & singulos: at certum est quod omnes, & singulos judicabit: ergo & certum est quod omnes & singulos redemit secundum Augustinum, qui ex hoc illud colligit.

Et libro 2. de Symbolo ad Cathecum. c. 6. loquens de Iuda proditore, qui sane, si quis redemptus dici non debuit redemptione sufficienti ad salutem æternam, certe iste non debuit, cùm fuerit obduratissimus peccator, & ut talis vitam suam finierit: & tamen dicit Augustinus, quod *a Christo redimi debuit*, scilicet efficaciter ad vitam æternam, si gratiis sibi datis bene usus fuisset: quod si pro salute æterna tam impij deicidæ, & tam atrociter obdurati peccatoris mortuus est Christus, licet ista redemptio non habuerit in eo effectum, cùm damnatus in æternum sit; quis audeat dicere illum non esse mortuum pro aliis impiis, & eos non esse ab eo redimendos efficaciter quoad vitam æternam, si gratiis sibi datis bene uti velint, licet ex propria illorum malicia, seu negligentia sua salutarem in eis non habeant effectum: certe qui hoc diceret, valde Augustino contradiceret.

Et tandem tractatu de tempore barbarico cap. 7. in fine, loquens de latrone illo salvato, qui propter scelera sua crucifixus simul fuerat cum Christo innocente sic ait: ostendit enim latro quò debeant omnes intrare (scilicet in regnum cælorum, sed qui sunt illi omnes, certe omnes, & singuli, nemine prorsus excepto, si nempe velint gratiis sibi datis bene uti, ut sequitur) *neminem* suo exemplo docuit desperari.

Ecce ergo neminem excipit, omnes, & singulos docuit, quò d. brant intrare, quod debeant sperare, quod valde inutiliter doceret, atque ostenderet, si non omnes, & singuli haberent gratias sufficientes, quibus possent in illud regnum intrare, & soli quidam illas habent. Unde est, quod capite 8. sequente, non vult quemquam excipi à redemptione æterna Christi, dicens: *integrali* Christo *integrali* assignare prædium: quod est genus humanum: quasi diceret, nolite quemquam separare à Christo per privationem gratiæ ad salutem necessariæ, cum sint omnes, & singuli, illius prædium, & illius hæreditas, à qua si aliquid tollitis, injuriam ei facitis, & prædium ejus imminuitis, quod esse debet integrum, & completi totum genus humanum: at vero quis dicat istud prædium, seu istud genus humanum, esse, seu assignari Christo integrum, si ab eo excipiantur omnes reprobi, qui nunquam fidem receperunt, quorum multitudo longissime superat omnem multitudinem credentium, multo magis prædestinatorum, quos solos volunt adversarii à Christo esse redemptos. Ex his ergo manifestum est, Christum omnes, & singulos redemisse, eum pro omnibus, & singulis mortuum esse, ut habeant vitam æternam, si gratiis quas eis morte sua promeruit bene uti ipsi velint.

§. PRIMVS.

Respondetur quibusdam objectionibus contra nostram probationem factis, & primò iis quæ sumuntur ex Prospero.

In probatione 1.

Vide etiam tractatum nostrum de indifferentiæ &c parte 1. sect. 6. §. 1. n. & sequentibus.

Prosper in responsione ad objectionem 1. vincit.

Putarunt adversarii, quod ubi commet-

Verum contra hæc multa obijciunt adversarii, quorum aliqua solum continent doctrinam à nobis jam supra confutatam de Semipelagianorum sensu quoad illum locum Apostoli quo dicebat Apostolus: Deum velle omnes salvos fieri: quasi videlicet id intellexissent in sensu nostro: scilicet, ita ut Deus vellet dare gratiam omnibus sufficientem ad salutem, quod supra late confutatum est, ubi ostendimus ex ipsomet Augustino, quod talem ipsi gratiam omnino rejicerent, & merum lib. arbitrium sufficiens astruerent, quod longissime à nostro sensu distitum est.

Deinde obijciunt adversarii aliqua ex Prospero, quæ non sunt contra gratiam sufficientem, ut pro omnibus, & singulis, sed contra gratiam efficacem, ut iisdem omnibus, & singulis datam, ut patet ex illis ipsis locis: quorum primus talis est: quod ad magnitudinem, & potentiam pretij, & quod ad unam pertinet causam generis humani, *sanguis Christi redemptio est totius mundi* (hoc non est contra gratiam communem, & universalem pro singulis, sed potius pro ipsa, ut per se manifestum est) sed qui hoc sæculum *sine fide Christi, & sine regenerationis sacramento pertraxerunt*, redemptionis alieni sunt (hoc, est contra gratiam communem: sed non est de gratia sufficiente, sed de gratia efficaci, ut patet, cum loquatur de iis qui fidem Christi non

datur solùm potentia , virtus , & magnitudo pretii passionis Christi , ut pro omnibus , & singulis : ibi tantum indicatur potentia sterilis , & non influens aliquid in aliud : sed illi valde hallucinantur , cùm illa potentia non aliter commendatur : quam ut influens aliquid , non quidem uniforme , sed diversum : scilicet , sufficiens , vel efficax ad salutem : ut patet cùm illa passio vocetur pretium , & redemptio , quæ significant aliquid actuale , & non mere potentiale . Non enim v. g. pecunia proprie dicitur pretium , nisi actu impensa sit , aut data sit ad emendum , aut redimendum aliquid , nec illa potest dici redemptio captivorum , nisi ipsi redempti sint actu per eam , aut data sit eis ad redimendos se si velint : quod etiam advertitur aliqui ex adversariis dicentes : quod ipsa phrasis , qua quis dicitur se pro aliquo redemptionem dare , præ se ferre videtur redemptionem ex redimentis animo in usum , ac liberationem captivorum offerri , ac dirigi , quæ oblatio , ac directio Christi , inanis esse non potest : & quia alioquin etiam pro omnibus se dedisse redemptionem dici posset , quibus redimendis . Ne dubio pretium sanguinis ejus sufficiens est . Ex quo patet , quod , ut diximus , illa potentia passionis Christi , non est mere objectiva , ut volebant adversarii , sed collativa auxilij , vel efficacis , vel salutem sufficientis ad salutem .

habuerunt (quod solum indicat negationem gratiæ efficacis) non vero loquatur de iis , qui eam habere non potuerunt , quod indicaret negationem gratiæ sufficientis) cùm ergo propter unam omnium naturam , & unam omnium causam à Domino nostro in veritate susceptam , recte omnes dicantur redempti (neque hoc est contra gratiam communem , sed potius pro ipsa , ut clarum est) & tamen non omnes à captivitate sunt eruti (hoc est contra gratiam communem , sed non spectat ad gratiam sufficientem , sed ad gratiam efficacem , cùm loquatur ibi solùm de iis , qui actu non sunt eruti , quod indicat negationem solius gratiæ efficacis , non vero sufficientis) redemptionis proprietas haud dubie penes illos est , de quibus princeps mundi missus est foras , & iam non vasa diaboli , sed membra sunt Christi (hoc est contra gratiam communem , sed non spectat gratiam sufficientem , sed tantum efficacem , cùm sit de conversis æqualiter , non verò de convertendis , quasi alij non potuissent converti , quam ij qui conversi sunt , quod esset contra gratiam sufficientem . Et Paulo infra subjicit) poculum quippe immortalitatis , quod confectum est de infirmitate nostra , & virtute divina , habet quidem in se , ut omnibus prosit (hoc non est contra gratiam communem , sed potius pro ipsa) sed si non bibitur , non medetur : hoc , est contra gratiam communem , sed non est de gratia sufficiente , sed tantum de efficaci , cùm loquatur solùm de actu , non vero de posse , ut necessarium esset , ad hoc ut esset contra gratiam sufficientem : Similia sunt , quæ habet idem Prosper in responsione ad 9. object. gall. ubi ait : cùm rectissimè dicatur salvator pro totius mundi redemptione crucifixus , propter veram humanæ naturæ susceptionem , & propter communem in primo homine omnium perditionem (hoc non est contra gratiam communem , sed potius pro ipsa est) potest tamen dici , pro his tantum crucifixus , quibus mors ipsius profuit . Hoc est contra gratiam communem , sed non est de gratia sufficiente , sed de gratia efficaci cùm sit tantum de fructu accepto passionis Christi , non vero de accipiendo , quasi non potuerint eum accipere . Similiter intelligendus est is locus qui sequitur ex sententia nona in eadem responsione , ubi ait D. Prosper : qui

dicat quod non pro totius mundi redemptione salvator sit crucifixus, non ad sacramenti virtutem (supple respicit: hoc non est contra gratiam communem, sed potius pro ipsa) sed ad infidelium respicit partem (hoc est contra gratiam communem, sed audi quomodo) cum sanguis Dñi nostri Jesu Christi pretium totius mundi sit, à quo pretio extranei sunt, qui aut delectati captivitate, *redimi noluerunt*, aut post redemptionē ad eandem sunt servitutem reversi. Ubi clare vides sermonē non esse de gratia suffic. sed de gratia efficaci, cum ibi loquatur Prosper de actu, ut patet ex his verbis, *redimi noluerunt*, & ad eandem servitutem reversi sunt. Non vero de posse; Cūm non dicat: quod non potuerunt velle, aut non potuerunt reverti, quomodo necesse esset dicere, ad hoc ut ille textus esset contra gratiam sufficientem ut communem. Imo vero ibi est aliquid quod est pro gratia sufficiente ut omnibus, & singulis data; quid enim aliud hæc significant verba: *redimi noluerunt*: nisi quod redimi potuerunt, scilicet quoad vitam æternam, si voluissent: ex quo manifestum est, quod habuerunt gratiam sufficientem ad eripiendos se à captivitate diaboli, si voluissent,

Nolle juxta Augustinum & discipulos ejus supponit posse.

juxta sensum Augustini libro 2. de actis cum Fœlice Manichæo cap. 6. ubi ait *qui non vult*, servare legem (aut aliquid ejusmodi) *in potestate eius est si velit*. Unde cūm isti infideles, qui actu non redempti sunt, noluerint redimi, seu converti ad Christum, manifestum est, quod id potuerunt facere si voluissent, & per hoc quod habuerunt gratiam sufficientem ad conversionem suam, & ad salutem suam æternam faciendam si voluissent, sed noluerunt, & ideo damnati sunt. Quod si tales non conversi habuerunt talem gratiam, ergo omnes, & singuli habent eam, cūm nullomodo dubitari possit de aliis, qui sunt actu conversi, & salvati, cūm non nisi per gratiam conversi sint, & salvati. Ecce ergo unum textum ab adversariis ipsis adductum ex Prospero, maxime contrarium ipsis, cūm clare astruat gratiam sufficientem pro omnibus, & singulis hominibus, & solūm excludat efficacem, ut dandam omnibus, & singulis hominibus: quod omnino subtruit eorum machinam, per quam sub specie gratiæ efficaciæ, quæ non omnibus, & singulis datur secundum Prosperum, & catholicos, volebant adferre destructionem gratiæ sufficientis, ut omnibus, & singulis dandæ, quasi eam Prosper negasset, quod ita contrarium est Prosperi sensui, & sententiæ, ut eam ipsam ibi asserat, ubi dicunt, eum illam negare: cūm ut vidimus, expresse ibi dicat quod qui actu non redempti sunt, & erepti à captivitate, ipsi *redimi noluerunt*: quod nihil aliud significat in sensu Augustini, & in schola ejus, nisi quod potuerunt redimi, & per hoc gratiam sufficientem ad id habuerunt, sed præ sua malitia aut negligentia sua, ea uti noluerunt: quod certe non est negare, sed

Vide eundem Proserum lib. 2. de vocat. Gent. c. 15. ubi expresse ait initio. Nulla igitur ratio dubitandæ est: *esam Christum Deum in mortuum pro impiis & peccatoribus mortuum*, à quorum numero si aliquis liber inventus est (id est si aliquis inventus sit, qui non sit peccator, qualem bene sciebat neminem esse) non est pro omnibus mortuus Christus: sed pro suis pro omnibus mortuus est Christus &c. à qua morte ut pro omnibus passa neminem pro suis excipit, & proinde indicat mortuum esse Christum pro singulis.

Id est si aliquis inventus sit, qui non sit peccator, qualem bene sciebat neminem esse) non est pro omnibus mortuus Christus: sed pro suis pro omnibus mortuus est Christus &c. à qua morte ut pro omnibus passa neminem pro suis excipit, & proinde indicat mortuum esse Christum pro singulis.

potius asserere gratiam sufficientem omnibus, & singulis datam ad salutem suam comparandam, cum per hæc asseratur, fuisse etiam illam in reprobis, de quibus solis fieri aliqua difficultas potuisset. Unde si aliquando, Prosper hîc, aut alibi, aut Augustinus, videntur innuere contrarium, diligenter expendenda sunt eorum verba, & non temere judicandum: sic cum dicunt aliquando, mortuum esse Christum pro generibus singulorum, pro quo multos locos adducunt adversarij, ex Augustino, non tamen ex hoc sequitur quod negent Christum esse mortuum pro singulis generum; sed ex duobus veris, aliquando unum asserunt, aliquando alterum, sine præjudicio alterutrius; cujus clarum hoc signum est, quod nullam in illis videas particulam negativam, quæ rejiciat alterutrum: vel saltem explicandi sunt de morte Christi, ut efficaciter ad salutem æternam, quæ ut sic non pertinet ad singulos, sed tantum ad aliquos, de qua sunt mox allati textus D. Properi quos perperam intellexerant adversarij de morte Christi ut sufficienti pro aliquibus tantum, & non pro omnibus, & singulis.

§. I I.

Solvuntur objectiones sumptæ ex Augustino contra mortem Christi pro omnibus & singulis hominibus.

SEd contra hæc vehementer instant adversarij, & dicunt: quod in Universis Augustini operibus, nullus locus est, ubi doceat, Christum pro peccatis infidelium in infidelitate permanentium, esse propitiationem, vel pro illis se dedisse redemptionem: imo & asserunt, Augustinum non semel significasse contrarium, scilicet Christum pro hujusmodi infidelibus non esse mortuum. Sed præterquam quod non est necesse demonstrare in operibus Augustini, quod dixerit expresse Christum esse mortuum pro hujusmodi infidelibus, cum non omnia singularia docuerit, aut docere potuerit Augustinus: cum sint infinita, & innumera: satis id indicavit supra, quando cum Apostolo, & etiam ex se solo, docuit, Christum esse pro omnibus, & singulis mortuum, in quibus sine dubio sunt prædicti infideles, qui magnam hominum partem, imo vero majorem, aut maximam constituunt. Ex quo manifeste convincuntur adversarij esse Augustino contrarij, qui etiam in uno locorum ab ipsis citatorum, expresse negavit Christum solam aliquam orbis terræ partem redemisse, ut vidimus: ipsi vero è contra volunt, ipsum Augustinum docuisse, Christum solam aliquam hominum partem emisisse, seu redemisse, eamque minimam quæ est fidelium, seu credentium: alteram autem longe majorem, quæ est infidelium in infidelitate defunctorum, non emisisse, nec redemisse, nec pro ea mortuum esse, quod nihil falsius, aut infidelius dicere poterant de mente Augustini, cum ei directe attribuunt quod negavit, & de eo negent quod ipse asseruit: sed quia de his iterum recurret sermo

inferius ; cū de infidelibus in particulari loquemur , videnda sunt ea , in quibus dicunt Augustinum contrarium docuisse sententię quam tenemus.

Et primò , Id volunt probare ex quodam tractatu Augustini in Joannem quem non citant in specie : ubi , inquiunt , hæc habentur : qui ita confitetur Christum Deum , ut hominem neget , nec pro illo mortuus est Christus. Primo recte potest dici , quod id ita intelligit Augustinus , quod Christus non sit pro illo negatore mortuus secundum mentem istius negatoris : nam cū iste negator putarit , Christum non fuisse hominem , secundum quem tantum potuit mori : consequens est , quod putavit Christum non esse pro illo mortuum , & proinde bene dixit Augustinus , quod pro illo non est mortuus secundum sensum illius licet secundum verum sensum , qui tenet Christum fuisse Deum , & hominem , & pro illo mortuus sit , & pro ceteris peccatoribus : sic loquitur tract. 18. in Joannem de quodam negante quod , verba Christi essent spiritus & vita , prout dicebat Christus : hæc , inquit Augustinus , intellexisti carnaliter , etiam sic spiritus , & vita sunt ; sed tibi non sunt.

2 , Dico , quod non distinguit ibi Augustinus de qua morte Christi loquatur , an de morte ejus , ut efficaci , an vero ut solū sufficienti ad salutem : nam si loquatur ibi Augustinus de morte Christi , ut efficaci , nihil habent contra nos adversarij , quia etiam concedimus cum eis talem mortem non esse pro omnibus , & singulis hominibus : si autem dicant ibi sermonem esse de morte Christi , ut sufficiente , de qua controversia nobis est , respondemus quod id debebant probare , & non gratis id asserere : quod si gratis volunt id dicere , & nos gratis negabimus.

3 , Dico satis patere ex materia indicata in illo loco , quæ est de hæreticis , nequidem ibi loqui Augustinum de morte Christi ut ad salutem æternam , de qua sola hic agimus : nam quot hæretici negarunt Christum esse hominem , qui postea conversi fuerunt , & postea salvati , & quot fuerunt qui negarunt etiam eum esse Deum , de quibus tamen nefas est dicere , quod damnati sunt , cū constet multos eorum fuisse conversos , & deinde sanctos , quos ut tales veneratur Ecclesia , qui tamen non minus peccaverant negando Christum esse Deum ; quam ij qui negarant eum esse hominem : & proinde manifestum est , quod cum dixit Augustinus de hujusmodi negatoribus , quod Christus non est mortuus pro eis , intelligendus est quoad effectum evitandi illud peccatum , pro quo non est mortuus Christus efficaciter , quandoquidem commissum est , quod non commissum fuisset , si sic pro eo mortuus fuisset : non autem , quod non est mortuus pro æterna salute eorum , quandoquidem multi eorum aut similibus actu consecuti sunt salutem æternam post commissionem talis peccati , quod esset contra conclusionem ejus. Quod si dicant Augustinum id intelligere de peccato finali , seu in quo perseveratum est. Respondeo quod ut id gratis asseritur , ita & gratis

negatur: aliud enim est peccare, & aliud in peccato perseverare: primum ibi dixit Augustinus, non secundum: unde & optime negatum est.

Nec vero magis urget textus alius Augustini, quem adducunt adversarii ex tract. 55. in Joannem, ubi dicit Augustinus: quod tota illa passio (Christi) nostra purgatio est. Passurus igitur exitia, præmisit obsequia, non solum eis, pro quibus subiturus erat mortem, sed etiam illi, qui fuerat eum traditurus ad mortem. Ubi videtur Augustinus negare, Christum esse pro Iuda mortuum, sed pro aliis tantum Apostolis.

Respondeo id intelligi de morte efficaci ad salutem, non vero de sufficienti: tum ob generalem nostram rationem, qua supra vidimus ex Augustino, Christum esse pro omnibus, & singulis mortuum quantum ad sufficientiam conferendarum eis gratiarum, & proinde debuisse esse etiam ita mortuum pro Iuda. Sed etiam quia supra vidimus, id expresse, & formaliter ab Augustino assertum, cum dixit libro 2. de Symbolo ad Catechum. c. 8. quid egit iniquitas Iudæ, qui eum vendidit, à quo redimi debuit. Ubi clare indicat, Christum eum esse redempturum per mortem ejus futuram, si redimi voluisset, & non per iniquitatem suam ei obstitisset, non consentiendo, sed potius resistendo gratiis sibi concessis. Quicquid sit, cum non distinguat in loco supra objecto Augustinus; an loquatur de morte efficaci, an vero de sufficienti ad salutem; non est potior ratio, cur intelligatur de morte, ut sufficienti secundum interpretationem adversariorum, quam de morte, ut efficaci secundum nostram expositionem: imo vero longe rationabilis est eum intelligere de morte, ut efficaci, quam de sufficienti, cum hujusce nostræ interpretationis aliquas rationes afferamus, ipsi autem nullas afferant suæ.

Quantum autem ad illum locum, cujus nec librum, nec tractatum citant adversarii, ubi dicit Augustinus: omnes fecit oves suas, pro quibus est omnibus passus, quia, ut ipse pro omnibus pateretur, ovis est factus.

Respondeo id intelligi de omnibus omnino hominibus, tam infidelibus, quam fidelibus cum nullas ibi peculiare oves assignet, sed omnes homines comprehendat. Nam si per omnes solum intellexisset aliquos, non debebat repetere eandem vocem in prædicato, sed sufficebat dicere: omnes fecit oves suas pro quibus est passus, per hoc aliquo modo indicans illos solos fecisse oves, pro quibus passus est, & non alios: sed quia per, omnes, intelligebat omnes omnino homines, & non tantum eorum aliquos, aut multos, ideo repetiit eandem vocem, dicens: omnes fecit suas oves, pro quibus est omnibus passus. Quod etiā hinc confirmatur, quod ibi per oves, intelligit homines simpliciter, quod patet ex hoc quod dicit Christum esse ovem factum, ut pro omnibus pateretur: at scimus scripturam dicere Christum esse hominem factum, ut sic pateretur, ergo quod scriptura dicit homi-

nam, ipse dixit ovem, sumens ovem pro homine seu vocans homines oves, ut sub summo pastore Deo gubernandas: sic ergo dicendum est secundum sensum Augustini: quod Christus fecit omnes, & singulos homines, seu fideles, seu infideles suas oves, moriendo pro ipsis, & per mortem suam obtinendo eis gratias, quæ vera sunt pabula animarum, quibus ipsæ utendo possunt vivere in æternum, & quibus non utendo moriuntur, & pereunt, & sunt oves steriles, & infructuosæ, quales vocat Judæos incredulos, & vere infideles, in peccato suo morientes serm. 108. de temp. circa medium: & sunt oves indisciplinatæ usque ad finem, quales vocat Schismaticos, & Hæreticos tract. 47. in Joannem ante med. & tandem dici posset; quod si loquatur ibi Augustinus tantum de aliquibus, & non de singulis, quod loquitur de passione, & morte Christi, ut efficaci non vero de sufficiente, de qua sola loquimur: cum ibi non specificet sub qua ratione loquatur de morte Christi, & impossibile sit id cognoscere ex antecedentibus, cum non citetur liber, aut tractatus, ubi est locus ille. Ex quo tractatu nobis tandem objiciunt hunc textum: Fecit ipse etiam suorum sanguinem pretiosum, pro quibus dedit sanguinis pretium. Respondeo 1. ibi Augustinum non loqui de morte Christi, ut pro omnibus, sed ut pro iis quibus tunc loquebatur, scilicet Christianis suis auditoribus, quibus ait: quia oves Christi estis, sanguine Christi comparati estis, agnoscitis pretium vestrum, quod non à me datur, sed per me prædicatur. Ille quippe emit (scilicet, vos oves suas) qui pretiosum sanguinem fudit: pretiosus sanguis est illius sine peccato: fecit tamen ipse etiam suorum (scilicet vestrorum aut similium) sanguinem pretiosum pro quibus dedit sanguinis pretium. Quod omnino est de morte Christi ut efficaci, & ut pro Christianis quibus loquebatur, non vero de ea ut sufficiente, cum non ibi loqueretur de morte Christi secundum se, & secundum fructuum suorum multitudinem, seu extensionem, sed secundum ea quæ contulit specialiter Christianis, seu his quibus loquebatur, qui erant Christiani. Quod si tamen vis ista intelligere de morte Christi ut sufficiente, recte etiam de ea possunt intelligi, sine præjudicio nostræ opinionis: sensus enim erit, quod sanguinem seu vitam etiam infidelium fecit pretiosam, cum ei contulerit tale pretium, unde potuerunt emere regnum cælorum, scilicet gratias sufficientes, quibus si bene usi fuissent, obtinuissent regnum cælorum, quo nihil pretiosius esse potest. Et sic nihil ibi est contra mortem Christi, ut sufficientem pro omnibus, & singulis, sive intelligas textum illum in 1. sive in 2. sensu, contra opinionem objicientium.

Et revera tam infirma sunt illa testimonia Augustini contra nostram sententiam, ut illis diffusi adversarii confugiant ad locos Script. sacre, qui sunt extra propositum nostrum, & suum quod solam est querere, quid senserit Augustinus, & non quid aliunde tenendum sit: & tamen nihil habent ex locis illis quod faveat contentioni suæ, cum

solum indicent illi loci, Christum esse mortuum pro fidelibus, non vero negent esse etiam mortuum pro infidelibus: imo & possent exponi de ipsis infidelibus, & de omnibus omnino hominibus: quid enim hoc significat, cum dicitur Christus mortuus pro populo suo, & pro omnibus suis, nisi quia ipse mortuus est pro omnibus omnino hominibus, qui sunt sui per creationem, & quorum meruit per passionem, & mortem suam esse regem, & pastorem. Sed ista sunt extra metas Augustini ut et ea quæ afferunt ex quodam tractatu cui titulu, Ecclesia Lugdunensis, quæ nihil spectant ad Augustinum cum sint tantum quædam placita aliquorum particularium in unum convenientium, ut ait Duvallius in commentario istius tractatus: unde ea quæ habent adversarij ex illo tractatu, & ex concilio Valentino, omittentes ut non spectantia ad nostrum propositum, quod est solum hic attendere ad ea quæ habet Augustinus, & illius discipuli de gratia sufficiente, & necessaria ad salutem, transimus ad ea quæ habent ex Augustino ut videamus num alicubi negaverit Augustinus, Christum esse mortuum pro aliquibus, quibus noluerit dare gratias sufficientes ad salutem suam consequendam, ut asserunt adversarij.

In bibliotheca patrum tom. 4. parte 2.

Idem Duvallius ibidem explicat locum Valentini concilij, de morte Christi ut efficacis, non vero ut sufficientis, de qua sola, & ut tali, hic agimus.

§. III.

Alia solvuntur objectiones, sumptæ ex Augustino contra mortem Christi pro omnibus, et singulis hominibus.

Primo proponunt locum libri 6. contra Iul. c. 15. ubi dicit Augustinus. Illi ergo vivunt, pro quibus, ut vivant, mortuus est, qui vivebat. Quod apertius inquitur ita dicitur: illi sunt à mortis vinculo liberi, pro quibus mortuus est, inter mortuos liber. Vel sic multo apertius: illi sunt liberi à peccato, pro quibus mortuus est, qui numquam fuerat in peccato.

Respondeo, hunc locum non esse ad propositum, solum enim ibi loquitur Augustinus de morte Christi, prout actu prodest, non vero prout prodesset potest, de quo solo loquimur: quod clare patet ex sequentibus, ubi se explicat Augustinus dicens: & cum semel sit mortuus, tamen pro unoquoque tunc moritur, quando in eius morte, quantalibet ætatis fuerit, baptizatur (quid est, tunc moritur Christus, quando homo baptizatur, nisi quod tunc prodest homini mors ejus, & non antea: quod & mox explicat in terminis Augustinus dicens) id est tunc ei proderit mors ejus, qui fuit sine peccato, quando in eius morte baptizatus, mortuus fuerit etiam ipse peccato, qui mortuus fuerat in peccato. Quo nihil clarius dici poterat ad ostendendum quod loquitur ibi de morte Christi ut actu prodest, non vero ut prodesset potest, de quo solo disputamus.

Quantum autem ad textum sequentem ex Enchir. c. 103. ubi dicit Augustinus. Omnipotens autem Deus, velle inaniter non potest, quodcumque voluerit. Respondeo, hoc verum esse quando volun-

tas ejus est efficax, & nihil aliunde prærequirit ad effectum ponendum, qualis est illa voluntas, de qua ibi loquitur Augustinus, cui subservit omnipotentia sua, de qua voluntate, ideo dicit: quod *omnipotens* Deus velle inaniter non potest, quodcumque voluerit. Tunc enim certum est quod nihil inaniter vult, & quod semper voluntas ejus habet effectum: at vero quando voluntas ejus non est efficax, sed tantum sufficiens, & conditionata: tunc nihil impedit quin frustratur aliquid velit quoad effectum, licet non frustra etiam tunc secundum intentionem ejus: quod & accidit in casu nostro: ubi quidem voluntas illa frustratur effectū salutis in plurimis hominibus, sed non frustratur intentione sua, quæ est ut inexcusabiles sint homines de damnatione sua, quæ hinc sequitur, cum habuerint media omnia necessaria, & sufficientia ad salutem suam efficiendam, si voluissent: in quo nihil est contra omnipotentem voluntatem divinam. de qua ibi loquitur Augustinus, cum id voluntariè permittat, & cum ideo solum dederit auxilium infirrens, & non determinans ad effectum, ut esset homini liberum, illum effectum ponere, vel non ponere prout veller. Quem sensum clare admittit ipse August. in præcedentibus capitibus, libenter ibi confitens quod aliquid sit ab homine contra talem voluntatem Dei, seu contra id quod sic tantummodo Deus vult: quia tunc etiam ipse Deus facit quod vult, scilicet secundum intentionem suam ut supra explicatum est. Sic enim ait singulariter capite 100. initio: Hæc sunt magna opera Domini exquisita in omnes voluntates ejus, & tam sapienter exquisita, ut cum angelica, & humana creatura peccasset, id est *non quod ille, sed quod voluit ipsa fecisset*, etiam per eandem creaturæ voluntatem, qua factum est quod creator *noluit, imple-ret ipse quod voluit*. Et infra: quantum enim ad ipsos attinet, *quod Deus noluit fecerunt*, quantum vero ad omnipotentiam Dei, nullomodo id efficere valuerunt. Hoc quippe ipso quod *contra voluntatem Dei fecerunt*, de ipsis facta est voluntas ejus. Propterea namque magna opera Domini, exquisita in omnes voluntates ejus, ut miro, & ineffabili modo non sit *præter ejus voluntatem*, quod etiam *contra eius sit voluntatem*, quia non fieret, si non sineret, nec utique nolens finit, sed *volens*. Quod est idipsum quod dicebamus: ex quo patet quam absurde collegerint adversarii ex supra allato textu nobis ab eis objecto, dicentes: quod proderit illi necessario Christi sanguis, & mors, pro quo sanguinem illū fudit, & mortuus fuit: Et cui nullomodo prodest. pro illo nec sanguinem fudit, nec mortuus fuit. Hoc enim solum verum est de voluntate Dei efficaci de qua ibi loquitur Augustinus quam habuit Deus pro salvandis aliquibus, non vero de sufficienti de qua loquimur, & quam diximus Deum habuisse pro omnibus, & singulis hominibus, hæc enim, ut prædictum est, potest frustrari suo effectū, & proinde non est necesse, quod proficit iis omnibus, quibus vult aliquid bonum, sed sufficit quod prodesse possit omnibus, per gratias scilicet sufficientes, iis omnibus præstitas, quibus illud bonum consequi possint. Ex quo manifestum

est, quod locus supra objectus, nihil obest nobis, seu nostræ probationi, cum sit de sola voluntate efficaci omnipotentis Dei, non vero de sufficienti, de qua sola agimus. Iino non est ad propositum, cum non sit de sola voluntate Dei influente, sed etiam sinente, de qua nullomodo hic agimus.

Post hæc multos adducunt locos adversarij in quibus ea quæ scriptura dicit generaliter de bona voluntate Dei ad omnes, explicat Augustinus de aliquibus. Respondeo 1. quod fortè intellexit locos illos Augustinus de morte Christi, ut efficaci, & non ut solum sufficienti. Quo casu mirum non est, quod explicet illos textus de aliquibus, & non de omnibus, cum mors Christi sic sumpta, sit tantum pro aliquibus, & non pro omnibus, & singulis hominibus, sed relege illos alios locos scripturæ, quos initio hujus probationis adduximus, & videbis eos clare, & nitide explicatos ab Augustino de omnibus, & singulis hominibus, ut pro quibus mortuus est Christus, & non tantum de aliquibus: ut per hoc agnoscas quod diversimode explicuit Augustinus generales locos scripturæ, qui sunt de morte Christi sine præjudicio suæ opinionis de bona voluntate, seu de morte Christi pro omnibus, & singulis hominibus, cum aliquando explicet aliquos eorum de aliquibus hominibus, non excludendo cæteros: aliquando vero de omnibus, & singulis hominibus. Unde & respondeo 2. quod nihil habent contra nos ex prædictis locis adversarij, quia non sunt exclusivi, sed solum abstractivi: nam licet illos locos explicet Augustinus de aliquibus hominibus, nullam tamen ibi videas particulam exclusivam, qua cæteros omnes excludat: unde non bene ex his inferitur quod excludat aliquos. Licet enim explicet illos locos de aliquibus, non tamen propter hoc negat intelligi posse de omnibus: sed ostendit bene intelligi de aliquibus, id quod intelligi potest de omnibus, cum aliqui verè contineantur in omnibus.

Unde bene videntes adversarij hanc responsionem esse sibi valde contrariam, cito eunt obviam dicentes: quod ne quis forte suspicaretur, ita phrasas hujusmodi affirmativas, de prædestinationis intelligentes esse, ut tamen alij iusti, qui de beato illo numero non sunt, non excludantur: non uno in loco invertit istiusmodi locutiones, ita ut eas negative efferendo, dicat Christum pro cæteris, qui non fuerint prædestinati, non esse mortuum, non orasse, non semetipsum dedisse redemptionem. Primus autem locus quem adducunt, ut id probent, est ex Epistola 102. ad Evodium: ubi dicit Augustinus: Non perit unus ex illis, pro quibus mortuus est Christus.

Respondeo, locum illum non esse de morte Christi quoad omnes suos fructus, de quo solo hic agimus, sed tantum quoad aliquos, eosque rariores, qui sunt salvare hominem in æternum, cum nequidem sit de fructu justificationis, quem mors Christi operatur in iis qui non perseverant, nec salvantur, sed tantum de illis quæ operatur in salvandis: unde hic locus non est ad propositum, cum non tangat subje-

atum, qua parte contrahitur: id est quoad generalitatem fructuum passionis, & mortis Christi. Nam si locus iste sit tantum de aliquo fructu in particulari, & non de omnibus, & singulis, quos habuimus ex morte Christi; quomodo ex eo elicietur, quod nullus sit alius fructus præter illum quem exponit. At certum est quod non exponit omnes fructus mortis Christi, quandoquidem non loquitur de illo qui est certus, & indubitatus, scilicet de justificatione non perseverantium, seu non salvandorum: recte enim potest dici, quod sicut ille effectus certus, & indubitatus omittitur, & non negatur, ita & alius de quo nobis quaestio est, scilicet gratia sufficiens pro infidelibus, omittitur, & non negatur. Quod autem ibi solum loquatur de perseverantibus, patet ex antecedentibus his verbis. Et multi in cruce Christi gloriantes, & ab eadem via non recedentes, etiam si ista, quæ subtilissime differuntur, ignorent, quia non perit ex illis (scilicet perseverantibus in gloriatione crucis Christi) pro quibus mortuus est, ad eandem perveniunt hereditatem, veritatem, charitatem id est ad stabilem, certamque felicitatem. Ubi vides quod solum loquitur de morte Christi, ut efficaci ad salutem æternam perseverantium, non vero de aliis ejus fructibus. Quod ut facilius percipias, resolvamus propositionem in diversos, quos habere potest, sensus. Nam vel sensus est: non perit unus ex illis omnibus, pro quibus Christus mortuus est. Vel sic: non perit unus ex illis particularibus, pro quibus ad hoc mortuus est efficaciter Christus, ut ipsi non pereant. Si primum sensum eligas, falsum dicis, falsum enim est quod non pereat ex illis omnibus pro quibus mortuus est Christus, cum certum sit, quod Christus mortuus sit pro justificatis omnibus (ut supra dixit Augustinus ab adversariis relatus, & ipsi fateantur adversarij) & tamen multi eorum pereunt. Quod si secundum sensum admittas: verum quidem dicis, sed nihil hinc habes contra nos: nam cum tunc illa propositio non respiciat omnes omnino fructus passionis, & mortis Christi, sed tantum aliquos: non bene inferitur ex ea, quod fructus ibi omisus, non sit verus istius mortis fructus, quandoquidem illa propositio non habet quod includat omnes fructus illius, sed tantum aliquos peculiares, inter quos quidem fateamur quod gratia sufficiens pro infidelibus in infidelitate morientibus non continetur, sed continetur inter alios. Et sic nihil concludit ille textus contra nos, quia licet habeat exclusivam, non est tamen in ea materia, de qua loquimur, quæ est de generalitate omnium omnino fructum passionis Christi (cum nequidem includatur in ea justificatio non perseverantium, qui tamen est certissimus, & indubitatus fructus passionis illius) sed est tantum in materia quadam particulari aliquorum fructum excellentissimorum, inter quos fateamur non numerari gratiam sufficientem pro infidelibus in infidelitate morientibus, sed numeratur inter alios minoris notæ, inter quos & numeratur justificatio non perseverantium, qui certissimus est effectus passionis, & mortis Christi pro omnibus.

Libro de
Nat. & Gr.
c. 33 in fi-
nedicit au-
gustinus:
quod qui
nihil dicit
de aliqua
re, potest
putari hoc
sentire,
quod veri-
tas habet
circa illam
rem, sed il-
lud non di-
xisse, quia
non ubique
omnia di-
cenda sunt.
Quod val-
de notandū
est pro mul-
tis locis li-
brilibus.

Quantum autem ad illum textum ex serm. 8. Parisiensium ubi ait Augustinus. Etsi laniatur caro, etsi laceratur, quando perit qui sanguine Christi redemptus est; potens homo potest perdere quod emit auro suo, & Christus perdit quod emit sanguine suo. Dico illum textum esse intelligendum secundum comparationem ibi factam: nam ut homo potens, & dives, non potest contra voluntatem suam perdere quod emit auro suo, ita Christus non potest contra voluntatem suam perdere quem emit sanguine suo. Sed ut homo potens, & dives potest id perdere quod emit auro suo, si non efficaciter velit illud servare, ita & Christus potest perdere homines, quos emit sanguine suo, si non velit eos efficaciter servare, aut salvare, sed tantum sufficienter, ut dicimus de reprobis.

Diversi-
mo. e. Chri-
stus vocavit
homines,
suos, secun-
dum Augu-
stinum, ali-
quādo pro-
pter fidem,
ut hic; ali-
quādo pro-
pter crea-
tionem, ut
libro 1. ad
Simpl. qu.
2. in hæc
verba Ioa-
nis 11. In
sua propria
venit, & su-
cum non
repperit:
ubi quæres
Augustinus
quomodo
id conven-
iat his
quibus di-
xit Iesus
vos prop-
terea non
auditis,
quia non
estis ex
Deo: sic
ait: quomo-
do? quomodo
non
ex Deo: nisi
quia illud
dictum est
de homini-
bus quos ip-
se Dominus
fecerat: il-
lud de pec-
catoribus
quos ipse
Dominus
arguebat.

§. I V.

Solvuntur objectiones, sumptæ ex Augustino de oratione Christi, quasi non fuerit facta pro omnibus, & singulis hominibus.

Quantum autem ad id quod dicunt Augustinum docuisse, Christum ita pro prædestinatis (ad gloriam, sic enim intelligunt adversarij) orasse, ut pro cæteris non oraverit, respondeo id apertissime esse falsum in doctrina Augustini: cum tractatu 109. in Joann. circa initium, probet Christum orasse pro omnibus, & singulis qui crediderunt in eum, nam exponens ibi ista verba salvatoris. Non pro his tantum rogo, sed & pro eis qui credituri sunt per verbum eorum in me, sic ait: omnes etiam qui futuri erant (& quinam sunt illi, ecce) quotquot enim postea crediderunt in eum, per verbum Apostolorum sine dubio crediderunt, & donec veniat credituri sunt. Ecce ergo pro quibus tunc oravit Christus, pro omnibus scilicet credentibus, quotquot sunt, & erunt, quos ideo vocat suos, quia erant Christiani, & per baptismum ei addicti, & consecrati. Et paulo infra ait: non itaque hi tantum intelligendi sunt, quos ait in se credituros per verbum eorum, qui ipsos, cum in carne viverent, Apostolos audierunt, sed & post obitum eorum, & nos longe post nati per verbum eorum credidimus in Christum, quoniam ipsi, qui cum illo tunc fuerunt, quod ab illo audierunt, cæteris prædicaverunt, atque ita verbum eorum, ut etiam nos crederemus, ad nos usque pervenit, ubicumque est ejus Ecclesia, & perventurum est ad posteros quicumque, ubicumque, postea in eum credituri sunt. Ubi ista verba quotquot, quicumque, ubicumque, clare indicant omnes, & singulos credituros: at certum est, inter eos esse aliquos reprobos: ergo pro eis oravit Christus, & non pro solis prædestinatis ad gloriam, ut prætendunt adversarij. Idem habetur cap. 110. non longe ab initio, ubi exponens, pro quibus oravit Christus, ut omnes unum sint. Sic ait: isti omnes; quid est nisi mundus, non hostilis utique, sed fidelis, ecce non dicit Augustinus, quod

iste mundus sit prædestinatus, aut electus ad gloriam, sed fidelis. Falsum igitur est quod dicebant adversarij, Christum orasse solum pro prædestinatis ad gloriam, & non pro reprobis, cum oraverit pro omnibus, & singulis credituris, inter quos certum est quamplurimos reprobos reperiri: & hæc est doctrina quam Christus Augustino præformaverat, non eam quam dicunt adversarij, quæ est de oratione Christi pro solis prædestinatis facta, ut patet ex verbis ipsius Christi supra relatis, quæ sunt de omnibus credituris, tam reprobis, quam aliis, & non de solis prædestinatis.

Nec vero cum Christus ait: non pro mundo rogo: intelligit de reprobato, & damnato ut volunt adversarij, sed de mundi dilectoribus, ut ait D. Thomas in illum locum: & cum addit Christus: sed pro his quos dedisti mihi: non intelligit prædestinatos ad gloriam, sed eos tantum quos dedit ei Deus in discipulos, & obedientes specialiter ut explicat ibidem D. Th. nec aliter etiam illa verba intellexit Augustinus ut patet ex tract. 107. in Joann. initio, ubi illa verba exponens ait: *mundum vult modo intelligi, qui vivunt secundum concupiscentiam mundi* (quod idem est, ac qui diligunt mundum, seu mundi dilectores ut dicebat D. Th.) & non sunt in ea sorte gratiæ (id est non ita gratificati sunt à Deo) ut ab illo eligantur ex mundo (id est ut ab eo seeligantur, & secernantur ab aliis mundi dilectoribus per datam eis veram conversionem ad Deum) non itaque pro mundo (id est pro prædictis mundi dilectoribus, seu pro his qui vivunt secundum concupiscentiam mundi, quamdiu sic volent vivere) sed pro eis quos illi pater dedit, rogare se dicit: per hoc enim, quod eos illi pater jam dedit, factum est, ut non pertineant ad hunc mundum, pro quo non rogat. Id est factum est, ut non sint de his qui vivunt secundum concupiscentiam mundi, prout supra ipse explicavit. Ubi nihil video de reprobis, nec de prædestinatis ad gloriam: sed tantum de prædestinatis, & non prædestinatis ad gratiam, seu de omnibus bonis, qui per Dei gratiam, & per veram conversionem secernuntur à malis, & vivunt secundum justitiam qui non sunt omnes prædestinati ad gloriam, cum aliqui eorum aliquando pervertantur: & de omnibus malis, qui vivunt secundum concupiscentiam, qui non sunt omnes reprobi, cum aliquando aliqui eorum convertantur: & sic nihil habent pro se adversarij ex hoc loco, cum hic locus non sit de reprobis, & de prædestinatis ad gloriam, ut putabant adversarij, sed de aliis.

Ad id autem quod addunt dicentes, quod in alio tractatu in Joann. enucleans illum locum, quo Christus patrem rogando dicit [ut mundus credat, quia tu me misisti] & cum præcedente comparans: ecce qui dixerat [non pro mundo rogo] pro mundo rogat, ut credat, quoniam est mundus, de quo scriptum est [ne cum hoc mundo damnemur] pro isto mundo non rogat, neque enim quo sit prædestinatus ignorat: & est mundus de quo scriptum est [non enim venit filius hominis, ut judicet mundum, sed ut salvetur mundus per ip-

sum: unde & Apostolus [Deus erat in Christo mundum reconcilians sibi] pro isto mundo rogat dicens [ut credat mundus, quia tu n.e misisti]

Respondeo neque hunc textum quicquam facere pro adversariis, seu pro eorum opinione, de oratione Christi facta pro solis prædestinatis, & non pro reprobis: nam si eis in aliquo faveret, maxime in his verbis: quoniam est mundus, de quo scriptum est: ne cum hoc mundo damnemur, pro isto mundo non rogat, neque enim quo sit prædestinatus ignorat. Nam cetera non sunt de reprobis, aut de prædestinatis ut sic, sed tantum de bonis, & malis: de bonis quidem, quos intelligit Augustinus per illum mundum, quem, ut inquit ex Apostolo, Deus sibi reconciliavit in Christo: id est à peccatis libera-vit, & ei gratiam justificantem contulit: & de malis, quos intelligit Augustinus, per hunc alterum mundum, pro quo Christus non roga-vit (oratione scilicet efficaci ad conversionem eorum)) quem, supra dixit, esse eos qui vivunt secundum concupiscentiam mundi: unde cum hæc non sint de reprobis, aut de prædestinatis ut sic, restat, ut si textus iste faveat in aliquo ipsis adversariis, sit in his prædictis ver-bis: quoniam est mundus de quo &c. Sed in his verbis nullomodo fa-vet adversariis, licet multum fidant eorum efficacix ad probandum, Christi orationem non fuisse factam pro reprobis, ob hoc, quod pu-tant per hæc verba indicari ab Augustino, ideo Christum non orasse pro illis, quia noverat illos esse reprobos, in quo proculdubio valde hallucinati sunt. Nam cum ibi supponant, ut & supponere debuerunt, istos prædestinatos ad mortem, pro quibus Christus non oravit, fuis-se ad mortem prædestinatos *pro meritis eorum*, valde perperam existi-marunt, ideo Christum non orasse pro ipsis, quia novit eos esse repro-bos, seu prædestinatos ad mortem, cum antequam id nosceret, cer-tum esset, quod non oraret pro eis. Nam cum secundum eos isti re-probi, sint prædestinati ad mortem ob merita eorum mala, necessariò ante illam prædestinationem prævisa fuerunt mala eorum merita, & ante hæc mala merita prævisa fuit negatio gratiarum efficacium ad illa evitan-da, & ante hanc gratiarum illarum negationem, prævisa fuit negatio orationis Christi pro eis, quandoquidem, si Christus orasset pro eis, ha-buissent illas gratias efficaces, cum, secundum eos omnis Christi oratio sit efficax; quomodo ergo cognitio istius prædestinationis ad mortem, quæ supponit negationem orationis Christi pro istis reprobis, fuit causa, ut dicunt adversarij, cur Christus non oraverit pro eis, cum jam cer-tum esset, quod non oraret pro eis; antequam id videret: certe tam manifesta ibi est contradictio, ut adverti à quovis etiam minus docto facile possit.

Prædesti-natio ad mortem, secundum Augustinū, nihil aliud est, quam reprobatio positiva: unde sup-ponit pec-cata prævi-sa.

6. QUINTUS.

*Reliqua solvuntur objectiones de oratione Christi, quasi non
esset facta pro omnibus, & singulis hominibus secundum
Augustinum: ubi & aliquid aliud solvitur obiectum
ex Prospero.*

Sed rationem addunt adversarii, & dicunt: quod vanum & stultum
est pro eo irritando, vel avertendo rogare Deum, quod immuta-
bili decreto sancitum, & prædestinatum esse jam nosti: vanum etiam
pro talibus salvandis seria voluntate pati, ac mori: vanum pro tali-
bus à perditione decreta liberandis offerre Patri vota, preces, mor-
tem, ac sanguinem suum. Mortis enim, & sanguinis oblatio, est quod-
dam efficacissimum rogandi genus: certe fateor quod illud vanum est,
si prædestinatio ad gloriam facta sit ante prævisa merita: si vero fa-
cta sit post prævisa merita ut alibi ostendimus, non est vanum, nec
stultum sic orare, cum hac prædestinatio, sit ratione posterior istis
orationibus, & proinde non debet illas impedire. Unde quando di-
cit Augustinus: pro isto mundo Christus non rogat, neque enim quò
sit prædestinatus ignorat. Particula illa, enim, non habet vim causa-
lis, sed potius consecutionis, & indicij, & habet eundem sensum,
quem habent ista verba scripturæ Joann. 12. Judæi non credebant in
Christum, ut sermo Isaïe impleretur. Et propterea non poterant cre-
dere, quia iterum dixit Isaïas, excæcavit &c. nam sicut predictio Isaïæ,
non fuit causa incredulitatis Judæorum, sed tantum indicium: ita &
cognitio prædestinationis eorum ad mortem, pro quibus Christus non
oravit, non fuit causa, cur Christus non oraverit pro eis, sed tantum
fuit signum, quod non oraturus erat pro eis efficaciter, ut crede-
rent, ea fide, quæ per dilectionem operatur usque in finem: quia si sic
orasset pro eis, non fuissent prædestinati ad mortem, quæ fuit causa-
ta ab incredulitate eorum: supra enim ostendimus illam orationem
Christi fuisse pro omnibus credituris: ex quo sequitur, quod illi, pro
quibus susa non fuit, non erant credituri, & per hoc in mortem æter-
nam prædestinandi. Et sic, cognitio totalis istius prædestinationis,
fuit signum, & indicium, quod illi comprehensi non fuerant in illa
sua prædicta oratione, quæ erat pro omnibus credituris: sed hoc ta-
men non impedit, quod non aliàs oraverit sufficienter pro eis.

Quapropter dico: quod licet Christus in illa singulari oratione de
qua loquimur non oraverit pro non credituris, sed pro solis creditu-
ris, ut vidimus, non tamen hinc sequitur, quod non aliàs pro istis
non credituris oraverit, non quidem efficaciter, aliàs non amplius
essent non credituri, sed tamen sufficienter, obtinendo eis gratias suf-
ficientes, cum quibus si vellent, crederent, & salvarentur. Nec enim
eundem modum servavit Christus in orationibus suis, ut nec nos ipsi,

nec

nec quis alius cum pro diversis temporibus diversa petantur, & pro diversis: unde aliquando oravit pro se solo Christus, ut cum dixit: pater si fieri potest, transeat à me calix iste: & hæc oratio fuit inefficax, & conditionata, ut patet ex hac conditionali, si, & ex his verbis quæ sequuntur: verumtamen non mea voluntas, sed tua fiat. Aliquando pro solis crucifixoribus suis, ut cum dixit. Pater ignosce illis, quia nesciunt quid faciunt, & hæc oratio fuit efficax pro aliquibus, scilicet pro iis qui actu conversi sunt, & inefficax pro aliis. Aliquando pro solis credituris, ut supra explicatum est, quæ fuit efficax pro omnibus, pro quibus tunc oravit, quia omnes crediderunt. Sed fuit alia Christi oratio generalissima, & universalissima pro omnibus, & singulis hominibus: cum scilicet obtulit pro iis omnibus mortem, & passionem suam Patri suo Divino, ut obtineret pro eis omnibus gratias sufficientes, & ad salutem suam consequendam valde idoneas, si uti iis vellent. Nam cum supra ostensum sit, Christum pro omnibus, & singulis esse mortuum, etiam, & per hoc ostensum est eum pro omnibus, & singulis orasse, cum hæc mortis oblatio, facta pro iis omnibus, non possit concipi sine aliqua elevatione mentis in Deum, pro bono illorum, pro quibus moriebatur, quæ elevatio mentis ad Deum, cum sit formaliter oratio, indubitatum omnino est, Christum tunc orasse pro illis, præcipue cum ipsi adversarii, ut vidimus, asserant mortis, & sanguinis oblationem, esse quoddam efficacissimum rogandi genus, quod intellige de efficacia secundum mentem, seu intentionem offerentis: nam si offerens intendit efficaciter bonum aliquod obtinere pro alio, erit efficacissima illa oblatio pro bono illo ei obtinendo: si autem tantum intendit obtinere pro illo vires sufficientes ad consequendum illud bonum, erit efficacissima quoad illas vires obtinendas & non aliter. Et sic dicimus Christum obtulisse mortem suam pro omnibus & singulis hominibus partim efficaciter, partim sufficienter, efficaciter pro salvandis, & sufficienter pro non salvandis: eo modo quo obtulit Deo Patri suam orationem pro crucifixoribus suis, illa enim oblatio seu oratio fuit partim efficax, & partim inefficax: efficax pro eis, qui postea conversi sunt, & inefficax pro aliis, qui non actu conversi sunt: quia hoc totum pendet ex intentione offerentis. Ex eventu autem id conijcimus, cum nihil aliud potuerit evenire quam quod intendit Christus: at videmus aliquos habere gratias efficaces, alios solum sufficientes, ergo pro illis mortuus est Christus, ut haberent gratias efficaces, pro his autem ut haberent sufficientes: non sane quod pro aliquibus singularibus directe, & simul, intenderit gratias efficaces, & pro aliis mere sufficientes, absit: pro omnibus enim generaliter, & sincere obtulit mortem suam, ut salvarentur si vellent, seu ut omnes haberent gratias vere, & sincere sufficientes, quibus consentirent, si vellent, & sic salvarentur, non consentirent, si nollent, unde & damnarentur. Sed efficaces pro iis quibus successive secundum circumstantias occurrentes,

ipse judicaret esse concedendas, sufficientes autem pro aliis, quibus etiam successe, & secundum circumstantias occurrentes judicaret esse concedendas, juxta id quod diximus in disputatione nostra de prædestinatione ad gloriam parte 2. sect. 3. §. 2. puncto 2. & sequentibus.

Sed audienda tandem, & solvenda est aliqua adversariorum instantia, qua volunt demonstrare, Christum non potuisse orare pro reprobis secundum Augustinum: sumitur autem illa instantia, ex eo quod aliquando dixit Augustinus, quod si sciret Ecclesia; quinam sint reprobi; non oraret pro illis, ut nec pro diabolo: & ex eo quod nos sæpe hortatur Augustinus ad orandum pro omnibus, quia nescimus, quinam sint reprobi, & quinam non sint. Sed hæc omnia futilia sunt nec ad propositum: cum enim nos oremus, ut habeamus effectum, clarum est quod si sciremus aliquos non esse prædestinatos ad gloriam, aut ad gratiam justificantem, non deberemus efficaciter orare pro ipsis, ut id haberent, cum esset frustraneum, & impossibile. Unde & dico similiter quod si aliunde Christus, quam ex præcedente suarum omnium futurarum, aut non futurarum prævisione (quæ supponit alias, & alias causas præcedentes, inter quas est illius oratio, aut non oratio sciret id non esse futurum, nullomodo id peteret, aut etiam petere posset efficaciter: sed cum omnia sciat ex prævisione sua: id petit quod prævidit se petiturum, & eo modo petit quo prævidit se esse petiturum, & id non petit quod prævidit se non esse petiturum: non ob hoc tamen quod prævidit se non esse petiturum, aut petiturum esse, quod impossibile est, cum prævisio sit saltem ratione posterior re futura, aut non futura, quæ est objectum ejus: sed ob alias, & alias rationes, propter quas ipse agit independenter à prævisione. Unde cum in prædicta oratione, non oravit Christus pro infidelibus in infidelitate sua morituris ut ipsi efficaciter crederent, aut salvarentur: non est ob hoc, quod præscierat eos esse prædestinatos ad mortem, seu ad damnationem æternam, cum, ut supra explicatum est, illa prædestinatio, vel prævisio, præsupponeret negationem orationis istius, & proinde non posset esse causa, vel occasio negationis istius, sed ob alias, & alias rationes, quas nemo scit nisi Deus, ob quod toties exclamat cum Apostolo Divus Augustinus dicens: ô altitudo divitiarum sapientiæ, & scientiæ Dei, quam incomprehensibilia sunt judicia ejus, & investigabiles viæ ejus: quis novit sensum Domini, aut quis consiliarius ejus fuit. Et sic nihil efficit contra nos ista adversariorum instantia, ut nec illa quam sumunt ex Prospero, qui videtur adversariis, arguere Semipelagianos, de eo quod totam discretionem hominum, vellent radicaliter esse ex fonte volendi, id est ex voluntate hominis, eo quod ipsi, sicut & nos, admitterent gratiam indifferenter omnibus oblatam ob merita passionis Christi: sed jam supra satis demonstravimus, eorum sensum longe fuisse à nostro diversum, cum ipsi nullam gratiam prævenientem admitterent, neque

ex meritis Christi, neque aliunde ad initium fidei, sed vellent illud esse ex nobis sine gratia prævia credere incipientibus, quod etiam significant ista verba. Ex fonte volendi: nam si gratia secundum eos præcederet, & præexcitaret voluntatem, non voluntas, ut ipsi contendebant, sed ipsa gratia esset fons volendi, ut nos dicimus: & ista gratia nos primitus discerneret, ut data à Deo præsciente quid actura esset, aut non esset, ut nos dicimus; non vero ipsa voluntas primitus nos discerneret, ut dicebant Semipelagiani, & proinde nihil ad nos spectat ista opinio Semipelagiana, quam perabsurde voluerunt impingere nobis adversarij, ut & cæteris Catholicis, similiter nobiscum bene sentientibus.

SECTIO QUARTA.

In qua proponitur tertia nostra probatio, sumpta ex præceptis, seu ex possibilitate præceptorum, à Deo nobis impositorum.

3. **P**ROBATIO sumitur ex possibilitate præceptorum, quam sæpe asserit Augustinus: unde & sequitur, quod cum præcepta dentur omnibus, & singulis hominibus, ut v. g. quod honorent Deum, & parentes suos, quod non faciant aliis, id quod sibi fieri nollent, ut credant in Deum, & similia: sequitur inquam, quod gratia sufficiens datur omnibus, & singulis hominibus, cum aliàs illa generalis possibilitas præceptorum defendi non posset sine gratia illa sufficiente.

Consequentia per se clara est. Prob. antec. & 1. ex disput. 2. contra Fortunatum versus finem: ubi ex dato præcepto infert datam hominibus liberam electionem faciendi illud, vel non faciendi, quod esse non potest sine gratia sufficiente eis præstita. Si, inquit, *imperatum est nobis* (non Adamo) *ut faciamus arborem, aut bonam, aut malam, nostrum est eligere quod velimus.* In quo nihil retractavit Augustinus, ut videre est in libro 1. retract. cap. 16. & libro de fide contra Manich. c. 10. sic ait, *quis non clamat, stultum esse præcepta dare ei, cui liberum non est, quod præcipitur, facere: & iniquum esse, eum damnare, cui non sunt potestas* (per gratiam nempe sufficientem sibi præstitam) *iussa complere.* Ubi vides quanta cum certitudine id asserat Augustinus, cum dicat esse stultum id præcipere, & iniquum, cum non factum est, punire: quod sane spectat ad omnes homines, cum ibi loquatur indistinctè, specialiter tamen ad lapsos, cum loquatur ibi de peccatis ex concupiscentia commissis, ut videre est ex capite proxime antecedente, & adhuc antecedente. Et serm. 61. de temp. longe ab initio eadem certè uine, sed aliis verbis idem protulit asserit, dicens: quod *ne*

impossibile aliquid potuit imperare, qui iustus est: nec damnaturus est hominem; pro eo quod non potuit vitare, qui pius est. Et post medium, clare præsupponens potentiam ad præceptum, dicit illud impossibile propter actum. *Præceptum, inquit, datur, ut iustitia custodatur, ut omnis homo divertat à malo, & faciat bonum.* quod omnino præseponit potentiam, sive sufficientiam ad id præstandum, ne omnino id stultum sit, cum nihil stultius sit, quam imponere præceptum propter actum, quem non potest præstare ille cui præcipitur. Et serm. 491. de temp. (qui quidem rejicitur à Jansenio, ut non Augustini, sed Pelagij; nos autem rectius censemus cum Lovaniensibus diligentissimis, & perspicacissimis operum D. Augustini discussoribus, esse Augustini) circa finem sic ait: execramur etiam blasphemiam eorum, qui dicant: impossibile aliquid homini à Deo præceptum esse, & mandata Dei non à singulis, sed ab omnibus in commune posse servari. Et serm. 20. de diversis cap. 9. initio sic ait: vocat te Deus, & jubet, ut facias: sed ipse dat vires, ut quod jubet, impleri possit. Et in Ps. 55. circa initium sic ait. Non imperaret hoc Deus, ut faceremus (ergo hoc spectat ad nos) si impossibile esse iudicaret, ut hoc ab homine fieret, si considerans infirmitatem tuam dedecis sub præcepto, confortare in exemplo (scilicet Christi, ut antea declaravit, sed nota valde quod sequitur) sed etiam exemplum ad te multum esse, adest ille, qui præbuit exemplum, ut præbeat & auxilium. Ubi vides, & damnatam impossibilitatem præceptorum, & gratiam sufficientem arte conjunctam cum præcepto, quam conjunctionem adhuc insinuat, & commendat tract. 53. in Joann. ubi ait: audiamus Dominum, & præcipientem, & opitulantem: & jubentem quid facere debeamus, & adiuvantem, ut implere possimus. Quia nempe hæc indivisa sunt, & præceptum quod servetur, & gratia qua servetur, si homo velit. Et libro 2. de peccat. mer. & remiss. cap. 3. reprehendens Pelagianos, quod vellent docere Catholicos præceptorum possibilitatem, ut eis ignotam: sic ait. Acute sibi videntur dicere; quasi nostrum hoc ullus ignoret, quod si nolumus, non peccamus: nec præciperet Deus homini, quod esset humane impossibile voluntarij. Et cap. 6. positivè loquens, sic ait: his, atque hujusmodi alijs innumerabilibus testimur (scripturæ sacræ) dubitare non possum, nec Deum aliquid impossibile hominibus præcepisse, nec Deo ad opitulandum, & adiuvandum, quo fiat, quod jubet, impossibile esse. Ubi adhuc vides, gratiam cum præcepto esse conjunctam. Et libro de nat. & gr. cap. 23. idem alijs verbis repetit, dicens: non igitur Deus impossibilia jubet, sed jubendo admonet (nota valde) & facere quod possis, & petere quod non possis (ergo de natura sua præceptum habet, ut moneat quod possis, vel proxime vel remote) & cap. 69. idem inculcat efficacius dicens: eo quippe ipso quo firmissime creditur Deum justum & bonum (ecce quam firma sit. fides hujus articuli) impossibilia non potuisse præcipere (non dicit non præcepisse, sed non potuisse præcipere, quia nempe non esset iustus, nec bonus.

Multi errores Iansenii damnantur in hoc sermone; unde non est mirum quod neget esse Augustini: sed cum approbatur à doctoribus Lovaniensibus qui exactissime discussērunt omnia opera Augustini & separaverunt spuria à legitimis, ideo prævalet eorum auctoritas.

Libant er
titur Au-
gustinus
hoc verbo
ad non riri
cū loquitur
de prae-
cepto: qua-
si nempe
praeceptum
de natura
sua esset si-
gnū, quod
ipsū potest
impleri cū
imponitur.
præter e-
nim cita-
tos locos,
adhuc sic
loquitur li-
bro de sp.
& litte. c.
13. dicens:
ideo iubet
lex, ut ad-
moneat
quid faciat
fides, id est
ut, cui in-
betur, si
nondum
potest, sciat
quid petat.
si autem
continuo
potest, &
obedienter
facit, docet
etiam scire
quo donā-
te possit. Et
pizicato
libro de
nat. & gr.
cap. 15. ita-
que prae-
cepto facere
commone-
mur: quod
conantes,
& nostris
viribus non
valentes, ad
iutorium
divinum
precemur.

si sic, præciperet) hinc admonemur (ecce ergo quod infert præceptum de natura sua, & per consequens indivisibiliter) & in facilibus quid agamus (id est, quod habemus in facilibus potentiam proximam) & in difficilibus quid petamus. Id est quod in difficilibus habemus potentiam remotam, seu gratiam orandi, per quam impetremus proximam, & sic semper habemus sufficientem. Et libro de gratia & lib. arb. cap. 16. initio sic ait: magnum aliquid Pelagiani se scire putant, quando dicunt: non juberet Deus quod sciret non posse ab homine fieri; quis hoc nesciat. Ecce vides quanta certitudine hoc admittat, ut notissimum, & probatissimum Augustinus. Sed quia Pelagiani per hoc volebant probare nos præcepta facere sine gratia, mox occurrit dicens: sed ideo juber aliqua quæ non possumus (proxime, scilicet, quia nempe gratiam tunc proximam non habemus ad agendum) ut noverimus (ecce quod infert præceptum, ut supra dictum est: scilicet veram potentiam, vel proximam, vel remotam) quid ab illo petere debeamus: quæ est potentia remota, qua impetrare possumus proximam, & immediate necessariam ad agendum, & sic semper supponit veram potentiam adesse, vel proximam, vel remotam ad agendum, quando imponitur præceptum. Et lib. 3. contra Maximinum quem juxta Lovanienses post retractationes suas exaravit. cap. 14. versus finem sic ait: præceptum, id nobiscum agit, ut quod iam est in potestate faciamus: si autem nondum est in potestate (scilicet proxima, quam solam solet vocare potestatem simpliciter) ore-remus nobis potestatem dari (scilicet proximam) sit quod præceptum est impleamus, ubi clare supponit ad præceptum, vel potentiam proximam, vel remotam, quam vocat orandi. Unde est quod lib. 9. de Genesi ad lit. c. u. dicit: Deum non creasse animas ad opus impossibile. Quia nempe ad omne opus præceptum semper supposuit potentiam proximam, aut remotam quæ est orandi, aut aliam hujusmodi. Et tandem libro 4. illius operis quod noviter inventum est, & vocatur perfectum c. 128. sic ait: hominibus natura filiis iræ propterea dantur præcepta vivendi, quia datur & gratia (ergo non daretur præceptum nisi adesset gratia, qua posset impleri præceptum. Unde & sequitur) ut qui jubet, jubeat, ac sic mala, non solum quæ voluntate addita, verum etiam quæ sunt congenita vincantur, quod enim hominibus impossibile est, Deo facile est: id est sit facile per gratiam. Et sic vides, Augustinum clare docuisse, nequaquam præcepta Dei esse impossibilia, sed adesse semper gratiam, qua possibilia fiant, seu proximè, seu remotè, nec ulla danda esse præcepta, nisi & danda esset gratia, quod multipliciter, & multoties ab ipso vidimus in superioribus inculcatum. Ex quo consequentaneum est, quod gratia sufficiens datur omnibus, & singulis hominibus, quibus præceptum impositum est, ut per eam fiat possibile: à præcepto autem nullus hominum immunis est, & per hoc neque à gratia sibi necessaria, & sufficiente alienus est.

Quædam contra prædicta solvuntur objectiones, ubi, & apparet, quod quando negat Augustinus adesse gratiam, hoc tantum intelligit de proxima non vero de remota seu de potentia orandi, quam supponit tunc adesse.

SEd contra hæc, per multas ambages insurgere conantur adversarij, sepe confundentes legem cum cognitione legis: nam per legem sæpe intelligit Augustinus cognitionem quam solam gratiam admittebant Pelagiani, ut sufficientem ad observandum præceptum, ut patet ex lib. 4. ad Bonif. cap. 5. circa med. ubi ait: *legem* quippe diversis locutionum modis *volunt intelligi gratiam*: ut scilicet à Domino Deo adiutorium *cognitionis habeamus*: Et rejiciebant gratiam, adjuvantem voluntatem, ut non necessariam ad implendum præceptum: firmiter statucentes, & volentes, legem, seu legis notitiam solam sufficere homini ad implendum præceptum sine gratia in voluntate necessaria: unde reprehendens eos Augustinus super hac temeritate sua. negat legem sic sumptam, id est ut cognitam, & ut sine gratia in voluntate necessaria, sufficere, seu potentiam sufficientem afferre, qua ab homine impleatur: imo vero asserit, eam ut solam, & ut sine gratia juvante, augere difficultatem præcepti, & in peccatum fortius inducere: sit patet ex his locis, quos ipsi adversarij pro se afferunt: *quam doctrinam* (scilicet legis) qui audiunt, & legunt *sine gratia Dei*, peiores eius efficiuntur inimici. Et infra: *lex Dei*, atque doctrina, quamvis sancta, & iusta, & bona; tamen occidit, si non vivificat spiritus. Et infra: sed ubi sanctus non adiuvat spiritus inspirans pro concupiscentia mala, concupiscentiam bonam, profecto illa lex, quamvis bona, aug. i. prohibendo desiderium malum. Et infra: *legis littera*, quæ docet non esse peccandum, si spiritus vivificans desit, occidit. Et infra: apparet igitur, littera vetustas: m, si desit novitas spiritus, reos facere potius cognitione peccati, quam liberare à peccato. Et hos textus, & multos alios similes (quos omitto vitandi tædij gratia) audent adducere adversarij, quasi negarent gratiam sufficientem simul dari cum præcepto ad servandum illud, cum sint tantum de gratia insufficiente, seu de cognitione legis, temere à Pelagianis prolata, ut per se solam sufficiente ad impletionem præcepti sine alia gratia in voluntate necessaria, quam commendabat Augustinus ut solam sufficientem ad præceptum. Certe hæc adversariorum hallucinatio, satis patet ex duobus indicis: quorum primum est, quia non ibi dicitur lex dari sine gratia, sed quod si datur, sine gratia Dei, sine vivificatione spiritus, sine vivificante spiritu, sine adiutorio spiritus (per quæ solet Augustinus exprimere gratiam sufficientem seu gratiam voluntatis, seu gratiam Christianam in voluntate necessariam, contra Pelagianam, quæ tota, & totaliter erat in

Epist. 107.

Lib. de sp.
& litt. c. 4.

Cap. 5.

Cap. 15.

cognitione legis) homo insufficiens erat ad implendum præceptum : ergo ibi solum rejiciebat Augustinus insufficienciam illius gratiæ , quam ponebat Pelagius in lege , atque doctrina , seu in cognitione Legis , non vero rejiciebat gratiam sufficientem , ut simul datam nobis cum impositione præcepti , quam volebat Augustinus esse in voluntate , & non in solo intellectu , seu in sola cognitione legis , ut volebant Pelagiani.

Secundum indicium est , quod in locis præadductis utitur Augustinus vocabulo legis , potius quam præcepti : quia nempe per vocabulum legis , solebat Augustinus exprimere gratiam Pelagianam solum intellectus , seu cognitionis legis , ut possem probare infinitis locis Augustini : & clare patet in libro de gratia Christi cap. 7. ubi postquam totam adduxisset sententiam Pelagij de gratia , sic ait : in his omnibus non recessit à commendatione legis atque doctrinæ : hanc esse adjuvantem gratiam diligenter inculcavit : ubi & postquam singulas prædictæ Pelagij sententiæ partes exposuisset : sic ait : hoc est ergo gratiam Dei ponere in lege atque doctrina : quod & fere repetit in singulis capitibus. Quæ cum ita sint , clarum est quod ista lex de qua loquitur Augustinus in præadductis locis , & quam dicit non esse stipatam gratia sufficiente : non est simpliciter præceptum Dei , sed est ipsa lex sumpta pro cognitione ejus , in qua ponebant Pelagiani suam gratiam sufficientem , sine alia superaddita , non autem est ista lex , quam nos dicimus , & quam vidimus supra in locis à nobis adductis , inferre gratiam , & opitulationem divinam , & eatenus dari , quia datur gratia , qua possibilis fiat , ut qui jubet , juvet , ut ait ipse Augustinus : unde & in illis locis vix utitur Augustinus , vocabulo legis , sed vocabulo præcepti. Et hinc solvuntur omnes priores loci Augustini , ab adversariis allati , & plerique alij.

Sed non solum ibi confundunt adversarij legem cum cognitione legis , seu quod idem est , cum gratia intellectus , ut excludente gratiam voluntatis , sed etiam confundunt gratiam voluntatis , cum gratia voluntatis : gratiam scilicet proximam voluntatis , cum remota voluntatis , non advertentes , aut advertere nolentes , quod aliquando vocat Augustinus gratiam proximam , gratiam simpliciter , ut nobiliorem , & potiore , quam ubi dixit Augustinus non adesse , cito interpretantur adversarij adesse nullam : quod valde absurdum est , cum etiam in plerisque illis locis ubi dicit Augustinus abesse gratiam , indicet ipse Augustinus , & præsentem monstrat esse remotam quæ sita est ut plurimum in potestate orandi , & querendi proximam : nam scipe , tum cum ibi dicit Augustinus abesse gratiam , suadet , & consulit , ut petatur gratia : at non potest peti , aut queri gratia sine gratia orandi : ergo ibi supponit adesse illam gratiam Augustinus. Sic enim ait in quodam loco ibi citato Augustinus. Data est (scilicet lex) ut inveniret se homo (id est ut cognosceret infirmitatem suam) ut non morbus sanaretur , sed ut pravariatione morbo crescente , medicus :

Serm. 1. de
verbis Apostoli
cap. 2.

Ibi gratia
adiuvans
aliter sum-
mitur quàm
à schola-
sticis : est
enim gra-
tia excitans
voluntatē
ad agendū
bene.

id est, *gratia adiuvans quæreretur*. Ecce vides quæri gratiam: ergo absens est gratia, cum quæretur; & præsens est gratia, qua quæretur: seu quod idem est; abest gratia proxima, seu adiuvans, sed adest remota, qua quæretur, & petatur proxima, seu adiuvans. Et infra in alio textu: ut quia lex ostendit peccata, non tollit, volentes legem suis viribus exequi, nec valentes, *cogantur ad gratiam* (id est, cogantur recurrere ad gratiam. Ergo ibi abest gratia, cum ibi requiratur, sed & adest alia gratia, scilicet remota, per quam altera quæretur) quæ & impossibilitatis morbum, & inobedientiæ aufert reatum. Et infra: lex itaque docendo, & iubendo, quod sine gratia impleri non potest: homini demonstrat suam infirmitatem, ut *quærat demonstrata infirmitas salvatorem* à quo sanata voluntas possit, quod infirma non potest. Ecce adhuc gratia quærit gratiam, gratia scilicet remota, seu petitionis, & inquisitionis, gratiam proximam, seu proxime adiuvantem, quam supra indicavit per nomen medici, hic autem exprimit eam sub nomine salvatoris. Et adhuc infra: bona est lex illi, qui ea legitime utitur: utitur autem legitime, qui intelligens quare sit data, per ejus comminationem *confugit ad gratiam liberantem*: ecce confugitur ad gratiam liberantem, utique absentem, sed non sine alia, quæ præsens sit (qua invocetur prædictum liberans auxilium) quæ est gratia remota. Et infra: oportebat enim, ut in testamento veteri, lex imponeretur superbis, & de suæ voluntatis virtute fidentibus, quæ non daret iustitiam, sed juberet, ac sic morte prævaricationis impliciti *ad gratiam confugerent*, non jubentem tantummodo (per quod indicat gratiam intellectus) sed *juvantem* (quæ est gratia voluntatis, seu gratia in voluntate necessaria) quæ novo testamento revelata est. Ecce adhuc vides confugi ad gratiam juvantem, quæ est gratia proxima, per se concurrens ad actum, quod cum non possit fieri sine gratia remota, quæ est gratia orandi, & confugiendi ad Deum, ibi supponitur adesse illa gratia, quæ obtineat absentem, quæ est gratia proxima. Et adhuc infra: timor incussus est eis, qui gratiam Dei nondum intelligebant, ut de sua infirmitate, atque peccatis, per legem convincerentur, & lex illis fieret *Padagogus*, à quo perducerentur ad gratiam, quæ est in fide Jesu Christi. Ecce homo perducitur ad gratiam, non sane sine gratia: ergo ibi erat gratia præsens remota, quæ quæreret absentem, scilicet proximam, & juvantem, quæ perduceret ad fidem Christi. Licet enim id tribuatur legi, seu cognitioni legis terrentis, nunquam tamen ei soli quicquam boni, etiam inchoati tribuit Augustinus, licet id importunissime ab eo exposlulare Julianus, sed simul pax cuidam voluntatis affectioni, quæ quæreret, peteret, & pulsaret ad Deum, ut illam gratiam proximam obtineret. Quod & adhuc habetur in aliquo loco sequenti, ubi ait Augustinus: *ad quam Dei gratiam, lex de prævaricatione terrendo, tanquam Padagogus perducit*. Vt sic conferatur homini, quod conferre ipsa non potuit. Et hic loci tam frequentes sunt apud Augustinum, ut dicant ipsi adversarii, quod dies desi-

In senten-
tiis Prospe-
ri sent. 311.

Epist. 144.

ibidem.

Lib. 2. con-
tra advers.
legis &
Prophet.
cap. 7.

Quæst. 55.
super Exo-
dum.

Ex lib. 4.
ad Bonif.
cap. 5.

deficeret, si omnia istiusmodi testimonia proferre vellent. Quapropter & his, sicut & ipsi, contenti erimus, cum satis clare demonstrarent, non abesse omnem gratiam, cum dicit Augustinus abesse gratiam, sed tantum proximam, & juvantem, non vero remotam, & quarentem, & petentem auxilium, ut homo possit implere legem, quandoquidem ubi dicit Augustinus abesse gratiam, ibi clare supponit aliam gratiam, qua gratia ipsa, quæ abest, quærat, & petatur, & impetretur.

§. II.

Ubi adhuc ostenditur: Augustinum supposuisse, quod gratia orandi aderat, quando aberat potentia proxime faciendi.

Hinc est, quod prævaricatores legis, seu præcepti, arguat Augustinus superbix, & præsumptionis, quia nempe nolunt petere à Deo vires, ut impleant præceptum, sed ex propriis suis viribus id facere præsumunt sine Deo, quod sane est superbix, & præsumptionis damnandæ: sic enim id indicat in his locis ex ipsismet adversariis collectis, cum ait: accepisti verbum, accepisti præceptum, nec definis facere, quod male faciebas: & accepto præcepto auges peccata per prævaricationem superbix. Et infra: invenerunt se non posse sine ejus adjutorio, qui de suis solis viribus præsumebant. Et alio in loco: data est lex ad ostendendum, quantis quamque artibus vinculis peccatorum constrictri tenerentur, qui de suis viribus ad implendam justitiam, præsumebant. Quia nempe non habebant satis humilitatis, ut peterent, quærerent, & pulsarent ad Deum, ad hoc ut impetrarent vires sibi necessarias ad proxime agendum in adimpletione præcepti, sed sufficientes in se habere sine Deo superbe existimabant: unde & ipsimet dicunt adversarij: quod de superbis hominibus loquebatur Augustinus, cum dicit in libro de Gr. & lib. arb. cap. 12. quod eis peccatum dominabatur. Sed & ipse scopus legis, quem postea adducunt pro se adversarij, ut rejiciant omnem gratiam ab aliquibus, qui debent servare legem, manifeste indicat semper dari aliquam gratiam remote sufficientem ad implendam illam legem. Dicunt enim scopum legis præcipuum fuisse, ut per defectum gratiæ sufficientis (intellige proximæ, ut verum sit) & secuta inde prævaricatione, ducerentur ad impetrandam gratiam, qua implere sufficerent. Ergo illi habebant gratiam orandi, & pulsandi ad Deum, cum possent impetrare gratiam proximam, qua implere legem sufficerent; impetrare enim proprium est orationis, orari autem non potest sine gratia, ergo ista impetratio finalis legis, seu quam respiciebat scopus legis, præsupponebat gratiam: & sic ex scopo legis manifestum est, quod semper datur quædam gratia cum lege, saltem talis gratia, qua impetretur proxima, & juvans ad im-

In ff. 106.

ibidem.

plendam legem impositam. Quod etiam patet ex addita ratione, & majori explicatione de scopo legis, quam adferunt adversarij: tanta enim, inquit, est carnalium hominum *superbia*, & cæcitas, ut nisi multorum lapsuum experientia frangi, & erudiri non possit: Et infra: quod si generatim loquendo toti Judaico populo, præter paucos, sufficiens implenda legi gratia subtrahita fuit, ut per multiplicationem infirmitatum suarum ad medicum, hoc est ad gratiam ejus agnoscendam, & invocandam erudirentur, nemo miretur, si & Christianis fidelibus nonnullis, de sua potestate adhuc præsumentibus, idem durissimæ institutionis genus adhiberi, Augustino nobis præcurrente, dicamus. Ubi manifeste volunt adversarij, scopum legis esse, ita humiliare hominis superbiam, ut ex agnita infirmitate sua, ipse erudatur ad agnoscendam, & invocandam Dei gratiam, ita ut id non solum locum habuerit in Judæis, qui maxime sub lege erant; sed etiam in aliquibus Christianis, nimis de virtute sua præsumentibus, quod omnino indicat, gratiam orandi iis ipsis fuisse datam, à quibus dicunt gratiam sufficientem implendæ legi fuisse subtractam. Tum quia isti vocantur superbi, & de sua virtute præsumentes, tum etiam quia eis dicitur data lex, ut erudirentur ad invocandam Dei gratiam. Nam ex eo quod vocantur superbi, & de se præsumentes maxime arguitur, quod haberent gratiam aliquam sufficientem, saltem remotam, quæ impetrarent proximam ad implendum præceptum necessariam, sed quod ea uti nollent ex temere præsumpta suarum virium sufficientia. Nam si nullam haberent prorsus sufficientem, & nequidem possent implorare auxilium, ut proxime sufficerent, non deberent vocari superbi, & de se præsumentes, sed potius impotentes. & miseri, seu quod idem est, non deberent argui de superbia, & præsumptione, sed potius lugeri de impotentia, & miseria, in qua jacerent. Nam v. g. si Paralyticus, qui caret motu membrorum, & etiam linguæ suæ, ita ut nec possit loqui, nec dare ullum signum externum voluntatis suæ, cadat in ignem, aut aquam, & ibi moriatur; quis hunc arguat superbiz, & præsumptionis, & non potius lugeat eum ob impotentiam præcedentem, quæ fuit causa casus illius, & ob calamitatem ejus. & miseriam, quæ tanta fuit, ut nequidem tunc invocare potuerit auxilium. At vero si potuit, & invocare pudit auxilium, tunc vere damnari debet de superbia, & præsumptione, quia noluit facere quod potuit, timens indicare suam indigentiam, & dependentiam aliis. Et sic patet, quod superbia, de qua prædicti arguuntur, ob hoc quod non impleverint præceptum, clarum est indicium, quod potuerunt illud facere, & per hoc quod habuerunt sufficientem gratiam, vel proximam vel remotam ad faciendum illud.

Idem patet, ex eo quod ibi dicuntur homines per legem erudiri, ut invocent auxilium, quod sane arguit adesse gratiam sufficientem ad orandum; nam cur isti erudirentur ad petendum auxilium, si petere illud non possent, seu gratiam orandi non haberent: certe nemo

sanae mentis dicit erudiendum esse Paralyticum, ut saltet, aut hominem ut volet, aut piscem ut cantet, quare hoc, nisi quia nemo eruditur, & docetur ad faciendum aliquid, quod non potest facere. Ergo cum ibi dicuntur homines erudiri per legem, ad invocandam gratiam, qua fiat praeceptum, plenissime, planissimeque constat, eos habere gratiam orandi, per quam impetrent gratiam adimplendi praeceptum.

Vide supra in probationibus huius pro-

bationis multa Augustini testimonia declarantia esse potentiam orandi in iis quibus deest potentia proxima faciendi praeceptum. Quae quidem parva est cum tantum valeat ad orandum, sed tamen sufficiens ad implendum praeceptum, & ad vincendam tentationem oppositam, ut habet lib. 4. de Symb. ad Catechum, c. 5. sub finem: ubi alloquens peccatorem sic ait: ad hoc ille (scilicet Christus) pugnare voluit, ut te doceret quomodo vinceret: sed si vires tuae parvae sunt, ipsum invoca salvatorem, ipsum invoca adiutorem. Cum te persequeris fideliter in malo, autem qui pro te pendit in ligno & hic victoriam & coronam victoriarum praeprabit in celo. Vbi etiam potes videre preparationem seu praedestinationem gloriae post parva merita.

Ex quo facile respondetur cuidam adversariorum argumento, quod dicunt nihil magis repugnare scopo legis, quam si lex simul ac data est, sufficienti gratiae auxilio muniretur. Licet enim id concederetur esse verum de sufficienti gratiae proxima, seu juvantis auxilio, non tamen id concederetur de sufficienti gratiae remotae auxilio, quod est in potentia orandi, cum haec gratia non solum non impediat, sed potius adjuvet, & impleat intentionem legis, quae est humiliare hominem ante Deum, ut aperiat ei suam indigentiam, & simul invocet, & impetret ejus misericordiam, & sic non elevetur in superbiam. Nec magni momenti est locus quem adducunt ex Augustino, quasi negans esse semper in nobis gratiam orandi: non enim negat ibi Augustinus nos habere semper illam gratiam, sed tantum negat nos illam habere à nobis, ut volebant Pelagiani quoad omne opus bonum, & Semipelagiani quoad initium fidei. & vult nos eam habere à solo Deo, ut patet ex terminis: nonne aliquando, inquit Augustinus, ipsa oratio nostra, ita tepida est, vel potius frigida, & pene nulla: imo omnino interdum ita nulla, ut neque hoc in nobis cum dolore advertamus, quia, vel si hoc dolemus, jam oramus, quid ergo aliud ostenditur nobis, nisi quia, & petere, & querere, & pulsare, ille concedit, qui, ut haec faciamus, jubet. Ubi vides, Augustinum solum contendere, quod oratio est ex Deo, & non ex nobis, quod non spectat ad questionem nostram, aut ad rem de qua agimus. Praterquam quod non loquitur ibi Augustinus de gratia sufficiente, ut sic, sed de gratia efficaci; quam solet exprimere per verbum dare, aut concedere: quantamquamque enim Deus gratiam dederit, nisi tamen sequatur effectus, non potest dici quod dederit, aut concesserit id facere, aut petere, querere, & pulsare, ut hic dicit, sed tantum quod dedit, aut concessit posse petere, querere, & pulsare, quod non dicit. Ergo ibi loquitur Augustinus de gratia efficaci, quam dat Deus quibus vult, & non de

gratia sufficiente quam dat omnibus, & singulis hominibus. Ad hoc autem quod dicunt, omnem gratiam sufficientem debere esse efficacem. Respondemus quod id satis confutatum est in præcedenti tractatu, & in disputatione nostra de prædestinatione ad gloriam.

§. III.

In quo respondetur argumentis negantibus semper adesse gratiam, saltem orandi, quando faciendum est aliquid, quod præcipitur.

His ergo solutis jam ad alia transeundum est, & videndum; quid dicant de diversis modis, quibus præcepta impossibilia fiant, & primò statuunt, id non dici impossibile alicui secundum Augustinum, quod solum propriis viribus non potest, sed quod neque suis, neque alienis viribus, si illas in auxilium advocarit, possit implere. Ubi clare vides illos admittere, siue advertenter, siue inadvertenter gratiam sufficientem remotam, quæ est in potentia orandi, seu petendi auxilium, cum ejus carentiam postulent, ut conditionem necessariam ad rationem impossibilis: inde enim sequitur, quod cum adest talis gratia, ibi non est impossibilitas, sed potius possibilitas, & sufficientia, non quidem proxima, sed remota, ut diximus. Hoc ergo omnino admittimus respectu Dei, qui cum promiserit in Evangelio se daturum petentibus, omnino sufficiens est ad implendum præceptum, is enim ipse præstitit gratiam orandi, & petendi auxilium.

2. Statuunt, non semper adesse gratiam, qua præcepta implere sufficimus. Quod si intelligant de gratia proxima, verum esse concedimus si autem intelligant de remota, falsum. Ad rationem autem quam afferunt, scilicet, quia si jam adest gratia, qua præcepta implere sufficientes sumus, seu possumus, stultum est orando satagere, ut possumus. Quod adhuc verum est de gratia proxima, si duo supponamus, scilicet, & quod sciamus nos illam habere, & quod simplicem sufficientiam petere velimus. Hoc enim, ut tunc inutile, & vanum est, ita & stultum dici potest. At si nesciamus nos illam habere (ut vix certo scire, & cognosci potest) & velimus majorem, & majorem petere, ut securior nobis sit de tentatione victoria, non solum id stultum non est, sed omnino consulendum est: cum in re tanti momenti nihil negligendum sit, sed omni cura, & sollicitudine conandum sit, ut quam certam, & securam de perniciosissimo hoste victoria reportetur. Sed valde hoc falsum est de gratia remota, quæ consistit in potentia orandi, & petendi auxilium: cum enim illa non aliter sufficiens sit, quam quia potest petere, & impetrare auxilium, ideo quanto sufficientior est, tanto debet esse ferventior, & efficacior ad petendum auxilium, & ad invocandam opem divinam, ut impetret potentissimam, & efficacissimam gratiam, qua proxime homo fiat potens, & sufficiens ad im-

plendum præceptum, & ad tentationem vincendam. Unde illud auxilium sufficiens nullomodo impedit petitionem sufficientis alterius auxilij, sed potius id consulit, & postulat & in eo solo consistit, & ad id solum utilis est, ut petatur aliud auxilium, ad hoc, ut proxime homo possit, quod antea solum remote, & mediate poterat, quod prorsus necessarium est, ut mox prorumpatur in actum. Cum autem dicit Augustinus ibi relatus; quid stultius, quam orare ut possis, id quod jam habes in potestate. Respondeo id solum esse dictum contra eos, qui putabant se esse sufficientes sine gratia ad implendum præceptum, quales erant Pelagiani, non vero contra eos, qui sentiunt nobiscum nihil nos posse sine gratia, seu sine ope divina: quando enim quis habet ex se quod sit sufficiens ad aliquid, frustra id postulat ab alio. cum jam id apud se habeat. Quando vero in hoc pendet ab alio, non solum non stulte id poscit, sed prudentissime, & necessario id poscit, cum sine eo nihil possit. Ibi ergo solum loquitur Augustinus contra eos, qui dicunt se posse, seu se sufficere sine gratia, ut etiam patet ex textu, quem adducunt adversarij: ubi ait Augustinus: mendaciter petuntur, si ea non adiuvante eius gratia facere possimus. Ubi solum reprehenduntur, qui dicunt se posse sine gratia: & hi sunt contra quos solum loquitur, non vero loquitur contra eos, qui dicunt nobiscum, se nihil posse sine gratia Dei, seu sine Deo, sed per eum solum se posse, & se sufficere, non solum ad præceptum implendum, sed & ad quodvis bonum faciendum protestantur: quod & alibi fusius demonstravimus.

Cum autem dicunt, non semper in piis, & fidelibus reperiri gratiam proximam ad implendum præceptum, etiam quando volunt (scilicet imperfecte) præcepta facere: perlibenter admittimus: cum hæc voluntas imperfecta possit quidem sufficere ad orandum auxilium, & non sufficere ad agendum proxime, quod præceptum est: nam etiam pios respicit id quod habet Augustinus lib. de natura & gratia cap. 68. scilicet. Quod ubi difficultatem a se ipsam sentimus, fidelissimis, & persistentissimis precibus, & miseris odis promittis operibus, facilitatem (id est gratiam suavescentem præceptum seu gratiam proximam) a Domino impetrare persilant: Quia eo ipso (inquit cap. sequenti) quo firmissime creditur: Deum justum, & bonum, impossibilia non potuisse præcipere, hinc admonemur, & in facilibus quid agamus, & in difficultibus quid petamus. Hoc inquam pios respicit, æque ac ceteros, cum ipsi obnoxij sint tentationibus gravibus, ac difficultibus, sicut & ceteri, & proinde debent subire legem difficultium, quæ est tunc tantum habere gratiam orandi, & non agendi proximam, ut etiam expresse dicit Augustinus libro 1. retractat. cap. 15. loquens de anima pia, & fidei. Quantum est, inquit, quod valet voluntas sub dominante cupiditate, nisi forte, si pia est, ut orat auxilium: in tantum enim libera est, quia in tantum liberata est. Sed hinc nihil habetur contra gratiam sufficientem, omnibus, & singulis datam, cum etiam tunc supponatur habere:

In nostras
disputat.
de prædest.
ad gloriam
1. parte.
sect. 7. § 2.
puncto 7. in
margine.

gratiam sufficientem, non quidem proximam, sed remotam, quæ est prædicta gratia orandi, & petendi auxilium.

Item & admittimus cum eis, Deum sinere, ut multi cadant, ad hoc ut infirmitatis propriæ capiant experientiam. Sed hoc tantum arguit carentiam gratiæ efficacis in eis, non vero gratiæ sufficientis, quam solam defendimus, ut in omnibus, & singulis existentem, aut paratam.

Nec in contrarium est exemplum Petri quod adducunt adversarij, ut probent intentum suum: nam licet dicat Augustinus, quod non potuit tunc Petrus superare tentationem: non tamen dixit, quod defecit ei gratia invocandi Dominum, quæ id quod tunc ei erat impossibile (scilicet proximè) possibile fieret, imo vero dat satis intelligi, quod ei talis gratia non defuerit, quandoquidem peccatum illius atteribuit illius præsumptioni, atque superbiæ, quam supra demonstravimus non habere locum in iis, qui omnino aliquid non possunt, sed tantum in iis, qui petere possunt ab aliis auxilium, & nolunt præsuperbia, & præsumptione: unde cum supponat Augustinus in Petro peccante superbiam, & præsumptionem, clare supponit in eo fuisse potentiam orandi, & petendi auxilium à Deo, si voluisset, sed ea uti noluisse, præsuperbia, & præsumptione, & nimia confidentia in viribus suis.

Notat illam præsumptionem August. in Psal. 66. & 55. tract. 96. in Ioan. & serm. 14. de diversis cap. 2. & 2. libi communiter.

* Hoc citatur ex appendice serm. 3. omnes autem serm. qui rejiciuntur in appendice, sunt spurii, aut saltem habentur ut tales à doctores qui hunc tantum adducimus, ut sumamus argumentum ad hominem. non vero quod approbamus enim, ut vere Augustini.

Verum volunt probare ex professo adversarij, hanc orandi gratiam plurimis deesse, seu, ut aiunt, plurimis non dari hanc præcepti faciendi possibilitatem, quæ precibus implorari solet: videamus ergo quomodo id probent. Primo probant ex eo quod multi cadunt in peccatum, ex quo volunt inferre quod non habuerunt gratiam orandi, ne caderent, quod cum fundetur in falso eorum principio, quod dicunt omnem gratiam Christi habere effectum, ideo, & id reiectum est, cum illud fundamentum destruximus in toto præcedenti tractatu. Nec etiam textus Augustini, quos ibi pro se adducunt, probant intentum eorum, cum non sint de gratia orandi, seu de gratia ista remota, ut esse deberent, sed de gratia faciendi, seu de gratia proxima: & sic nihil faciunt ad propositum. Imo vero habent aliquid quod valde contrarium est intentioni adversariorum, cum ibi defectus actionis attribuitur superbiæ, & præsumptioni peccatoris, quod, ut supra dictum est, arguit eum habuisse gratiam aliquam, scilicet orandi, seu petendi auxilium, sed ex superbia, & ex propriarum præsumptione virum ea uti contempsisse, nec se ad petendum auxilium humiliare voluisse. * Habes (inquit Augustinus) & adiutorem qui te expectat pugnantiem (ergo iste habebat aliquod auxilium, quo pugnaret & vinceret, si vellet, quandoquidem habebat Deum adiutorem, qui & expectabat pugnare istius exitum) sublevari laborantem sed si invenit sperantem (ergo poterat sperare, ergo & petere auxilium, quod sperare debet) odit enim superbientem. Qui scilicet non vult petere, nec sperare auxilium, sed vult propriis viribus pugnare, & vincere. Ubi ut vi-

des , multis modis præsupponitur in eo fuisse gratiam , sed cum ex superbia ea uti noluisse : & alio in loco : quid enim , inquit , homo sine gratia Dei possit , timor beati Apostoli evidenter ostendit. *Per solum enim liberum arbitrium , non addito etiam Dei adiutorio , promiserat se pro Domino moriturum* (ubi vides præsumptionem propriarum virium , & ex ea neglectum petendæ gratiæ , seu divini juvantis auxilij) sed quid est homo sine gratia Dei (quando scilicet ex propria præsumptione omnia vult peragere , seu omnia vult propriis viribus exequi , nolens humiliare se ad rogandum Deum , ut ei præstet proximum , & necessarium agendi adiutorium) nisi quod fuit Petrus , cùm negaret Christum , & nisi quod ait Propheta : omnis caro sænum : & ideo beatum Petrum paululum Dominus subdeseruit (per negationem gratiæ efficacis , & proximæ) ut in illo totum humanum genus possit agnoscere , nihil se sine gratia Dei prævalere ; ubi quidem vides indicari negationem gratiæ efficacis , & proximæ , seu juvantis , non vero sufficientis remota , quæ est in orandi facultate : cùm è contra ibi supponatur adfuisse , sed ex propria præsumptione neglectam fuisse , ut etiam supra ostensum est : & videntur ipsi adversarij admittere , cùm dicunt quod pluri præsumptione , & superbia occulta implicati , non intro ant adiutorium Deum per hoc indicantes , in hoc præsumptionem , & superbiam istam consistere , quod nolunt orare , seu humiliare se ad orandum , & petendum auxilium (quod solum possumus in gravibus tentationibus secundum Augustinum) sed volunt superbe omnia exequi sine gratia faciendi.

Scrm 124.
de temp.

§. I V.

In quo alio respondetur argumentis , insipientibus adesse gratiam saltem orandi , quando faciendum est aliquid , quod præcipitur.

Sed videamus secundam eorum rationem , quam fundant in eo quod Somnes qui petunt magnas vires ad præcepta implenda , non impetrant illas , prout , inquirunt nimis experientia , & ex ipsa oratione dominica manifestum est. Sed & hæc ratio eodem laborat vitio quo præcedens , cùm perperam ex negatione effectus , negent adversarij gratiam ad illum ponendum datam. Nam , quomodo sciunt orationem non impetrasse prædictas vires magnas , quæ necessariæ sunt ad proxime agendum in difficilibus , ut ait Augustinus , nisi quia putant non posse esse vires magnas in homine , nisi effectum habeant. Ecce ergo volunt adhuc effectum esse inseparabiliter conjunctum gratiæ , quod ut dixi jam alibi satis à nobis confutatum est. Et certe longe aliud est magnas habere vires , & longe aliud uti eis : unde & experientia ipsa constat quod aliqui habent magnas vires , & tamen non utuntur eis , propter scilicet diversas , & diversas rationes , aut imaginationes fri-

volas, quæ aliò avertunt illos, ut viribus illis uti nolint, & numquid visi sunt principes, qui magnis sumptibus, & laboribus magnam coegerant exercitum ad faciendam magnam expeditionem, qui tamen ex levi occasione, aut ex propria levitate, & inconstantia dimiserunt illum; numquid non ideo magnæ erant vires illæ, absit: erant ergo magnæ vires illæ, sed noluerunt eis uti: quia aliud est habere magnas vires, & aliud uti eis: ita & in proposito est dicendum, magnæ forte vires per orationem impetratæ sunt, sed homo ex levi occasione, aut ex propria animi inconstantia, & levitate, noluit eis uti, unde & effectus non secutus est, sed ideo tamen gratia negata dicenda non est. Quando autem dicit Augustinus, quod Deus aliquando differt dare gratiam, qua possumus bene agere, ad hoc ut simus humiles, & agnoscamus, bonum quod agimus, esse ex Deo, & non ex nobis. Hoc non intelligit Augustinus de gratia orandi, de qua sola agimus, sed de gratia agendi, quam supra vidimus vocari ab eo, simpliciter potentiam, seu dantem posse simpliciter bene agere. Tantum enim absit quod hanc dilationem, seu absentiam temporariam gratiæ, intelligat de absentia gratiæ orandi; quin potius indicat, quod eo ipso tempore, quo absit gratia, de qua loquitur; adest gratia orandi, qua petatur, prout ibidem vidimus: ex quo manifestum est: quod illam absentiam gratiæ, non intelligit Augustinus de absentia gratiæ orandi, ut volunt adversarij, sed de absentia solius gratiæ agendi, seu proxime & non remotæ, neque vere gratia data orandi est contra scopum divinum, qui est humiliare creaturam, & facere ut illa cognoscat se habere à Deo, & non à seipsa, quod bene agat: quin potius id procurat tunc gratia data orandi: cum oratio ipsa secundum Augustinum indicet indigentiam alieni auxilij & dependentiam ab alio, ut habeatur tale auxilium: quod sane satis humiliat indigentem, & sufficienter ei manifestat suam miseriam, & infirmitatem, ut recurrat ad Deum adiutorem suum.

Neque etiam sequitur, ex eo quod hæc gratia datur gratis, quando datur, quod ipsa non detur omnibus: nec enim gratuitum, & commune, seu universale opponuntur, numquid enim creatio est communis omnibus, & tamen; quid magis gratuitum, & liberale dici potest. Quando autem dicitur, quod oratio datur quibus Deus vult, si per hoc intelligant quod ipsa datur gratis, & sine obligatione, hoc verissimum est, quoad omnem gratiam: si autem intelligant: quod illa datur aliquibus, non tamen omnibus, non est verum quoad gratiam orandi sufficientem, sed tantum quoad gratiam efficacem: unde in illis locis, quos pro se adducunt adversarij, spectantes ad orationem (nam alios multos, ut vidimus, proferunt, qui sunt de gratia proxima ad agendum non vero ad orandum) actus ipse exprimitur, & non potentia: ut orare, non vero posse orare: ut clamemus, non vero ut clamare ipsoſsimus: ut sic petamus, ac tantum petamus, non vero ut possimus sic petere, ac tantum petere, quæ omnino spe-

ant

Nota quod
ibi citan-
tur aliqui
libri spurii,
seu appen-
dices, quod
satis indi-
cat penuriā
bonorum
argumen-
torum in
adversari-
is.

Ant ad gratiam efficacem, non vero ad sufficientem ut sic: tam autem certo credidit Augustinus adesse gratiam orandi iis omnibus, qui precepto alligantur, ut in quodam loco ab adversariis ipsis pro se ipsis citato dicat Augustinus, animæ gravia, seu difficilia precepta sentienti: quod *oret gemitu voluntatis ut impetret donum facultatis*: quod sane non diceret, nisi in ea gratiam talem orandi esse supponeret, qualem esse oportet ad effectum obtinendum. quod & repetit multis aliis in locis, quos supra videre potes in nostra probatione, ubi multoties dicit, quod preceptum ipsum nos admonet, ut petamus auxilium: quod omnino non diceret, nisi supponeret esse in nobis talem potentiam orandi, & petendi auxilium, qualem esse oportet, quando incumbit nobis observandum preceptum.

Ex lib. de
perfect. ju-
stitiæ c. 10.

Ad id autem quod addunt ex Augustino, ubi dicit Augustinus: nonne aliquando ipsa oratio nostra, sic tepida est, vel potius frigida, & pene nulla, imo interdum ita nulla, ut neque hoc in nobis cum dolore advertamus, quia, si vel hoc dolemus, jam oramus: quid ergo aliud ostenditur nobis, nisi quia & petere, & quærere, & pulsare ille concedit, qui, ut faciamus, jubet. Respondeo, hoc non negare gratiam orandi, sed tantum effectum ejus, qui est actualis oratio, quam, ut ait, aliquando ita negligimus, ut vel tepide, vel frigide, vel nullatenus oremus, & de eo non doleamus, qui sunt omnes effectus potentie orandi, & non orandi, de quibus solum loquitur, & non de potentia ipsa orandi, de qua sola hic disputamus. Ibi enim solum contendebat Augustinus contra inimicos gratiæ, effectus petendi, quærendi, & pulsandi, non esse à nobis, sed à Deo: unde dicit quod petere, quærere, & pulsare ille concedit (scilicet Deus) qui, ut faciamus, jubet; an vero Deus daret omnibus, & singulis hominibus, aut tantum aliquibus gratiam orandi, ibi non disputavit, nec, ut puto, cogitavit, cum id non ageretur ibi, sed sola necessitas gratiæ ad opera bona requisita: ex quo patet, quam absurdè ex hoc loco inferat adversarij; Deum non omnibus largiri gratiam sufficientem petendi, cum nequidem ibi Augustinus de illa gratia, ut omnibus conferenda, aut non conferenda loqueretur.

Lib. 1. ad
Simpl. qu.
2. versus
finem.

Non agebat ibi contra Pelagianos, quia nondum erant: sed tamen contra inimicos gratiæ, quos ibi vocat ingratos gratiæ Dei, & audentes gloriari de meritis suis: quo nihil acerbius dixit contra Pelagianos; & certe nihil ibi disputavit, quam quod postea disputavit contra prædictos Pelagianos.

• Lib. 2. de
peccat.
mer. c. 6.

* Ad locum autem illum Augustini: ubi dicit Augustinus: his, atque hujusmodi aliis innumerabilibus testimoniis dubitare non possum, nec Deum aliquid impossibile homini precepisse, nec Deo ad opitulandum, & adjuvandum quo fiat, quod jubet, impossibile aliquid esse. Per quod confirmant hanc suam conclusionem adversarij, qui dicunt: non aliter verum esse, quod Deus non jubeat impossibilia, nisi quia quæcumque jubet, hominis voluntate per omnipotentem gratiam Dei adjuncta fieri possunt: quasi nempe solum potens esset creatura ad implendum preceptum per omnipotentiam Dei, qui potest ei tribuere auxilium, si ipse velit: non vero per potentiam internam, & in ipsa residentem, & à Deo jam acceptam.

Respondeo hoc imponi Augustino, & nihil eum ibi simile dixisse,

aut dicere intendisse : imo ne cogitasse quidem , cū ibi tantum vellet ostendere contra Pelagianos , quod non possibilia sunt præcepta Dei per virtutem humanam , ut ipsi contendebant , sed per virtutem divinam , nihil ibi determinans de modo , quo fiebant possibilia per prædictam virtutem divinam , sed tantum determinans , & asserens in genere , quod erant possibilia per virtutem divinam , & non per virtutem humanam , ut volebant ejus adversarii . Quod clare patet ex antecedentibus : nam capite antecedente sic ponit sententiam suam Augustinus dicens : ad peccandum non adjuvamus à Deo , *justa autem agere , vel justitia præceptum omni ex parte implere non possumus , nisi adjuvemur à Deo* . Ecce quod intendit Augustinus , & nihil aliud : scilicet necessariam esse Dei adjutorium , & non sufficere solum liberum arbitrium ad implendum præceptum , ut volebant Pelagiani ; unde & paulo post reprehendens eos , sic ait : repellamus itaque ab auribus & mentibus nostris *eos qui dicunt accepto semel libera voluntatis arbitrio , nec orare nos debere , ut Deus nos aljuvet , ne peccemus* . Et infra , quid ergo illis fiet , qui , etsi fateantur se non habere , vel non plenam habere justitiam : tamen à seipsis habendam , non à suo creatore , ubi horreum ejus , & fons ejus est , deprecandam esse presumunt . Ubi solum reprehendit eos , quod vellent à semetipsis esse possibilitatem præcepti , & non à Deo , nihil prorsus determinans de modo quo esset à Deo , sed tantum asserens quod esset à Deo . & nihil amplius . Unde & capite sequenti , quod est illud , ex quo sumpta est objectio , nihil aliud commendat , quam gratiam Dei , ut ad servandum præceptum necessariam , & rejicit presumptionem contrariam , dicens : si à me quærat : utrum homo sine peccato possit esse in hac vita : Confitebor posse per Dei gratiam & lib. arbitrium : ipsum quoque lib. arbitrium ad Dei gratiam hoc est , ad Dei dona pertinere non ambigens , nec tantum ut sit , verum etiam ut bonum sit : id est , ad faciendam mandata Domini convertatur , atque ita , Dei gratia non solum ostendat , quid faciendum sit , sed adjuvet etiam , ut possit fieri quod ostenderit ; quidem habemus quod non accepimus . Unde & Hieremias dixit : scio Domine quia non est in homine (id est , in potestate hominis) via ejus , nec viri est , ut ambulet , & dirigat gressus suos (ecce quomodo commendat gratiam , ut necessariam ad implendum præceptum : ecce nunc quomodo rejicit presumptionem contrariam dicens) hinc & in psalmis , cū quidam dixisset Deo , tu præcepisti mandata tua custodiri nimis . Continuo non de se (id est de viribus propriis) præsumpsit , sed optavit , ut faceret (scilicet Deus per gratiam) utinam , inquit , dirigantur viæ meæ ad custodiendas justificationes tuas , tunc non confundar , cū inspicio in omnia mandata tua . *Quis autem optat* (id est orat in sensu Augustini) quod in potestate sic habet , ut ad faciendum nullo indigeat adjumento . Quod erat omnino id , quod contendebat ibi Augustinus contra Pelagianos , scilicet ut faterentur , se non posse servare mandata sine divino adjutorio : unde & paulo post elicit id quod in objectionem habetur , scilicet : his , atque hujusmodi innumerabilibus testimoniis dubitare non possum ,

nec Deum aliquid impossibile homini præcepisse (quod & fatebantur Pelagiani : sed in hoc dissidebant ab Augustino , quod id vellent esse possibile per naturam , Augustinus vero vellet possibile esse per gratiam , ut mox sequitur cum ait) nec Deo ad opitulandum , & adiuvandum quo fiat , quod jubet , impossibile aliquid esse , ac per hoc (nota consequentiam) potest homo , si velit , esse sine peccato , adjunctus à Deo. Id est hoc potest per adjutorium Dei , & non per vires naturæ , ut præsumebant Pelagiani. Ecce totum quod ibi dicit Augustinus , nihil prorsus cogitans de determinando modo , quo præceptum sit possibile per gratiam , cum de eo nulla prorsus esset quæstio , sed solum satagens , ut non nisi per gratiam possibile crederetur , quod negabant Pelagiani , contra quos ibi agebat. Unde nihil habent hinc adversarii contra nos , cum , & id cum ipsis profiteamur , sed de alio dispartato (de quo nihil ibi dixit Augustinus) disputamus.

§. QUINTUS.

Aliarum objectionum ad eandem materiam spectantium , solutio.

Sed videamus , an de illo dispartato , de quo solum disputamus habeant aliquid melius adversarii , quod proponant : proponunt autem aliquam , contra præcedentia sua dicta , objectionem , quam conantur solvere , & non solvunt : dicunt enim , quod aliquis forte pro peccatoribus responderet : hoc ipsum adjutorium quo præceptum sit eis possibile , deesse multis , ipsamque gratiam orationis denegari , quæ faciendi præcepti vires , quibus carent , postulentur à Deo. Ergo manet eis præceptum impossibile , & consequenter non peccant in eo non faciendo , quod facere , & in confaciendo , quod vitare non possunt : utrumvis enim redditur impossibile. Ubi vides objectionem non solum supponere negationem potentie proximæ , quæ est faciendi , sed etiam negationem , seu carentiam gratiæ remotæ , quæ est orandi , seu petendi auxilium , de qua tamen negatione , seu carentia nihil dicunt in suis responsionibus adversarii , ut videbis ; imo vero è contra in prima responsione sua , quæ sumitur ex quadam doctrina de obduratis (quam ipsi attribuant Scholasticis) quasi ipsi obliti essent istius negationis gratiæ orandi , objectioni prædictæ intrinsecè , supponunt prædictos peccantes habere gratiam orandi , sed eam ipsos negligere , & ea non uti velle. Quærimus , inquirunt , quid de illis dicitur de obduratis (scilicet prædicti Scholastici) qui cum eorum voluntas ita infirma sit , ut non possint tentationes superare , propter quas superandas , eis Dei gratia imploranda est , negligunt tamen , aut nolunt , aut etiam contemnunt invocare adiutorem Deum , vel tam languide invocant , ut eorum exaudiri non mereatur oratio. Numquid ibi clarissime supponitur gratia orandi , cujus usus negligitur , & contemnitur à nolentibus ea uti : imo vero ,

quod mirabilius est, ipsa ibi exprimitur oratio, per quam scilicet tam languide invocatur Dominus, ut ipsa exaudiri non mereatur. Quod si ibi supponitur oratio, multò certe magis orandi gratia, seu potentia; quid ergo sibi proponunt objectionem adversarij, cui intrinsicè est negatio gratiæ, seu potentiæ orandi, & non solum in sua responsione, non loquuntur de illa negatione, sed etiam supponunt in prædictis peccantibus illius oppositum, quæ est potentia orandi, & petendi auxilium. Sed ut evidentior res appareat, examinandi sunt loci illi, quos adducit pro se ex Augustino, & videndum num habeant aliquid, quod faveat eorum intentioni contra nostram.

Quantum ad primum quem citant ex libro 2. de peccat. mer. cap. 5. ubi ait Augustinus: cur autem illum adjuvet, illum non adjuvet, illum tantum, illum autem non tantum, illum isto, istum illo modo penes ipsum est, & æquitatis tam secretæ ratio, & excellentia potestatis. Ex quo volunt inferre adversarij, non aliam esse rationem cur Deus privet aliquos omni gratia sufficienti, nisi quod per peccata sua præcedentia id meruerunt: sed ibi valde falluntur, cum ibi loquatur solum Augustinus de gratia juvante, ut patet ex illis verbis: cur illum adjuvet: & proinde de proxima, quam solet vocare juvantem quia ad actum præceptum adjuvat, non vero sic vocat gratiam orandi, quia ad actum non adjuvat, sed juvantem tantum implet. Quod ut clare videas, simul & in hoc loco non negari potentiam orandi (nec proinde in multis aliis similibus locis) sed potius supponi, paulo antecedentia relegenda sunt, ubi sic ait Augustinus loquens contra Pelagianos, orationem contemnentes, ut non necessariam ad impletionem præceptorum. Cum dicit (scilicet Christus) beati qui esuriunt, & sitiunt iustitiam (quæ est adimpletio mandatorum) quoniam ipsi saturabuntur; à quo debemus petere cibum, potumque iustitiæ, nisi ab illo, qui esurientibus eam, & sitientibus, praeomittit ejus saturitatem. *Repellamus itaque ab auribus, & mentibus nostris eos, qui dicunt, accepto semel liberæ voluntatis arbitrio, nec orare nos debere, ut Deus nos adjuvet.* Ubi clare vides distinctionem gratiæ orandi à gratia juvandi secundum Augustinum: cum una ordinetur ad alteram: simul & vides consuli usum gratiæ orandi contra superbiam Pelagianam, quæ contemnebat illum, quod sane non faceret Augustinus, nisi putaret nos habere gratiam illam in potestate, cum inutile prorsus foret, illius usum consulere, si in potestate non esset. Unde & paulò infra sic ait: quid ergo illis fiet, qui, & si fateantur se non habere, vel non plenam habere iustitiam, tamen à semetipsis habendam non à suo creatore, ubi horreum ejus, & fons ejus est, *deprecandam esse præsumunt.* Nec ideo tamen de hac re solis votis (id est orationibus) agendum est, ut non subinferatur admitendo, nostræ efficaciæ voluntatis. Ubi adhuc vides, Augustinum consulere usum orationis, simul cum modo ea utendi, quod sane supponit, ut dictum est, quod est in nostra potestate: saltem clare vidisti, quomodo ibi distinguat gratiam oram-

di à gratia juvante : ex quo sequitur, quod cùm intextu nobis objecto, dicit abesse gratiam juvantem, non est illud extendendum ad gratiam orandi, sive impetrandi auxilium, cùm, ex hac distinctione præsupposita pateat abesse posse gratiam juvantem, licet adsit gratia orandi, sive impetrandi auxilium.

Similiter intelligendus est locus ille, quem ibidem pro se citant adversarij, ex lib. de corrept. & gr. cap. 11. ubi dicit Augustinus : nunc vero quibus deest *tale adjutorium*, jam pœna peccati est : ibi enim tantum sermo est de absentia gratiæ proximæ, quæ nobis sæpe deest ob miserum statum peccati in quem cecidimus : non vero umquam defuit Adamo, ob sælicem statum innocentiae, in quo conditus fuit : unde gratiam illam vocat, *adjutorium*, quod idem est, ac gratia juvans, seu proxima, quam supra vidimus distingui apud Augustinum à gratia orandi, & proinde non est confundenda cum altera, nec ex absentia alterius inferenda est absentia istius ; præcipue cum gratia orandi, sit sæpe causa gratiæ juvantis, & medium ad ipsam, quæ maxime debent esse distincta : & præterea valde notandum est illud adjectivum, *tale*, quod specificat adjutorium, & determinat illud ad certum aliquod adjutorium, & non extendit ad omne : nam si ibi voluisset innuere, quod aliquando omne adjutorium nobis deest, non debebat dicere : nunc vero quibus deest *tale* adjutorium : sed debebat dicere : nunc vero quibus deest adjutorium, jam pœna peccati est. Ex quo manifestum est, quod loquebatur de speciali adjutorio Adami, quod est proximum, & juvans, non vero de nostro communi, quod non est semper juvans, sed aliquando postulans, & impetrans adjutorium, ut sit in actibus virtutum heroicis, atque difficilibus secundum Augustinum.

Verum contra objicies, & dices, si ibi loquitur tantum Augustinus de gratia juvante, & proxima, quæ aliquando deest nobis, non vero etiam de remota, seu de gratia orandi : sequitur quod gratia orandi, seu remota non est sufficiens ad præceptum implendum, quandoquidem dicit ibi quod si gratia illa proxima defuisset Adamo, sine culpa cecidisset, id est sine sua culpa non impleisset præceptum, quod verum esse non potest, nisi quia sine illa gratia impotens fuisset ad præceptum implendum, & proinde sequitur, quod ista alia gratia, quæ est orandi, non sufficiens ei fuisset, etiamsi ei adfuisset, nec proinde est sufficiens nobis.

Respondeo quod in loco allegato dicitur quidem quod Adamus excusatus esset à culpa, si talis ei gratia defuisset, & sic præceptum observare non potuisset, sed non explicatur ratio, cur si talis ei gratia defuisset, & sic præceptum observare non potuisset, excusatus esset à culpa. Ego autem nego, eum excusatum fore à culpa propter absolutam impotentiam, quæ tunc esset in eo ad præceptum implendum, ut prætendit objectio, sed tantum propter certam impotentiam, quæ tunc ei inflicta esset, injuste, vel quasi injuste, propter quam inju-

sticiam, vel quasi injusticiam, non teneretur præceptum observare; nec ad id ullam gratiam, aut ullum auxilium invocare.

§. V I.

proxima

Proponitur vera ratio, cur Adamus non peccasset sicut & nos, si gratia^{dei} defuisset, & ideo præceptum non observasset: & de duplici merito, quorum unum est contrarium gratia, alterum vero non.

PRO quo sciendum est quod censuit Augustinus, creaturæ innocen-
 ti deberi regnum cælorum: unde sæpe dicit contra Pelagianos, quod
 Libro 3. contra Iul. si parvuli nati fuissent sine peccato originali, & ita mortui essent, non
 cap. 12. circa init. sic ait: *quare nihil merentes tot in parvulis imagines Dei. si non baptiscentur non ad-*
mitteritis in regnum Dei; numquid ipsi sibi defuerunt ut privarentur regno, ut tam luctuoso pri-
vantur exilio. Et paulo post quæstio quæso, à regno Dei à vita Dei alienatur imago Dei,
in nullo transgressa legem Dei. Et libro 6. c. 10. circa finem: quid igitur offenderant cum,
quos pariter innocentes, mundos (in suppositione Pelagianorum) à se ad imaginem suam
creatos, innumerabiles ab illo munere alienat, nec eorum voluntatem huius inextinguibilis præ-
venit beneficii largitate, separans tot imagines suas à regno suo si nihil meruissent,
numquam privarentur in communi causa communione tanti boni. Et libro 1. operis imperf.
 cap. 48 sic ait Iuliano: si Deum Patriarcharum colis; quare non credis, circumcisionem oc-
 ctavi dici, quæ præcepta est Abrahæ, præfigurationem fuisse regenerationis in Christo: hoc
 enim si crederes, videres, non potuisses *injuste* animam parvuli exterminari de populo suo,
 si die non circumcideretur octavo, nisi alieno fuisset obligatus peccato. Et Epist. 106. antemed.
 hæc massa, si esset ita media, ut quemadmodum nihil boni, nec mali aliquid mereretur, non
 frustra videretur iniquitas, ut ex ea fierent *quasi* in contumeliam.

potuissent *juste* à Deo privari regno cælorum: ex quo sequitur quod
 cum creaturæ innocenti debeatur regnum cælorum, debeantur ei
 etiam media ad illud consequendum per se ordinata. Unde libro 2.
 ad Bonif. c. 7. circa med. arguit contra Pelagianos, quod parvuli non
 nascuntur innocentes, cum aliqui eorum sine baptismate (quod est
 medium pro eis per se ordinatum, & necessarium ad consequendum
 regnum æternum) decedant: nam ibi ponens exemplum de geminis,
 quorum unus baptisatus est, alter vero non, sic ait: in illo qui bap-
 tatus est, gratiam Dei vos confiteri cogimus, & meritum ejus nullum
 præcessisse convincimus: de illo autem sine baptismate mortuo; cur ei defue-
 rit sacramentum, quod & vos fatemini omnibus ætatibus necessarium, & quid
 isto modo in eo fuerit vindicatum, vos videritis, qui non vultis esse ori-
 ginale peccatum. Ubi vides, Augustinum prærequirere culpam, ad
 hoc ut quis *juste* privetur hoc medio, alioquin eo *injuste* privari,
 tanquam aliquo sibi debito quo nemo debet privari sine culpa. Et sub
 finem capitis, sic ait loquens de eodem non baptisato: tacitus querit
 à vobis, unde fuerit à fraterna felicitate discretus; cur illa infeli-
 citate *punitus*, ut illo in Dei filium adoptato, ipse non acciperet omnibus
 ætatibus necessarium, sicut fatemini, sacramentum (ecce quomodo *punitus*,

scilicet per privationem baptismi, sibi ob innocentiam debiti, sicut & alteri; tanquam medij necessarii, & per se ordinati ad consequendum regnum cœlorum) si quemadmodum nulla est fortuna, vel fatum, vel apud Deum acceptio personarum, ita nullum est gratiæ sine meritis donum, *nulum originale peccatum*: ubi vides Augustinum supponere debitum fuisse isti parvulo (in suppositione Pelagianorum innocentem) baptismum, cum per privationem illius injustam, & iniquam, dicat esse punitum. Imo & in illo ipso loco, à quo desumpta est objectio: manifeste innuitur, innocenti Adamo debitum fuisse illud, de quo loquimur, proximum auxilium ad consequendum regnum cœlorum. Nunc autem, inquit, quibus deest tale adjutorium, jam pœna peccati est, quibus autem datur, secundum gratiam datur, *non secundum debitum*. Per hoc clare innuens quod ante tempus nostrum miserum, seu tempus peccati, dabatur illud adjutorium, ut debitum creaturis illis innocentibus, Ade scilicet, & Evæ, quod jus amisimus per peccatum. Ex quo manifestum est, quod cum in sententia Augustini, debitum esset Ade, ut innocenti, illud auxilium sibi necessarium: si ei negatum fuisset, sine culpa cecidisset, seu quod idem est, à culpa excusatus fuisset, non ex eo præcisè, quod hinc impotens factus fuisset ad implendum præceptum. sed ex eo directe, & formaliter, quod illius juri, vel quasi juri, non satisfactum fuisset: nec enim poterat causari contra eum, quod petere illud debuisset, cum certum sit, quod nemo tenetur petere, id quod sibi debitum est, & quod debet ei reddi etiam non petenti: unde si ei datum non esset, sed negatum tale adjutorium, potius secundum Augustinum accusandus Deus esset, de injusta ista privatione, & inde secuta transgressione præcepti, quam Adamus de omissione orationis ad obtinendum illud idoneæ, cum ad orandum, & petendum illud adjutorium obligatus non fuisset. Et hæc est vera ratio, cur Augustinus dixit: quod si Adam non habuisset illud adjutorium, sine culpa cecidisset, quia nempe sine illo non poterat agere, & non tenebatur illud petere: & quod si nobis denegaretur, tunc etiam culpabiliter caderemus (ut dicit postea) quia nempe cum illud nobis indebitum sit, ut expressè dicit ipse in textu, tenemur illud petere, & si non petimus hinc cadendo culpabiles sumus: ex quo nihil sequitur contra gratiam orandi ut sufficientem: Cum ibi non excusetur Adamus ab impletione præcepti, præcisè ob impotentiam suam, sed ob injustitiam sibi factam, scilicet ob negatum injuste adjutorium sibi debitum, & necessarium ad implendum præceptum.

Sed dices si illa auxilia erant Adamo debita, non erant gratiæ divinæ, cum gratia, & debitum opponantur ad invicem secundum Augustinum: sed illa auxilia vocantur gratiæ ab Augustino: ergo non erant debita Adamo secundum Augustinum.

Respondeo neg. Maj. & ejus probationem: non enim omne debitum opponitur gratiæ secundum Augustinum, sed solum illud debi-

tum. quod est ex operibus antecedentibus, non autem illud, quod est ex habituali quodam statu, cui connaturaliter convenit aliquid, quod sine aliqua injustitia, seu indecentia, negari ei non potest, & non est proprie meritum. Unde nihil umquam aliud reprehendit in Pelagianis Augustinus, quam illud meritum, seu debitum quod fundabatur in operibus, quod est proprie dictum meritum, & oppositum gratiæ, juxta illud Apostoli Rom. 11. *si autem gratia, jam non ex operibus*, quod ideo fere semper inculcat Augustinus contra eos, ut retundat illorum superbiam, qui volebant nos mereri gratiam Dei per opera præcedentia, quibus operibus retribuere Deum gratiam, ut eis debitam. Unde cum debitum, de quo loquimur, non sit hujusmodi, sed alterius proprius naturæ, cum illud ortum sit ex statu quodam habituali (qui est innocentie) & non ex operibus, non opponitur gratiæ secundum Augustinum, sed bene comparitur cum ea, præcipue cum ille status sit ex Dei gratia, non enim fuit innocens Adam, aut fuissent innocentes parvuli, nisi ex gratia Dei, seu ex voluntate ejus gratuita, quia sicut liberum fuit Deo, eos creare, vel non creare, ita & liberum fuit, eos innocentes facere, aut non facere.

De hoc debito vide
D. Th. 1. p.
qu. 17. A.
1. ad 3.

Hæc autem omnia confirmantur ex Prospero lib. 2. de vocat. gent. cap. 8. initio ubi ait: datur ergo unicuique sine merito unde tendat ad meritum, & datur ante ullum laborem, (ecce quod rejicit gratia, seu id cui gratia opponitur, scilicet omni merito, & debito propriæ actionis, & laboris) unde quisque mercedem accipiat secundum suum laborem. Quod ita esse etiam Evangelicæ veritatis testimonio agnoscitur, ubi per comparationem dicitur, quod homo peregre proficiscens, vocavit servos suos, & tradidit illis substantiam suam, & uni dedit quinque talenta, alij autem duo, alij vero unum secundum propriam virtutem, id est secundum propriam, & naturalem possibilitatem (ecce quod non opponitur gratiæ, cum sit status, & non actus: sed ecce iterum quod opponitur ei scilicet actus) non autem secundum proprium meritum, quia aliud est, posse operari, aliud operari (ecce quomodo distinguit statum ab actu respectu gratiæ dandæ, quia non repugnat dari ob statum, sed repugnat dari ob actum) & aliud est posse habere charitatem, aliud habere charitatem: & aliud est capacem esse continentiæ, justitiæ, sapientiæ, aliud vero esse continentem, justum, atque sapientem. Et intra: denique isti quibus secundum modulum capacitatis suæ, quem in eis distributor prævidebat, dispar creditus est numerus talentorum (ecce adhuc videtur, quod dari aliquid secundum statum non repugnat gratiæ, sed tantum dari secundum actum, seu meritum, ut mox sequitur, non meriti remunerationem, sed operis recipere materiam. Sed & ipse Augustinus idem clare inquit libro 4. contra Iul. c. 3. non valde longe ab initio, ubi cum dixisset Julianus: bonam hominum naturam, quæ talis gratiæ opitulationem meretur. Sic respondet ei: quod grante audirem, si hoc propterea, quia rationalis natura est, diceres (ecce admittit meritum naturæ humanæ, ut ipsa est quid permanens habitualiter, non esse contrarium gratiæ,

gratix, quod & sic explicat) neque enim gratia Dei per Jesum Christum Dominum nostrum, lapidibus, aut lignis, pecoribusque præstatur, sed *quis imago Dei est* (quod est quid habituale in homine) *meretur hanc gratiam* (ecce nunc sequitur, quomodo vult, actum meritorium esse oppositum gratix) *non tamen, ut ejus bona voluntas* (id est volitio) *possit præcedere præter gratiam*, ne vel ipsa prior det, ut retribuat illi, ac sic gratia jam non sit gratia, dum non datur gratuita, sed redditur debita. De quo si plura adhuc videre cupis vide disputationem nostram de prædestinatione ad gloriam part. 2. S. 3. §. 5. puncto 2.

Licet autem hæc vera sit, ut opinor, solutio & secundum mentem Augustini: si cui tamen non placeat, accipiat hanc, scilicet quod, etsi concederetur quod gratia orandi non fuisset sufficiens in Adamo, posset tamen esse sufficiens in nobis, propter promissionem Christi de dando nobis infallibiliter eo omni quod peteremus à Patre suo in nomine ejus, & secundum omnes condiciones ad veram orationem requisitas, quæ tam ampla & magnifica facta non fuerat. Adz promissio. Vnde non tam potens erat vis orandi in eo, quam in nobis. Vnde etiam patet quod, etsi concederetur eam non fuisse sufficientem in eo, non tamen sequeretur eam non esse sufficientem in nobis. Verum tamen prius solutio est omnino tenenda secundum Augustinum.

§. VII.

Quibusdam aliis respondetur oppositionibus.

Quantum autem ad locum, quem afferunt adversarij, ex Epistola ad Sixtum: dico eum non esse ad rem, cum non sit de causa privationis gratix ob peccatum præcedens, ut volunt adversarij, sed sit de peccato originali, ut causa damnationis eorum ad mortem, qui aliunde se veluti excusare possent ab observatione præcepti: vel quia non acceperunt legem, vel quia nihil audierunt de Evangelio, nec audire potuerunt. Quod ut clarius agnoscas, adducendus est locus, cum antecedentibus, & consequentibus, à quibus pendet sensus ejus. Dei, inquit, justum judicium, nec illis pareit, qui non audierunt: quicumque enim sine lege peccaverunt, sine lege peribunt, & quamvis se ipsi excusare videantur, non admittit hanc excusationem, qui scit se fecisse hominem rectum, eique obedientix dedisse præceptum, nec nisi ejus quo male usus est libero voluntatis arbitrio, etiam quod transiret in posterum, manasse peccatum (vides sermonem esse de peccato originali, eoque, ut causa damnationis aternæ, ut mox sequitur) neque enim damnantur qui non peccaverunt, quandoquidem illud ex uno in omnes pertransit, in quo, ante propria in singulis quibusque peccata, omnes communiter

peccaverunt (ubi adhuc vides , sermonem esse de peccato originali , & de damnatione aliquorum propter illud , non verò de privatione omnis gratiæ ad servandum præceptum necessariæ ; ut volunt adversarij) ac per hoc inexcusabilis est omnis peccator , vel *reatu originis* (si nempe moritur ante tempus ratione utentis ætatis , vel si amens fuerit perpetuus , aut ejusmodi) vel additamento etiam propriæ voluntatis , sive qui novit , sive qui ignorat (ut prædicti) sive qui judicat , sive qui non judicat : quia & ipsa ignorantia in eis qui intelligere noluerunt (& per hoc potuerunt) sine dubitatione peccatum est , in eis autem qui non potuerunt (quemadmodum prædicti) pœna peccati : ergo in utrisque non est justa excusatio , sed justa *damnatio*. Vbi vides , solum sermonem esse de damnatione æterna ob peccatum originale eorum , qui non potuerunt credere , ut sunt parvuli , amentes perpetui , aut hujusmodi : non vero de negatione omnis gratiæ ad præceptum implendum necessariæ. Imo vero innuit ibi contrarium in adultis ratione utentibus , cum dicat quod ipsi noluerunt , quod indicat , quod potuerunt secundum sensum Augustini.

Nota quod
et si parvu-
li, & amen-
tes perpetui,
non potuerunt
per se salvari :
potuerunt
tamen per
alios , qui
potuerunt
eos perducere
ad baptismum,
ut infra ostendemus
in 2. parte
in conclusionem
particulari de
parvulis.

Quantum autem ad locum qui est ex lib. de corrept. & gr. cap. 6. quem paulo infra referam opportunius : tantum abest , quod sit de privatione omnis gratiæ sufficientis , ut volunt adversarij , quin potius supponit gratiam sufficientem , cum sit tantum contra pigros , & desides , qui nolebant ea uti ad obtinendam charitatem , seu gratiam justificantem , ut præcepta facerent , usque adeo ut nollent ipsi orare , sed alios solum pro ipsis , ut haberent istam charitatem , quorum voces refert Augustinus , ubi dicunt : cap. 4. si (præcepta) non fecero , non ego corripiendus sum , sed ille orandus est , ut det quod non dedit , id est ipsam , quæ præcepta ejus fiant fidelem Dei & proximi ^{ora} charitatem : ergo pro me ut hanc accipiam & per hanc ex animo cum bona voluntate , quæ præcipit , faciam : recte autem corripere , si eam mea culpa non haberem (per quod non intelligebant , quod non possent eam petere , & obtinere , & ideo nollent , sed quia volebant eam sibi dari sine sua petitione , ut patet ex eorum explicatione) hoc est si eam possem mihi dare , vel sumere ipse (propria scilicet autoritate , non autem humiliter petere) nec facerem , vel si dante illo accipere noluissem (ecce parati sunt accipere , sed nolunt petere , ut accipiant) cum ergo & ipsa voluntas à Domino præparetur , cur me corripis , quia vides me ejus præcepta facere nolle , & non potius ipsum rogas (ecce volunt pro se orari , sed nolunt ipsi orare) ut in me operetur & velle. Unde & reprehenduntur ab Augustino capite sequenti , quod nollent orare , & querere medicinam suorum vitiorum : quod satis arguit , quod id habebant in potestate. Non vis , inquit tua vitia demonstrari : non vis ut fiantur : fiatque tibi utilis dolor , quo medicum quaeras ; non vis tibi tu ipse ostendi , ut cum deformem te vides , reformare te desideres , eique supplices ne in illa remaneas scelerate , & infra. Quod

enim vult pro se fieri, qui corripi non vult, & dicit: ora potius pro me, ideo corripiendus est, ut faciat (id est oret) etiam ipse pro se. Quid clarius pro ostendendo, quod habebant gratiam orandi, sed nolabant ea uti. Quod & late deinde proficitur: sed veniendum est ad textum objectum qui est in sequenti capite 6. ubi cum dixissent: Apostolus ait: quis enim te discernit; quid autem habes quod non accepisti, si autem accepisti, quid gloriaris, quasi non acceperis, cur ergo corripimur, arguimur, reprehendimur, accusamur; quid facimus, qui non accepimus (scilicet charitatem qua praecepta faciamus, ut supra jam vidimus, & infra videbimus) sic respondet Augustinus, & est textus objectus: qui hæc dicunt, extra culpam se videri volunt, in hoc quod non obediunt Deo: quia utique ipsa obedientia munus ejus est, quæ necesse est, ut in sit ei, cui charitas inest (ecce propter quod volebant sibi infundi charitatem, ut scilicet proxime, & immediate obedirent præceptis, id est volebant sibi infundi gratiam proximam, & juvantem ad præcepta implenda, quam non habebant, & ad eam obtinendam nolabant uti gratia remota, seu orandi quam habebant) quæ sine dubio ex Deo est, & dat eam pater filiis suis. Hanc, inquit, non accepimus (ecce clare vides sermonem esse de charitate, seu de gratia proxima, & non de remota, ut putabant adversarij) quid itaque corripimur, quasi nos eam nobis dare possimus, & nostro arbitrio dare nolimus (non dicunt petere nolimus, supra enim vidimus quod poterant petere, sed nolabant, volebant quidem accipere, volebant eam sibi dare, & sumere, quæ omnia superba, & præsumptuosa sunt, sed nolabant eam suppliciter petere) quibus sic respondet Augustinus, quæ sunt verba nobis objecta. Nec attendunt, si nondum regenerati sunt, primam esse causam, cur objurgati, quod sint inobedientes Deo, sibi debeant displicere, quia fecit hominem rectum (& propterea dederat ei charitatem supra dictam, & auxilia proxima ad obediendum propter innocentiam suam ei debita, ut supra vidimus) ab initio humanæ creaturæ, & non est iniquitas apud Deum (qui propterea illum, & nos ista charitate, & auxiliis proximis spoliavit, ob innocentiam amissam per peccatum, in illo actuale, in nobis autem originale) ac per hoc, prima pravitas, qua Deo non obeditur, ab homine est (ubi homo sumitur specificè; & vult dicere Augustinus, quod cum à nobis fuerit prima inobedientia, tum cum habebamus in Adamo innocente auxilia proxima, & facilia ad eam evitandam, æquum est, quod iis privemur, quandoquidem illis male usi sumus) quia ex rectitudine (id est ex innocentia) in qua eum primitus fecit, sua mala voluntate decidens, pravus effectus est. An vero ideo pravitas ista corripienda non est in homine, quia non ejus propria, qui corripitur, sed communis est omnibus, ibi indicatur peccatum originale, seu amissio innocentiae quæ est causa privationis gratiarum proximarum in nobis: ibi enim loquitur de homine in peccato originali existente, ut patet ex his verbis. Nec attendunt si nondum regenerati sunt, &c. & vult

eum corripere de peccato isto originali, ut petat à Deo gratiam regenerationis, seu baptismi, nec eum vult excusari eo quod peccatum illud suum sit commune toti naturæ, & non proprium suæ, quia sufficit, quod eo irretitus sit, sicut & cæteri, ut conari debeat ab eo exolvere, & querendo per gratiam remotam, ut Deus ejus misereatur, & ipse non expectet sibi infundi immediate charitatem, ut volebant isti, quos Augustinus hic redarguit) non enim propterea cujusquam non est, quod ab ea nullus immunis est. *Peccata quidem ista originalia ideo dicuntur aliena*, quod ea singuli de parentibus trahunt, sed non sine causa dicuntur, & nostra, quia in illo uno omnes, sicut dicit Apostolus, peccaverunt. Corripitur ergo origo damnabilis, ut ex dolore correptionis voluntas regenerationis oriatur, (id est, ut supra dixit, ut fiat illi homini nondum regenerato, utilis dolor, quo medicum querat & ut cum deformem se viderit, reformatorem desideret eique supplicet, ne in illa remaneat fœditate) si tamen, qui corripitur, filius est promissionis (id est, si prædestinatus sit ad gratiam baptismi, seu adoptionis filiorum, quæ promissa nobis fuit in Abraham patre omnium credentium) ut strepitu correptionis forinsecus insonante, atque flagellante, Deus in illo intrinsecus occulta inspiratione operetur, & velle (soli enim prædestinati ad gratiam, habent istum effectum, sed non soli habent hanc potentiam) ibi ergo solum loquitur de privatione charitatis, seu gratiæ proximæ, & rejicit solum exculationem eorum, qui non habentes talem gratiam, nolebant obedire, nec Deo, nec hominibus, & vult eos corripere, ut videntes suam deformitatem, desiderarent reformatorem, & videntes suam infirmitatem, querant medicum, & orent ad Deum, ut eorum misereatur: quod supponit gratiam orandi, seu remotam, & solum excludit gratiam proximam, seu fidelem Dei, & proximi charitatem, cum debitis sibi auxiliis proximis, quod libenter admittimus, nec est contra id quod hic contendimus.

† Nota ex his, aliquando Augustinus sumpsisse gratiam proximam, seu juvantem, ut quid habituale, qualis est charitas, cum debitis sibi auxiliis, & non solum ut quid, a Quale.

§. VIII

Multis aliis respondetur objectionibus de excacatis, & obduratis: ubi & quadam adversariorum impossura detegitur.

AD locum autem ex libro de perfectione justitiæ c. 6. ubi ait Augustinus: ideo esse culpam hominis, quod non est sine peccato, quia sola hominis voluntate factum est, ut ad istam necessitatem veniret, quam sola hominis voluntas superare non possit.

Respondeo id non esse de negatione gratiæ sive proximæ, sive remotæ, sed tantum de diversitate gratiæ Adæ, & lapsum hominum: quia Adam sine gratia in voluntate necessaria, poterat superare omne peccatum, nos vero non sic, quia ob resistantiam concupiscentiæ nobis innatæ, necessaria nobis est in voluntate gratia, sine qua non potest voluntas nostra, ut ait Augustinus, sola superare omne pec-

catur: poterat autem sola voluntas Adæ, cum gratia in intellectu præsupposita, cum careret impedimento concupiscentie in bono resistentis.

Quantum ad locum illum qui est ex quaest. 14. super Matthæ ubi dicunt adversarii, ideo censuisse Augustinum, obduratos esse culpandos, quamvis jam excecati videre non possint, quia impotentiam illam excecationis sua culpa meruerunt.

Respondeo illos falsò supponere, excecatos privari omni gratia: licet enim ibi dicat Augustinus illos excecatos (scilicet Judæos) non potuisse credere: dico 1. illam impotentiam non fuisse veram, sed impropriad, in hoc fundatam, quod illi nollent credere, etsi possent, ut alibi ostendimus & mox ostendemus ex ipsomet Augustino. Dico 2. illam impotentiam non consistere in privatione omnis gratiæ, sed in privatione solius gratiæ proximæ, seu juvantis, non vero remotæ & orantis. Solebat enim Augustinus, ut diximus, gratiam proximam vocare gratiam simpliciter: unde non est mirum, quod cum hi privati essent tali gratia, dicat Augustinus, privatos esse gratia simpliciter, & esse impotentes, quia non habebant gratiam, qua possent, licet haberent gratiam orandi qua impetrarent unde possent, si vellent, juxta illud Augustini lib. de gr. & lib. arb. cap. 16. init. ubi ait: jubet Deus aliqua quæ non possumus ut noverimus, quid ab illo petere debeamus. Ubi vides impotentiam agendi, & tamen potentiam orandi, & etiam impetrandi, ut sequitur: ipsa est enim fides, quæ orando impetrat, quod lex imperat, quod certe sufficit ad salutem. Quando autem dicitur, quod illa excecatio imponitur in pœnam præcedentium peccatorum: hoc non arguit, illam consistere in privatione omnis gratiæ, satis enim magna est pœna, privari gratia proxima, & efficaci, quam habuissent, si peccata illa non præcessissent. Nam quod illi excecati, scilicet Judæi, de quibus est prædicta objectio, non fuerint omni gratia sufficiente privati, satis aperte declarat Augustinus lib. de gr. & lib. arb. cap. 12. init. dicens: quod ideo illi Judæi non credebant, quia gratiam repellebant. Ubi vides, incredulitatem eorum, seu excecationem eorum in non credendo in Christum, non fuisse ex absoluta impotentia, seu ex omnis gratiæ sufficientis absentia, & carentia, sed ex eorum pervicacia libera, & indifferente, quæ pertinaciter gratiæ datæ resistebant, quæ gratiam contemnebant, quæ gratia sibi data uti volebant, & ideo, ut ait, non credebant.

Multa deinde habent adversarii ex Apostolo, & Augustino, quasi essent de privatione omnis gratiæ sufficientis, sed sunt tantum de privatione gratiæ efficaciæ, aut proximæ sufficientis, sed ut plurimum gratiæ efficaciæ, cum in illis locis solum mentio fiat de actû, & non de potestate sublata bene agendi, ut patet ex verbis illis, misereri, & misericordiam, quæ ibi habentur, per quæ solet Augustinus significare gratiam efficacem, & ex illa explicatione gratiæ, de qua ibi loquitur Augustinus, cum ait: esse gratiam, unde bene viverent: quæ indicat actum, & per hoc gratiam efficacem, & etiam ex verbo libe-

Tractatu
de indiffe-
renti &c.
parte 2.
sect. 6. in
verbo indu-
rare.

In nostra
disput. de
prædestin.
parte 1.
sect. 1. § 16.
puncto 3.
circa med.

rari, frequenter ibi repetito, quod significat actum, & non solum potentiam, ut alibi explicuimus: & satis per se notum est, cum non liberetur captivus, nisi actu eximatur è carcere. Ad id autem quod dicunt: nihil capitalius adversari Augustino, aut directius ab ipso destrui, quam quod nemini, post lapsum, gratiam denegat: Respondere posset, quod sicut id gratis asserunt, ita & gratis negari posset, sed tam falso id asserunt, ut dissimulari prorsus non possit, cum expresse dicat Augustinus libro 3. de lib. arb. cap. 19. in suis retractationibus approbato: *nulli hominum subactum esse scire utiliter querere* quod inutiliter ignorat. Per quod declarat, omni, & cuilibet homini gratiam sufficientem querendi, & orandi, & pulsandi ad Deum esse collatam. Et cap. 20. asserit, Deum esse daturum illis petentibus, & demonstraturum querentibus, & pulsantibus aperturum. Ut per hoc patet istam gratiam esse valde sufficientem, licet remotam, cum impetratura sit proximam, si eam petat, quod multis aliis textibus, & rationibus ex Augustino depromptis, facile demonstraremus, nisi quia id jam aliquomodo demonstravimus in præcedentibus, & etiam in sequentibus demonstraturi sumus.

Sed valde notanda est illa responsio, quam adhibent huic testi Augustini eis objecto. Nemo peccat in eo, quod vitare non potest. Qui textus secundum substantiam, est in libro 3. de lib. arb. cap. 18. & in libro de nat. & gr. c. 68. cui respondent adversarii dicentes: quid ergo, si hæc ita sint (quasi scilicet ibi Augustinus non loqueretur secundum veritatem, quia non loquitur secundum eorum intentionem) insultius, & ineptius, quam hominibus peccata sua contra Dei querelas excusantibus, quod ab ipso excusati, atque obdurati, & à gratia deserti sunt, per quæ suppliciosa fatente, docenteque hoc Augustino, tam impotentes ad bene vivendum facti sunt, ut nequidem videre possint, quod eligendum est bonum: voluntatemque habeant durissimam, & adversus Deum omnino inflexibilem. Talibus, inquam, excusationibus *nihil aliud* Dei conquerentis patrocinio proferte, quam gratiam esse quæ subtrahitur, iustamque peccatorum poenam, quæ infligitur. Ubi multum imponunt adversarii Augustino: nam falsum est, quod querimoniis, seu excusationibus peccatorum *nihil aliud* respondeat Augustinus, quam, gratiam esse, quæ subtrahitur, iustamque &c. clare enim respondet, gratiam sufficientem eis datam, & talem, cui etiam multi consenserunt: nam cum proposuisset eorum querelas lib. 3. de lib. arb. cap. 19. dicens: hic occurrit illa questio, quam inter se murmurantes homines rodere consueverunt, qui, quodlibet aliud in peccando, quam se, accusare parati sunt. Dicunt enim &c. mox subdit: quibus breviter respondetur, ut quiescant, & adversus Deum murmurare desistant. Recte enim fortasse quererentur, si erroris, & libidinis, nullus hominum victor existeret (ecce illa gratia: sufficiens contra errorem, & libidinem data, non est imaginaria, cum ei actu quandoque consensatur: sed audi quam ampla, quam multiplex, quam

longe, lateque diffusa sit) cū vero ubique sit præsens, qui multis modis per creaturam sibi Domino servientem, adversum vocet, doceat credentem, confortetur sperantem, diligentem exhortetur, conantem adjuvet, exaudiat deprecantem (quid magnificentius, & multiplicius ista gratia sufficiente) non tibi deputatur ad culpam, quod in virtus ignoras, sed quod negligis querere, quod ignoras (certe vides illos non fuisse impotentes, ut dicunt adversarii, cū fuerint negligentes) neque illud quod vulnerata membra non colligis, sed quod volentem sanare contemnis. [certe nec isti carebant gratia medicinali, cū medicum contemnerent, eos sanare volentem : & deinde subdit textum supra allatum, qui clarissimus est de gratia sufficiente, pro omnibus, scilicet : nulli enim homini ablatum est, scire utiliter querere, quod inutiliter ignorat &c. Ergo vides, quantum imponant adversarii Augustino cū dicunt : quod prædictis quærimoniis, & excusationibus nihil aliud pro Deo responderet Augustinus, quam, gratiam esse quæ subtrahitur, justamque peccatorum pœnam, quæ infligitur : cū è contra respondeat, ipsam gratiam esse donatam, sed neglectam, & contemptam, & rejectam, non vero subtractam : imo vero expresse dicit : nulli homini ipsam esse ablatam : quo nihil dici poterat clarius, pro gratia sufficiente omnibus, & singulis data, contra calumniam adversariorum.

Nec vero his contraria sunt ea quæ ibidem habent : scilicet, quod illi deserti, & obdurati, tam impotentes facti sunt ad bene vivendum secundum Augustinum, ut nequidem videre possint, quod eligendum est bonum. Illa enim impotentia, non est plena, & perfecta, sed tantum imperfecta, & secundum quid, cū tantum careat gratia proxima, quæ est posse cognoscere bonum eligendum (de qua solum ibi mentio fit) non vero etiam remota, quæ est posse petere, & obtinere cognitionem illam. Quantum autem ad id quod addunt ex eodem Augustino, scilicet : voluntatemque habeant durissimam, & adversus Deum omnino inflexibilem. Tantum abest ut hoc indicet carentiam omnis gratiæ in illa voluntate, ut prætendunt adversarii, quin potius indicat voluntatem resistentem multis, & magnis (quas habebat) gratiis, adversus quas (quod exprimit Augustinus his verbis adversus Deum) obstinatissimam se reddit, ac durissimam, & omnino inflexibilem : quid enim diceret Augustinus : adversus Deum inflexibilem, nisi per hoc agnosceret eam ipsi Deo resistentem, quod sane non solum arguit gratiam communem sufficientem datam, sed etiam plusquam talem sufficientem, & singularem, ita ut mirum esse indicet, ipsam ab ea non esse flexam voluntatem, nec duritiem ejus emollitam quod significant ista verba durissimam, & omnino inflexibilem, quæ non nisi per admirationem dicuntur tantæ duriæ, ac inflexibilitatis : ex quo valde repelluntur adversarii ab intento suo, cū per hæc vellent probare carentiam omnis gratiæ in illis obduratis, & è contra reperitur, eos probasse, non solum adfuisse eis aliquas, sed etiam magnas, & singulares, & sufficientissimas gratias.

Quando autem dicunt: quod si homines habuissent gratiam sufficientem, nullam aliam excusationem allegare pro Deo debebat Augustinus quam istam: scilicet, quod habebant gratiam sufficientem, non autem dicere: quod gratia est quæ subtrahitur, & iusta peccatorum pœna quæ infligitur. Respondeo quod utrumque potuit rationabiliter respondere, ut respondit. Nam cum gratiam illam haberent, quæ sufficit ad implenda præcepta, potuit respondere. Quod habebant illam, ut respondit libro 3. de lib. arb. cap. 19. prout paulo supra vidimus. Et quia carebant gratia proxima, vel efficaci: bene etiam potuit respondere, & vere respondit in locis ab iis citatis, quod gratia est quæ subtrahitur, & iusta est pœna, quæ infligitur: quia utraque gratia vere gratia est, quæ ideo subtrahitur, & conceditur à Deo pro libito, & etiam iusta est pœna, quæ infligitur, cum iuste propter peccatum subtrahatur. Unde non bene infertur contra nos: quod, quando dixit Apostolus: ô homo tu quis es, qui respondeas Deo, voluntati enim ejus quis resistit: volumus eum defecisse in responsione, contra querelas peccantium: nam dicimus eum sic respondisse ratione prædictarum gratiarum, scilicet proximæ, & efficacis, quas Deus subtrahit quando vult, & largitur quando vult: non vero ratione remotæ, quæ sita est in potentia orandi, aut aliqua facilia agendi, quibus obtineatur proxima, per quam, præceptum instans impleatur, vel tentatio premens superetur: cum hæc gratia, neque in locis ab adversariis, citatis, neque alibi, appareat subtrahita, sed solum dux prædictæ, ut satis hucusque demonstravimus.

§. I X.

Examinantur quidam modi, quibus absolute impossibile dicitur possibile, et non excusans à peccato in transgressione mandati.

Sed jam transeundum est ad illos modos, quos plurimos enumerant, & explicant adversarii, quibus possibile præceptum dici queat: quorum ultimum solum admittunt, ut sufficientem, quia semper conjungitur cum effectu, quasi necessarium esset gratiæ Christi sufficienti, ut etiam effectum haberet, quod late confutavimus sub nomine gratiæ medicinalis in nostra disputatione de prædestin. ad gloriam. Quapropter hoc negato, ut jam satis confutato, videndum est, quid respondeant ad argumentum nostrum de possibilitate præceptorum: ubi nihil aliud dicunt, quam quod jam dixerunt: scilicet, quod peccantibus gratia sufficiens non datur, nempe illa quæ simul est efficax: & quod sufficit, ad hoc ut homo peccans inexcusabilis sit, quod alijs modis infra explicandis possit implere, licet tunc non magis possit illud implere, quam sine alijs volare. Cur autem in hoc statu non excusandi sint peccatores, duplicem rationem afferunt: quarum prima

ma est, quia illa impotentia non est antecedens, seu non est causa, cur homo non impleat præceptum, quia, inquiunt, non ideo peccant homines, quia non possunt abstinere à peccato, quamvis revera non possint, sed idcirco peccant, quia non volunt, neque vellent abstinere, etiamsi possent, quod ex eo perspicuum esse dicunt, quia nesciunt se non posse. Sed hoc est divinare, & vaticinari potius, quam ratiocinari: unde enim scis, quod nollent abstinere à peccato, etiamsi ad non peccandum sufficerent: quandoquidem carent illa potentia, qua possent excitari ad illud nolle; nescisne, potentiam illam non esse mortuam, & jacentem, sed esse excitantem, suadentem, & moventem ad implendum præceptum, & per hoc ad nolendum peccare: quæ suasiones, & excitationes sunt per se ordinatæ, & aptæ natæ ad movendam voluntatem ad agere, id est ad velle, aut nolle; quare ergo dicis, quod isti sic excitati nollent abstinere à peccato, & à transgressione præcepti, etiam si possent, cum potius dicendum esset, quod vellent abstinere, si taliter possent: id est, si ita suasi, & excitati à gratia essent, præcipue cum gratia, seu illa potentia, sit, secundum Augustinum, suavitas quædam, & dulcedo, qua suave fit, & delectabile præceptum, & sic multum minuat difficultates, quæ solent nos abstergere ab impletione præcepti. Ibi mutas statum, & facis esse oppositum præcedenti, & tamen idem colligis, & non mutas illationem: contrarium potius deberes inferre, & sic dicere saltem sub dubitatione: voluntas non excitata non agit, forte si excitaretur, ageret: & tu dicis è contra: voluntas non excitata non agit: ergo etiamsi excitaretur, non ageret; quis non videat manifestam istius collectionis falsitatem: vix enim hoc vere dici posset de viribus corporis, quæ non excitant corpus ad currendum, & ad ambulandum: forte enim vegetum corpus, & robustum curreret, & ambularet, quod non currit, aut ambulat infirmum, & invalidum: quanto ergo minus id vere dici potest de viribus gratiæ datis animæ, cum non quomodo-cumque firment, & robovent eam, sed ita firment, & robovent eam, ut etiam excitent eam ad currendum, & ad ambulandum in via Dei, & ad hoc directissime & formalissime datæ sint. Quod autem colligunt eos esse nolituros abstinere à peccato, ex eo quod nesciunt se posse abstinere: prorsus male colligitur, quia si possent velle abstinere à peccato, excitarentur ad illud velle, cum illa potentia, & illa excitatio, unum, & idem sint: ergo si possent abstinere, ex tunc excitarentur ad illud velle, etiamsi nescirent se posse velle: quia actio gratiæ, seu illa excitatio, non pendet à scientia, vel nescientia subiecti, cum ipsa agat in nobis sine nobis, ut indicat Augustinus lib. de gr. & lib. arb. cap. 17. ergo si possent velle abstinere, excitarentur ad illud velle, etiamsi nescirent se posse: & si excitarentur ad illud velle, potius hinc arguenda esset actio voluntatis, seu ejus volitio, cum excitationes illæ, per se ordinatæ sint, & aptæ natæ ad movendam voluntatem ad agere, & ut agat (ut dictum est) suavia faciant

omnia & minuant difficultates obistentes concupiscentiæ; quis ergo non videat prorsus male colligi: istos esse nolituros abstinere à peccato, etiamsi possent: id est, etiamsi excitarentur ad velle, ex eo quod nesciunt se posse: cum illanescientia prorsus impertinens sit ad nostrum velle aut nolle (cum sic excitamur ad volendum) quandoquidem ista gratia, ut prædictum est, agit in nobis sine nobis. & proinde sine scientia aut cum scientia subiecti. Sed etsi concederetur, quod etiamsi possent abstinere à peccato, nollent tamen abstinere; dico quod, cum falsò id putent, & à falsa ista opinione semetipfos expedire non possint (cum supponantur esse sine gratia sufficiente) isti prorsus non peccant secundum Augustinum: si enim, inquit, *tanta fallacia est, ut caveri omnino non possit, si ita est, nulla peccata sunt*; quis enim peccat in eo, quod nullo modo caveri potest: atqui per vos, non possunt se expedire ab ista fallacia, seu falsa opinione, quod scilicet non possunt abstinere à peccato, seu à transgressione præcepti: ergo transgrediendo præceptum non peccant. Præterea, ad verum peccatum secundum omnes homines requiritur libertas, sed ibi non est libertas: nam saltem ad libertatem requiritur cognitio omnium requisitorum ad actum: hinc enim est quod actus primo primi non sunt peccata, quia cognitionem istam præveniunt: at ibi non reperitur ista cognitio, cum nequidem sciant; an possint, an vero non possint abstinere à peccato: ergo transgrediendo præceptum non peccant. Præterea cum isti secundum vos, tantum ideo peccent, quia ita volunt transgredi præceptum, ut, etiam si possent abstinere, non vellent: manifestum est, quod non peccant præcise in transgressione præcepti, de qua sola agimus, sed in aliquo alio antecedente, de quo non agimus, scilicet, in illa pessima dispositione, qua, etsi possent abstinere, non vellent: quæ cum adesse, & abesse possit, (nec enim coguntur ad istam dispositionem in se habendam, quæ nequidem forte est in damnatis, qui si possent, ut aiunt concionatores in Ecclesiis, pœnitentiam agerent, & longe plura, quam quæ olim eis fuere præcepta, peramantissime facerent) manifestum est, quod non sufficit ad solvendam difficultatem, quæ est in impossibilitate abstinendi, cum ibi reperiatur possibilitas abstinendi ab illa pessima dispositione, quæ totalis causa peccati est, contra suppositionem faciendam. Denique fatendum est secundum sensum adversariorum, aliquos peccare, qui sciunt, aut putant, se non posse abstinere: & sic eorum solutio, quæ tota in contraria suppositione fundabatur, adæquata non est, nec satisfacit universaliter, cum non habeat locum in omnibus peccantibus: nam ipsi adversarii, qui sibi persuaserunt homines lapsos non posse abstinere à peccato, non sunt impeccabiles: si ergo peccant aliquando, peccant, & si sciant se non posse abstinere. Ergo hæc eorum evanescit evasio, qua dicebant peccantes peccare, etsi non possint abstinere, quia non volunt, & non vellent ~~non posse~~, cum ecce ipsi adversarii peccant, etsi sciunt, ut putant, se non posse abstinere.

Lib 3. de.
lib. arb. c.
18.

Unde bene videntes adversarij, istam rationem non esse firmam, transeunt ad secundam, dicentes: quod duplex est impotentia præcepti implendi: una est, quæ supponit voluntatem, & ideo non potest, quia non vult: altera, quæ non supponit voluntatem, sed antecedit eam, ut qui caret breviario, non potest horas quas ignorat recitare. Hæc, inquirunt; eximit ab obligatione præcepti, illa vero non. Sed non viderunt adversarij quod primus modus coincidit cum secundo in questione quam agimus secundum sensum eorum: nam querenti, cur homo nolit implere præceptum, in qua voluntate est formale peccati, necessariò dicendum est, quia non habeo medium necessariû ad volendum, sicut ille qui caret breviario excusat se de horis (quas nescit) recitandis, dicendo quod non habet medium sibi necessariû ad illas recitandas, quod est breviarium: ergo sicut iste ideo excusatur à recitandis horis, quia non habet medium recitandi, ita & ille à nolitone obediendi, quia non habet medium volendi, ut per se manifestum est, à qua si excusatur, etiam & excusabitur ab externa impletione præcepti, cum formalis malicia, sit in actu interno, & non in externo, qualis est ordinariè transgressio præcepti.

Ad locos autem quos ibi adducunt pro confirmatione suæ opinionis, respondemus nihil in illis haberi de impotentia voluntatis ad implendum præceptum, sed tantum de illius negligentia, quæ est causa transgressionis præcepti: non negamus enim, quod si fortiter volumus, & sic perseveramus, adimplebimus præceptum: sed, si nolumus, seu negligimus istam impetrare voluntatem à Deo per gratiam remotam (quam habemus) orando, querendo, & pulsando ad Deum, ut det nobis istam voluntatem, non implebimus præceptum, non quod non possimus illud adimplere, obtinendo adiutorium ad id proximum, sed quia satis non volumus, quia negligenter volumus, & media ad id necessaria adhibere nolumus. ut possumus, orando, querendo, & pulsando ad Deum per prædictam gratiam, quæ nulli umquam deest, juxta illud Augustini: nulli enim homini ablatum est utiliter querere, quod inutiliter ignorat &c. Nam ut bene monet Augustinus in aliquo locorum ab adversariis citatorum: ad implendum præceptum, opus est velle fortiter, & integre, non semisauiciam hac atque illac versare voluntatem, parte assurgente, cum alia parte cadente luctantem. Unde quantumlibet habeas gratiam orandi, si tamen nolis orare, seu nolis uti illa gratia, & timeas obtinere victoriam tentationis, ut nimis sæpe fit in tentationibus carnis, iræ, vindictæ, & similibus, non ex impotentia peccabis, & transgredieris præceptum, sed ex tepiditate, negligentia, levitate, & inconstantia tua, quæ non vult adhibere media, quæ habet ad manum pro vincendis illis tentationibus, ut posset, juxta illud sapientis vult & non vult piger: vult vincere tentationem, sed non vult, sustinere laborem; quid mirum est si cadat, certe ibi est negligentia, & non impotentia. Male ergo concludunt adversarij ex illis locis Augustini, quod illi laborant impotentia, cum sola irre-

Lib. 3 de
lib. arb.
cap. 19.

Lib. 8, con-
f. ff. cap. 8.

Prover 13.

tiantur sua negligentia: certe in illis omnibus locis ne minimum quidem verbum est de impotentia.

Verum supponentes, adversarij, quod illi sunt impotentes, dicunt tamen esse culpabiles, si præceptum non impleant. Quia, inquit, possent si vellent, quod si noluerint, inquit, & ideo non potuerint, quis non eos dixerit pro ipsa tam perversa, obdurataque voluntate culpandos. Ibi est non levis fallacia adversariorum, sed ipsi capiuntur in sua fallacia: nam vel intelligunt quod ex sua mera voluntate possunt implere præceptum, & hoc Pelagianum, & hæreticum est, cum neget gratiam ad bonum faciendum, aut ad malum fugiendum, esse necessariam. Vel intelligunt, quod possent, si vellent: id est, si voluntas eorum esset adjuta à gratia, & hoc nihil aliud est quam dicere, quod possent, si possent, cum nihil possimus sine gratia: unde cum supponant abesse gratiam, est dicere quod non possint: & sic est cavillari, seu ridere & non sincere agere. Vel intelligunt, quod si vellent, signum esset quod non possent, & hoc nihil aliud est, quam nugari; quid enim ibi loqueris de signo, quo possimus cognoscere, an ibi sit potentia, cum tu neges illam adesse, & affirmes ibi adesse impotentiam, ergo id dicens nihil dicis, sed nugaris, cavillaris, aut erras cum Pelagianis.

§. DECIMUS.

De eadem impossibilitate, & de diversis, cum ea, possibilis modis.

In Psal. 57.

Sed ut ostendant, se non sine aliquo protulisse fundamento supradictam distinctionem, inter impotentiam quæ est à voluntate, & eam quæ est ab extrinseco: sic probant, dicentes: duplicem istam impotentiam insinuavit Augustinus, quando dicit: cogitatur, & fit, aut ideo non fit, quia nolumus, quicquid vis, & non potes, factum Deus computat. Sed nihil ibi prorsus video de impotentia, quæ sit à voluntate, quod tamen principaliter ostendere volebant: nam cum dicit Augustinus: cogitatur, & fit, aut ideo non fit, quia nolumus. Ibi est inactio, & non impotentia. Non enim dicit, quod non potest fieri, sed quod non fit, quod solam denotat inactionem, & non impotentiam. Cum autem addit: quicquid vis, & non potes: ibi quidem indicatur impotentia, sed non est à voluntate, sed potius est contra voluntatem quia vult, & non potest, quod est contra propositionem probandam, quæ erat: quod ideo homo non potest, quia non vult: hæc autem vult, & non potest: unde nihil ibi habetur quod sit ad propositum. Sed dicunt: velint illi (scilicet impotentes) pleneque velint, mox ut voluerint, implebuntur mandata. At quid ineptius, & periculosius ista exhortatione proferri potest: quasi nempe penderet ab illis impotentibus, ut vellent, cum ipsi asserant eos tam impotentes esse

ad velle servare mandata, quam impotentes sunt ad volandum sine alis: nonne idem dicere possent de paralytico qui non potest currere; currat, velociterque currat, mox ut cucurrerit, perveniet ad locum quem optat: omnino id verum est, sed oporteret prius ut ille paralyticus posset currere, quam id ei serio diceretur, alioqui potius ridere, & nugari videberis, quam sobrie, & sapienter loqui: ita dico de prædictis impotentibus, omnino verum est quod si velint, pleneque velint, & sic perseverarint, implebunt mandata: sed prius oporteret, ut velle possent, quam id eis serio diceretur, & tu supponis eos ita impotentes esse ad volandum servare præceptum sine gratia, qua carent, ac impotentes sunt ad volandum sine alis. Quid ergo hortaris eos, ut velint, cum per te, velle non possint; numquid rides istos miseros, & potius ibi ludis, quam concludis, cum talia dicas eis, quæ nullus sobrius, & jejunos dicere serio illis posset.

Verum tandem aliquando repererunt aliquid apud Augustinum, quo probent eos, ideo non posse servare mandata, quia nolunt. Sed valde cuperem, ut ibi ostenderent illam impotentiam esse talem, qualem ipsi supponunt in prædictis: scilicet talem, qualis est eorum qui non possunt volare quia non habent alas, quæ est in potentia plena, & perfecta, non vero hypothetica, & imperfecta, seu secundum quid, qualis est illa, de qua loquitur Augustinus in loco quem allegant: nam illi impotentes, de quibus loquitur Augustinus in illo textu: ita sunt impotentes ad servandum præceptum, ut tamen velle possint, & mutare in melius voluntatem suam, ut patet ex his illius verbis: hinc & illi non poterant credere (id est præceptum fidei adimplere) *non quia in melius mutari homines non possunt* (ecce vides quomodo illi mutare voluntatem suam poterant in melius, id est in voluntatem adimplendi præceptum) (& tu loqueris de eis, qui non possunt id velle, ut nec sine alis volare) *sed quamdiu talia sapiunt, non possunt credere*: quæ est tantum impotentia hypothetica, & secundum quid, seu supposititia, & impropria, qualis est in eo, qui dicitur sedens, seu quamdiu sedens est, non posse currere, non sane quod absolute, & simpliciter non possit currere, sed tantum ex suppositione, quod semper sedeat, non potest currere: ita dicit Augustinus de supradictis: quod quamdiu adherent vitiis, & suis perversis opinionibus, non possunt credere, seu præceptum fidei adimplere, quæ est impotentia solum hypothetica, & impropria, qualis est prædicta, non vero propria, & absoluta, qualis est ea, quæ est in illo qui non potest volare non habens alas, de qua solum controversia est, & non de altera: nam illa impotentia, quam dicit Augustinus esse in istis, qui volebant credere, tam impropria est, & non vera, ut multoties ibidem indicet, in eis esse gratiam sufficientem, & veram potentiam ad credendum. Tum quia, ut dixi, jam asseruit, quod poterant mutare voluntatem suam in melius, quod fieri non potest sine gratia sufficiente. Tum quia arguit illos superbix, quod ut supra notavi, supponit saltem gratiam oran-

di, & petendi auxilium, qua superbum pudet uti. Sic enim ait ibi. Non itaque mirum est, quia non poterant credere, quorum voluntas si *superba erat*, ut ignorantes Dei iustitiam, suam vellent constituere, sicut dicit de illis Apostolus: iustitiæ Dei non sunt subiecti: tum quia supponit in ijs fuisse potentiam ad credendum, quod fieri non potest sine gratiis vere sufficientibus: sic enim ibidem ait. *Ne omnino existimemus in nostra potestate non esse quod credimus.* Et infra: nam & agendæ sunt gratiæ, quia *data est potestas, & orandum, ne succumbat infirmitas.* Tum denique quia ibi expresse dicit, adiutorium datum esse cum præcepto: sed audiamus, inquit, Deum, *& præcipientem, & opitulantem, & iubentem quid facere debeamus, & adiuvantem, ut implere possimus*: quibus posset addi: quod, quia dicit Augustinus, quod illi imdurati volebant credere, per hoc supponit, eos potuisse credere, juxta prædicta de significatione verbi nolle apud Augustinum.

Sed adhuc aliqua superest nobis solvenda instantia, quæ fieri posset super diversis modis, quibus putant adversarij Augustinum dixisse, præcepta esse possibilea sine gratia sufficiente, quorum primus est, ut aiunt, remotissimus, per solam lib. arbitrij flexibilem facultatem ad bonum, & malum: 2. est paulo propinquior, scilicet, per fidem sine gratia actuali: 3. est multo plenior, & propinquior, scilicet per charitatem, seu bonam volitionem: 4. denique est completissimus: quando Sp. sancti inspiratione sic voluntas præparatur, ut non solum possit, sed etiam actu velit. Cum aliis solis modis nihil sit, cum hoc solo aliquid sit secundum adversarios.

Respondeo quod quantum ad tres priores modos, qui consistunt in solo lib. arb. aut in sola fide, aut in sola charitate, sine gratia actuali ad aliud, certum est non fuisse usurpatos ab Augustino pro possibilitate præceptorum, de qua egimus in argumentis nostris, cum ibi manifeste illi possibilitati adjungatur auxilium, opitulatio, adiutorium divinum qui sunt actus, non vero habitus, seu meræ facultates, qualia solum sunt ea quæ commemorant adversarij in tribus prædictis prioribus modis. Quantum autem ad postremum, qui consistit in auxilio actuali, sed tali qui semper conjunctus est cum actu, satis eum confutavimus in disputatione nostra de prædest. ad gl. objectione 13. à ratione, & etiam toto tractatu nostro de gratia indifferenti, ubi ostendimus, quod poterat esse sine actu, id est quod erat indifferens, & non determinans arbitrium, ut prætendunt adversarij; quapropter de illo, utpote fictitio nihil amplius agemus, sed tantum de aliis impropriis, & non veris possibilitatis modis, quibus veram, & propriam, quam ostendimus ex Augustino, possibilitatem præceptorum, ipsi conantur eludere. Videndum ergo est, quo fundamento istos possibilitatis præceptorum modos astruere conati sunt.

Prima possibilitas quæ est per merum lib. arbitrium fundant super his Augustini verbis libri de prædest. sanct. cap. 5. ubi ait Augustinus: posse habere fidem, sicut posse habere charitatem, naturæ est homi-

num. Quod sane nullum dicit ordinem ad præcepta implenda, sed tantum ad recipiendum habitum fidei, cujus subiectum est natura, unde & dicitur, quod habere fidem est naturæ hominum: sed volunt adversarij hoc significare: posse credere, & diligere Deum, quod debebant probare, vel ex ipso textu, vel ex antecedentibus, & consequentibus, sed non faciunt quia id facere non potuerunt cū nihil ibi haberet huiusmodi. Unde & ipsi transeunt ad alium locum libri de gratia Christi cap. 20. cujus volunt similem esse sensum, scilicet quod significat potentiam credendi, & diligendi Deum, revera tamen nihil significat nisi adhuc naturam, seu lib. arbitrium capax recipiendi prædictos habitus fidei, & charitatis, & nihil aliud, non vero significat possibilitatem adimplendi præcepta, sic enim ait Augustinus: sed plane illa possibilitas utriusque radicis est capax (certe actus non est radix, sed quid prodiens ex radice, ergo illa capacitas, seu possibilitas, quæ est radicis, non est actus agendi, sed habitus recipiendi, & per hoc, non est possibilitas diligendi Deum, sed est capacitas recipiendi habitum, quo diligitur Deus, quod longe est ab intentione adversariorum, qui volebant esse possibilitatem producendi actus diligendi Deum, seu adimpletionis præcepti dilectionis Dei, & proximi, & est capacitas recipiendi in se habitus, seu radicis dilectionis Dei, quod etiam patet ex sequentibus) quia non solum potest homo habere charitatem (quid est habere charitatem, nisi habere habitum, quo diligitur Deus, ut mox sequitur) qua sit arbor bona (id est quæ sit potens producere bonos fructus dilectionis Dei, & proximi, quod sane non convenit actui, sed soli habitui: unde & mox opponit ei alterum quasi habitum, qui est concupiscentia, ut arborem malam, id est, ut causam productivam malorum actuum, seu fructuum) sed potest etiam cupiditatem, qua sit arbor mala. Ecce qualis est illa possibilitas de qua loquitur Augustinus, est capacitas recipiendi habitum charitatis, qua sit homo arbor bona, potens producere bonos fructus dilectionis Dei, & proximi, & concupiscentiam illi contrariam, qua sit homo arbor mala, potens producere malos fructus peccatorum, seu aversionis Dei, & proximi: quod etiam patet ex antecedentibus, & ex consequentibus: sic enim ait immediate ante textum illum: illa ergo possibilitas, non uriste (scilicet Pelagius) putat, una, eademque radix est bonorum, & malorum (ubi vides formaliter negari istam possibilitatem Pelagij, quæ erat lib. arbitrium, esse possibilitatem boni, & mali, contra ipsos adversarios qui volebant ibi intelligi possibilitatem ad utramque partem, id est ad bonum & malum. Unde dicendum est, adversarios, vel non intellexisse ibi Augustinum, vel fallere voluisse, cū ibi tribuant Augustino, id quod formaliter ipse negat, scilicet possibilitatem lib. arbitrij, esse possibilitatem boni, & mali, sed vult esse possibilitatem, seu potius capacitatem, & subiectum radicem utriusque, scilicet virtutis charitatis, quæ est radix boni, & vitiose concupiscentiæ, quæ est radix mali, ut clarè mox

sequitur) aliud enim est charitas radix bonorum, aliud cupiditas radix malorum (ecce ergo quod volebat dicere Augustinus in textu obiecto, cum dicebat: quod illa possibilitas est capax utriusque radicis, id est, est capax recipiendæ charitatis, quæ est radix boni, & cupiditatis, seu concupiscentiæ, quæ est radix mali) tantumque inter se differunt, quantum virtus, & vitium. Ecce vides; quomodo charitas, & cupiditas, de quibus ibi loquitur Augustinus, non sunt actus, sed habitus, quorum possibilitas, seu capacitas, seu subiectum, est liberum arbitrium, cum comparentur virtuti, & vitio, quæ sunt habitus, & non actus, & qui subieciuntur in lib. arbitrio. Unde valde ibi decepti sunt adversarii, qui putabant, Augustinum sumere lib. arb. pro possibilitate boni, & mali, cum hoc ipsum esset, quod impugnabat in Pelagio, & tantum vellet esse possibilitatem, seu capacitatem recipiendæ charitatis, ut habitus, & virtus est: & recipiendæ cupiditatis, seu concupiscentiæ per modum habitus permanentis, & in voluntate, seu lib. arbitrio residentis: unde & in sequentibus post textum obiectum, vocat illam charitatem, virtutem, & cupiditatem, vitium. Sed cupiditas, inquit, hominis quæ vitium est, &c. charitas autem quæ virtus est, &c. ibi ergo non sumitur lib. arbitrium pro possibilitate boni, & mali, seu pro potentia adimplendi præcepti, ut volebant adversarii, sed tantum pro subiecto possibilitatis istius, & ideo frustra volebant esse primum modum possibilitatis usitatæ ab Augustino, cum sit tantum capacitas, seu subiectum possibilitatis, seu virtutis, & vitij, seu charitatis, & cupiditatis, quæ sunt causæ, seu radices actus boni, & mali.

§. XI.

Ejusdem materia prosecutio, & finalis conclusio.

Unde falsissimum est, quod hinc consequenter inferunt, scilicet Augustinum sæpe docere: fidem, hoc est credere, recte facere, recte vivere, peccatum cavere, voluntatem in melius mutare, & huiusmodi, esse in hominis potestate, quod est hominem posse ista facere, quia videlicet libero voluntatis arbitrio istos, & similes pietatis actus facere potest: hoc inquam falsissimum est cum numquam hos actus attribuerit possibilitati liberi arbitrij sine gratia. ut prætendunt adversarii, imo vero Pelagio id dicenti semper restiterit, sed tantum ei attribuerit capacitatem recipiendi habitus, quo, cum gratia actuali, ista omnia peragerentur (ut modo vidimus) aut aliquid simile, non vero possibilitatem boni actus: sed quia hoc magni momenti est, quandoquidem callide per hoc vellent adversarii eludere multos locos pro admissa ab Augustino vera hominis potestate ad bonum, & malum ex gratia, ideo alios locos, quos falsò pro illo sensu citant examinare non piget, imo & prorsus necessarium esse mihi visum est.

Quan-

Quantum ergo ad primum quem citant ex lib. de sp. & litt. c. 31. nullo modo suffragatur eis. Est enim de vera, & immediata potentia gratiæ ad credendum, & non de mera lib. arbitrij facultate, ut volunt adversarij : tum quia illi potestati tribuit Augustinus, quod homo actu credat, si velit, & non credat si nolit : quod non convenit mero lib. arbitrio in sensu Augustini, cum hoc indicet potentiam proximam, & immediatam ad actum faciendum, quam semper voluit Augustinus esse à gratia, & non à mero lib. arbitrio, ut volebat Pelagius, quem etiam propter hoc solum in supra explicato loco impugnat ex professo Augustinus. Tum etiam quia dicit ibidem Augustinus, illam potestatem non esse nisi à Deo, & de ea recte dici : quid habes quod non accepisti : quod numquam dixit Augustinus nisi de vera Christi gratia : unde Semipelagiani, qui volebant primam fidem esse à mero lib. arbitrio, & non à gratia Augustiniana : dicebant juxta mentem Augustini (in Epistola S. Hilarij ad Augustinum ante medium) de illa prima fide, non posse dici : quid habes, quod non accepisti : quia nempe Augustinus hoc solum interpretabatur de vera Christi gratia. Tum denique quia ibidem dicit : quod per illam potestatem, *dedi* nobis Deus, ut *credamus* : quod est magnum signum gratiæ Augustinianæ, quæ dat nobis actum bonum, & non expectat eum à nobis, ut fiendum aut saltem incipiendum, quemadmodum volebant Pelagiani, & Semipelagiani. Quantum ad 2. locum, qui est ex libro 1. retract. cap. 26. non est de mero lib. arbitrio, ut prætendunt adversarij, sed de liberato per gratiam, *per quam*, inquit, *fit liberum* ad recte faciendum : & proinde per hoc patet, quod illud per gratiam factum fuerat potens ad bonum, seu, ut ait, & idem est, ad recte faciendum : & quod illa possibilitas, de qua ibi loquitur Augustinus, non erat meri liberi arbitrij, ut prætendunt adversarij, sed veræ Christi gratiæ, ut nos ipsi contendimus.

Quantum autem ad duos sequentes locos, qui sumpti sunt ex libris de lib. arbitrio : dico quod non sunt desumendæ ex libris illis, usitatæ ab Augustino locutiones, quæ spectant ad opera gratiæ, qualia sunt credere, recte vivere, & similia, de quibus loquuntur adversarij : cum nitidissime declaraverit libro 1. retract. cap. 9. quod ibi in verbis suis, plerumque gratia commemorata non fuit, quia de ea non agebatur, sed ibi subaudiebatur. In his, inquit, atque hujusmodi verbis meis, quia gratia Dei commemorata non est, de qua tunc non agebatur, putant Pelagiani, vel putare possunt, suam nos tenuisse sententiam, sed frustra hoc putant : voluntas quippe est, qua & peccatur, & recte vivitur, quod his verbis egimus (sed audi quam voluntatem : non certe nudam, & sine gratia possibilitatem, sed possibilitatem cum gratia) voluntas ergo ipsa, *nisi Dei gratia liberetur* à servitute qua facta est serva peccati, & ut vitia superet, adjuvetur : *recte. pieque vivi à mortalibus non potest*. Audis, nudam voluntatem non posse sed debere esse liberatam per gratiam : ergo si in illis libris di-

xit voluntatem nudam id posse, manifeste hic illud retractat, & vult præsupponi gratiam ad illud posse: & sic nihil habent ex locis illis. Quantum ad 5. locum, qui est ex libro 1. retract. cap. 22. tantum abest, ut approbet Augustinus, quod id sit in nostra potestate, quod est meri lib. arbitrij, quin potius id corrigit, aut retractat, dicens: in potestate quippe hominis est mutare in melius voluntatem, sed *ea potestas nulla est, nisi à Deo detur*, de quo dictum est: dedit eis potestatem filios Dei fieri: ubi vides clare correctum, & retractatum id quod dixerat, esse in potestate arbitrij, & vult ibi subaudiri gratiam, in qua semper voluit Augustinus esse possibilitatem boni, & non in libero arbitrio, ex quo cœpit disputare de gratia contra Pelagianos. Eodem modo corrigitur illud dictum in ultimo loco, quem citant adversarij ex libro 1. retract. cap. 10. ubi retractans id quod dixerat in alio libro: scilicet quod omnes homines possunt, si velint, se convertere ad præcepta implenda, sic ait: non existiment novi hæretici Pelagiani, secundum eos esse dictum (id est secundum merum lib. arbitrium sine gratia in voluntate necessaria: is enim erat sensus illorum, ut alibi probatum est) verum est enim omnino omnes homines hoc posse, si velint, sed præparatur voluntas à Domino, & tantum augetur munere charitatis, *ut possint*. Ecce vides quomodo vult lib. arbitrium posse observare præcepta, scilicet si addatur ei gratia præparans, & præveniens illud, & non aliter: ne scilicet coincidat cum sensu Pelagianorum, quem semper augue pejus fugit Augustinus, & expresse impugnavit toto libro de gratia Christi, præcipue verò cap. 17. & sequentibus: unde, cum dicunt adversarij Augustinum aliquando sumpsisse: *posse*; pro lib. arbitrio, aut è contra, nihil aliud ei attribuunt, quam quod ita detestatus est, ut omnes locos quos advertit ita sumi potuisse, clarissime retractarit, & sub illo *posse*, gratiam prævenientem subaudiri voluit. Per quod videre potes sinceritatem adversariorum erga verum sensum sancti doctoris, & consequenter quantum distate dicendus sit verus, & germanus Augustinus ab adulterato illorum Augustino. Sed quia bene viderant fore aliquos, qui non omnino illis crederent de sensu Augustini, & locos istos adire possent: addiderunt quasdam observationes, per quas darent intelligi, gratiam in illis locis non esse commemoratam, ut necessariam ad illud posse, sed tantum ad agere per illam potentiam: sed tam clare demonstratur illa gratia necessaria ad constituendum ipsum posse, ut nihil clarius desiderari possit, ut V. G. in postremo loco dicit: & tantum augetur munere charitatis, *ut possint*: & in præcedenti: sed *illa potestas nulla est* (quid clarius) nisi detur à Deo, de quo dictum est: dedit eis potestatem filios Dei fieri. Et adhuc in præcedenti: voluntas ergo ipsa, nisi adjuvetur recte, pieque à mortalibus vivi *non potest*. Quo nihil dici clarius poterat ad ostendendum, nullam esse potestatem, nec ullam aliam se intelligere ad recte, pieque vivendum, nisi eam, quam confert nobis gratia. Sed de illo 1.

in disputa-
tione no-
stra. De
prædestin.
ad gl. partē
2. object.
13. è ra-
tione.

possibilitatis modo satis, veniendum ad alios.

Quantum itaque ad 2. possibilitatis modum quem dicunt adversarij usurpatum fuisse ab Augustino scilicet ut per habitum fidei sine adjunctis ei gratiis actualibus diceremur posse bene vivere, non video id probatum in testimonijs, quos adducunt, quandoquidem, licet in locis illis, sola fides commemoretur, non tamen hinc sequitur, quod exulent gratiæ actuales, ut nec sequitur, quod cum in scripturis sola fides commemoratur sine adjunctis ei bonis operibus, sola sufficiat ad salutem, quemadmodum perperam arguunt Lutherani, & Calvinistę. Sufficit quod in alijs locis loquatur Augustinus de fide impetrante auxilia ad præceptum implendum necessaria, ut, cum dicit: fides impetrat, quod lex imperat: quod sane fieri non potest sine gratiis actualibus: aut, cum alibi loquitur de fide per dilectionem operante, quod fieri item non potest sine gratiis actualibus, quæ proinde, vel ei tunc adjunctæ sunt, vel ei adjungendæ, dum opus est agere in mandatis exequendis, vel vincendis tentationibus, quod vere sufficiens est ad potestatem de qua agimus, quia non est sine gratiis actualibus.

Quantum autem ad modum 3. qui est in charitate, quam ipsimet vocant adversarij bonam volitionem, manifestum est, quod ille non potest intelligi sine gratiis actualibus, cum bona volitio, sit actus bonus, qui non potest prorsus esse sine gratiis actualibus: ergo ille modus sufficit, cum illa bona volitio sufficiat: nam si ipsa infirma sit, valet ad orandum, & petendum auxilium, si vero potens, & robusta sit, valet ad agendum secundum Augustinum. Unde duos posteriores possibilitatis modos admittimus, ut vere sufficientes, & ut tales ab Augustino usurpatos. Excepto quod negamus quartum semper habere effectum, ut prætendunt adversarij: primum autem cum secundo prorsus rejicimus, ut à mente Augustini prorsus alienos, & ad eludenda illius testimonia, vel pro gratia indifferenti, vel pro omnibus, & singulis sufficienti, ab adversarijs confictos, cum vel numquam ab Augustino usurpati fuerint, vel postea retractati, & sub illis, actuale Dei adiutorium subauditum fuerit, ut supra satis demonstravimus.



SECTIO QUINTA.

In qua proponitur quarta nostra probatio, sumpta ex inexcusabilitate reproborum, & damnatorum saepe ab Augustino, indicata, et inculcata.

4. **P**ROBATIO sumitur ex inexcusabilitate reproborum multoties indicata ab Augustino, & per hoc indicante veram eorum potentiam ad salutem suam consequendam : nam si non habuissent veram potentiam ad salutem suam consequendam, sed veram ad id impotentiam, & insufficientiam; quis dubitat quin illi essent valde excusabiles, cum nihil videatur magis legitime excusare posse hominem ab aliquo delicto, quam absoluta ejus impotentia ad illud vitandum : unde dicit Augustinus in Psalm. 91. non longe ab initio, peccatori : si Sathanas loqueretur (id est tentaret te) & taceret Deus (id est non inspiraret gratiam, qua isti tentatori resistere haberes,) unde te excusares. Quia nempe ad resistendum impotens, & insufficiens esses : quod si mihi dicatur homines lapsos meruisse privati ista gratia ob peccatum originale, & per hoc inexcusabiles esse, si peccent, etiamsi abstinere non possint. Respondeo primo, quod hoc non potest esse generale, cum certum sit, quod multi eorum fuerunt mundati ab illo peccato, & per hoc ab illo pessimo merito absoluti, quos tamen vocat Augustinus inexcusabiles, cum vocet omnes inexcusabiles qui damnantur, ut mox videbimus. Respondeo 2. quod hoc malum meritum asseritur sine fundamento, cum nihil aliud habeamus in scripturis, nisi quod peccato mortali debetur mors aeterna, & non privatio actualis gratiae : saltem in comminatione Dei facta Adamo, si peccaret illo peccato, quod factum est nobis originale : nihil aliud reperitur insinuat, nisi privatio vitae, tam corporis, quam animae, per modum poenae infligendae, & non privatio actualis gratiae : in quocumque, inquit, die comederis de ligno scientiae boni, & mali, morte morieris : quod solam dicit privationem vitae in anima, & corpore, non vero ullius actualis gratiae. Unde est quod Augustinus ipse libro 7. de civit. Dei cap. 12. & sequentibus, accurate interpretans praedicta verba, seu comminationem praedictam factam Adamo solius meminit mortis corporis, & animae, & exurnatum hujus vitae, non vero etiam privationis, actualis gratiae, ut in illa inclusae imo in plerisque ex eo infra citandis locis pro inexcusabilitate hominum, qui damnantur, indicat Augustinus eos habuisse gratiam sufficientem, & eam neglexisse, & satis hoc manifestum est ex loco supra citato in Psalm. 91. cum non putasse hominem lapsum, reum esse istius privationis, cum loquens omni peccatori, seu homini lapso dicit quod si

Deus taceret, id est non daret ei gratiam, qua loqueretur ad cor ejus: ipse haberet, unde se excusaret: quod si reum eum putasset privationis hujus gratiæ, non sic eum excusasset, cum juxta per eam puniretur: unde lib. 3. de lib. arb. cap. 15. sub finem dicit: quod in defectibus aut non acceperunt ultra esse quæ deficiunt & nulla culpa est... aut nolunt esse, quod si vellent esse acciperent, & quia bonum est, reus est, si nolint. Ubi vides, eum supponere potentiam ante reatum, & velle reatum non esse, si absit potentia, seu gratia sufficiens. Et cap. 16. sub initium ait: ex eo quod non accepit, nullus reus est: ex eo vero quod non facit, quod debet, juxta reus est: debet autem si accepit, & voluntatem liberam, & sufficientissimam facultatem. Si ergo hanc non accepit voluntatem, & facultatem, non debet, non reus est, si non facit: & per hoc excusabilis est: ex quo manifestum per se est Augustinum in vera sua inexcusabilitate inclusisse gratiam sufficientem, & illam in omnibus, & singulis hominibus esse supposuisse, & proinde quodcum dicit, omnes esse inexcusabiles, qui damnantur, per hoc indicat, eis adfuisse gratiam sufficientem & ab eis exulasse omnem ejus privationem, quod est id omne quod contendimus.

Porro quod dixerit Augustinus omnes qui damnantur esse inexcusabiles, multis demonstrari potest illius testimoniis: nam libro 10. confess. cap. 6. initio. sic ait: cælum, & terra, & omnia quæ in eis sunt, ecce undique mihi dicunt, ut te amem (quod supponit gratiam ad amandum) nec cessant dicere omnibus, ut sint inexcusabiles. Ut autem ostenderet istam gratiam esse vere sufficientem ad amandum Deum, indicat eam in quibusdam effectum habere dicens: altius autem tu misereberis, cui misertus eris. & misericordiam præstabis cui misertus fueris, alioquin cælum & terram sordis loquuntur laudes tuas. Et libro 3. de lib. arb. cap. 19. initio, cum proposuisset querelas hominum perperam se excusantium de peccatis suis, sic ait: quibus breviter responderetur, ut quiescant, & adversus Deum, murmurare desistant: recte enim quererentur (ergo non recte, & per hoc inexcusabiliter, unde & supra de illis dixerat, quod quodlibet aliud in peccando, quam se, ut par erat, accusare parati erant) si erroris, & libidinis, nullus hominum victor existeret, cum vero ubique sit præsens, &c. ubi late explicat gratiam sufficientem eis datam, & per hoc excusationem illorum esse vanam, & frivolum, ut supra etiam explicuimus. Quod & adhuc explicat c. 22. sequente satis apposita computatione, dicens: itaque si nobis in eloquentia esset beatitudo constituta, atque ita crimini duceretur, cum peccatur in lingue sonis, quemadmodum cum peccatur in actibus vite, nullus utique argueretur infantia, quod ab ea esset exorsus ad consequendam eloquentiam, sed plene merito damnaretur, si suæ voluntatis perversitate, vel ad eam recidisset vel in ea remansisset (ubi vides, eum excusare infantiam ubi impossibilitatem eloquentiæ consequendæ, non vero excusare progressum ætatis, quia nempe non amplius in impossibilitate est, sed potius cum possibilitate elo-

quentiæ consequendæ , quam comparationem mox applicat hominibus in statu naturæ lapsæ constitutis respectu boni , & mali, dicens) sic etiam, & nunc, si ignorantia veri, & difficultas recti, naturalis est homini, unde incipiat in sapientiæ, quietisque beatitudinem surgere, nullus hanc ex initio naturali recte arguit (quia nempe in illo exorsus, non potest corrigi, aut superari) *sed si proficere noluerit (& per hoc potuerit sensu Augustini sæpe explicato) aut à profectu retrorsum relabi voluerit, jure meritoque pœnas luet.* Ut pote tunc culpabilis, & inexcusabilis ob potentiam in oppositum. Et sic vides, Augustinum ad istam culpabilitatem, seu inexcusabilitatem, ita supponere potentiam in oppositum & proinde gratiam sufficientem : ut ideo dicat excusabiles eos, qui non habent illam, & inexcusabiles eos qui habent illam. Quod & prius dixerat capite 20. sub finem his verbis : negligentibus autem, & peccata sua defendere volentibus, *non ipsam ignorantiam, difficultatemque pro crimine obiceret : sed quia in eis potius permanere, quam studio quareretur, atque discendi, & humilitate confitendi, atque orandi, ad veritatem, ac facilitatem pervenire voluerint, justo supplicio vindicaret.* Et libro quæst. Evangel. qu. 46. sic ait in persona quorundam : illi sunt *inexcusabiles*, quibus lex data non est, neque audito Evangelio dormierunt (multo ergo magis quibus lex data est, & Evangelium prædicatum : sed quare non sunt excusabiles, quibus lex data non est, nec prædicatum Evangelium ; num quia habent peccatum originale, & sunt adhuc in massa illa communi : nequaquam, sed quia etiam in hoc statu habent gratiam vere sufficientem, ut mox sequitur, cum addit) *qui per creaturam poterant* Cognoscere creatorem, cujus invisibilia à constitutione mundi, per ea quæ facta sunt, intellecta conspiciuntur. Ubi clare supponitur gratia data interior, cum jam data exterius aliàs falsò diceretur, quod in illo statu poterant cognoscere creatorem, quandoquidem cum sola gratia externa nemo sufficiens est ad istas cognitiones salubres, ut apud omnes in confesso est. Sed quia solebat Augustinus sub gratia externa subaudire internam ut infra probabimus : ideo ibi ponit gratiam externam, cum interna simul & externa. Unde mira est hallucinatio eorum qui fuisse putant aliquando disputationem inter Augustinum, & Pelagianos de gratia externa & interna, quasi Augustinus contendisset gratiam debere esse internam, Pelagiani autem è contra contendissent illam debere solum esse externam : cum supra notatum

Nota quod licet id non dicat Augustinus ut à se ipso sed in persona, aliorum, qui hæc dicebant ad excusandum se à prædicatione Evangelij faciendi gentilibus, ut eis non necessaria: is tamen est sensus Augustini: nã cum ibi talia dicentes, aut dicere potest non arguat nisi pigritiæ (unde & ibi comparat eos servo illi, qui in sudario talentum suum ligaverat, & non multiplicaret illud ut poterat) & non reprehendat eos falsitatis in dictis suis, aut crudelitatis, hinc sequentis in mîseros infideles quasi scilicet sic relinquerentur sine gratis sufficientibus (quod sane multo magis reprehendendum fuisset) hinc sequitur, quod approbavit eorum dicta ut vera, sed improbavit excusationem eorum, ut pote insufficientem, ad absolvendum eos à prædicatione Evangelij, cum licet non esset absolute necessaria pro salute infidelium, ut recte illi dicebant: erat tamen maxime pro augenda gloria Dei, quod solum ibi premebat Augustinus, & sic admittit eorum dictum ut verum, quod solum hic consideramus.

sit Pelagianos ab initio disputationis admisisse gratiam internam & non solum externam: sed illam internam voluisse esse solam in intellectu, & non etiam in voluntate ut contendebat Augustinus, & de hoc solo disputatio inter illos fuit & non de altero. Unde promiscue utitur verbis significantibus gratiam externam aut internam Augustinus cum hoc non versaretur in questione. Similis huic locus est pro eadem inexcusabilitate, quem sumo ex Epist. 105. post med. ubi loquitur Augustinus de iis qui non acceperunt legem, & postea de iis qui acceperunt eam, & proinde loquitur de omnibus, & singulis cum non sit dare medium inter accipientes legem, & non accipientes eam. Sic ergo ait de primis: *istos quippe scriptura dicit inexcusabiles*, quos non latet veritas, & in eis perseverat iniquitas: revelatur enim ira Dei de cælo ait Apostolus super omnem impietatem... invisibilia enim ejus à creatura mundi per ea quæ facta sunt intellecta conspiciuntur, sempiterna quoque virtus ejus, ac divinitas, cùm sint *inexcusabiles*. Si ergo istos inexcusabiles dicit, qui invisibilia ejus, per ea quæ facta sunt intellecta conspicere potuerunt, nec obdierunt tamen veritati, sed iniqui & impij permanserunt, neque enim non cognoverunt: sed cognoscentes, inquit, Deum non sicut Deum glorificaverunt, aut gratias egerunt (sic loquitur de iis qui non acceperunt legem: nunc audi quomodo loquitur de aliis) quanto magis *inexcusabiles* sunt, qui ex lege ejus instructi confidunt seipso esse duces cæcorum, & alios docentes, seipso non docent, &c. & sic vides omnes dici esse inexcusabiles: & in Psalm. 18. non longe ab initio sic ait: cùm autem verbum etiam caro factum est, & habitavit in nobis, mortalitatem nostram suscipiens, non permisit ullum mortalium excusare se de umbra mortis (& quare hoc; num quia nemo est qui non habeat peccatum orig. & non sit in massa illa communi, nequaquam, sed quia etiam in illo statu habebant gratiam sufficientem, ut mox sequitur cum. addit) ipsam enim penetravit verbi calor, id est gratia. Et in Psalm. 97. initio sic ait: quis accusatus de justitia, quando non habet causam (& per hoc inexcusabilis est) non facile respondeat, quid sit justum, quandoquidem manu formatoris nostri in ipsis cordibus nostris veritas scripsit: quod tibi non vis fieri, ne facias alteri: hoc, & antequam lex daretur, Nemo ignorare permixtus est, ut esset, unde judicarentur (id est condemnarentur ut pote inexcusabiles) & quibus lex non esset data: sed ne sibi homines aliquid defuisse quererentur (ecce rejicit eorum excusationem, ob hoc quod gratia necessaria non defuit eis) scriptum est & in talibus quod in cordibus non legebant: non enim & scriptum non habebant, sed legere volebant. Ergo poterant. sed volebant, ergo gratiam necessariam, seu sufficientem habebant, sed ea uti volebant, & per hoc inexcusabiles erant. Et in Psalm. 91. circa initium: incipe, inquit, Sabbathum non tibi tribuendo, quasi non acceperis, quod accepisti: neque excusando te ab eo quod facis mali, quia ipsa sunt ius. Perversi enim homines, & perturbati, qui non agunt

Sabbathum , mala sua Deo tribuunt, bona sibi. Si quid boni fecerit , ego feci, dicit : si quid mali fecerit , *ignarus quem accuset*, &c. quod deinde late prosequitur : ostendens , nullum hominem habere iustam excusationem sui peccati , nec proinde suæ damnationis.

Prosecutio quarta nostra probationis sumpta ex inexcusabilitate reproborum , et damnatorum , ut singulariter indicata , & inculcata in speciali quodam loco Augustini.

Denique luculentissime tractat istam ex professo , inexcusabilitatis materiam libro de gr. & lib arb. cap. 2. & sequentibus : ubi singillatim excludit omnem excusationem , sive ex ignorantia , sive ex impotentia , ad ea præstanda quæ necessaria sunt ad salutem : nam in primis excludit excusationem sumptam ex ignorantia cap. 2. dicens : cum Apostolo : invisibilia enim ejus à creatura mundi per ea quæ facta sunt, intellecta conspiciuntur, sempiterna quoque virtus, ac divinitas , *ut sint inexcusabiles* ; quomodo dicit (scilicet Apostolus) *inexcusabiles* , nisi de illa excusatione , qua solet dicere humana superbia , si scissem fecissem , ideo non feci quia nescivi. Aut si scirem facerem , ideo non facio , quia nescio. Hæc eis excusatio tollitur , quando præceptum datur , vel scientia non peccandi manifestatur. Manifestatur autem omnibus secundum Augustinum , tam quoad dilectionem Dei , ut supra vidimus , cum dixit : cælum , & terra , & omnia quæ in eis sunt , ecce undique mihi dicunt , *ut te autem , nec cessant dicere omnibus , ut sint inexcusabiles*. Quam quoad dilectionem proximi , ut etiam supra vidimus , cum dixit : manu formatoris nostri in ipsis cordibus nostris veritas scripsit : quod tibi non vis fieri , ne facias alteri : hoc & antequam lex daretur , nemo ignorare permissus est. Et per hoc manifestum est , quod nulli patet excusatio de ignorantia. Exclusa ergo hac excusatione , quæ est de ignorantia , jam transit ad alteram , quæ est de impotentia , & ecce quomodo excludit eam. Sed sunt homines qui etiam de ipso Deo se excusare conantur , quibus dicit Apostolus Jacobus. Nemo cum tentatur dicat , quoniam à Deo tentor : Deus enim intentator malorum est , ipse autem neminem tentat : unusquisque vero tentatur à concupiscentia sua abstractus , & intellectus . deinde cum concupiscentia conceperit , parit peccatum , peccatum verò cum consummatum fuerit , generat mortem. Item de ipso Deo se excusare volentibus respondet liber proverbiorum Salomonis. Insipientia viri (non dicit ejus impotentia) violat vias ejus , Deum autem cavsat in corde suo. Et liber Ecclesiasticus dicit : ne dixeris , quia propter peccum recessi , quæ autem odit ne facias (quod proinde supponitur esse in ejus potestate , cum aliàs frustra ad id hortaretur eum) ne dixeris quia ipse me induxit (qualiter dici posset si negaret omnem gratiam sufficientem , tunc enim ipse cogeret) non enim opus habet viro peccatore. Omne execramentum odit dominus , & non est amabile

bile timentibus eum (& vide quantam indifferentiam, seu libertatem, & per hoc potestatem tribuit homini ad bonum, aut malum faciendum) ipse ab initio fecit illum, & reliquit in manu consilij sui : si volueris, conservabis mandata, & fidem bonam placiti : apponet tibi ignem, & aquam, ad quodcumque volueris, extende manum tuam, in conspectu hominis vita, & mors, & quodcumque placuerit dabitur ei. Et ut non putes id dici solum de Adamo, & non de homine lapsa, vide conclusionem quam elicit. Ecce apertissime videmus expressum liberum humanæ voluntatis arbitrium. Quid illud quod tam multis locis omnia mandata sua custodiri, & fieri jubet Deus, quomodo jubet, si non est liberum arbitrium. Quæ omnia, cum referantur ad tempus præsens, indubitatum est intelligi de homine lapsa, non minus quam de Adamo, & per hoc, Augustinum supponere in eis esse gratiam sufficientem ad salutem, qua possint præcepta facere, si velint. Et infra : deinde tam multa mandata quæ ipsam quodammodo voluntatem conveniunt (id est eam interpellant ut ea observare velit) sicut est *noli* vinci à malo (ubi nota hoc verbum *noli*, quod, ut sæpe dictum est, præsupponit potestatem apud Augustinum) & alia similia : sicut sunt, nolite fieri sicut equus, & mulus, quibus non est intellectus : & *noli* repellere consilia matris tuæ : & , *noli* esse sapiens apud teipsum : & , *noli* deficere à disciplina Domini : & *noli* negligere legem : & , *noli* abstinere benefacere egenti. Et *noli* fabricare in amicum tuum mala. Et *noli* intendere fallaci mulieri : & *noluit* intelligere, ut bene ageret : & , *noluerunt* accipere disciplinam. Quæ cum exaggerasset ex veteri testamento, postea multa etiam addidit ex novo. Ut, *nolite* vobis condere thesauros in terra : & , *nolite* timere eos qui occidunt corpus, &c. quæ omnia concludens sic ait : nempe ubi dicitur *noli* hoc, & *noli* illud, & ubi ad aliquid faciendum, vel non faciendum in divinis monitis opus voluntatis exigitur, satis liberum (id est secundum Augustinum, ut alibi vidimus, indifferens, seu potens ad utrumlibet, sive bonum, sive malum in hominibus) demonstratur arbitrium. Nemo ergo Deum causetur in corde suo sed *sibi imputet quisque cum peccat* (quid clarius) neque cum aliquid secundum Deum operatur, *alienet hoc à propria voluntate* : id est, à libera sua voluntate, & per hoc præsupponente sufficientem gratiam. Ubi manifestissime arguit Augustinus potestatem ad bonum & malum, ad peccandum & non peccandum ex prædictis scripturæ locutionibus & per hoc satis removet excusationem sumptam ex impotentia non peccandi, seu boni agendi, ut oportet ad salutem.

Postea removet adhuc excusationem sumptam ex ignorantia, dicens : sed nec ipsi sine pœna erunt, qui legem Dei nesciunt, &c ubi distinguit duplicem, quæ est in hominibus, circa legem Dei, seu circa præcepta ejus, ignorantiam. Unam maxime voluntariam, alteram minus voluntariam. Aliud est enim, inquit, nescisse, aliud scire noluisset. Voluntas quippe in eo arguitur, de quo dicitur : *noluit* intel-

Rem. 2.
Plam. 21.

Proverb.
1. & 5.

Matthæi
6. & 10.

ligere, ut bene ageret (quæ est ignorantia maxime voluntaria) sed & illa ignorantia (ecce minus voluntariam) quæ non est eorum, qui scire nolunt (quæ est maxime voluntaria) sed eorum qui *tanquam* simpliciter nesciunt (non dicit simpliciter nesciunt sed *tanquam* simpliciter nesciunt, quia sufficienter sciunt, ut ad maiorem cognitionem progrediantur, si velint, quales sunt Pagani, qui ex rebus creatis & ex interna Christi gratia esse Deum credunt, eumque remuneratorem bonorum, & punitorem malorum, quæ fides sufficit ad petendam, & obtinendam à Deo ulteriorem notitiam, juxta Augustinum de Cornelio Pagano libro de prædest. sanct. cap. 7. ubi dicit: quod antequam iste in Christum crederet, non sine aliqua fide orabat Deum, unde meruit pervenire ad fidem Christianam. Ili autem non orant, ut habeant veram fidem, sed ut dicit Apostolus & cum eo sæpe Augustinus: evanescent in cogitationibus suis, & obscuratur insipiens cor eorum, dicentes enim se esse sapientes, stulti facti sunt, &c. de istis non simpliciter ignorantibus, sed *tanquam* simpliciter ignorantibus, aut potius de eorum ignorantia crassa, & supina ait Augustinus quod) neminem sic excusat, ut sempiterno igne non ardeat, si propterea non credidit, quia non audivit omnino ut crederet, sed fortassis ut mitius ardeat: non enim sine causa dictum est: effunde iram tuam in gentes quæ te non noverunt. Et illud quod ait Apostolus: cum venerit in flamma ignis dare vindictam in eos, qui ignorant Deum (ubi damnans utramque ignorantiam, ut culpabilem. & inexcusabilem sic ait) verumtamen ut habeamus, & ipsam scientiam, ne dicat *unusquisque* (ecce alloquitur singulos & negat ullum posse vere dicere) nescivi, non-audivi, non intellexi (& quare hoc) voluntas convenitur humana, ubi dicitur: nolite esse sicut equus, & mulus, quibus non est intellectus. (Per quod clare ostendit quod potuerunt scire, sed noluerunt aspicientes nempe res creatas, tanquam equi & muli, quibus non est intellectus: & non tanquam homines, quibus est mens, & intelligentia, ut per contemplationem earum ascendant ad cognitionem creatoris, non deficiente eis dei gratia necessaria: & est ignorantia eorum, qui minus voluntarie ignorant Deum. cum id eveniat eis per quamdam negligentiam, & torporem, quo non satis curant ea quæ sunt salutis, & est minus culpabilis quam altera, quæ est maxime voluntaria, de qua mox dicit) quamvis pejor appareat, de quo dictum est: verbis non emendabitur servus durus: si enim & intellexerit, non obaudiet. Ubi vides quomodo rejiciat omnem excusationem quæ sumi posset ex ignorantia rerum ad salutem pertinentium, cum semper voluntaria sit & per hoc inexcusanda sit.

Sed ut plene perficiat hanc inexcusabilitatis materiam, tandem redit ad eos, qui se excusatos volunt ex impotentia, de quibus sic ait: quando autem dicit homo non possum facere quod præcipitur, quoniam concupiscentia mea vincor, jam quidem de ignorantia non habet excusationem, nec Deum causatur in corde suo, malum suum in se co-

gnoscat, & dolet (non tamen excusat istum, imo vero accusat eum, si non vincit peccatum: ut mox sequitur) cui tamen dicit Apostolus: *noli* vinci à malo, sed vince in bono malum (ubi clare supponit id esse in potestate illius: unde & sequitur) & utique cui dicitur: *noli* vinci: arbitrium sine dubio voluntatis ejus convenitur: ut pote habens sufficientem gratiam, & per hoc potens vincere malum, aliàs non diceretur ei *noli*; cum nolle apud Augustinum, supponat verum posse, quod & mox indicat dicens velle enim, & nolle propriæ voluntatis est: id est pendet à voluntate nostra, præsupposita tamen gratia, de qua postea longus, & exquisitus illi sermo est, de quo solum colligimus hoc quod est ad nostrum propositum, scilicet: ubi dicit: si dixerit (homo) volo servare (præceptum) sed vincor à concupiscentia mea: respondet scriptura libero ejus arbitrio (ut pote ad quod pertinet determinare de agendis & à quo pendet effectus ultimatæ, & decisive) quod jam superius dixi: *noli* vinci à malo, sed vince in bono malum, quod tamen ut fiat, adjuvat gratia, quæ nisi adjuverit, nihil lex erit nisi virtus peccati, augetur enim concupiscentia, & majores vires accipit lege prohibente, nisi adjuvet spiritus gratiæ. Quæ ut opinor tam clara sunt de inexcusabilitate peccati, & cujusvis peccatoris à damnatione suâ, ut nullomodo excusandus ille esse videatur, qui de tam certa, & aperta, & etiam orthodoxa dubitaverit veritate.

Cap. 4.

§. PRIMUS.

In quo quedam solvuntur adversariorum objectiones, et ostenditur, quo sensu perperam dixerint Pelagiani contra Augustinum quod ubi ignorantia aderat, ibi culpa aberat: et quo sensu illud idem recte dicant Catholici secundum mentem Augustini.

Verum contra hæc multa obijciunt adversarii: in quibus quidem probant, aliquando abesse gratiam, seu potentiam proximam ea sciendi, quæ necessaria sunt ad salutem, sed non probant, & tunc abesse etiam potentiam remotam, V. G. potentiam credendi, in Deum, & eum orandi, ut det scientiam necessariam, imo vero sunt aliqui loci inter illos Augustini locos ab eis citatos, ubi reprehendit Augustinus istos ignorantes, quod non orent, & non petant scientiam necessariam, quod manifesto argumento est, eum in illis supposuisse esse gratiam remotam sciendi, si voluissent, id quod necessarium est ad eorum salutem. Et sane satis indicat libro de nat. & gr. cap. 13. & 17. se in omnibus peccatoribus semper supposuisse veram sciendi gratiam, aut proximam, aut remotam: cum ibi concedat Pelagio, bene, & recte dici, quod homo negligentiae suæ debet imputare, quod non sit sine peccato. Nam cum dicit id esse negligentiae, negat esse impos-

tentiæ, & talis ignorantie, à qua non possit liberari homo orando si velit Unde & mox adjicit in cap. 13. *dignetur inde, & orare Deum*, ne illi hæc iniqua negligentia dominetur. Et in cap. 17. *oret, & dicat*, da mihi intellectum & discam mandata tua.

Quantum autem ad hoc quod dicunt, Pelagianos defendisse ut dogma suum proprium, & erroneum, quod ubi ignorantia aderat, ibi culpa aberat. Respondeo illos id in alio sensu dixisse, quam nos dicimus. Sensus enim illorum erat, quod quando laborabant ignorantia tali, quam non poterant sua propria industria mere humana remove, tunc non peccabant, quasi videlicet non obligarentur invocare auxilium divinum ad removendam istam ignorantiam, ut non peccarent: qui sensus eorum proprius, & erroneus, & à nobis alienus explicatur ab Augustino libro modo citato de nat. & gr. in ultimo capite etiam citato, scilicet 17. ubi hæc habet Augustinus de Pelagio. Tractat etiam iste (scilicet Pelagius) de peccatis ignorantie, & dicit: hominem prævigilare debere ne ignoret, ideoque esse culpandam ignorantiam, quia id homo nescit negligentia sua, quod adhibita diligentia scire debuisset (hæc ibi Pelagius supra quod sic ait Augustinus) *dum tamen omnia potius disputet, quam ut oret, & dicat, da mihi intellectum & discam mandata tua* (ubi vides, Pelagium reprehendi ab Augustino de eo quod nollet orare, ut removeret istam ignorantiam, tanquam putantem ad id non obligari, ut necessarium ad non peccandum: unde & prosequitur Augustinus dicens) aliud est enim non curasse scire, quæ negligentie peccata, etiamper sacrificia quædam legis videbantur expiari, aliud intelligere velle, nec posse, & facere contra legem, non intelligendo quid fieri velit. *Unde admonemur* (scilicet ut obligationis nostre,) à Deo *petere sapientiam*: qui dat omnibus affluenter, utique his omnibus, qui sic petunt, & tantum petunt, quomodo, & quantum res tanta petenda est. Ubi vides, solum reprehendi Pelagium, quod nollet orare ad tollendam ignorantiam, quasi ad id non obligatum se esse putaret, sed id in sua mere humana potestate esse debere existimaret sine gratia, & petitione. In quo etiam sensu damnata fuit ista celestij præcipui Pelagij discipuli propositio, quam ibidem nobis objiciunt adversarii, & quæ habetur in libro de gestis Pelagij cap. 18. cum dicebat ille hæreticus: oblivione & ignorantiam non subiacere peccato, quoniam non secundum voluntatem eveniunt sed secundum necessitatem: quod sane non intelligebat ille hæreticus, ut intelligimus, scilicet de ignorantia, quæ nec propria diligentia, nec cum spe divini auxilij vinci poterat; sed de illa sola ignorantia quæ sola propria diligentia vinci non poterat, etiamsi spes esse vincendi illam cum ope divina, si peteretur quod erat solum contra indigentiam, seu necessitatem gratiæ, non vero contra ejus sufficientiam, quam defendimus. Unde contra istam propositionem, & alias similes non aliter agit Augustinus in illo libro, quam ut contra necessitatem gratiæ à Domino imploran-

de, quam prorsus rejiciebant isti heretici totum volentes esse in propria sua potestate, sine indigentia opis divinæ ut evitarent peccatum.

Quam autem crasse ignoraverint adversarij veram quæstionem gratiæ, quæ vertebatur inter Augustinum, & Pelagium sub quæstione de possibilitate vitandi peccati, paulisper attendendum est, ut hallucinatio eorum quoad præsentem difficultatem de inexcusabilitate hominis à peccato detegatur. Dicunt enim quod hæc disputatio erat inter Augustinum & Pelagium; utrum homo sine peccato vivere possit si velit, & quod id affirmabat Pelagius, negabat Augustinus, eo quod ignorantia peccata homo vitare non possit, etiamsi velit. Ubi prorsus vides sileri gratiam, quasi ad quæstionem ibi agitam non pertineret, cum tamen principalis esset quæstio, imo vero totalis, ut patet ex cap. 10. illius libri ubi maxime dicunt adversarij fervere istam disputationem, sic enim ibi ait Augustinus. Agit (scilicet Pelagius) adhuc adversus eos, qui negant esse possibile, hominem esse sine peccato; quid ad nos (ubi vides, Augustinum formaliter negare, disputationem esse de eo, de quo affirmabant adversarij illam fervere, scilicet de possibilitate vivendi sine peccato: & mox subdit de quo disputatio erat, & quid ibi querebatur dicens) contra quos vult agat (Pelagius) dum *tamen hoc confiteatur* (ecce quod contendebat ibi Augustinus contra Pelagium) quod impietate sceleratissima negatur (ecce quod negabat Pelagius contra Augustinum) *sine gratia Dei* hominem sine peccato esse non posse: ecce ergo de quo disputabatur an scilicet *sine gratia* homo sine peccato esse non possit, non vero simpliciter, an homo sine peccato esse non possit, ut dicebant adversarij & sic manifestum est quod formalis disputatio erat de gratia, seu de necessitate gratiæ ad non peccandum admittendæ, quam negabat Pelagius, assererat Augustinus. Non vero de mera, & pura possibilitate, aut impossibilitate non peccandi, ut volunt adversarij pro quo vide caput 11. 12. & 13. ubi adhuc præcipue negat Augustinus esse quæstionem de possibilitate vitandi peccatum, sed tantum de necessitate gratiæ ad illud vitandum requisitæ, dicens: jam vero illud, quod ei (scilicet Pelagio) dicitur, ipse tu sine peccato es: revera non pertinet ad eam rem, de qua vertitur quæstio (quare hoc, quia nempe ibi gratia siletur: unde & mox sequitur id quod pertinet ad quæstionem) sed quod dicit: negligentia suæ potius imputari, quod non est sine peccato. Bene quidem dicit, sed *dignetur inde orare Deum* (ut scilicet det gratiam) *ne illi hæc iniqua negligentia dominetur*, quem rogabat quidam, quando dicebat: itinera mea dirige secundum verbum tuum, & non dominetur mihi omnis iniquitas: *ne dum suæ diligentia* (nota valde) *quasi propriis viribus fidit* (per quod excluditur necessitas gratiæ) neque hinc ad veram justiciam, neque illic, ubi sine dubio perfecta desideranda est, & speranda, perveniat. Ubi luce ipsa clarius vides commendari ab Augustino necessitatem gratiæ contra præsum-

Lib. de
nat. & gr.
Cap. 10.

ptionem naturæ, ut quid prorsus intrinsecum, & essentielle quæstio-
ni inter eos controversæ: quod & adhuc clare indicat cap. 17. dicens:
non autem ibi est quæstio quæ versatur: illud est quod expecto ab isto
(scilicet Pelagio) audire si possim, eos qui secundum spiritum vi-
vunt, & ob hoc etiam hic adhuc viventes, jam quodammodo in car-
ne non sunt; utrum gratia Dei vivant secundum spiritum, an sibi sufficiant
jam data cum creantur possibilitate naturæ, & sua propria voluntate: ubi nihil
aliud vides quam quæstionem verti de gratia: utrum illa necessaria
sit ad bene vivendum, an vero sufficiat sola natura sine gratia. Ex
quo manifestum est, quod non ibi defendebat Pelagius simpliciter:
hominem posse esse sine peccato, si velit, ut prætendunt adversarij:
aut hominem excusari posse à peccato transgrediens præceptum, quod
invincibiliter ignoraret, ut prætendunt iidem adversarij: sed quod
defendebat tanquam dogma proprium, & erroneum: hominem posse
esse sine peccato, *etiamsi gratia Dei non jureretur*: & hominem posse
excusari à peccato transgrediendo præceptum, quod invincibiliter
quantum est ex se, & ex propria virtute ignoraret, *licet illius scientiam,*
& *notitiam impetare à Deo possit.* Quod erat negare gratiam esse neces-
sariam ad non peccandum (unde & id reprehendit Augustinus) non
autem erat excusare impotentiam absolutam ad non peccandum ut
prætendunt adversarij, cum nulla ibi vera esset impotentia secundum
Augustinum & secundum rei veritatem, cum ibi supponeretur sem-
per adesse potentiam petendi scientiam, & potestatem ad non peccan-
dum, ut satis supra indicavimus. Unde nec etiam pertinebat ad
quæstionem, id quod aiunt adversarij, scilicet esse ignorantiam quan-
dam invincibilem, quæ sola Dei gratia magnis precibus impetranda
fugari potest: cum id non negarent Pelagiani, quandoquidem illi,
ipso referente Augustino fatebantur orationes esse necessarias ad ob-
tinendam cognitionem legis, & doctrinæ ut videre est toto libro de
gratia Christi, præcipue vero cap. 30. 33. & 41. quod etiam fatentur
adversarij sed quæstio erat; num necessarium esset sub reatu peccati
petere à Deo notitiam legis, & doctrinæ, si ea non adesset, ut præcep-
tum impleteretur: quod omnino assererebat Augustinus, & negabat
Pelagius, statuens sufficere ad evitandum peccatum, ut id quod pro-
pria diligentia homo discere posset, non negligeret, aliud autem
omne, quod sic scire non posset, ulterius quærere non teneretur,
ut satis innuit apud Augustinum libro de nat. & gr. cap. 17. cum ait:
hominem *prævigilare debere* ne ignoret (ubi vides id eum committere pro-
pria diligentia diligentia sine ulla commemoratione gratiæ) ideoque
esse culpandam ignorantiam quia id homo agit negligentia sua, quod ad-
hibita diligentia scire debuisset (Ubi adhuc vides eum id committere ho-
minis diligentia, & nullatenus gratiæ, ut ad id necessariæ: unde re-
prehendens eum ibi Augustinus, non redarguit eum tanquam negan-
tem gratiæ præsentiam, & per hoc asserentem impotentiam, sed tan-
quam negantem gratiæ divinæ indigentiam, seu necessitatem ad non

Facile ad-
mittebant
Pelagiani
necessitatē
orationis
ad haben-
dam gra-
tiam intel-
lectus seu
cognitio-
nis cum
illa non
esset cetera
principia
illorum qui
solum cō-
tendebant
voluntate
esse per se
satis firmā
ad agendū
bonum at
vero quod
intellectus
indigat
gratia hoc
non arguit
infirmita-
tem in vo-
luntate cū
certum sit
quod quæ-
vis volun-
tas etiam
fortissima
præsuppo-
nit neces-
sario co-
gnitione
eligendo-
rum ante-
quam pos-
sit eligere.

peccandum peccato ignorantia, dicens) dum tamen omnia potius disputer, quam ut oret (ergo supponebat ibi adesse gratiam orandi sed contemni à Pelagio) & dicat da mihi intellectum & discam mandata tua: aliud est enim non curasse scire, quæ negligentia peccata; etiam per sacrificia quædam legis videbantur expiari: aliud intelligere velle, nec posse, & facere contra legem, non intelligendo quid fieri velit. Unde admonemur à Deo petere sapientiam (ecce adhuc ibi supponit adesse gratiam petendi, & orandi scientiam seu sapientiam à Deo) qui dat omnibus affluenter, utique his omnibus qui sic petunt, & tantum petunt, quomodo, & quantum res tanta petenda est. Ubi solum apparet ibi disputasse Pelagium contra necessitatem petendæ à Deo gratiæ, quam exigebat Augustinus ad peccatum ignorantie vitandum, non vero contra absolutam quandam sciendi impotentiam (ut comminiscuntur adversarii) cum nulla talis ibi reperiretur, quandoquidem ibi supponebatur adesse gratia orandi, qua illam necessariam sibi scientiam impetraret homo ignorans, si vellet. Non ergo ibi arguebatur ab Augustino impotentia sciendi in homine lapsa quasi non sufficeret ad excusandum eum à peccato, si absoluta illa esset, & prorsus invincibilis, ut prætendunt adversarii: sed arguebatur solum Pelagianorum superbia, qui nolebant esse necessarium scientiam à Deo peti, quam non poteramus habere propria diligentia, ut evitaretur peccatum, sed volebant in eo solo peccari, quod prorsus erat in potestate nostra mere humana, si id ipsi negligeremus, id est si nollemus eam adipisci scientiam quam poteramus propria nostra diligentia, sine gratia divina. Quod longissime abest à prætenso sensu adversariorum, cum ibi non supponatur vera impotentia, sed solum querendi, & petendi, & pulsandi ad Deum negligentia voluntaria.

§. I I.

In quo late explicatur quidam locus Augustini, fallaciter ab adversariis adductus, contra inexcusabilitatem peccatorum.

Sed adhuc adferunt, aliqua pro eodem sensu D. Augustini testimonia, quæ sigillatim discutienda sunt, quorum primum est illud in initium Psalmi 35. ubi sic loquitur Augustinus, non unum hominem, sed genus hominum iniquorum dicit, qui sibi adversantur, non intelligendo ut bene vivant, non quia non possunt, sed quia nolunt: aliud est enim quando quisque conatur aliquid intelligere, & per infirmitatem carnis non potest &c. aliud autem, quando perniciosus agit adversus seipsum cor humanum, ut quod possit intelligere, si bona voluntas accederet, non intelligat, non quia difficile est, sed quia voluntas adversa est, hoc autem fit cum amant peccata sua, &

oderunt præcepta Dei. Quæ postrema verba inquit adversarij, manifestant de rebus agilibus intelligendis esse sermonem. Sed ibi dolose agunt adversarij: videntur enim innuere quod toto illo textu loquitur Augustinus de solis agilibus, quod falsum est, cum loquatur etiam de mere intelligibilibus, seu de mere speculativis non spectantibus ad mores, & quorum scientia necessaria non est, & in quibus patimur invincibilem ignorantiam, & quod dicit de his Augustinus, volunt etiam adversarij intelligi de rebus agilibus ignoratis, in quo insignis fallacia est. Nam cum loquitur ibi Augustinus de rebus agilibus, ibi supponit ignorantiam vincibilem, & per hoc vult esse inexcusabilem: cum autem loquitur de aliis, supponit eorum ignorantiam esse quidem invincibilem, sed per hoc excusabilem, quia non necessaria est illorum scientia ad salutem. Sic cum dicit: genus hominum sibi adversari non intelligendo, ut bene vivant, non quia non possunt, sed *quia nolunt*. Hoc, est de rebus agilibus, sed ibi vides supponi ignorantiam esse vincibilem, quandoquidem dicitur, quod possunt intelligere, sed nolunt. Item & cum dicit infra: quod perniciosius agit adversus seipsum cor humanum, ut quod *possit intelligere, si bona voluntas accederet*, &c. hoc item est de rebus agilibus, sed ibi vides supponi ignorantiam esse vincibilem, quandoquidem dicitur, quod posset homo intelligere, si bona voluntas accederet, & quod ideo non intelligit, non quia difficile est, sed *quia voluntas adversa est*, & quod hoc fit cum amat peccata sua, & odit Dei præcepta. At vero cum dicit, quod aliud est quando quisque conatur aliquid intelligere, & per infirmitatem carnis non potest, hæc sunt de rebus mere intelligibilibus, & non necessariis ad salutem circa quæ habemus ignorantiam invincibilem, non autem de agilibus, ut volebant adversarij: unde infra istorum profert exemplum Augustinus ex incomprehensibili mysterio Trinitatis; de modo scilicet quo sit æqualis filius Patri: quem modum nemo tenetur intelligere, sed solum credere, & adorare. Unde multum ibi fallunt adversarij, volentes solum ibi sermonem esse de agilibus, cum sit etiam de mere intelligibilibus, & de mere speculativis non necessariis ad salutem ut intelligantur: unde circa hæc potest esse ignorantia invincibilis, secundum Augustinum, non vero circa res ad salutem necessarias, ut V. G. circa hoc principium Christianum quod ibi affert in exemplum: quod tibi fieri non vis, alij nefeceris: non vult esse ignorantiam invincibilem, cum mox dicat de illo: (& idem omnino dicendum est de similibus) hoc autem cum non vis intelligere, *voluntati tuæ tribuitur*, ideo dixit injustus ut delinquat in semetipso. Ubi vides, Augustinum noluisse ullum hominem circa hæc pati ignorantiam invincibilem quia nempe in fidelibus semper supposuit potentiam orandi, seu petendi scientiam, & in infidelibus potentiam credendi, ut necessarium est ad orandum, & ad petendum auxilium, & scientiam necessariam, ut infra demonstrabimus. Sed ut clarius videas quantum ibi decipere voluerint adversarij,

farij, latius explicanda sunt ea quę addunt ex Augustino ex eodem loco quem versamus. Et inferius (inquit) in illa verba Psalmistę : noluit intelligere , ut bene ageret : sic Augustinus pergit : videtis quia voluntati illud tribuit : quia sunt homines , qui volunt intelligere , & non possunt , sunt autem homines , qui nolunt intelligere , ideo non intelligunt. Porro utrosque peccare (inquit adversarij) ex eo patet , quod paulo ante generaliter dicit : non sciebam quia peccatum est , quando dicit homo ; cum viderit quia peccatum est , & destiterit facere ipsum peccatum , quod ideo faciebat , quia ignorabat. At certe nihil ibi minus dicit Augustinus quam hæc quę dicunt , & tribuunt ei adversarij : nam ibi solum reprehendit Augustinus illos , qui nolunt intelligere , ut bene agant : id est , qui non solum vincibiliter , sed etiam prorsus voluntarię quantum possunt , ignorant , ut liberior peccent : quod autem sint aliqui , qui non possunt scire , & in hoc peccent , ne unum quidem ibi verbum videas , nisi velis dicere , quod ij qui non possunt intelligere , quomodo filius est æqualis Patri (quod est exemplum nescientium , & scire non potentium ibi allatum ab Augustino) non minus peccent quam ij qui nolunt intelligere , ut bene agant (nam de aliis qui non possunt intelligere , non loquitur ibi Augustinus) quod si id dicere absurdissimum est ; quis non videat errorem adversariorum qui tribuunt Augustino , quod dixerit , tam eos qui non possunt scire , quę sunt necessaria ad salutem , quam eos qui ea possunt scire , vere peccare : cum de unis tantum id asseruerit Augustinus , scilicet qui possunt scire , & nolunt , & non de aliis. Ad textus autem quos afferunt , ut probent intentum suum quoniam perturbate affertuntur , & hinc inde corrafi sunt , ideo non bene potest iis responderi nisi explicando totum locum , ut facimus : sic enim ibi ait Augustinus , in hæc verba Psalmistę : non est timor Dei ante oculos ejus. Ante oculos (inquit Augustinus) timor hominum est : non audent enim publice (impius) profiteri iniquitatem : ne vel reprehendatur vel damnetur ab hominibus (ecce vides non ignorantem , sed vere scientem , sed nolentem agnoscere ut scientem quod etiam patet in sequentibus cum dolose agere indicatur) discedit autem à conspectu hominum , quod ; ad semetipsum , ducit se intro , & nemo illum videt. *Vbi meditatur dolor , & insidias , & delicta &c.* & infra : numquid non ibi est præsens Deus , sed non est timor in conspectu ejus , *meditatur dolor , & sequitur*. Forte latet illum , quia Deus ibi videt , & jam ostendit , quod dicere cœperam , *latet illum , sed volentem* ; quia contra se fecit , nolens intelligere , quoniam dolose egit in conspectu ejus. Ubi per omnia describit Augustinus hypocritam , qui bene scit malum , sed non vult agnoscere ut sciens malum , ne cogatur illud deferere. Vnde & paulo post subdit : sunt enim homines , qui quasi conantur quærere iniquitatem suam , & timent illam invenire , quia si illam invenerint , dicitur illis , recedite ab illa , hæc fecisti antequam scires (quę sunt verba monentium istos hy-

pocritas, & putantium quod illi hypocrita non scirent licet non ita esset à parte rei, sed se nescire fingerent : quo sensu etiam sequentia proferuntur) iniquitatem fecisti, cum esses in ignorantia, dat Deus veniam : modo cognovisti eam, dimitte illam, ut possit facile ignorantia tua veniam dari, ut libera fronte dicas Deo : delicta juventutis meæ, & ignorantia meæ ne memineris (quæ sunt verba prædictorum monentium tales hypocritas non agnitos ut tales sed fingentes se nescire malum, & tamen vere scientes, unde & sequitur) hac illam quærit (hypocrita) hac timet ne inveniat eam *dolose enim quærit* (cum autem hæc dixisset Augustinus damnando istos hypocritas & falsò & fictè ignorantes : mox subdit veram notam, qua ij discernantur à vere, & simpliciter, & inculpabiliter ignorantibus : ubi afferuntur verba, quæ perperam pro se citarunt adversarij, quasi per ea indicasset Augustinus aliquos, qui vere, & simpliciter, & invincibiliter ignorarent, & tamen non obstante hoc peccarent, faciendo contra legem divinam, de quo ne cogitavit quidem Augustinus, cum potius excuset tales, saltem non damnet eos, etsi ex tali ignorantia præceptum transgressi sint : sic ergo hic discernit veros à fictis ignorantibus dicens) non sciebam quia peccatum est quando dicit homo (id est quando dicit homo, quod nesciebat, an hoc peccatum erat, hac nota discerne, an verum, aut falsum dicat) cum viderit quia peccatum est, & destiterit facere ipsum peccatum (hoc est destiterit facere id quod est contra præceptum, sæpe enim vocat Augustinus peccatum, id quod est contra præceptum, etiamsi verum peccatum non sit, ut late probavimus in tract. de indifferenti, &c. parte 2. arg. 53. quod ideo faciebat quia ignorabat (scilicet esse peccatum esse actum prohibitum) vere sic voluit nosse iniquitatem, ut inveniret, & odisset (Ecce nota verorum ignorantium : mox ut agnoscunt in aliquo actu esse peccatum, cito desistunt ab illo : an vero antequam id noscerent, vere peccassent aut non peccassent faciendo illud, non determinat Augustinus, nec quicquam affirmat circa istud, ut putarunt adversarij, cito concludentes eos vere peccasse etsi non id dixerit Augustinus, nec dicere debuerit, cum id non esset ad propositum suum, quod erat solùm demonstrare ; quinam erant veri ignorantes, ut discernentur à falsis non vero an illi essent etiam culpabiles, cujus contrarium, si bene legatur, innuit : unde demonstratis veris illis ignorantibus, mox transit ad fictos, & malitiose ignorantes, de quibus ibi per se agebat, ut vituperaret eos, dicens) nunc autem multi *dolose agunt*, ut inveniant iniquitatem suam, id est, non ex animo agunt invenire, & odisse, sed quia in ipsa inquisitione *dolus est* (ecce vides fictos, & dolose ignorantes) in inventione defensione iniquitatis erit (id est non desistent ab actu prohibito) cum enim invenerit iniquitatem, ecce jam manifestum est illi, quia iniquitas est, noli illam facere inique : & ille qui *dolose agebat*, ut inveniret, jam invenit, & non odit ; quid enim dicit, quam multi

Posterior
textus su-
pra citatus
ab adversa-
riis.

hoc faciunt, & quis hoc non facit, & numquid omnes perditurus est Deus, aut certe hoc dicit: si nolle Deus illa fieri, viverent homines, qui ista committunt (ubi vides eum solum vituperare eos qui sic & dolose ignorant, & qui volunt excusare peccata sua cognita, & sibi demonstrata, non vero alios, quos potius videtur excusare ob simplicitatem, & sinceritatem eorum: unde repetens supra allatam notam veram, & sinceram ignorantiam, sic urget prædictos fictos, & dolose ignorantem, dicens) vides quia dolose agebas ad inveniendam iniquitatem tuam: nam si non dolose, sed sinceriter ageres, jam invenisses, & odisses: modo invenisti, & defendis, dolose ergo agebas, cum quæreres: verba oris ejus iniquitas, & dolus noluit intelligere, ut bene ageret (& postmodum subdit verba illa, per quæ dicunt adversarij Augustinum indicasse ignorantiam invincibilem in rebus agibilibus, de quo tamen nihil ibi prorsus videas: imo nec quidpiam simile suspicari possis, cum ibi solum loquatur Augustinus de ignorantia invincibili sine ulla determinatione materiæ, in qua ipsa reperiatur, ut videre potes in terminis) videtis quia voluntati illud tribuit: quia sunt homines, qui volunt intelligere, & non possunt (ibi quidem vides, quod sunt homines, qui volunt intelligere, & non possunt, sed quid sit illud quod volunt intelligere, & non possunt, prorsus non vides, nec re vera dixit ibi Augustinus: quare ergo dicunt adversarij illud esse agibile, potius quam intelligibile, & non saltem accurate examinarunt & perpenderunt omnia antecedentia, ut prudenter illud adjicerent sed ipsi noluerunt intelligere ut bene scriberent, dolose enim egerunt in conspectu Dei: nam si antecedentia bene perpendifsent vidisset illud intelligendum esse non de rebus agibilibus, sed de rebus intelligibilibus non necessariis ad salutem, ex quibus jam sumpserat Augustinus exemplum in explicanda ista ignorantia, in qua vult homo intelligere, & non potest, cum dixit, explicando initium Psalmi: fac hominem quærere quomodo sit æqualis filius patri, credidit, quærere intelligere, & non potest (ecce secundum Augustinum, id quod illi volunt intelligere, & non possunt, scilicet res mere intelligibiles, & speculativas, & non necessarias ad salutem qualis est ista quomodo filius est æqualis patri, unde & sequitur) magna enim res est, & vires majores desiderat, quam ut possit capi: & est initium fidei, quod custodit animam donec roboretur. Lacte nutritur, ut perveniat ad habitudinem, & firmitatem cibi solidioris, ut possit intelligere, in principio erat Verbum, & Verbum erat apud Deum, & Deus erat Verbum (ubi adhuc vides merum intelligibile & non agibile) antequam hoc possit, nutritur in fide, & conatur intelligere, ut intelligat, quantum Deus dederit. Quod & mox opponit rebus agibilibus, circa quæ non est talis ignorantia dicens: numquid & hoc cum conatu intelligit: quod tibi fieri non vis alteri ne feceris &c. ubi manifestum est Augustinum illam ignorantiam invincibilem, de qua ibi loquitur, solum intellexisse, de rebus mere intelligibilibus, seu

Prior textus
supra-
citurus ab
adversariis

Omittuntur reliqua istius textus quia circa illam nullam faciunt adversarii difficultatem aut instantiam.

merè speculativis non necessariis ad salutem ut intelligantur, non autem de agibilibus, seu spectantibus ad mores, & necessariis ad salutem, ut ipsi putarunt, aut putari voluerunt adversarii: qui sane magis hic spectantur ad intentum suum, quam ad sensum ab Augustino intentum, ut ex dictis videre est. Ex quibus omnibus clare apparet, quam longe recesserint adversarii à vero sensu Augustini, cum dixerunt Augustinum locutum ibi fuisse de ignorantia invincibili in rebus agibilibus, & actum inde secutum esse verum peccatum, cum nihil de istis ibi dicat Augustinus, sed omnino contrarium, cum istam ignorantiam solum ibi intelligat in rebus intelligibilibus, & merè speculativis, non spectantibus ad salutem, de quibus nec dixit sequi peccatum, nec dicere potuit. Quanquam & si hoc intelligeretur de rebus agibilibus: bene exponi posset de impossibilitate tantum secundum quid, ob carentiam scilicet gratiæ proximæ, ad cuius absentiam sæpe dicit Augustinus sequi impossibile, non quidem absolutum, cum ibi supponat gratiam orandi, ut supra satis vidimus; sed tantum secundum quid, quod non est contra gratiam sufficientem.

§. I. I.

In quo quidam alii explicantur Augustini loci, contra inexcusabilitatem peccatorum.

Sed adhuc proferunt locum ex Epistola ad Sixtum, ubi dicunt: quod postquam præmisisset Augustinus hæc verba: humana superbia tanquam præsumens de viribus arbitrij, excusatum se putat, quando ignorantia, non voluntatis est, quod peccat. Tandem de ignorantia, sive voluntaria, hoc est vincibili, sive invincibili sic concludit: ac per hoc inexcusabilis est omnis peccator, vel reatu originis, vel additamento etiam propriæ voluntatis, sive qui novit, sive qui ignorat. Respondeo hæc quidem præmitti, quæ hic dicuntur præmitti: sed est & alius discursus inter illa, & sequentia quæ dicuntur concludi ex illis, scilicet discursus de peccato originali, ex quo illa sequentia concluduntur, seu inferuntur, non vero ex præmissis supra allatis, ut patet ex ipso textu, quæ se ita habet apud Augustinum. Neque enim damnantur, qui non peccaverunt, quandoquidem illud ex uno in omnes pertransiit, in quo ante propria in singulis quibusque peccata, communiter peccaverunt (ubi vides sermonem esse, non de ignorantia invincibili, ut innuere volebant adversarii, sed de peccato originali ut omnibus communi, & de propriis: ex quo discursu sic concludit:) ac per hoc omnis peccator inexcusabilis est, vel reatu originis (ut parvuli, ut perpetuo amentes, & similes qui non habent usum rationis) vel additamento propriæ voluntatis (ut sunt omnes ratione utentes, qui peccant etiam per propriam voluntatem non sicut præcedentes qui solum peccant per alienam, per quam peccatum originale contrahunt, de quibus omnibus mox dicitur) sive qui

novit (quales sunt omnes ratione utentes) sive qui ignorat (quales sunt parvuli , & perpetuo amentes , & similes (sive qui judicat (ut sunt omnes ratione utentes) sive qui non judicat (ut sunt omnes qui ratione non utuntur , ut parvuli , perpetuo amentes , & similes) quia , & ipsa ignorantia in eis qui intelligere noluerunt sine dubitatione peccatum est (scilicet in ratione utentibus) in eis autem qui non potuerunt (quales sunt ratione non utentes) pœna peccati. Putavit enim Augustinus ignorantiam eorum qui nascuntur , & etiam mala casu accidentia ut amentia & similia esse pœnas peccati originalis , ut patet ex lib. 22. de civit. Dei cap. 22. circa initium ubi ait : nam quoad primam originem pertinet , omnem mortalium progeniem fuisse damnatam (ob peccatum originale) hæc ipsa vita si vita dicenda , est , tot & tantis malis plena testatur : quid enim aliud indicat horrenda quedam profunditas ignorantia , ex qua omnis error existit , qui omnes filios Adam tenebrosi quodam sinu suscipit (quod indicat nativitatem) ut homo ab illo liberari , sine labore , dolore , & timore non possit. Et lib. 3. contra jul. cap. 4. quis ferat , inquit , quoad ipsum animam , imaginem Dei , innocentia , sicut asseris , dote locupletem satum nasci , si nulla ex parentibus mala merita in parvulos transeunt. Cum ergo putaret hanc ignorantiam accidere parvulis & amentibus perpetuis ob originale peccatum , bene dixit eam esse pœnam peccati nam quod hæc non intelligantur de infidelibus invincibiliter , ignorantibus ea quæ pertinent ad eorum salutem , patet , cum in eadem Epistola paulo ante ea quæ explicuimus dicat Augustinus , quod ipsi potuerunt invisibilia Dei , per ea quæ facta sunt , intellecta conspiciere , & quod non potuit , dici de illis , quod non cognoverunt , cum secundum Apostolum cognoscentes Deum , non ut Deum glorificaverunt , aut gratias egerunt , propter quod etiam dixit : eos esse inexcusabiles apud Deum , ut supra vidimus in testimoniis Augustini. Cum autem ibidem dicit Augustinus : quod quicumque sine lege peccaverunt , sine lege peribunt : non est contra nos : aliud enim est sine omni cognitione necessaria perire , & aliud sine cognitione legis perire : hoc posterius dicit Augustinus , & non illud prius , & sic consentit nobiscum , qui dicimus hominem numquam sine potestate ad cognitionem necessaria perire , & sic numquam gratia sufficienti destitui. Quantum autem ad illud , quod adducunt ex libro de sp. & lit. cap. 3. ubi dicit Augustinus , quod neque lib. arbitrium quicquam nisi ad peccandum valet , si lateat veritatis via. Respondeo non esse intentionis Augustinianæ vocare , istud peccatum , verum peccatum : potuit enim istud vocare peccatum improprium , sicut sæpe vocat motus indeliberatos concupiscentiæ , peccata , etiam in renatis , imo & in confirmatis in gratia (ut in Apostolo Paulo) in quibus in confesso apud omnes est illa non esse vera peccata. Neque enim ibi definiebat Augustinus , quid homo possit facere sine gratia , sed quid non possit facere sine gratia , de quo formalis erat ei disputatio cum Pelagianis in illo libro : illis dicen-

bus, nos posse præceptum facere sine gratia, illo vero contra dicente, eos non posse illud facere sine gratia: unde ibi posse peccare nihil aliud est quam non posse præceptum facere quod est mere negativum, & potest esse sine peccato, ut V.G. si talis impotentia fuisset in Adamo: nam quod dicunt absolutam impotentiam non excusare hominem lapsum, ut excusasset Adamum, respondemus id esse falsum, quandoquidem negat Augustinus actum hominis lapsi, sicut & stantis, esse verum peccatum, nisi fiat cum indifferentia ut late demonstravimus in tract. de indifferenti lapsi hominis arbitrio sub &c. non potest autem fieri cum indifferentia, nisi adsit potentia non peccandi, & per hoc non potest verum peccatum fieri cum impotentia non peccandi secundum Augustinum. Porro quod ibi loquatur Augustinus mere negative dicendo, quid non possit lib. arbitrium, non vero positive, dicendo quid possit: præter rationem supra allatam de intentione Augustini, quæ erat tantum demonstrare quid non possit liberum arbitrium sine gratia, illud ibidem sic exprimit dicens: & cum id quod agendum, & quo nitendum est, coeperit non latere, nisi etiam deleat, & ametur: non agitur, non suscipitur, non bene vivitur. Ubi vides omnia negativa, & nihil positum affirmari de potestate nostri arbitrij sine gratia, non enim dicit: male agitur, malum suscipitur male vivitur: sed, bonum non agitur, non suscipitur &c. quæ sunt mere negativa quia nempe id unum ibi disputabat Augustinus cum Pelagianis, an lib. nostrum arbitrium esset sufficiens sine gratia ad præceptum implendum, an non, & nihil aliud: unde cum dixit quod lib. arbitrium non valet nisi ad peccandum, cum latet veritatis via, sensus est, quod non valet ad præceptum implendum, cum via veritatis latet, non autem voluit quod positive valeret ad vere peccandum cum de ista valentia, nihil ibi disputaretur, sed de alia, & ibi peccatum sumitur improprie pro eo quod habet objectum malum, abstrahendo ab aliis circumstantiis, ad male agendum requisitis. Eo modo quo sæpe explicat Augustinus illud Apostoli: quod nolo malum, hoc ago. Sed & si admitteretur ibi, Augustinum dicere voluisse: quod latente via veritatis lib. nostrum arbitrium valet ad peccandum vere, & proprie nihil tamen hinc inferretur contra nos, & pro peccato commisso in ignorantia invincibili. Nam licet ibi dicatur quod lateat veritas, non tamen dicitur quod tunc non possit impetrari cognitio illius per gratiam orandi, aut aliam remotam, quæ vere sufficit ad tollendam ignorantiam invincibilem: unde tunc non erit peccatum commissum in ignorantia invincibili, cum ignorantia illa sit vincibilis per gratiam orandi, & de his forte peccatis loquitur Augustinus lib. de nat. & gr. cap. 22. cum ait, loquens de Pelagio: nec cogitat, prævaricatorem legis, quam digne deserat lux veritatis, qua desertus utique fit cæcus, & plus necesse est offendat, vexatusque non surgat, & ideo tantum audiat vocem legis, quod admoneatur implorare gratiam salvatoris. Quod si objicias, tunc non fore veram propositionem Augustini, qua

dixit tunc lib. arbitrium solum valere ad peccandum, cum tunc secundum nos valeat etiam ad non peccandum per gratiam remotam, V. G. orandi, aut aliam similem, per quam poterit obtinere scientiam necessariam, & potentiam proximam ad implendum præceptum. Respondet negando hanc sequelam in sensu Augustini: solet enim Augustinus solum potentiam proximam vocare potentiam, ita ut qui non habet illam dicat habere nullam, etiamsi habeat remotam, V. G. orandi, eleemosynas faciendi, & similes: unde libro de grat. & lib. arb. cap. 15. explicans ista verba S. scripturæ si volueris conservabis mandata, sic ait: ut homo qui voluerit, & non poterit: ecce vides, negari potentiam, quasi nulla ibi esset ad præceptum implendum, & tamen ibi erat potentia remota seu potentia orandi, qua impetrari poterat potentia proxima faciendi præceptum, ut patet cum addit: *oret ut habeat tantam voluntatem, quanta sufficit ad implenda mandata*: ergo iste habebat potentiam remotam, seu potentiam orandi, & impetrandi proximam, quæ est faciendi præcepti urgentis, sed quia non habebat proximam, negat Augustinus illum habere ullam. Sic ergo negat hinc Augustinus lib. arbitrium valere ad aliud quam ad peccandum, non quod re vera non valeat ad aliud, scilicet ad non peccandum, cum ad id possit invocare, atque impetrare auxilium necessarium, & sufficiens, sed quia non habet ad id potentiam proximam, negat Augustinus eum ad id habere potentiam, seu valentiam propter rationem supra factam: unde sensus illius textus in hac via erit, quod quando latet veritatis via, lib. arbitrium non valet proxime nisi ad peccandum: in quo nihil habetur pro peccato commissio in ignorantia invincibili, quandoquidem nulla ibi est ignorantia invincibilis, cum ipsa possit vinci orando, atque impetrando scientiam.

Ibi peccatum sumitur promissive. in alia autem via sumitur improptie, pro eo quod habet obiectum malum, abstractrahendo ab aliis

circumstantiis eo modo ut jam dixi quo sæpe explicat Augustinus illud Apostoli. Quod nolo malum hoc ago. Quod intelligit de peccatis improptiis, & involuntariis.

Quantum autem ad textum quem ibidem adducunt ex libro de nat. & gratia cap. 40. dico non esse de ignorantia invincibili, cum qua voluntas peccatum componat: de quo solum quaestio est. Sed esse de ignorantia, quæ existit in homine, cum non adest gratia: quod non indicat peccatum commissum in ignorantia invincibili, sed tantum indicat ignorantiam quæ in nobis est sine gratia eam impediente, & nobis impertiente contrariam scientiam: seu est de necessitate gratiæ ad fugandam ignorantiam requisitæ, non vero de peccato in ignorantia illa commissio: ut patet ex ipso textu: hinc saltem, inquit, confiteatur (scilicet Pelagius) esse miserabiles tenebras in animo humano, qui scit quemadmodum debeat leonem domare, & nescit quemadmodum vivere (ubi vides meram assertionem ignorantie, quæ est in homine sine gratia: quam mox subdit non posse fugari per merum lib. arbitrium, sed per solam Dei gratiam, quam per crucem suam nobis Christus acquisivit) an & hoc ut sciat, sufficit ei lib. arbitrium,

lexque naturalis, hęc est sapientia verbi; qua evacuatur crux Christi. Id est qua evacuatur, seu negatur gratia Christi; nobis per illius crucem acquisita, & ad fugandam hanc ignorantiam necessaria: & sic nihil est ibi ad propositum, cum id non sit de vero peccato in ignorantia invincibili commissio, sed tantum de gratia ad illam fugandam, necessaria, de qua non est nobis controversia.

Licet autem prædicta, tam sint de fidelibus, quam de infidelibus dicta, ut patebit legenti: volunt tamen adversarij probare singulariter de fidelibus, quod etiam sæpe laborent ignorantia invincibili, & quod ex ea peccent. Sed quia multa inutiliter congerunt, non attingentes nodum difficultatis, cum non demonstrent, eos carere gratia orandi, qua istam ignorantiam vincant, impetrando scientiam, quandoquidem illi habent fidem qua impetrent quod voluerint. Hinc est quod ista omnia prætermittimus, non solum ut inania, quandoquidem non attingunt prædictum nodum difficultatis, sed etiam ut non sincera, quandoquidem locos aliquos mala fide pro se adducunt, quorundam duos per accidens advertimus, & hic notamus, quia suprà, eos perpendimus, ut sensum habentes sensui ab adversariis prætenso contrarij: quorum primus est: aliud est non curasse scire, quæ negligentia peccata, etiam per sacramenta quædam legis videbantur expiari, aliud intelligere velle nec posse, &c. qui locus sic truncatus indicat ignorantiam invincibilem, at si addas quod mox sequitur, tunc apparebit, illam ignorantiam non esse invincibilem, sed omnino vincibilem. cum mox addat Augustinus: unde admonemur, à Deo petere sapientiam (id est scientiam) qui dat omnibus affluenter, utique his omnibus, qui sic petunt, & tantum petunt, quomodo, & quantum res tanta petenda est. Per hæc indicans, illam ignorantiam non esse invincibilem, cum possit superari per humilem orationem, quæ impetret scientiam necessariam, & tamen volunt adversarij id intelligi de tali ignorantia, quæ vult homo, & non potest scire quod iustum est. Quod utique est falsissimum. Alter locus est in eodem §. ubi istorum verborum Augustini corrumpunt sensum. Sed & illa ignorantia, quæ non est eorum, qui scire nolunt, sed eorum, qui tanquam simpliciter nesciunt. Quem locum explicant adversarij de simpliciter nescientibus, cum non sit de talibus, sed tantum de iis, qui tanquam simpliciter nesciunt, ut habet expresse Augustinus: quod sensum longe facit diversum, quandoquidem Augustini verba significant tantum ignorantiam secundum quid, verba autem adversariorum significant simplicem, & absolutam ignorantiam ut per se manifestum est. Quam autem diversum faciant sensum ignorantia absoluta, & ignorantia secundum quid in ordine ad materiam de peccatis, de qua agimus, nemo est qui nesciat, cum nemo dubitet peccata commissæ ex ignorantia secundum quid, V. G. crassa, & supina quæ vincibilis est, esse vera peccata, secus vero peccata quæ sunt ex ignorantia simplici, & absoluta, seu prorsus invincibili quæ saltem plurimi negant esse vera peccata.

L. denat &
gr. c. 17.

Lib. de par.
& gr. c. 17.

Lib. de gr.
& lib. ar.
c. 3.

§. I V.

In quo reliqui diluuntur Augustini loci ab adversariis adducti, cum explicata eorumdem doctrina de inexcusabilitate peccatorum.

Verum audiamus adversarios explicantes totam suam doctrinam de ignorantia invincibili, quæ non excusat hominem à peccato: dicunt ergo; per illam ignorantiam se intelligere illam, quæ est juris naturalis, & non divini, aut facti, quod & nos semper intelleximus, & ita intelligi cupimus. Istam autem ignorantiam non excusare à peccato probare conantur aliquibus Augustini textibus, quorum primus est ex serm. 4. de verbis Apostoli ubi ait Augustinus: Procehit lex Dei, & dicit: non concupisces: ille homo, qui putabat magnum bonum esse, magnamque felicitatem existimabat, ea quæ poscit, suæ concupiscentiæ non negare, sequi qua trahit, audit: non concupisces: & cognoscit esse peccatum: Deus dixit, homo audivit, Deo credidit, peccatum suum vidit, quod bonum putabat, malum esse cognovit, voluit frænare concupiscentiam, non ire post eam, strinxit, conatus est, victus est. Qui fuit antea nescius malorum suorum, factus est doctus, & peius est victus. Cæpit esse non solum peccator, sed etiam pravicator, peccator enim & antea erat, sed antequam legem audiret peccatorem se esse nesciebat. Post quæ sic addunt adversarij: & tamen propter illa ignorantie suæ peccata, in quibus se peccatorem esse nesciebat, etiam damnandum esse testatur: si damnandus erat peccator, quam spem habet pravicator.

Respondeo, hunc locum non esse de ignorantia invincibili, imo vero esse contrarium ignorantie invincibili, cum supponat in ipso peccante scientiam, ut patet ex his verbis: ille homo qui putabat ... audit, non concupisces, & *cognoscit esse peccatum*. Deus dixit, homo audivit, Deo credidit *peccatum suum vidit*, quod bonum esse putabat, *malum esse cognovit*: & infra: antea nescius, *factus est doctus*. Quæ omnia claram supponunt in isto peccante scientiam, nullam autem ignorantiam, sive vincibilem, sive invincibilem. Quare ergo hunc locum allegarunt adversarij, quasi esset de ignorantia invincibili, cum non sit de ignorantia, sive vincibili, sive invincibili. Forte propter hoc, quod ibi dicitur per accidens: antequam legem audiret peccatorem se esse nesciebat. Ubi re vera peccator dicitur nescius, sed non dicitur invincibiliter nescius, nec talis innuitur, sed tantum opponitur pravicatori, qui per legem scit peccatum, peccator autem non scit illud per legem, sed per hoc non excluditur alia via per quam possit illud cognoscere: potest enim illam cognitionem immediate petere, si sit fidelis, si autem sit infidelis, potest in Deum credere, & per hanc fidem eandem cognitionem obtinere, & sic non invincibiliter.

ter ignorare quod malum est. Ut autem clare agnoscas, hunc esse sensum Augustini: vide quam causam afferat, & peccati, & prævaricationis immediate post ultima verba ab adversariis allata, scilicet, si damnandus est peccator, quam spem habet prævaricator. Ergo inquit, o homo (tam peccator, quam prævaricator) vicit te concupiscentia tua, vicit quia in malo loco te invenit (at quis est malus locus iste: certe non alius nisi mens præsumens de viribus suis, & nolens orare Deum, seu confugere ad Deum, ut habeat scientiam sibi necessariam, prout in antecedentibus explicuit, & mox indicabit, ut videbimus) invenit te in carne, ideoque vicit. Migra inde. quid expavescis. Non tibi dixi, ut moriaris (corporaliter) imo audeo dicere: dixi, ut moriaris (scilicet spiritualiter, presumptioni, & superbiae tur prohibenti te orare, & confugere ad Deum) si mortui es, quæ sursum sunt querite: in carne vivens, noli esse in carne. (Per carnem solebat Augustinus, præcipue scribens, ut hic contra Pelag. intelligere potentiam humanam fragilem, & modicam, confidentem in se ipsa, & gloriantem in viribus suis, ut clare explicat lib. de gr. & lib. arb. cap. 4. circa initium, ubi ait: audet miser homo, quando bene vivit, & bene operatur: vel potius bene vivere, & bene operari sibi videtur: in seipso, non in Domino gloriari, & spem recte vivendi in seipso ponere, ut sequatur eum maledictum Hieremæ Prophete dicentis: maledictus homo qui spem habet in homine, & firmat carnem brachii sui, & à Domino discedit cor ejus. Et paulo post: ut ergo ostenderet, sic se admonuisse hominem, ut nec in seipso haberet spem: propterea cum dixit: maledictus homo qui spem habet in homine: mox addidit: & firmat carnem brachii sui: brachium pro potentia posuit operandi, in nomine autem carnis, intelligenda est humana fragilitas, ac per hoc firmat carnem brachii sui, qui potentiam fragilem, atque invalidam: id est humanam sibi sufficere ad bene operandum putat, nec adjutorium sperat à Domino: propter hoc enim subjecit, & à Domino discedit cor ejus: talis est hæresis Pelagiana. Hoc ergo hic intelligit Augustinus: per id noli esse in carne: id est, noli considerare in fragilitate tua, seu in fragili potentia tua: ecce malus locus, in quo erat ille cui loquitur hic Augustinus, cum ait noli esse in carne) omnis caro scænum, verbum autem Domini manet in æternum (sed audi quod sequitur) Dominus fiat refugium tuum (ecce ergo propter quod non vult Augustinus, ut homo sit in carne, id est in presumptione de propriis viribus suis: quia nempe ista presumptio Pelagiana, quam ibi impugnabat, prohibet ne confugiat homo ad Deum, & ne postulet scientiam, aut potentiam à Deo, à quo solum potest eam habere: quod & late inculcat dicens) instat concupiscentia, urgette, magnas vires accipit adversum te prohibitionem legis grandior facta est, majorem hostem pateris, sit Dominus refugium tuum (ecce adhuc consulit, ut confugiat ad Deum: & per consequens supponit adesse potentiam orandi Deum, & petendi scientiam, aut potentiam proximam, sed impediri à carne, à presumptione, à superbia omnia vo-

lente habere à seipsa & non à Deo qui est) turris fortitudinis à facie inimici (unde & sequitur) noli esse in carne (id est in præsumptione & superbia quæ suadetur à carne) in spiritu esto. Quid est : in spiritu esto : in Deo *semper* pone &c. & infra c. 8. in fine ; an dicturus es : volo sed non valeo : quare non vales : quia sanitas non est : unde sanitatem perdidisti , nisi quia peccando creatorem offendisti : ergo ut ejus panem cum suavitate , id est in sanitate manduces. *Vic illi : ego dixi Domine miserere mei sana animam meam* quia peccavi tibi. Ubi vides semper cum supponere potentiam orandi , & sic illam ignorantiam non esse invincibilem in istis. Neque vero quicquam aliud indicat Augustinus in cæteris locis , quos pro se citant adversarij , cum & ipsi fateantur , non aliam , sed eandem in illis tradi doctrinam , quam in præcedenti. Unde est quod in uno illorum loco (quem prudentissime volunt esse instar reliquorum omnium , quandoquidem in illo facit mentionem Augustinus cæterorum) indicat Augustinus nos semper habere potentiam orandi ad impetrandam scientiam contra ignorantiam , & robur contra infirmitatem. Ne peccemus , inquit , ut regat ille (scilicet Deus) *rogandus est* , cui dicitur in Psalmo : Dominus illuminatio mea , & salus mea : *ut illuminatio detrahat ignorantiam , & salus infirmitatem*. Quo sane nihil dici clarius poterat ad repellendam ab istis ignorantiam invincibilem , & impotentiam absolutam , cum qua volunt adversarij , homines peccare , quandoquidem ibi innotet Augustinus , ut rogemus Deum (per hoc supponens nos id posse , & ad id semper gratiam habere) ut det scientiam contra ignorantiam , & robur contra infirmitatem.

Tandem ipsi volunt asserre radicem arcanæ suæ de ignorantia invincibili , & simul culpabili juris naturalis , sed cum hæc doctrina falsa sit , ut patet ex supradictis , ideo & radicem illius negligendam esse duximus : quapropter duo solum notamus , quæ in eorum vanitate advertimus. Unum est quod volunt Christi fidem esse necessariam ad tollendam juris naturalis ignorantiam , quod omnino falsum est secundum mentem Augustini , cum declaret Augustinus libro de prædest. sanct. cap. 7. fidem Christi non esse necessariam ad orandum , & per hoc ad sciendum , quod nobis præceptum est : cum ibi dicat Cornelius centurionem & orasse , & bene operatum esse , seu bona opera fecisse antequam in Christum crederet. Alterum est : quod in tradenda illa sua falsa doctrina de ignorantia invincibili , & simul culpabili juris naturalis , inter locos illos quos adducunt in patrocinium sui erroris , nullus reperiat qui neget , & tunc abuisse potentiam remotam sciendi id quod necessarium est ad salutem : imo vero unum afferunt ubi innuit Augustinus etiam in profundissimo illius ignorantie barathro adesse gratiam orandi , & petendi auxilium , quo tenebræ istæ discutiantur. Nec cogitat (inquit Augustinus loquens de Pelagio) prævaricatore legis , quam digne lux deserat veritatis , qua desertus utique sit cæcus , & plus necesse est offen-

Lib de nat.
& gr c. 22.

dat, & cadendo vexetur, vexatusque non surgat, ut ideo tantum audiat vocem legis, *qua admoneatur implorare gratiam salvatoris*. Ubi vides, Augustinum supponere in nobis adesse potentiam orandi, seu petendi gratiam necessariam ad cognoscenda praecepta, & alia necessaria, cum dicat nos admoneri per legem, ut imploremus auxilium ad id necessarium: quod frustra omnino fieret nisi adesset gratia, qua huic admonitioni obediremus, aut obedire possemus, ut per se manifestum est. Et is erat sensus Augustini, & ejus adversariorum quibus ista dicebat, quod ubi est, exhortatio, seu admonitio ibi supponitur potentia inadmonito ad faciendum, vel non faciendum illud, de quo admonetur, ut alibi demonstravimus. Unde ibi supponit Augustinus potentiam orandi, seu petendi scientiam, & per hoc non esse invincibilem illam ignorantiam. Confirmatur totum argumentum ex D. Prospero fidelissimo D. Augustini interprete, atque discipulo, qui toto fere libro 2. de vocat. gent. probat eandem, quam Augustinus, inexcusabilitatem, & simul gratiam sufficientem omnibus, & singulis praestitam, praecipue vero cap. 1. 4. 12. 13. 14. 15. 25. 29. 31. & 33.

In tract. de
indiff. ren-
ti, &c. 2.
parte arg.
35 & 39.

SECTIO SEXTA.

In qua proponuntur tres probationes sequentes: quarum prima sumitur, ex hoc quod redarguit Augustinus impios, eo quod noluerunt bene agere. Secunda ex eo quod non vult quemquam damnari, ob id quod non potuit prestare: tertia ex eo quod dicit Augustinus, Deum esse avarum animarum nostrarum.

5. **P**ROBATIO est, quod saepe redarguit Augustinus impios, eo quod noluerunt, aut neglexerunt credere, & quod boni esse noluerunt: per hoc clare indicans, quod ipse censuit, illos omnes, & singulos ad id habuisse gratiam sufficientem, & consequenter omnes alios: nam si de aliquibus dubitandum esset, maxime de improbis, sed de eis non dubitat Augustinus, ergo non dubitat de ullis.

Consequentia clara est: prob. anteced. ex his Augustini locis: nam serm. 66. de temp. circa init. sic ait. Tempus est nunc remissionis paenitentibus, sed tempus erit post mortem vindicationis negligentibus (non dicit impotentibus) confiteri peccata sua. Omnes enim impij amaram habent in tormentis paenitentiam, sed non proficit eis ad remissionem, sed conscientia torquet ad augmentum poenarum, quas patiuntur. Potuerunt enim sibi per confessionem praecavere tormentorum immanitatem, & neglexerunt. Et serm. 21. de diversis cap. 1. in fine, sic ait loquens de infidelibus: optime itaque, & rectissime ac-

cusati sunt, qui potuerunt investigare numeros fiderum, intervalla temporum, defectum luminum cognoscere, & prædicere: recte accusati sunt, quoniam à quo ista facta, atque ordinata sunt, non invenerunt, quia quærere neglexerunt. Verum tamen est quod infra dicitur, quod invenire non potuerunt: sed id non tribuitur veræ impotentia, sed voluntati eorum superba, quæ noluit quærere, & sic non potuit invenire: eo scilicet modo quo dicitur, quod sedens non potest currere, non quod absolute non possit currere, sed quod non potest currere si prius nolit surgere, sed velit semper sedere: ita dicit August. quod isti Deum invenire non potuerunt, non quod verè non potuerint, sed quia præ superbia eum quærere noluerunt: unde evanuerunt (inquit c. 4.) nisi quia superbi: & cap. 5. videre perfecte, aut salubriter non potuerunt, quia superbi fuerunt. Id omnino tribuens eorum superbia, quæ noluit: & non impotentia, quæ non potuit. Et sèrm. 38. de sanctis ante med. loquens de omnibus reprobis, sic ait: Illi qui ad sinistram erunt, non ideo mittuntur ad ignem, quia peccatores fuerunt (quis enim non peccavit) sed quia peccata sua eleemosynis redimere noluerunt. Et in libro contra Adimvantum cap. 26. in fine sic ait: hæc sunt mala, quæ Deus facit, id est peccatoribus pœnas, quod in ignem mittet arbores, quæ in malitia perseverantes, fieri bonæ noluerunt. Et libro 22. contra Faust. cap. 22. sub finem. Hoc, inquit, certe sua culpa, non vi aliena fecerunt quod cum possent, malo resistere, noluerunt, quod si facerent, bene facerent: si autem non facerent, graviter immaniterque peccarent. Si potuerunt (jam dixit quod potuerunt) & non fecerunt utique noluerunt. Si ergo noluerunt (jam dixit quod noluerunt) voluntatis crimen est, non necessitatis. Ergo nec impotentia sed negligentia, vel malicia. Et libro 83. qu. quæst. 68. sic ait: ad illam cœnam (id est ad vitam æternam) quam Dominus dixit in Evangelio, neque omnes qui vocati sunt, venire voluerunt (ergo potuerunt, cum venire noluerint) neque illi qui venerunt, venire possent nisi vocarentur: itaque neque illi debent sibi tribuere qui venerunt, quia vocati venerunt. Neque illi qui noluerunt venire, debent alteri tribuere, sed tantum sibi: quoniam ut venirent vocati, erat in eorum libera voluntate. Et paulo post: qui autem vocatus non venit, sicut non habuit meritum præmij, ut vocaretur, sic inchoat meritum supplicij, cum vocatus, venire neglexerit: & adhuc paulo post: ad iudicium pertinet beatitudo eorum, qui venerunt vocati, & supplicium eorum qui venire noluerunt. Ubi nihil retractavit Augustinus ut videre est in libro 1. retract. cap. 26. & in Psalm. 6. circa finem loquens de iisdem impiis nolentibus vere converti ad Dominum, sic ait. Quis non iudicet esse iustissimam pœnam, ut conversionem ad confusionem habeant, qui ad salutem habere noluerunt. Et in Psalm. 7. sub finem loquens de impiis in genere in hæc verba: convertetur labor ejus in caput ejus, &c. sic ait: non enim voluit ipse peccatum eradere. Et in Psalm. 35. circa initium sic ait: non unum hominem, sed genus hominum iniquorum dicit, qui

sibi adversantur, non intelligendo ut bene vivant, *non quia non possunt, sed quia nolunt*: de quo loco supra fufe disseruimus in probatione præcedenti: & una columna post sic ait. Audient hæc (scilicet ite male didici in ignem æternum) illi qui ad sinistram erunt, & gement infructuosa pœnitentia: quia cum ita viverent, *eam fructuose noluerunt agere*. Et in Psal. 45. circa finem: isti, inquit, *nec venire volunt, nec ascendere, nec credere, nec proficere: & infra: nolunt ascendere, semper eligentes offendere*. Et in Psalm. 57. circa finem. *Nolunt modo habere compunctionem medicinale, habebunt postea pœnalem*. Et in Psalm. 109. circa initium loquens de iisdem impiis dicit: quod *nolunt se à pessimis moribus convertere ad Deum, ut ab illo iustificentur*. Et initio Psal. 116. loquens de Judæis incredulis, dicit quod *civitatis Hierusalem filij esse noluerunt*. Et libro de dono persever. cap. 9. loquens de iisdem sic ait: facile est, ut infidelitatem accusemus Judæorum, de libera voluntate venientem, qui factis apud se tam magnis virtutibus, *credere noluerunt*. Et tract. 36. in Joann. in hæc verba: ego non judico quemquam sic ait: venit Christus, sed primò salvare, postea judicare, eos judicando, *qui salvari noluerunt*. Ex quibus omnibus manifestum est, Augustinum supposuisse in omnibus hominibus impiis, veram in Deum credendi, & bene vivendi fuisse potentiam, quam illi neglexerunt, & pro nihilo habuerunt, cum ea uti possent, si voluissent, ad consequendam vitam æternam. Quod si in his eam supposuit, quanto magis in cæteris, qui ea bene usi sunt; ergo eam supposuit, seu eam esse voluit in omnibus, & singulis.

2. parte argum. 53.

6. Probatio est, quod non vult Augustinus quemquam damnari, ob id quod non potuit vitare, ergo ipse supposuit in omnibus, & singulis esse gratiam sufficientem ad vitandam damnationem, & per hoc ad consequendam suam salutem: consequ. clara est, probatur anteced. tum quia id ipsum habet in terminis serm. 61. de temp. circa medium, ubi ait: quod Deus qui pius est, *non est damnaturus hominem, pro eo quod non potuit evitare*. Tum quia neminem vult peccare, in eo quod non potest vitare, ut late probavimus in tractatu nostro de indifferenti lapsi hominis arbitrio &c. ex quo consequaneum est, quod non vult quemquam damnari, ob id quod non potuit vitare, cum nemo damnetur nisi ob peccatum. Tum denique quia vult neminem posse iuste puniri, ob id quod ex necessitate fecit. ut clare innuit lib. 2. contra Faust. cap. 5. post med. dicens. Quod lib. arbitrium, quo vel bene, vel male vivitur, *propter justum iudicium Dei ab omni necessitatis vinculo vindicatur*. Si autem neminem vult posse puniri iuste, ob id quod ex necessitate fecit, ergo etiam neminem vult posse puniri iuste, ob id quod vitare non potuit, cum in eo vera necessitas sit: ergo neminem vult damnari, ob id quod vitare non potuit. Unde libro 3. de lib. arb. cap. 20. initio dicit: quod ex conversione ad Deum, *ut vinceret quisque supplicium* (scilicet damnationis æternæ) quod origo ejus ex aversione meruerat, non solum volentem non prohiberi, sed etiam

adjuvari oportebat. Ex quo consequens necessario est, quod in his qui damnantur, potestatem supposuit, qua vitarent, si vellent, ea, propter quæ damnati sunt, quod est vere supponere gratiam sufficientem ad salutem in omnibus, & singulis hominibus, quia si eam supposuit in istis, quanto magis in cæteris: sed in loco ultimo satis indicat singulos, cum dicit ut vinceret *quisque* supplicium.

7. Probatio est, quod non rarè dicit Augustinus, Deum esse avarum salutis nostræ, & animarum nostrarum: ac certe non esset avarus animarum nostrarum, si aliquas earum relinqueret sine gratia sufficienti ad opera bona facienda, & mala vitanda, & ad consequendam vitam æternam: ergo concludendum est, quod omnibus, & singulis gratiam illam subministrat, nec umquam subtrahit eam ab ullis. Consequentia clara est, cum proprium avarorum sit nihil prætermittere eorum, quæ sunt necessaria ad acquirendas pecunias: ergo Deus nihil debet prætermittere eorum, quæ sunt necessaria ad acquirendas animas, inter quæ nihil magis necessarium est, quam gratia sufficiens ad bona opera facienda, & mala vitanda, & ad consequendam salutem. Anteced. autem probatur ex his Augustini locis, sic enim ait *serm. 15.* Sirmundi longe post med. *avarus est* (scilicet Deus) sed *avaritia Dei salus nostræ est.* Avarus est, *nummos suos quatit* (id est bona nostra opera) *imaginem suam colligit* (quæ est anima nostra ad imaginem illius facta) *dares, inquit, pecuniam nummulariis, & ego veniens, cum usuris eam exigere.* Et *serm. 37.* longe ab initio, ostendit Deum non esse avarum suarum gratiarum, sed avarum esse animarum nostrarum, dicens: *consolatur te redemptor tuus, consolatur te non avarus frater tuus: dignatus est enim esse frater noster ille Dominus noster, solus frater sine dubitatione fidissimus, cum quo concordia possidenda est.* Dixi *non avarum* (scilicet gratiarum suarum) & *forse invenio avarum* (scilicet animarum nostrarum ut mox sequitur) *avarus est, sed nos* (seu animas nostras) *vult habere, nos vult acquirere.* Et in *Psal. 99.* in expositione longe ab initio dicit: *Deum avarum esse salutis nostræ.* Ex quo concludendum est, quod sicut avarus nihil omittit eorum, quæ sunt necessaria ad acquirendas pecunias, sic Deus nihil omittit eorum, quæ sunt necessaria ad acquirendas animas, & sic nullam prætermittit, cui non det gratiam sufficientem ad acquirendam suam salutem.



SECTIO SEPTIMA.

In qua proponuntur quatuor probationes sequentes, quarum prima sumitur ex singulari quadam propositione Augustini: secunda ex virtute spei: tertia ex adequata quadam divisione hominum: quarta ex altera quadam divisione rerum ad salutem pertinentium.

8. **P**ROBATIO sumitur ex quadam propositione, quam aliquando protulit Augustinus de gratia suffic. pro salute omnium, & singulorum in aliquo suo libro, quem confecerat ante exortam hæresim Pelagianam. Nam timens ne Pelagiani ea abuterentur contra gratiam, sic correxit eam, ut eam quidem ab errore Pelagianorum secluderet, sed tamen eam reliqueret in tota generalitate sua de salute omnium, & singulorum hominum, licet probe sciret, Pelagianos illam etiam suo more interpretaturos esse de omnibus, & singulis hominibus, & non tantum de aliquibus. Ex quo manifestissimū est quod admisit August. gratiā suffic. pro omnibus, & singulis hominibus, & non tantum pro aliquibus. Consequentia clara est: prob. anteced. ex lib. 1. retract. cap. 10. ubi cum examinaret hanc propositionem quam posuerat libro 1. de genesi contra Manich. cap. 3. scilicet: illud autem lumen, non rationalium animalium oculos pascit, sed pura corda eorum, qui Deo credunt, & ab amore visibilium rerum, & temporalium, se ad ejus præcepta implenda convertunt, quod homines possunt, si velint. In qua propositione manifeste astruebat gratiam sufficientem pro omnibus, & singulis, hominibus, cum hæc diceret explicando illum textum Joannis 1. qui vere est de omnibus, & singulis hominibus: scilicet: erat lumen verum, quod illuminat omnem hominem venientem in hunc mundum: omnem enim hominem, clare idem significat, ac singulum quemque hominem, & per hoc, clare indicabat suam propositionem pertinere ad omnes, & singulos homines: unde & in fine illius, eundem adhuc textum repetit, per eum sua dicta confirmans & dicens: quia illud lumen, omnem hominem illuminat venientem in hunc mundum: per hoc clare judicans, se intelligere sua dicta de omnibus, & singulis: & non tantum de aliquibus. Cum ergo timeret ne illam gratiam, quam in prædicta propof. innuerat. exponerent Pelagiani de sola gratia intellectus, propter illud vocabulum *lumen*: aut de solo lib. arbitrio, propter illa verba, si velint. quæ communiter intelligebant Pelagiani de voluntate hominis sine gratia, seu de solo illius lib. arbitrio. Timens, inquam, Augustinus, ne sic abuterentur hoc textu contra veram Christi gratiam, quæ non solum debet esse in intellectu, ut volebant Pelagiani, sed etiam in voluntate, & quid ab illa distinctum,

&

minis voluntas, sed quid ab illa distinctum, & in ea existens: mox occurrit Sanctus Doctor huic inconvenienti in supradicto libro retract. cap. 10. sic retractans suum dictum, & dicens: non existiment novi hæretici Pelagiani (hoc) secundum eos (id est secundum sensum eorum perversum) esse dictum: *verum est enim omnino: omnes homines hoc esse, si velint*, sed præparatur (id est prævenitur, ut alibi explicatum est) voluntas à Domino, & tantum augetur munere charitatis (quæ est gratia, pertinens ad voluntatem) ut possint. Ubi vides, cum nihil retractare de generalitate suæ propositionis, sed potius eam confirmare, & sic admittere cum Pelagianis, in omnibus, & singulis hominibus possibilitatem salutis, sed tantum postulare contra eos, ut gratia præparet, seu quod idem est præveniat, & præexcitet voluntatem, ad hoc, ut illi omnes, & singuli homines præcepta servare, & per hoc, etiam salutem suam consequi possent. Et sic manifestum est, quod admisit eorum generalitatem quoad omnes, & singulos respectu possibilitatis salutis: & per hoc gratiam sufficientem pro omnibus, & singulis hominibus. Nam quod Pelagiani voluerint, suam possibilitatem salutis, esse in omnibus, & singulis: clare patet ex Prospero carmine de ingratis cap. 1 ubi exponens circa hoc sensu illorum, sic ait:

*Nullum autem ex cunctis exortem muneris hujus
Judicio genitum esse Dei: sed quemque mereri
Libertate sua, ut capiat promissa vocantis.*

In tract. de
indifferen-
ti lapsi ho-
minis ar-
bitrio. &c.
2 parte
sect. 6. §. 1.

Ubi vides eos, admittere possibilitatem salutis pro omnibus, & singulis hominibus, & non tantum pro multis, aut aliquibus: & proinde Augustinum eam admisisse cum eis, quandoquidem cætera corrigens, quæ erant in supra allata propositione pro errore eorum circa gratiam, non correxit illam generalitatem, imo vero, ut dictum est, per prædictum textum Joannis confirmavit.

9. Probatio sumitur ex virtute spei, quæ secundum Augustinum postulat, ut omnes, & singuli habeant gratiam sufficientem: quod probò sic ex ejus tractatu 41. in Joann. sub finem, ubi expendens illa verba apostoli: velle adjacet mihi, perficere autem non invenio, sic ait: nunquid dixit: non mihi adjacet facere bonum, si hoc dixisset spes nulla esset (ecce vides, Augustinum clare dicere quod spes nulla esset, si gratia sufficiens abesset: & per hoc innuere, quod gratia sufficiens debet esse in singulis, ut sit spei virtus in eis. Mihi, enim indicat singulos. Unde & excusans Apostolum à tali absurditate mox addit) non ait: non mihi adjacet facere (bonum) sed non mihi adjacet perficere. Quod ponit ibi & alibi Augustinus communiter, in carentia motuum involuntariorum concupiscentiæ, quæ carentia ut non est necessaria ad salutem ita nec ad spem. Et sic vides, Augustinum asserere tam necessario confitendam esse gratiam sufficientem in singulis quam necessario debemus confiteri virtutem spei esse necessa-

riam ad salutem. Nec vero dicendum est, Apostolum per τὸ mihi: solum loqui de seipso, seu de sola persona sua. Nam id quod addit Augustinus satis indicat id de eo solo, non dici, cum non dicat: nulla ei spes esset: aut nulla amplius *Apostolo* spes esset: sed generaliter, & absolute dicit: spes nulla esset: quod nullum prorsus excipit, imo vero omnem exceptionem rejicit propter illam negativam: nulla: quæ, ut malignantis est naturæ, ita & omnem rejicit exceptionem contrariam.

10. Probatio sumitur ex quadam adæquata divisione, quam facit Augustinus omnium hominum in electos, & reprobos, ut quibus data est gratia sufficiens in Psalm. 39. longe post medium in hæc verba: non celavi misericordiam tuam: ubi unumquemque illorum, ita alloquitur in singulari, ut satis indicet, fuisse in unoquoque gratiam sufficientem: unde sequitur, quod censuit omnes, & singulos homines, & non solum multos, aut aliquos habere gratiam sufficientem: consequentia clara est, prob. anteced. afferendo prædictum locum. ubi sic ait: congregabuntur ante Deum omnes gentes, & dividet eas sicut pastor dividit oves ab hædis: oves ponet ad dexteram, hædos ad sinistram: ovibus quid; venite Benedicti Patris mei, percipite regnum, quod vobis paratum est: hædis quid; ite in ignem æternum, ibi pœnitentiæ locus non est. *Quia misericordiam Dei contempsisti* (ubi vides eum alloqui omnes reprobos in singulari, seu ut singulos, eisque ut sic exprobare contemptum gratiæ, seu misericordiæ divinæ, quod satis indicat, eos illam habuisse, & ea uti noluisse, & proinde contempsisse: non enim aliter contemnitur gratia, quam cum usus ejus negligitur, & ejus parata opitulatio repudiatur) veritatem (id est judicium, & sententiam pœnæ æternæ) sentient. *Si autem non contempsisti* (quod pertinet ad electos, eosque ut singulos, cum alloquatur illos in singulari) veritate gaudebis. Id est sententiam, quæ tibi decerneret vitam æternam lætus audies. Ubi vides, omnes homines interpellari, ut singulos: & unis exprobrari tanquam causam suæ damnationis, non impotentiam aliquam, aut carentiam gratiæ, sed contemptum illius, seu non usum illius, quod supponit illos eam habuisse: & alteris applaudi de non contemptu illius, seu de bono usu illius, quod adhuc supponit eos illam habuisse: & sic patet omnes, & singulos sufficientem gratiam habuisse, sed diversimode in illam affectos, diversa circa illam statuisse, & voluisse, & idcirco diversa secundum diversum illius usum, accepisse.

11. Probatio, sumitur etiam ex aliqua alia adæquata divisione, quam facit Augustinus omnium agendorum necessariorum ad salutem lib. de nat. & gr. cap. 69. ubi indicat Augustinus, in omnibus iis qui tenentur aliquid facere necessarium ad salutem, gratiam sufficientem existere, vel proximam, vel remotam. Ergo per hoc supponit esse in omnibus, & singulis gratiam vere suffic. consequentia clara est, prob. antec. per expositionem illius divisionis, & textus. Etenim illa agenda

necessaria, vel sunt facilia, vel difficilia: si facilia, supponit in nobis August. gratiam proximam ad ea agenda, & peragenda si velimus: si autem difficilia, supponit remotam, ut patet ex his illius verbis: eo ipso, inquit, quo firmissime creditur: Deum iustum, & bonum, impossibile non potuisse precipere, hinc admonemur, & in *facilibus quid agamus, & in difficilibus quid petamus*. Ecce vides adæquatam divisionem omnium agendorum necessariorum ad salutem in res faciles, & difficiles: in facilibus dicit nos admoneri, ut agamus, quod indicat, illum supponere, quod tunc habemus gratiam proximam, cum nihil requirat tunc à nobis antequam agamus, sed dicat, ut immediate agamus, quod esset stultum, & ridiculum, si tunc non possemus agere proxime, & immediate, & per hoc gratiam proximam non haberemus. In difficilibus autem dicit nos admoneri ad orandum, seu ad petendum auxilium, ut agamus, seu ut agere proxime possimus, in quo est gratia remota, quam supponit nos tunc habere, quandoquidem stultum esset, & ridiculum, nos admonere ad petendum, seu ad utendum gratia petendi, si eam non haberemus: & sic patet illa adæquata divisio quam supra diximus: quam etiam antea jam insinuerat sub aliis terminis, dicens unicuique hominum, & per hoc singulis hominibus: quod Deus impossibilia non jubet, sed jubendo admonet, & *facere quod possis* (quod pertinet ad unumquemque in singulari) & *petere quod non possis*: quod similiter pertinet ad unumquemque in singulari. Per hoc indicans eandem, quam supra explicaverat, potestatem in nobis omnium agendorum necessariorum ad salutem, quam vult quemlibet habere vel proxime cum facere illud potest vel remote cum illud petere & impetrare possit, quod est posse illud remote, seu per gratiam remotam.

C. 43. sub
finem.

SECTIO OCTAVA.

In qua duodecima exhibetur probatio, sumpta ex interpretatione Augustini in locum illum Apostoli: fidelis est Deus, qui non patietur vos tentari, supra id quod potestis.

12. **P**ROBATIO sumitur, ex eo quod sæpe referens Augustinus hanc locum Apostoli: fidelis Deus qui non patietur vos tentari, supra id quod potestis. Manifeste declarat, nemini in tentationibus gratiam Dei deesse, sed eam semper adesse, ita ut eas vincere semper possit: ergo ipse censuit, gratiam suffic. omnibus, & singulis dari, ad consequendam suam salutem, quandoquidem nemo amittit salutem, nisi admittendo tentationem, & eam non vincendo, ut debet. Consequentia clara est. Probatur anteced. ex his Augustini lo-

cis : sic enim ait lib. de past. cap. 5. sub finem : ne timeas non deerit in
tentationibus, ille in quem credidisti : fidelis Deus, qui non sinit te
tentari, supra quam potes ferre : non hoc à me audis . . . audis &
ab ipso pastore qui pascit Israel : illi enim dictum est : potabis eos in
lachrymis, in mensura : quod enim ait Apostolus : non sinit tentari vos,
supra quam potestis ferre : hoc ait propheta, in mensura : tantum, tu noli di-
mittere corripientem, & hortantem, terrentem, consolantem, percutientem, &
sanantem. Ubi manifeste patet adesse auxilium Dei prorsus ex parte
sua sufficiens, & cui nihil deest, ut efficiat, nisi consensus liber
creaturæ, quem ideo consulit Augustinus, ut demus Deo, ut quid à
nobis pendens, & in nostra omnino potestate. Idem fere habet in
Psalm. 61. versus finem. Ubi ait : qui dat potestatem tentatori, ipse tenta-
to præbet misericordiam (id est gratiam) ad mensuram enim permittit tenta-
re diabolus. Et potabis nos inquit, in lachrymis in mensura : noli ergo
timere permillum aliquid facere tentatorem, habes enim misericordissi-
mum salvatorem. Et in Psalm. 79. idem adhuc fere habet in hæc ver-
ba : cibabis nos pane lachrymarum, & potabis nos in lachrymis, in
mensura. Quid est, inquit, in mensura, Apostolum audi : fidelis Deus
qui non permittit vos tentari, supra id quod potestis ferre. Ipsa est
mensura pro viribus tuis, ipsa est mensura, ut erudiaris, non ut opprimaris.
Quid clarius pro gratia sufficiente tunc præstita. Et in Psalmum 88.
conc. 1. circa medium. In hæc verba : tu dominacis potestati maris.
Sic ait : movetur quidem mare, & contradicit mare, perstrepi ma-
re : sed fidelis Deus, qui non vos sinit tentari, supra id quod pote-
stis. Quia ergo fidelis est, qui non vos sinit tentari supra id quod potestis :
motum autem fluctuum ejus tu mitigas : id est mitigat Deus per gratiam suam
suavifacientem præceptum, & vim concupiscentiæ savientis compri-
mentem, quod est proprium gratiæ medicinalis Christi quæ proinde
tunc adest nobis. Et in Psalm. 93. versus finem in hæc verba. Et Deus
meus in auxilium spei meæ, sic ait. Sed ne desicimus, adest promissor
erigens nos, & temperans ipsa mala quæ patimur, non enim frustra dictum est :
fidelis Deus, qui non sinit vos tentari, supra quam potestis ferre, sed faciet
cum tentatione etiam exitum, ut possitis sustinere, hæc mittat in for-
nacem tribulationis, ut coquatur vas, non ut frangatur : id est ut proficiat
homo, non succumbat. Et in Psalm. 94. in hæc verba : quo-
niam ipseus est mare sic ait : nulla tentatio, nisi acceperit mensuram à Domi-
no : sint ergo tentationes, sint tribulationes, consummaris eis, non
consummeris : vide utrum tentationes non prosint, attende Aposto-
lum : fidelis Deus qui non vos sinit, &c. non ait non, vos sinit tenta-
tari omnino : si enim recusares tentationem, recusares refectorem :
ergo reficeris, & si reficeris, in manibus artificis es (ecce gratiam præ-
sentem, & actu opitulantem, seu reficientem, & vide quot modis)
aliquid tibi tollit, aliquid corrigit, aliquid complanat, aliquid munda-
at, agit quibusdam sacramentis suis. Ipsa sunt scandala hujus sæcu-
li, in tantum de manu artificis nobis cadere (quid clarius pro gratia suffi-

cienti tunc præstata, cum per hæc indicetur tunc plenam nos habere potestatem, ne peccemus, & tunc à nobis profus pendere, ne cadamus: unde & sequitur) *nihil tentationis accidet ultra vires tuas* (ergo in omnibus tentationibus habemus gratiam sufficientem, cum non superent vires nostras) hoc permittit Deus ad utilitatem tuam, unde tu possis proficere. Et serm. 249. sub finem commentans eadem verba Apostoli sic ait: talis *unicuique homini* (ergo singulis) tentatio datur, sive in carnis desiderio, sive in ambitione sæculi, vel etiam in *quacunque* tentationis molestia, qualem aut cum laudo vincere, aut cum *opprobrio* (propter scilicet negligentiam, aut pusillanimitatem, ob quam noluit resistere, cum posset) succumbere poterit. Ubi manifeste arguitur præsens gratia sufficiens. Et serm. 81. de diversis in fine, explicans eundem textum de impiis, & reprobis, sic ait: *non desunt imbres verborum Dei*, non sit sterilis in vobis ager Dei. Ubi sub nomine gratiæ externæ, designat gratiam internam, quæ numquam deest hominibus, unde monet eos, ut fructificent, quod inutiliter diceretur, & loquaciter, si ibi esset sola gratia externa Dei quandoquidem cum ea sola, nemo potest bene operari. Et serm. 17. firmundi post med. sic ait: *hic inter pericula, inter tentationes, & ab aliis, & à nobis* (ergo ab omnibus, & singulis, cum non solum velit id pertinere ad nos, sed etiam ad alios) *cæretur alleluia: fidelis enim Deus qui non permittet*, inquit, *vos tentari super id quod potestis*. Ergo & hic cantemus alleluia. Adhuc est homo reus, sed *fidelis est Deus*: non ait non permittet vos tentari, sed *non permittet vos tentari super id quod potestis*, sed faciet cum tentatione etiam exitum, ut possitis sustinere: intraisti in tentationem, sed faciet Deus etiam exitum ne pereas in tentatione, ut quomodo vas figuli formeris prædicatione, coquaris tribulatione. Sed quando intras, exitum cogita, quia *fidelis est Deus* (qui scilicet non permittet te tentari ultra vires acceptas: unde & sequitur) *custodiet Dominus exitum tuum, & introitum tuum*. Ubi luce clarius ostendit, in omnibus, & singulis tentationibus, semper adesse gratiam homini, qua superet eam si velit, idque tam certo, & infallibiliter id jubet sperari, quam certum, & infallibile est, Deum esse fidelem, & justum: unde & toties repetit illud Apostoli: *fidelis est Deus*: quia nempe ad justitiam, & fidelitatem Dei pertinet, non sinere, ut aliquis tentetur supra vires suas, cum, ut alibi indicat, Deus esset injustus, si puniret aliquem propter id quod non potuisset vincere, aut vitare: pro quo vide probat. sextan.

§. PRIMUS.

*In quo solvuntur obiectiones adversariorum prætendentium ;
Augustinum solum intellexisse prædictum locum Apostoli
de prædestinatis , & iis qui actu vincunt tentatio-
nem , & non de aliis.*

VErum huic nostræ probationi contrarij sunt aliqui , contrario modo interpretantes prædictum locum Apostoli , & dicentes quod id quod ibi dicit Apostolus , non pertinet ad omnes , & singulos , sed tantum ad prædestinatos , & ad eos solos qui vincunt tentationem. Sed quam longe ipsi distent à sensu Augustini , de quo solo hic agimus , facile demonstrare est ex dictis. Nam quod id vere pertineat ad omnes , & singulos secundum Augustinum , manifestum est ex loco quem allegavimus ex Psalmo 61. Ubi ait : quod qui dat potestatem tentatori , ipse tentato præbet misericordiam. Ubi facit inseparabilem misericordiam Dei , seu gratiam à tentato , per hoc indicans , quemlibet tentatum habere gratiam sufficientem , infra enim demonstrabimus , in probatione 15. per sensum indefinitum intellegere Augustinum singulos , & neminem excipere. Item & ex illo quem allegavimus ex Psalmo 94. ubi clare dicit : quod nulla tentatio est , quæ non acceperit mensuram à Domino : quam mensuram postea explicat esse vires nostras : si ergo nulla tentatio est , quæ non sic proportionetur viribus tentati , nullus igitur tentatus est , qui non sufficiat adæquate suæ tentationi. Item & in Psalmo 249 dicit : quod talis unicuique homini tentatio datur , quam vincere potest , nisi opprobrio suo succumbat : ergo id spectat secundum Augustinum ad omnes , & singulos , & non solum ad prædestinatos , & ad eos qui actu vincunt tentationem , ut volebant adversarij , sed etiam ad eos , qui non vincunt eam , quod maxime indicat Augustinus in postremo illorum trium loco , ubi ait aliquando succumbi tentationi cum opprobrio : nam qui sunt illi qui succumbunt tentationi cum opprobrio , nisi illi , qui propter suam negligentiam , aut pusillanimitatem , nolunt ei resistere , cum possent , & ideo est id illis in opprobrium , quod non esset in opprobrium , si non possent , cum ob impotentiam suam excusarentur. Dicendum igitur contra adversarios est , Augustinum censuisse , quemlibet tentatum habere gratiam sufficientem , vel proximam , vel remotam , quam habent etiam infideles , in quantum semper habent potentiam credendi in Deum remuneratorem bonorum , & puniorem malorum , quod sufficit ad orandum , & impetrandum à Deo auxilium secundum Augustinum , qui agnovit hanc potentiam in Cornelio , antequam in Christum crederet libro de prædest. sanct. cap. 7.

Licet autem, ut aiunt adversarii, inhuat Augustinus lib. de gr. & lib. arb. cap. 17. Petrum non potuisse sequi Dominum, quando dixit animam meam pro te ponam: non tamen per hoc negat in eo omnem veram potentiam, sed tantum proximam, quam solum communiter vocat Augustinus potentiam, ut supra explicuimus, & probavimus, unde & aliquando dicit eos non posse, qui non habent talem potentiam, in quibus tamen agnoscit aliam, scilicet remotam, quandoquidem in illis ipsis locis supponit illos ipsos posse orare, & impetrare adjutorium, quod sane sufficit ad vincendam tentationem. Imo & in ipsomet loco supra ab adversariis citato satis innuit Augustinus, Petrum & tunc habuisse gratiam remotam, scilicet gratiam orandi, cum dicat, eum & tunc habuisse aliquam charitatem (per quam indicat ordinarie gratiam actualem medicinalem Augustinus) licet parvam, & imperfectam, quæ sane ad minus potest orare, & petere auxilium: nam si sola fides ad hoc sufficit, ut communiter asserit Augustinus, (habebat autem tunc Petrus fidem, & non parvam) quanto magis id potest cum juncta est charitati, licet parvæ, & imperfectæ: unde quando Augustinus loquitur de peccato Petri, communiter tribuit illud superbix, quæ scilicet nimis confidens viribus suis, noluit humiliare se, ut peteret, & obtineret gratiam proximam, seu gratiam faciendi, petendo, & quærendo, & pulsando ad Deum, ut haberet illam: ex quo patet, quod Petro non deerat potestas, ut putabant adversarii, sed deerat humilitas, ut supra etiam vidimus ex eodem Augustino.

Vide præ-
fationem
nostram li-
bri de præ-
destinatione
ad glo-
riam.

Quantum autem ad id quod dicunt: scilicet quod exponens Augustinus prædictum locum Apostoli, in Psalm. 120. addit hæc verba, quæ solet Augustinus intelligere de solis prædestinatis: novit Dominus qui sunt ejus. Ex quo volunt inferre, quod intellexit locum illum Augustinus de solis prædestinatis, quasi illi soli haberent potestatem vincendi omnes tentationes suas, & non alij. Respondeo hoc esse falsissimum: tum quia non addidit prædicta verba Augustinus occasione prædicti textus Apostoli, sed occasione alterius quem exponit ex Psalmo: scilicet hujus: custodiat Dominus introitum tuum, & exitum tuum. Tum etiam quia in diverso omnino sensu ea ibi protulit Augustinus, quam quem prætendunt adversarii, cum tantum ibi indicet Augustinus, victoriam justorum de tentationibus suis esse soli deo cognitam, antequam vicerint: ipsis autem justis esse solum cognitam cum vicerint. Quod quam longe sit à prætenso sensu adversariorum nemo est qui non videat, cum ibi solum agatur de præscientia Dei supra scientiam hominum respectu exitus tentationum suarum: putarunt autem adversarii ibi agi de potentia vincendarum tentationum, quam unis deus daret & non aliis: & ibi solum aliquid tribuit Augustinus deo supra justos homines, putarunt autem adversarii ibi aliquid tribui justis hominibus supra ceteros homines, quod sane diversissimum, atque adversissimum est, & levissimam arguit istorum in

Licet ibi exitum sumat pro victoria tentationis, non sequitur quod ita sumat alibi: hic enim exitus ponitur sine addito, cum dicat Psalmista Dominus custodiat introitum tuum, & exitum tuum sine ulla modificatione: in textu autem Apostoli adduntur hæc modificatoria, & explicantia exitum, scilicet, ut possitis sustinere: quæ faciunt alium sensum, quem infra declarabimus.

legendo, atque intelligendo Augustino attentionem, seu potius maximam animi præventionem. Sic ergo se habet textus ille Augustini. Custodiat Dominus introitum tuum, & exitum tuum, ex hoc, & usque in sæculum (ecce textum quem exponit, non textum Apostoli) quid est (inquit) introitum tuum; quid est exitum. Quando tentamur intramus: quando vincimus tentationem, eximus; audi introitum, audi exitum. Vasa figuli probat fornax, ait scriptura: & homines iustos tentatio tribulationis. Si sic sunt homines iusti, quomodo vasa figuli, necesse est ut vasa fornacem intrent, & non quando intrant securus est figulus (quia nempe non habet notitiam futuri, unde timet de futuro, ut & iusti in tentatione, quia non habent notitiam futuri exitus tentationis, ideo timent, cum intrant in eam, quia nondum tunc securi sunt de victoria) sed (tantum) cum exierint. *Dominus autem securus est, quia novit qui sunt ejus.* Ecce ergo vides, cur dixerit verba illa Augustinus: novit Dominus qui sunt ejus: non certe ratione prædestinatorum ut sic, quemadmodum putarunt adversarii, quasi ad eos solos pertineret potestas vincendi suas tentationes, de quo ne minimum quidem ibi vestigium videas: sed ratione notitiæ, & præscientiæ Dei de exitu bono tentationis in hominibus, ob quam notitiam securus est Deus de illo bono exitu, dum solum ipsi intrant in tentationem, & antequam exierint: ob cuius scientiæ defectum securi non sunt homines de victoria, dum solum intrant, sed solum postquam exierint. Ubi tantum vides fieri comparisonem scientiæ Dei cum ignorantia hominis, scientiæ inquam Dei, quæ prænoscit exitum bonum tentationis in hominibus, ob quam scientiam securus est Deus de illorum victoria, etiam antequam exierint, cum ignorantia hominum, qui non cognoscunt futurum exitum suæ tentationis, dum intrant in eam, sed solum dum exiunt: non autem vides fieri comparisonem potestatis justorum, aut prædestinatorum, cum impotentia cæterorum ad vincendas tentationes suas, ut putabant adversarii perperam arbitantes ibi significari, seu indicari illam potestatem esse solum pro prædestinatis, & non pro aliis, de quo ne minimum quidem vestigium videas in toto illo textu, in quo solum notat præscientiam divinam præ ignorantia humana de futuro exitu tentationum: unde & sic proseguitur. *Novi qui in fornace non crepent* (id est novit qui non succumbant tentationi) illi autem non crepant, qui non habent ventum superbiæ (ob quam nolent orare, sed habent humilitatem ob quam orant auxilium & ideo exaudiuntur, & non succumbunt, ut mox sequitur) humilitas ergo custodit in omni tentatione, quia à convulle plorationis ascendimus, cantantes canticum graduum (quæ cantatio, est oratio) & custodit Dominus introitum, ut salvi intremus: sana fide sumus (per quam fit impetrans oratio) quando accedit tentatio, & custodit exitum ex hoc, & usque in sæculum. Ubi solum docet creaturam, quomodo in ignorantia sua possit habere aliqualem securitatem de futuro exitu

suarum

suarum tentationum, scilicet si humiliter utatur auxilio sibi à Deo præstito, ad orandum, & non de propriis viribus superbe sapiat: quod & adhuc commendat postea subjiciendo supradictum textum Apostoli, ubi supponens nos habere sufficientem gratiam ad vincendas nostras tentationes, hortatur nos ad prædictam humilitatem, ut non præsumamus de viribus nostris, sed de auxilio Divino, dicens: custodite ergo vos, sed non à vobis, quia Dominus tegumentum tuum qui custodit, qui non dormitat, nec dormit. Et infra *Nemo de se præsumat*. Et adhuc infra. *In nostra potestate est* (scilicet tentationem vincere) Deo donante, si eum nobis faciamus custodem (id est si fidamus in ipso, & non in nobis) qui non dormit, neque dormitat, quia ipse custodit Israel. Et tandem infra: si de te præsumperis, motus est pes tuus, si motus est pes tuus, jam putas te in aliquo gradu esse. Inde cadis, si superbus es, quia humilis in convalle plorationis dicit: ne des ad movendum pedem meum. Ubi nihil aliud præten- dit Augustinus, nisi quod omnes habent auxilium sufficiens ad vincendas suas tentationes, quo debent humiliter uti orando, quærendo, & pulsando ad Deum, & non illud contemnere superbia Pelagianica, fidendo viribus suis mere humanis, seu, ut ait, movendo suum pedem sine Deo, nihil prorsus ibi distinguens inter justos, & injustos: inter prædestinatos, & non prædestinatos: cum prædictus textus: novit dominus qui sunt ejus, quem contra objecerunt adversarii, non sit ibi ab Augustino adductus ad ostendendum, quid habeant prædestinati supra non prædestinatos, sed ad ostendendum, quid habeat deus supra homines in prænoscedo bono tentationum exitu, cum ille noscat eum antequam sit, homo autem solum postquam est: adducens illum locum solum propter verbum novit, & non propter aliud, ut supra satis ostendimus. Ex quibus concludendum est, hunc locum potius pro nobis esse, quam contra nos, ut ex dictis manifestum est.

§. II.

In quo reliquæ solvuntur objectiones ad eundem, qui supra, scopum collimantur.

SEd nec magis adjuvant adversarios ceteri, quos ibidem adducunt, loci, ut probent, Augustinum intellexisse prædictum locum Apostoli de solis prædestinatis, & non de aliis. Nam quantum ad caput 9. libri de dono perseverantiae. Nihil ibi affirmat Augustinus de ista materia, sed solum dicit quod possibile deo est adversas, & adversas in fidem suam hominum convertere voluntates, & in eorum cordibus operari, ut nullis adversitatibus cedant, nec ab ipso, aliqua superati tentatione, discedant: cum possit, & quod ait

Apostolus, facere : ut non eos permittat tentari, super id quod pos-
sunt. Ubi vides omnia esse de possibili, & non de facto, & ad con-
firmandum illud possibile, locum illum ab eo adduci, nihil cogitans de
aliis circumstantiis, cum non explicet ibi locum Apostoli, sed tan-
tum eum adducat, ut possibilitatem suam confirmet, quæ non est ad
propositum nostrum, cum loquamur de facto, & non de possibili.
Quantum autem ad tractatum in Psalmum 61. queni etiam citant ad-
versarij, nihil ibi reperi quod tantisper negaret, aut negare vi-
deretur, potestatem vincendi tentationes esse in reprobis, aut im-
piis, & innueret eam, esse solum in justis, aut predestinatis, imo
vero reperi, quod non obscure indicat eam esse in reprobis, im-
piis, & cæteris quodcumque tentati sunt, cum dicat quod qui dat
potestatem tentatori, ipse tentato præbet misericordiam : per hoc
indicans, quod eo ipso quo deus dedit diabolo potestatem tentan-
di aliquem, quicumque ille sit, dat illi tentato misericordiam, seu
gratiam, qua vincere possit tentationem, unde addit: quod ad men-
suram permittitur tentare eum diabolus, per hoc indicans, tenta-
tum recipere gratiam æqualem tentationi, necumquam deum sinere,
majorem esse tentationem quam gratiam datam. Quantum autem ad
tractatum in Psalm. 77. nihil etiam ibi reperi, quod neget illam gra-
tiam esse datam impiis, aut non predestinatis: & ibi potius loquitur
Augustinus de gratia efficaci ut sic, quam de sufficienti ut sic: unde
locus iste non videtur esse ad propositum. Cujus est, inquit, cum
deo spiritus creditus, fidelem tenet deum, qui non eum permittet
tentari supra id quod potest, sed faciet cum tentatione etiam exi-
tum, ut possit sustinere (non simpliciter sed) ne convertatur in die
belli, id est ne succumbat, quod dicit actum, & per hoc gratiam effica-
cem: si enim voluisset solum loqui de gratia sufficienti, vel non ad-
didisset illa verba, vel potius dixisset, & possit non converti in die
belli, sed quia voluit loqui de gratia efficaci ut sic, quam deus semper
dat piis, qui fideles sunt in servitio illius, ideo dixit: ne convertatur
in die belli: unde loquens è contrario de impiis, quibus solus deus
denegat gratiam illam secundum justitiam suam, sic addit: qui autem
in se non in deo gloriatur, quantumvis jactet pollicitationem virtutis
sue (mere humane secundum sensum Augustini, cum vituperat
eam) velut tendens, & mittens arcus (id est velut agens, aut non
agens ex mero libito suo sine gratia) convertitur in die belli (id est
succumbit in die tentationis) ubi vides solum eis negari actum & per
hoc solam gratiam efficacem in pœnam præsumptionis sue ut sequi-
tur) quia non est creditus cum eo spiritus ejus, non est cum illo et-
iam spiritus dei (scilicet actu protegens eum à casu, ut mox sequi-
tur) & sicut scriptum est, quia non credidit, ideo non protegetur.
Ibi ergo solum loquitur Augustinus de gratia efficaci, quam solis
impiis, seu non fidelibus in dei servitio denegatur, non autem
piis, & fidelibus in servitio divino juxta communem illius doctri-

nam quam probavimus in nostra disput. de prædest. ad gloriam : & in tractatu de indifferenti, &c. 2. parte sect. 52. §. unico sub finem : aut saltem loquitur de gratia proxima , quam non dat Deus istis præsumptoribus , & confidentibus in viribus suis , de quibus ibi loquitur , sed tantum humilibus , & non in se , sed in solo Deo confidentibus , à quo postulant illam gratiam , & impetrant eam , quam non impetrant omnes alij , qui præ superbia , & præsumptione sua nolunt eam petere , sed , ut ait Augustinus volunt tendere , & mittere arcum , id est bene , vel male agere ex seipsis , & non ex Deo : & sic nihil ibi est ad propositum , cum non dicamus , impios , & negligentes habere semper gratiam efficacem , aut sufficientem proximam , cum tentantur , sicut haberent pii , & fideles in servitio divino , sed solum asserimus eos habere gratiam sufficientem . seu proximam , seu remotam qua vincere possint tentationem , qua premuntur . Ut autem videas , illos etiam habere istam gratiam secundum Augustinum , lege si vacat sequentia , & videbis quod ij quibus negata gratia ibi est : in lege Dei *noluerunt* ambulare : quod in sensu Augustini præsupponit gratiam , qua potuerunt , & malam voluntatem , qua noluerunt in hac lege ambulare , & per hoc omnem tentationem sibi obstantem superare .

Quantum autem ad instantiam , seu quasi instantiam , quam contra proferunt adversarii putantes Augustinum postulasse orationem perseverantem usque ad finem vitæ , quod , inquit , solum pertinet ad electos , qui soli sunt petentes finaliter . Respondeo , quod id non habetur apud Augustinum , nec quidem insinuat in testimoniis ibi adductis . Nam cum dicit Augustinus in libro de Catechis. rud. cap. 25. humilis esto Deo , ut non te permittat tentari ultra vires tuas . Quid ibi de perseverantia finali in oratione . Item cum dicit in capite ultimo . Opera misericordiæ cum pia humilitate impetrant à Domino , ut non permittat servos suos tentari plusquam possint sustinere . Quid ibi de perseverantia finali in oratione . Item cum dicit in fine tractatus de urbis excidio . Oremus , & ingemiscamus ad Dominum , ut servetur erga nos , quod Apostolus dicit : fidelis qui non vos sinet tentari supra id quod potestis , sed faciet cum tentatione etiam exitum . * Quid adhuc ibi de perseverantia finali in oratione . Item cum dicit lib. 2. de serm. in monte domini cap. 9. exponens illam partem orationis dominicæ , ne nos inducas in tentationem . Deus induci patitur eum quem suo auxilio deseruerit ordine occultissimo . Et cum , quibusdam interjectis , adferens hæc Apostoli verba : fidelis Deus &c. sic ait : in qua sententia satis ostendit , non id nobis orandum esse , ut non tentemur , sed ne in tentationem inducamur : inducimur autem , si tales acciderint , quales ferre non possumus . In quibus omnibus nihil video de perseverantia finali in oratione , ut necessaria ad impetrandum à deo , ne sinat nos tentari supra id quod possumus . Ex quo non solum infringitur ad-

Parte 2.
sect. 1. §. 2.
puncto 7.

Ioci additi ab adversariis.

Nota illi opera misericordiæ impetrare gratiam à Deo , sicut ipsam orationem , & sic ea pertinere ad gratiam sufficientem remotam , sicut ipsam orationem .

* Ibi omiserunt adversarii hæc verba quæ adduntur apud Augustinum . Scilicet : ut peccatis sustineret.

versariorum instantia, quæ fundabatur in illis testimoniis, quasi in-
nuentibus necessariam perseverantiam finalem in oratione, sed etiam
labefactatur tota eorum opinio, cum in illis locis nulla fiat mentio
de perseverantia in oratione, ut necessaria ad obtinendum, ne supra
vires tentemur, quod certe moraliter esset impossibile, si illa neces-
saria foret ad vincendas, aut non habendas ejusmodi tentationes; quæ
fieri enim posset, ut in tot locis, ubi loquitur Augustinus de oratio-
ne, ut necessaria ad vincendas illas tentationes, aut non habendas,
non meminisset istius circumstantiæ prorsus secundum adversarios ne-
cessariæ ad veram intelligentiam illius loci, & doctrinæ de tentatione:
hoc incredibile est, præcipue cum in uno illorum loco recenscat ea,
quæ id impetrant à domino, scilicet opera misericordiæ, & oratio-
nem, & nihil dicat de prædicta finali perseverantia in ea.

Ad id autem quod tandem notant, sanctum Augustinum, ubi no-
stet interpres habet, faciet cum tentatione proventum, ponere fa-
ciet cum tentatione exitum, quod videtur significare victoriam. Res-
pondeo quod raro habet Augustinus exitum simpliciter, sed fere sem-
per cum illo addito, quod est in textu Apostoli, scilicet: ut susti-
nere possitis, per hoc indicans se per illum exitum, nihil aliud intel-
ligere communiter quam exitum ab impotentia ad potentiam sustinen-
di tentationem per gratiam, ut scilicet is, qui non poterat per se su-
stinere tentationem, fiat, aut evadat per gratiam, seu per auxilium
à Deo præstitum, potens ad sustinendam illam, unde sæpe allegat
textum illum contra Pelagianos superbos, & de se præsumentes, qui
negabant gratiam Dei esse necessariam ad vincendam absolute ten-
tationem, & sibi arrogabant illam potentiam, ut sibi propriam, &
congenitam, & non à Deo ad singulos actus mutuata, nihil ipse
curans de actu, sed tantum de potentia, quæ sola erat inter eum,
& illos controversa: illis volentibus eam esse ex natura, illo autem
ex gratia. Unde non videtur aliter illum locum intellexisse Augusti-
nus communiter, quam Cyprianus ibi ab adversariis ipsis relatus,
qui pro eo quod est in textu Apostoli sed faciet cum tentatione exi-
tum, ut possitis sustinere, sic habet: sed faciet cum tentatione, eva-
dendi facultatem. Quam versionem, etsi non approbent adversarii,
nullam de eo rationem adducentes, nobis valde probatur, ut prorsus
conformis sensui Apostoli, qui voluit objectum istius auxilij, per
hoc verbum, faciet, expressi, esse sustinendi potentiam, sive eva-
dendi facultatem, ut possitis, inquit, sustinere: quod si per exitum
intellexisset victoriam, præpostere sic poneret actum, ante poten-
tiam cum potentia debeat esse ante actum. Sensus enim esset quod
Deus faciet victoriam in homine, ad hoc ut homo vincere possit:
quod stultum, & ridiculum est, cum potentia sit ad victoriam, seu
ad hoc ut vincat homo, non autem victoria ad potentiam, seu ad
hoc ut homo possit vincere, sive reportare victoriam; prius enim est
posse, quam facere, ut per se manifestum est.

Eodem
modo in-
terpreta-
tur hanc
locum Pri-
masius Au-
gustini dis-
cipulus,
qui pro eo
quod est in
textu Apo-
stoli: sed
faciet cum
tentatione
proventum,
ut possitis
sustinere:
sic habet:
illud faciet
vobis pro-
venire, quod
petitis
suscipere.

SECTIO NONA.

In qua proponuntur duæ sequentes probationes sumptæ ex diversis phrasibus Augustini.

13 **P**ROBATIO est, quia sipe loquens Augustinus de gratia divina ad salutem necessaria, dicit eam nulli, aut nemini negatam, aut dicit omni datam, & similia indicantia omnes, & singulos eam habere: ergo voluit omnes, & singulos habere illam gratiam necessariam, seu sufficientem ad salutem: consequentia clara est: probatur anteced. ex diversis illius locis: sic enim ait in Psalm. 18. non longe ab initio. Cum autem verbum etiam caro factum est, & habitavit in nobis, non permisit ullum mortalium se excusare de umbra mortis (id est de damnatione quam incurrit) ipsam enim penetravit verbi calor. Id est gratia Christi. Et in Psalm. 102. in hæc verba: Qui faciat in bonis desiderium tuum &c. sic ait: sanat omnino ille quemlibet languidum (dans scilicet ei gratiam sufficientem qua sanetur à languore suo, si velit & ut possit etiam agere opera bona, & sana) sed non sanat invitam. Ubi nullum excepit nisi invitum, seu resistentem: quia nempe non dat gratiam necessitantem, sed tantum invitantem, & indifferentem. Et tract. 2. in Joann. explicans illa verba. Erat (scilicet Christus) lux vera, quæ illuminat (per gratiam suam) omnem hominem venientem in hunc mundum. Clare indicat illam particulam omnem, ibi significare singulos, cum per eam velit significari ipsum Joannem. Si omnem, inquit, hominem venientem & ipsam Joannem. Idem habet in serm. 8. Sirmundi ante medium. Et lib. de vera relig. sub finem: nulli, inquit, natura, quæ ab ipso (Deo) bona esse posset, invidit. Et in bono ipso alia quantum vellent, alia quantum possent, ut manerent, dedit. Et paulo post. Placuit, inquit, auri suæ, ut non interiret, quicquid ab eo per verbum factum est. Id est ut nihil eorum interiret, & per hoc omnes, & singuli gratiam sufficientem haberent ad salutem. Et lib. 2. de serm. dom. in montecap. 9. circa med. nullam ait esse animam, quamvis perverfam, quæ tamen ullo modo ratiocinari potest, in cuius conscientia non loquatur Deus. Et in 2. parte supplem. serm. 40 ante med: sic ait: consideret unusquisque conscientiam suam, & si in se superbiæ malum (quod impedit communiter usum gratiarum Dei) dominari cognoscit, ad humilitatis medicamenta confugiat. Ergo potest confugere, ergo per hoc patet unumquemque gratiam sufficientem habere. Quod & infra repetit dicens: unde sicut jam dixi, unusquisque reverat ad conscientiam suam, & si in se radicem superbiæ dominari cognoverit, dum scilicet. & tempus beneficiendi in sua potestate consistit: quanta potest velocitate

cum Dei adjutorio extirpet *superbiam*, & plantet *humilitatem*, &c. ergo unusquisque id potest, & proinde habet unusquisque gratiam sufficientem ad salutem. Et lib. 3. de lib. arb. cap. 19. nulli, inquit, *homini ablatum* (id est negatum) est, scire utiliter quærere, quod inutiliter ignorat, ut quærenti, & consueti ille subveniat, qui nec errat dum subvenit, nec laborat. Et serm. 61. de temp. initio clare dicit: quod nullus invenitur, qui charitatem perfectam (quæ sine dubio est gratia Dei per se sufficientissima ad salutem, cum ei debita sint cætera auxilia ad salutem necessaria) cum Dei adjutorio non possit habere. Quod si quis cavillari velit, & dicat: hoc quidem ita esse, sed Augustinum non asserere, quod illud adjutorium ad illam charitatem habendam necessariam nobis semper suppetat, audiat sequentia. In reliquis (inquit Augustinus) operibus bonis interdum potest aliquis qualemcumque excusationem pretendere, in habenda verò dilectione nullus se poterit excusare. At certe si ei deesset adjutorium, ad id necessarium, quis non videat eum non solum excusationem qualemcumque, ut alijs à cæteris bonis operibus posse pretendere, sed iuste, & legitime posse allegare. Quod & late prosequitur dicens: potest mihi dicere aliquis, non possum jejuna, *numquid potest dicere non possum amare* (ita sane si deesset ei adjutorium ad id necessarium, cum tunc non minus esset impotens ad amandum, quam ille ad jejundandum) potest dicere; propter infirmitatem corporis mei non possum à vino, vel à carnibus abstinere; *numquid potest dicere non possum diligere*. Ubi semper supponit adesse gratiam sufficientem ad diligendum Deum, propter quod non excusatur ullus à diligendo Deo, sicut excusari potest ab abstinendo, sive à vino, sive à carnibus sibi necessariis, ob infirmitatem suam. Et serm. 92. de diversis cap. 3. loquens de eadem lucidissima charitate, quæ refulsit in Stephano, reprehendit eos qui ab imitanda illa vellent se excusare, dicens: *nemo mihi dicat: multum est ad me: homo erat, homo es. Sed non accepit à se. Numquid accepit, & clausit tibi. Fons communis est, bibe unde bibit, beneficio Dei accepit &c.* Et serm. 4. ex parisiensibus cap. 6. clare dicit: quod *nulli deest Christus*, & quod ipse in omnibus plenus est. Et lib. 5. contra Inl. cap. 4. circa initium dicit: quod deus præbendo patientiam dat locum pœnitentiæ, *volens aliquem perire*. Et lib. medit. cap. 2. ait: Deum nullum spernere, *neminem abjicere neminem perhorrescere*, nisi qui forte amens illum exhorruerit. Et lib. annotat. in Job cap. 39. ait: quod in voluntate cuiusque est, utrum tenebræ sit, an lux, id est, an bonus sit, aut malus, an prædestinatus, an reprobus. Et tract. de excidio urbis cap. 2. ait quod Deus non *vult invenire quem damnet*. Idem habet serm. 4. Sirmundi sub finem. Et in 2. parte supplem. serm. 32. circa med. sic ait: *quisquis beatus vult esse, ad regnum cælorum festinet, nulli clausum est, nisi ei qui se excluderit*. Et libro 1. operis imperfecti. cap. 43. cum Julianus adduxisset hæc verba S. scripturæ: *deus fecit hominem, & dimisit eum in manibus*

consilij sui, *posuit ante eum vitam & mortem, aquam & ignem*, quod placuerit ei dabitur ei, & similia significantia potestatem liberam ad salutem, aut damnationem, quasi nempe hæc essent in potestate hominis sine gratia in voluntate necessaria: sic respondet Augustinus admittens eandem potestatem in singulis, sed ad id gratiam sufficientem præstitam, dicens: hæc testimonia propter illam voluntatem dicta sunt in qua quisque id quod vult facit, ut si non habetur, ab eo postuletur (ubi vides gratiam sufficientem remotum supponi) qui in nobis operatur & velle: si autem habetur (quæ est gratia proxima) fiant opera iustitiæ, & ei qui illam operatus est, agantur gratiæ. Per quæ omnia satis declarat Augustinus se omnino putasse quod omnes habent, & singuli gratiam sufficientem, seu necessariam ad salutem, cum neget Deum ulli deesse, & asserat eum omni adesse, ut ex dictis manifestum est.

14. Probatio est: quia multis locis asserit Augustinus: gratiam semper, & ubique adesse, illam non deesse, numquam deesse, & similia, quæ satis, ut opinor, indicant, illum censuisse talem gratiam omnibus, & singulis datam esse: nam si semper, & ubique datur, & numquam negatur: ergo singulo cuique datur: nam si alicui non daretur, cum hoc non possit accidere, nisi in aliquo loco, & tempore, non semper, & ubique daretur, quod est contra suppositionem: unde sola ista probanda suppositio est, seu hoc antecedens entymematis: scilicet, quod docuit Augustinus gratiam semper, & ubique adesse, numquam deesse, sive quid æquipollens: Sic ergo id docet Augustinus libro 2. de sermone Domini in monte capite 3. sub finem dicens: quod deus *semper paratus est dare suam lucem nobis*, non visibilem, sed intelligibilem, & spiritalem: sed nos non semper parati sumus accipere, cum inclinamur in alia, & rerum temporalium cupiditate tenebramur. Ecce ergo quomodo gratia semper adest nobis, & quomodo semper paratus est deus nobis dare gratiam suam. Ecce nunc quod ubique: sic enim ait lib. 3. de lib. arb. cap. 19. cum autem *ubique sit præsens*, qui multis modis per creaturam sibi domino servientem, aversum vocet, doceat credentem, consoletur sperantem, diligenter exhortetur, conantem adjuvet, exaudiat deprecantem non tibi deputatur ad culpam quod invitus ignoras, sed quod negligis. querere quod ignoras: qui locus celebris repetitur, & approbatur libro de nat. & gr. c. 67. ut recta docens de gratiâ: nam post eum ibi citatur sic ait Augustinus. Ita & exhortatus sum, quantum potui, ad recte vivendum, & gratiam Dei non eracuari, sine qua natura humana jam contenebrata, atque vitiata illuminari non potest, & sanari: de qua re cum istis (scilicet Pelagianis) tota vertitur quaestio, ne gratiam dei, quæ est in Christo Jesu domino nostro perversa naturæ defensione frustremus. Ecce ergo quomodo semper & ubique gratia, seu deus adest nobis: quibus & adde hunc textum ex Epist. 50. sub finem ubi ait Augustinus: *quandiu hic vivit* (scilicet homo):

cum sicut dicit Apostolus patientia Dei ad poenitentiam adducit. Et serm. 44. de diversis cap. 6. sic ait : conamini cogitare fratres *lumen veritatis*, *lumen sapientie* quomodo *ubique est præsens omnibus*, conamini cogitare lumen iustitiæ, præsens est *omni cogitanti*. Et paulo post. Quid ergo est lumen iustitiæ, de oriente surgit, & in occidentem vadit : an est alius locus unde oritur, aut quo venit, *nonne ubique præsens est*. Et in Psalm. 91. circa initium. *Non cessat*, inquit, *Deus monere bonum*, ut non cessat Satanas suadere malum. Et in Psalm. 102. in hæc verba : noli oblivisci omnes retributiones ejus. *Non cessavit*, inquit, *vocare*, aut vocatum neglexit instruere, aut instructum cessavit perficere, aut perfectum neglexit coronare. Et multo post sic ait : *vocat undique ad correctionem*, *vocat undique ad poenitentiam* vocat beneficiis creaturæ, vocat impertiendo tempus vivendi, vocat per lectorem, vocat per tractorem, vocat per intimam cogitationem, vocat per flagellum correptionis, vocat per misericordiam consolationis, longanimis & multæ misericordiæ. Et conc. de emerito sub finem sic ait : ille (scilicet Deus) intus prædicat pacem, *nec cessat prædicare*, si audiat. Et Homil. 7. de diversis in 1. parte suplem. circa initium : ecce, inquit, epulæ paratæ sunt, iustitia Christus est, *nusquam deest*. Et tract. 2. in Joann. loquens de Deo ut de luce (quo verbo significat gratiam) quæ lucet in tenebris sic ait : ecce hic est & modo & hic erat & semper hic est & numquam recedit. Opus est ut habeas unde videas quod tibi *numquam recedit*, opus est ut tu non recedas ab eo *qui nusquam recedit*. Ubi manifeste vides Augustinum docere, Deum numquam & nusquam à nobis recedere, non cessare à monendis, & docendis hominibus, semper, & ubique adesse : quod luce clarius indicat, eum omnibus, & eorum singulis dare gratiam sufficientem,

SECTIO DECIMA.

In qua proponuntur due alie probationes sumptæ ex aliis quibusdam phrasibus Augustini.

15. **P**ROBATIO sumitur ex illis locis, in quibus Augustinus loquens homini simpliciter, & absolute, & per hoc omni homini, indicat, ab eo, seu ab ejus voluntate pendere, quod salvetur, si velit, aut quod ea faciat, unde salvetur si voluerit : ex quo manifestum est, quod ipse supposuit, quemlibet hominem posse salvari, si velit, & ad id habere gratiam sufficientem : nam cum sic loquatur homini simpliciter, & absolute, non est potior ratio, cur id huic potius attribuat, quam alteri. Ergo id convenit omni homini secundum Augustinum ; & sic manifestum est, Augustinum voluisse omnes, & singulos

singulos homines habere gratiam sufficientem ad consequendam suam salutem: consequentia clara est, nam & hunc ipse esse sensum suum manifestat Augustinus: homil. 11. ex 50. circa initium his verbis: *tu qui non vis corrigi, o quisquis hic es, qui adhuc non vis corrigi: quia si unus sit, magis debui dicere: quicumque hic estis: tu tamen qui hic es, qui non statuisti corrigi, sic loquar quasi ad unum* (non quod esset unus, sed cuilibet in particulari loquebatur, loquens tamen ad omnes, & singulos, ut patet ex sequentibus his verbis) *quisquis non vis corrigi, quid tibi promittis &c.* & libro 2. contra Cresconium grammaticum cap. 26. in fine: ex simili modo loquendi neminem vult excipi, ex eo enim quod dicit script. *oleum peccatoris non impinguet caput meum: & qui baptisatur a mortuo, quid ei prodest sanatio ejus: quæ sunt propositiones indefinitæ, vult Augustinus simul cum grammatico illo, contra quem disputabat, illas intelligi de singulis, & neminem ab eis excipi, nullus, inquit, mortuus, nullus peccator exceptus est. Et libro contra mendacium cap. 1. ex eo quod scriptura vetat absolute, & simpliciter mendacium, vult per hoc intelligi omne, & quodcumque mendacium. An quia, inquit, non dictum est: perdes omnes qui loquuntur omne mendacium, vel qui loquuntur quodcumque mendacium, ideo putandum est, alicui mendacio locum relaxatum esse &c. ex quo patet quod per hunc modum loquendi intelligit omnes & singulos. Probat ergo nunc antecedit ex multis illius locis nam lib. 22. contra Faust. cap. 22. post medium ait: quod homo potest peccare, & Deum negare, *sed si nolit, non facit*. Ergo pendet ab eo, seu ab ejus voluntate, quod non peccet, & sic non damnatur. Et serm. 14. de sanct. cap. 7. sic ait: *si vis, tu es sedes Dei, id est, justus*. Et serm. 5. de diversis cap. 6. sic ait: *si vult homo, heri fuit palea (id est improbus) hodie fit frumentum*. Id est electus, & bonus. Et serm. 36. cap. 9. *si, inquit, nolueris, non erit.* (scilicet tua damnatio) Et infra. *time pœnas in æternum, non venient si nolueris*. Quid clarius. Et serm. 31. Simeundi ante med. *ostenditur tibi mors, scilicet æterna, quæ, si volueris, non erit*. Et post med. *mors æterna, si nolis, ideo non erit, quia illud (scilicet justitia & perseverantia in ea) unde te ab ista morte redimes, si volueris, erit*. Et in Psal. 32. conc. 2. loquens indefinite peccatori sic ait: Deum, *sem volueris, habebis*. Et in Psalm. 39. in hæc verba non celavi misericordiam tuam, &c. longe post med. *vis inquit, audire misericordiam Domini, recede à peccatis, donabit peccata: vis audire veritatem (id est sententiam tuæ salvationis in die judicii) tene justitiam, coronetur justitia: modo enim misericordia tibi prædicatur, postea veritas exhibebitur*. Et in Psalm. 57. sic objurgat peccatorem dicens: *non vis converti: ut scilicet negligentem suam conversionem, quæ in ejus potestate erat, qui enim non vult, potest secundum Augustinum unde Psalm. 61. in hæc verba semel locutus est Deus &c. dicit: quod qui dat potestatem tentatori, dat tentato misericordiam: id est potentiam resistendi: propter quod sic mox hortatur**

Augustinus lib. 2. de actis cū fornice Manich. c. 5. sic explicat nolle: *quis inquit servare legem non vult, in potestate ejus est, si vult*. Et serm. 232. de temp. circa init. opponit voluntatē impotentie dicens: *quod implere nolumus, non potuisse nos dicimus, nolle in culpa est nostra, et non posse præceditur*. Et in infra citando lib. de gr. & lib. arb. c. 2. clare dicit: quod ubi dicitur noli hoc, aut noli illud, lib. arbitrium demonstratur. Quod sane non reperitur, ubi est impotentia: ergo id indicat potentiam,

quemlibet tentatum. Noli ergo timere permissum aliquid facere tentatorem, habes enim misericordissimum salvatorem. Et in Psalm. 63. sub finem sic hortatur peccatorem ad conversionem suam faciendam ex consideratione suæ potentiae, & gratiae datæ, aut paratæ, dicens: *nonne si vis, hodie fit, nonne si vis, modo fit.* Et in Psalm. 90. conc. 1. circa init. *si vis*, inquit, securus ambulare, *noli* declinare in dexteram, aut in sinistram. Ut quid nempe pendens ab ipso. Et in Psalm. 95. circa med. sic ait. Non est magnum esse super dæmonia (id est vincere eorum tentationes, quæ nos deducunt ad peccatum, & deinde ad damnationem) *poteris hoc, & tu si volueris.* Et in Psalm. 101. sub finem: *noli*, inquit, *esse sterilis* (scilicet in bonis operibus) *si vis habitare* (scilicet regnum cælorum) & in Psalm. 102. longe ab initio salutem, *si volueris, obtinebis.* Quid clarius. Et lib. 5. cont. Iul. c. 16 post med. sic eum roganti illi hæretico: fateris ergo ita virtutem pudicitiae à voluntis posse servari, ut sit, *quicumque voluerit, corpore sanctus, & Spiritus.* Sic respondet Augustinus. *Respondeo me fateri.* Ubi clare admittit in cuiuslibet esse potestate, ut sit sanctus corpore & Spiritu. Quia est recta via ad vitam æternam: sed quia iste hæreticus, ibi non supponebat gratiam datam, sic prosequitur responsionem suam Augustinus dicens. Sed non sicut vos, nam vos ipsius animi viribus (scilicet solis) hoc tribuitis: ego adiutæ per gratiam voluntati. Id est utrique admittimus id esse in potestate hominis, & id pendere ab ipso sed id vultis esse ex mera natura, sed nos volumus id esse ex concessa cuiuslibet gratia. Et libro de gr. & lib. arb. mirum est quantis inculcet istam potestatem hominis, atque ab eo dependentiam: unde attribuit ei cap. 2. hæc verba scripturæ. *Si volueris, conservabis mandata, apponet tibi ignem, & aquam, ad quodcumque volueris extendere manum tuam.* In conspectu hominis vita, & mors, & quodcumque placuerit, dabitur ei. Post quæ, ut ostenderet ea esse in hominis arbitrio, potestate, atque dependentia sic ait: ecce apertissime videmus expressum liberum humanæ voluntatis arbitrium. Unde & postea congerit hæc verba scripturæ, indicantia hanc indefinite cuiuslibet hominis potestatem, atque ab eo dependentiam. Scilicet. *noli* vinci à malo, *noli* deficere à disciplina Domini: *noli* negligere legem, *noli* abstinere benefacere egentibus, *noli* fabricare in amicum tuum mala, *noli* intendere fallaci mulieri. Post quæ sic ait: nempe ubi dicitur: *noli* hoc, & *noli* illud, & ubi ad aliquid faciendum, vel non faciendum in divinis monitis opus voluntatis exigitur, satis liberum demonstratur arbitrium (unde & sequitur) *nemo* ergo Deum causetur in corde suo, sed sibi imputet *quisque* cum peccat. Per hoc clare indicans, in cuiuslibet esse potestate, & arbitrio non peccare, non vinci à malo, lege Dei non transgredi, & consequenter non damnari. Quod si quis dicat in his & in multis aliis supraallatis testimoniis non fieri mentionem de perseverantia, sine qua nemo potest salvari. Respondeo 1. satis eam illam declarasse per hæc verba paulo supra allata:

noli vinci à malo , & noli deficere à disciplina Domini , & per hæc longe antecedentia quod homo non peccat , si non vult : quod pœnæ æternæ non ei venient , si non vult : quod est super dæmonia , & per hoc super omnes tentationes , si voluerit : & quod salutem , si voluerit , habebit. Respondeo 2. quod id satis alibi aperte declaravit scilicet libro de corrept. & gr. cap. 7. ubi loquens indefinite de homine converso , sic ait. *Homo in eo quod audieras , & teneras perseverares si velles.* Quo nihil clarius dici poterat. Ex quo manifestum est , omnes homines habere gratiam sufficientem ad salutem suam consequendam , quandoquidem , & ad incipiendum , & ad perseverandum habent sufficientem potestatem , si ea uti velint , & cum hoc pendeat ab eorum voluntate , ut ex dictis manifestum est.

16. Probatio similis fere præcedenti est , & sumitur ex his locis , ubi loquens Augustinus generaliter de nobis , ponit formaliter , aut æquivalenter salutem nostram in nostra voluntate , in nostra potestate , & in nostra electione , quod clare indicat , eum supponere , nos omnes , & singulos ad id habere gratiam sufficientem : unde & in aliquibus illis clare exprimit singulos. Nam 1. ponit nostram istam salutem in nostra voluntate : libro 1. de lib. arbitrio cap. 12. post med. ubi loquens de vita recta , & honesta , seu de bona voluntate , quæ sane fons , & origo est bonorum operum , & per hoc vitæ æternæ , sic ait : vides igitur jam ut existimo *in voluntate nostra esse constitutum* , ut hoc , vel fruamur , vel careamus tanto , & tam vero bono. Et cap. 16. circa initium sic ait : quid autem *quisque* sectandum , & complectendum eligat , *in voluntate esse positum constituit*. Quod etiam approbat in retract. suis libro 1. cap. 9. modo non intelligatur in sensu Pelagiano , quasi id esset in voluntate nostra sine gratia , sed vult id solum esse in voluntate nostra per gratiam : quod & nos omnino supponimus , cum ex hoc testimonio adesse semper nobis gratiam sufficientem inferamus , ubi & nota quod ibi exprimit singulos per *et quisque*. Et lib. 2. de actis cum sælice Manichæo , qui liber conscriptus fuit post Episcopatum suum , quo tempore à Deo edoctus erat de gratia. Sic ait : cap. 4. habet *unusquisque in voluntate* , aut eligere quæ bona sunt , & esse arbor bona , aut eligere quæ mala , & esse arbor mala. Ubi nota *unusquisque* , quod designat singulos. Ubi quidem non est commemorata gratia , sed supposita , quia cum tali disputabat , cum quo necesse non erat loqui ex professo de gratia , ut bene monet in retract. lib. 2. cap. 8. sælix enim erat Manichæus , & non Pelagianus. Et lib. annot. in Job quem , sicut & præcedentem , condidit Episcopus cap. 39. post med. sic ait : *in voluntate cuiusque est , utrum tenebra sit , an lux.* Id est ut ibi explicat : justus , aut injustus : quod & vult pertinere ad unumquemque ut patet , & per hoc ad singulos. Et lib. de vera relig. cap. 6. ante med. idem dicit : cum ait quod : in hac area , id est Ecclesia : *pro voluntate quisque , vel palea , vel frumentum est.* Id est probus , aut electus , aut malus , aut reprobus. Utrouque enim

modo sumit paleam, & frumentum, sed quolibet illorum modo hinc fumantur indicant gratiam sufficientem dari cuilibet, ut patet ex hoc vocabulo, *quisque*. In quo nihil retractavit Augustinus ut videre est in retract. suis libro 1. cap. 13. & in Psalm. 102. longe post initium dixisset quod Deus sanat omnem spiritaliter languidum, sic ait: quid autem te beatius, quam, ut tanquam in manu tua vitam, sic habes in voluntate tua sanitatem tuam: scilicet spiritalem, quæ vel ipsa vita æterna est, quomodo sæpe sumit eam Augustinus, vel via recta ad ipsam. Ubi quidem non est commemorata gratia, sed supposita, quia loquebatur Catholicis quos bene sciebat instructos esse in doctrina de gratia. Sic ergo dicit salutem nostram esse in voluntate nostra vel formaliter loquens de ipsa, vel æquivalenter, loquens de iis quæ conducunt ad ipsam.

Quod autem sit in potestate nostra multis id indicat locis Augustinus: sic enim lib. contra adim. cap. 5. dicit scripturam docere, quod *in nostra potestate ab ipso Deo possumus esse*, nos similes esse Deo. In quo loco nihil retractavit. Et lib. de fide contra Manich. c. 9. ait, *esse in potestate hominis facere bene, aut male*. Et serm. 112. de divers. cap. 2. dicit non esse in hominis potestate quo exitu vitam istam finiat, *se d esse in potestate hominis quomodo vivat, ut securus vitam finiat*. Id est, ut vitam consequatur æternam: quo nihil frequentius insinuavit, aut inculcavit Augustinus sic enim serm. 61. de tempore versus finem ait, *quod in nostra potestate possumus esse*, qualiter in die iudicii iudicemur. Et serm. 67. sub finem dicit, *in potestate nostra esse remedia ad salutem*. Et serm. 94. cap. 3. dicit *in potestate nostra esse operari nostram salutem*. Et serm. 36. de diversis sub finem. In potestate, inquit, habes ne venias tibi quo timere debes. Scilicet damnatio æterna, ut prius explicuerat. Et in Psalm. 7. sub finem ait: *diabolo non consentire in potestate nostra esse voluit*, qui nos fecit. Et in Psalm. 61. sub finem ait, *quod Deus dedit hominibus potestatem faciendi quod bonum est, & non faciendi quod malum est*. Et in Psal. 70. loquens indefinite singulis immediate ante enarrationem 1. partis ait: non erat in potestate tua, ut non nascereris ex Adam (hoc sine dubio convenit omnibus, & singulis, ita ergo & quod sequitur, ut comparatio legitima sit) *est in potestate tua, ut credas in Christum*. Et in Psalm. 141. circa initium loquens de temptationibus quæ nos deducunt ad peccatum, sic ait: tentator non cessat pullare, ut irrumpat: si clausum invenerit, transit, ideo Apostolus: *quia in nostra potestate est ostium claudere* (id est temptationes vincere) *ostium cordis, non parietum, ibi enim & cubiculum*. Quia ergo *in nostra potestate est hoc ostium claudere*: neque detis, inquit, locum diabolo. Etenim si intravit, & possidet: attende, *quis tu negligenter clausisti, aut claudere neglexisti*. Ubi & vides consensum in peccatum, seu in temptationem, & per hoc damnationem æternam, nulli tribui impotentie, sed soli negligentie, quæ supponit adesse potentiam in oppositum. Unde & paulo post cuilibet indefinite di-

cit: timor, & cupiditatis januam claudere contra diabolum, & aperiri ad Christum. Ut quid omnino supponens existere in nostra potestate, quod si fideliter facimus, sine dubio salvi erimus; Et libro de nat. & gr. cap. 34. sub finem clare dicit: quod fuit in nostra potestate, ut vitia, seu peccata nostra, non accedant. Et libro 1. retract. cap. 22. ait, in potestate esse hominis mutare in melius voluntatem. Et paulo post. In nostra etiam esse potestate, ut vel inferi bonitate Dei (quod est salvari) vel excidi (quod est damnari) ejus severitate mereamur. Quo nihil dici clarius, aut efficacius poterat secundum nostram intentionem: ad quæ tamen omnia præsupponit gratiam sufficientem, quam negabant Pelagiani, totum ponentes in natura, & virtute humana, & nihil in virtute divina, contra quos ibi agebat Augustinus.

Quod tandem ponat salutem nostram in electione nostra Augustinus, multis adhuc illius locis probari potest. Nam in Psalm. 36. conc. 1. circa initium loquens de futura pace piorum propter bona opera sua, & de labore impiorum futuro propter mala opera sua in die judicii, sic quemlibet alloquitur, dicens: *elige* (utrumvis) dum tempus est. Et in Psalm. 53. circa initium equidem, inquit, *nunc eligendi potestas adjacet*, veniet tempus quando potestas deerit eligendi, cum jam Deus non differet sententiam judicandi. Et in Psalm. 74. sub finem quemlibet alloquens dicit. *Modo est tibi tempus eligendi*, tunc non erit: scilicet in die judicii. Et eodem modo loquens in Psalm. 93. circa med. *elige tibi*; temporalem vis laborem, an sempiternam penam. Et in Psalm. 144. ante med. sic ait: *tempus electionis nunc est*, acceptionis postea erit. Scilicet in die judicii. Et serm. 36. de diversis sub finem loquens unicuique indefinite sic ait: *si elegeris hic bene vivere*, in æternas pœnas non mitteris: quia vero non potes hic, ne moriaris: *elige cum visis ne in æternum moriaris*. Et serm. etiam 50. de diversis loquens cuilibet indefinite, sic ait: *si dimiseris manum ad justitiam*, pereant divitiæ, si dimiseris manum ad divitias necesse est, ut amittas justitiam, *modo elige*. Scilicet justitiam aut injustitiam. Et sermone duodecimo ex additione Lovaniensium capite 10. sic ait: *modo eligite, aut dextram, aut sinistram*, id est vitam æternam, aut ignem æternum. Et serm. 18. de verbis Apostoli cap. 3. erit, inquit, cælum novum, & terra nova, ibi impij, ibi mali ibi nequissimi habitare non sinuntur: *eligat modo qui talis est*, ubi desideret habitare, cum tempus est. Et in fragmento 11. cuilibet indefinite loquens in hoc statu naturæ lapsæ. Sic ait: *egrote quomodo sanaberis*, qui de medicamento erubescis, *elige tempus*, nunc est tempus, postea contemptus. Et infra: *elige hoc tempore quam partem teneas in futuro*, ex quibus omnibus manifestum est, Augustinum censuisse nostram salutem esse in nostra electione, sicut & in nostra potestate & voluntate, & per hoc etiam censuisse omnes & singulos habere gratiam sufficientem ad salutem suam consequendam si ea uti voluerint.

SECTIO UNDECIMA.

In qua due sequentes proponuntur probationes quarum una sumitur ex eo quod dicit Deum expectare penitentiam hominum, altera ex locis formalibus vel aequipollentibus pro gratia sufficiente.

17. **P**robatio est quod saepe dicit Augustinus absolute & simpliciter de peccatore quod expectat, aut expectavit eum Deus ad penitentiam, ad resipiscendum, & similia: ergo per hoc indicavit se censuisse omnes & singulos peccatores habere gratiam sufficientem ad salutem. Consequentia clara est, quia cum hoc non sit determinatum ad hunc vel illum peccatorem sed sit absolute & simpliciter dictum, non est potior ratio cur de uno peccatore potius intelligatur, quam de alio, & per consequens intelligitur de omni, seu de quolibet peccatore, & sic de omnibus, & singulis. Antec. autem probatur ex claris Augustini testimoniis. Sic enim ait in Psalm. 32. conc. 1. versus finem in hæc verba: misericordiam & iudicium: *patiens est Deus super peccatores, donec convertantur.* Et in Psalm. 49. circa finem in hæc verba: hæc fecisti & tacui: quid est, inquit, tacui: vindictam supersedi, severitatem meam distuli *patientiam tibi prolongavi, penitentiam tuam diu expectavi: hæc fecisti, & tacui.* Cum autem ad hoc expectarem ut *repõnerer* secundum Apostolum dicentem: tu autem secundum duritiam cordis tui, & cor impœnitens thesaurisas tibi iram in die iudicii &c. et infra quid tibi faciam, modo te non vides, facio ut videas te, quia si videres te, & displiceris tibi, placeres mihi: quia vero te non videns placuisti tibi, displiceris mihi, & tibi, mihi cum iudicaberis, tibi cum ardebis. Ubi vides eum alloqui singulariter reprobos ut quorum singuli expectati fuerunt à Deo, ut pœniterent (quod stultum fuisset, si non potuissent) & non pœnituerunt: quod satis arguit, eos habuisse gratiam sufficientem ad pœnitendum, & multo magis electos, & sic omnes, & singulos. Et in Psalm. 144. circa medium. Vocat te nunc, inquit, exhortatur te nunc, *expectas donec resipiscas, & tardas.* Et infra: *longanimis expectas peccatorem.* Quod pertinet ad quemlibet, & non ad hunc, aut illum solummodo peccatorem. Et serm. 88. de temp. circa init. eodem modo loquitur dicens: *expectas peccatorem donec convertatur.* Et serm. 220. c. 2. quia, inquit, bonus est in te (scilicet Deus) quia *longanimis est in te*, quia patiens est in te, quia differt te, & non aufert te, contemnis. Et ser. 48. de diversis c. 6 ut *penitentiam agas expectat te*, sed si te non mutaveris, damnat te. Et tract. 23. in Joann. post med. mansuetus, inquit, Dominus, longanimis

Dominus; misericors Dominus; sed & iustus Dominus, & verax Dominus: largitur tibi spatium correctionis, sed tu plus amas dilationem, quam emendationem. Quod satis arguit emendationis illius possibilitatem, & per hoc gratiam sufficientem. Unde & ibidem sic severe pronuntiat contra illos. *Quos modo sustinet* (scilicet Deus) peccantes, iudicaturus est *contemnentis*. Quod satis arguit quod non solum sustinet, aut expectat futuros penitentes, sed etiam futuros impenitentes, & damnandos, quos hic vocat contemnentis, & quod largitur eis spatium correctionis, sicut & ceteris, & per hoc omnibus, & singulis. et libro de Catechis. rud. cap. 26. tam vult nemini deesse auxilium ad penitendum, quam de nullus jubet desperare salute. *De nullius*, inquit, hominis correctione desperet (Catechista, seu predicator evangelicus) quem *patientia Dei videt vivere*, non ob aliud, sicut Apostolus ait, nisi ut adducatur ad penitentiam ubi vides finem patientiæ Dei generalem, scilicet, ut quilibet peccator peniteat. Et jam c. 19. dixerat Augustinus: quod Deus dat penitendi spatium, iis ipsis quos novit in malitia sua esse perseveraturos ut scilicet peniteant: quod si dat reprobis, quanto magis ceteris: ergo dat omnibus, & singulis. et tandem libro 5. contra Jul. cap. 4. circa init. sic ait: iustus & bonus est (Deus) & quod *præbendo patientiam* (id est expectando) dat *locum penitentiae*, nolens aliquem perire. Ubi manifestum est Augustinum censuisse ita Deum expectare peccatores ad penitentiam, ut neminem eorum perire velit defectu gratiæ necessariæ, quod est id omne quod contendimus.

Penultima probatio sumitur ex diversis locis quasi formalibus, & expressis, in quibus clarius, & expressius suam nobis demonstravit Augustinus sententiam de sufficientia gratiæ, omnibus, & singulis præparatæ: quorum quidem jam aliquos hinc inde dispersos, vel totos, vel parciales adduximus, alios autem nondum adduximus.

In primis celebris est ille ex lib. 3. de lib. arb. cap. 19. circa initium, ubi ait Augustinus quod: *ubique præsens est* (Deus) qui multis modis per creaturam Domino *servientem*, *aversum* vocet, doceat credentem, consoletur sperantem, diligentem exhortetur conantem adjuvet, exaudiat deprecantem. Et post pauca: *nulli enim hominum ablatum est* scire utiliter quærere quod inutiliter ignorat, &c. Et lib. de vera religione cap. 25. initio dicit quod divina providentia *non solum singulis hominibus* (quoad fidem habendam) *quasi privatim* sed universo generi humano tanquam publice *consult*; quid *cum singulis* agatur (scilicet in interiori) Deus scit qui agit, atque ipsi, cum quibus agitur, sciunt (per quod indicat gratiam credendi singulis hominibus datam cum de ea ibi loquatur Augustinus) quid autem agatur cum genere humano, per historiam commendari voluit &c. quæ non pertinent ad nos, cum sint mera externa, sed quantum ad fidem, & per hoc quantum ad gratiam, quæ sufficit ad salutem, vides quod divina providentia consult, seu providet, ut eam habeant *privatim singuli*, si nempe eam ad-

mittere voluerint : in quo nihil retractavit Augustinus licet in illo ipso capite aliqua alia retractaverit. Et Epist. 119. ad Januarium cap. 16. in fine. Vocatur inquit *ad requiem alterius vite*, quo ab ipsa transitur, quod Pascha significat, *omnes* in nomine Patris, & Filij, & Spiritu sancti. Supra autem ostendimus in probatione prima, omnes significare etiam singulos in sensu Augustini. Et lib. de agone Christiano cap. 11. sub finem loquens de gratia Christi sic ait : *o medietatem omnibus consulentem, omnia tumentia comprimentem, omnia tabescentia reficientem, omnia superflua refecantem, omnia necessaria custodientem, omnia perditia reparantem, omnia depravata corrigentem*; quis jam extollet contra filium Dei; *quis de se desperet pro quo tam humilis esse voluit filius Dei*. Et libro 2. de serm. dom. in monte cap. 3. sub finem : fit, inquit in oratione conversio cordis ad eum, *qui semper dare paratus est, si nos capiamus quod dederit*. Et serm. 67. de tempore circa med. sic inducit Christum loquentem cuilibet homini. Ego te *o homo* de limo manibus meis feci, ego terrenis artubus infudi spiritum, ego tibi imaginem nostram, similitudinemque conferre dignatus sum (credo quod hoc respicit singulos homines) ego te inter paradisi delicias (in parente tuo Adamo) collocaui : tu vitalia mandata contemnens deceptorem sequi deum maluisti. Cum expulsus de paradiso iure peccati mortis vinculis tenereris, virginalem uterum sine dispendio virginis pariendus introivi, in praesepio expositus, & pannis involutus jacui, infantiae contumelias, humanosque dolores, *quibus tui similis fierem, ad hoc scilicet, ut te mihi similem facerem, paruli, &c. ut tu eripereris morti, animam in tormentis dimissi*. En clavorum vestigia quibus affixus pependi, en perfossum vulneribus latus, *suscepi dolores tuos, ut tibi gloriam darem, suscepi mortem tuam, ut in aeternum viveres, conditus jacui in sepulchro, ut tu regnares in caelo* (quae omnia, ut vides, respiciunt singulos, cum respiciant homines, ut homines sunt, & non minus reprobos, quam electos, ut mox etiam sequitur) cur quod pro te pertuli, perdidisti; cur ingratis redemptionis tuae munera venustisti, non te ego de morte mea quero, *reddere mihi vitam tuam pro qua meum dedi &c.* Ergo etiam pro reprobis Christus dedit vitam suam. & munus redemptionis, seu passionis suae, quod non potest intelligi nisi de gratia suffic. ab eo ad hoc ipsis data, prout ipse supra dixit Augustinus : scilicet, ut eis daret gloriam suam, & ut in aeternum viverent : unde & infra sic obiurgat quemque impium, & reprobum dicens : *quia post omnia mala tua ad poenitentiae medicamenta confugere noluisti* (ergo id poterant in sensu Augustini) *ab auditu malo non mereberis liberari*; Qui tunc erit stridor dentium cum sanctorum multitudine ad dexteram regis, & ad gloriam segregata, peccati populus (id est reproborum coetus) in profunda tartari sine ulla miserationis, ac veniae spe demersus, excludi se tenebris suis à beata Sanctorum luce viderit &c. Et in Psalm. 32. conc. 1. sub finem sic ait : misericordiae tempus modo est, iudicii tempus post erit, unde est misericordiae tempus : *vocat modo aversos, donat peccata conversis, patiens est*

est super peccatores, donec convertantur : quodcumque conversi fuerint, præterita obliviscitur, futura promittit. *Hortatur pigros, consolatur afflictores, docet studiosos, adjuvat dimicantes, neminem deserit laborantem. & exclamantem ad se, donat unde sibi sacrificetur, ipse tribuit unde placeatur.* Et in Psalm. 145. post medium sic loquitur ad singulos, tanquam ad eos, de quorum salute cura est Deo. Audi eloquia divina, noli de te desperare, qui curavit facere te, non curat rescire te nonne Deus tuus est qui fecit cælum & terram & mare, &c. ibi ostendens quod nullum Deus creavit, cujus salutem non curet, quod sane pertinet ad omnes, & singulos. Et tract. 2. in Joann. in hæc verba lux lucet in tenebris. Ecce, inquit, hic est, & modo, & hic erat, & semper hic est, & nunquam recedit, nusquam recedit, opus est ut habeas, unde videas quod tibi nunquam recedit, opus est ut non recedas ab eo, qui nusquam recedit. Et libro de nat. & gr. cap. 67. repetit, & ratum habet id quod dixerat libro 3. de lib. arbitrio, & supra retulimus, scilicet quod Deus ubique præsens est, qui multis modis per creaturam sibi Domino servientem, adversum docet, doceat credentem, consoletur sperantem, &c. Et serm. 11. de verbis Apostoli cap. 1. sub finem clare indicat gratiam suffic. non esse in nobis minus communem, & generalem, quam ipsam creationem, quam nemo dubitat pertinere ad omnes, & singulos homines. Sic enim ait ibi: non fecit, & deserit: non curavit facere, & non curat custodire: ploremus ante Dominum qui fecit nos: quia non ploravimus quando nos fecit, & tamen fecit. *Qui ergo fecit antequam rogaretur, deserit cum rogatur:* tanquam ergo dubitaret homo: utrum exaudiretur orans, admonuit eum scriptura cum dicit: ploremus ante Dominum qui fecit nos. Utique exaudit quos fecit, utique non potest non curare quos fecit. Quod non solum intelligit de curatione corporali, seu de cura circa corpus, sed etiam de curatione spiritali, seu de cura circa animæ salutem spiritualem, & æternam, ut patet ex sequentibus, ubi reprehendit Pelagium, & Pelagianos, qui negabant istam curam spiritualem esse in Deo, quasi homo ad id sibi sufficeret, dicens verumtamen juxta altiorum intellectum, & quantum existimo, ulterio-rem, vidit quosdam (scilicet Pelagianos) Spiritus sanctus dicentes, vel dicturos: quod Deus fecerit eos homines: justos autem ipsi se faciunt, prævidens eos, admonuit eos, & ab hac extollentia revocavit eos. Et infra: audite, audite, & justos, & injustos, ipse fecit nos, & non ipsi nos. Ubi clare ostendit quod non solum secundum naturam ipsi cura est de nobis, sed etiam secundum mores, & gratiam, providens nobis auxilia sufficientia, non solum ad vivendum corporaliter, sed etiam spiritaliter, ut perveniamus ad vitam æternam: & lib. 4. de Symb. ad Catech. cap. 5. ante med. exhibet Deum per passionem Domini nostri Jesu Christi: liberantem omnes quos creaverat homines. At qui sunt illi quos creavit Deus homines, nisi singulos: ergo liberavit, singulos, quos creavit singulos, dando eis gratiam sufficientem ut liberarentur à peccato, & sanarentur si vellent.

SECTIO DUODECIMA.

In qua proponitur ultima probatio generalis, sumpta ex doctrina discipulorum Augustini.

Ultima probatio sumitur ex doctrina discipulorum Augustini : Prosperi, scilicet, Fulgentij, & aliorum similium probe callentium doctrinam tanti magistri.

§. PRIMUS.

Testimonia Prosperi, & Fulgentij.

Primò multa possem proferre ex Prospero, sed aliqua jam retuli in probatione 4. hujus partis, & infra aliqua alia referam in 2. parte conclusionis de infidelibus, quapropter his omisissis : quæ restant, hic proferam breviter : libro ergo 2. de vocatione gent. cap. 29. loquens de adjutorio Dei, dicit : quod *nemini negatur*, & quod nulli debetur. Ex quo clare sequitur quod omnibus, & singulis datur : & sub finem capituli : *universitati*, inquit, *hominum* ita multiplex, atque ineffabilis bonitas Dei consuluit semper, & consulit, ut *neque ulli perentium* (ergo omnes, & singulos complectitur, cum nequidem ullum perentium, de quibus principalis quaestio fieri posset, pratermittat) *excusatio suppetat de abnegato sibi lumine veritatis* (quia nempe omnes, & singuli habuerunt auxilium remotum in oratione, aut elemosyna, aut similibus quibus istud proximum impetrare potuerunt, sed noluerunt) neque cuiquam sit liberum de sua justitia gloriari (ubi nota comparationem quæ omnes & singulos complectitur. Omnes enim nemine excepto indigent gratia dei ad singulos suos actus) cum & illos propria nequitia demergat, & istos Dei gratia perducatur ad gloriam : quod ideo respicit omnes, & singulos. Et lib. de lib. arb. ad Rufinum in prioribus ejus partibus, loquens de divitiis divinæ misericordiæ : negat *quemquam iis carere*. Quod certe respicit omnes & singulos : licet autem loquatur ibi de aliquibus particularibus, non tamen id intelligit de iis solis cum non neget quemquam *eorum* carere illis divitiis, sed generaliter neget quemquam, seu ullum simpliciter carere illis divitiis. Et in responsione ad object. 8. gallorum sub finem sic ait : omnium ergo hominum cura est Deo, & *nemo est* (ergo omnes, & singulos complectitur) *quem non, aut Evangelica prædicatio, aut legis testificatio, aut ipsa etiam natura conveniat : sed infidelitatem hominum ipsis ascribamus hominibus*. Et in respons. ad object. 15. numero 8. sic ait : qui dicit quod *non omnes* (ergo ibi loquitur de singulis : nam si unus desit, ergo ibi non omnes sunt, cum negatio sit malignantis naturæ, & neminem præter-

mittat: unde propter unum Judam Iscariotem dixit aliquando Jesus, quod non omnes ejus Apostoli mundi erant. Qui ergo dicit quod non omnes, id est non singulos) *homines velit Deus salvos fieri, sed certum numerum prædestinatorum, durius loquitur, quam loquendum est de altitudine inscrutabilis gratiæ Dei: qui omnes vult salvos fieri, atque in agnitionem veritatis venire* (hucusque de gratia sufficiente quæ datur omnibus, & singulis: quod sequitur est de gratia efficaci, quæ non datur semper singulis, sed aliquibus) & voluntatis suæ propositum in eis implet, quos præscitos prædestinavit, prædestinatos vocavit, vocatos justificavit, justificatos glorificavit. Tandem in responsione ad 15. object. vincetianam sic ait: *nemini Deus correctionis admittit viam, nec quæquam boni possibilitate dispoliat. Quo nihil certe clarius dici poterat pro gratia sufficiente, omnibus, & singulis data excepto nemine.*

Nunc transeundum est ad alterum singularem Augustini discipulum, scilicet fulgentium, qui probe in hac materia discipulo suo consentit. Nam primò asserit quod homines non peccant, aut deficiunt, nisi voluntarie, seu propria voluntate, quod in schola Augustini significat indifferentiam, & per hoc potestatem ad oppositum, seu gratiam sufficientem ad non peccandum: sic enim libro de fide ad Petrum c. 21. definit peccatum dicens: *illud esse malum, quo voluntarie creatura deficit à summo bono creatore suo. Ubi nota: creatura: simpliciter, & absolute, ut per hoc intelligas, quod hoc pertinet ad omnes, & singulos, præut probavimus ex Augustino in probat. 15. initio: ita ut nulla creatura peccet, scilicet rationalis, & capax peccati, nisi voluntarie id est indifferenter & cum potestate ad oppositum & per hoc cum gratia sufficiente ad non peccandum, & per hoc ad non pereundum, cum nemo pereat nisi per peccatum. Ubi etiam nota, quod definitur peccatum: & per consequens quod id debet reperiri in quocumque singulari peccato, & per hoc in omnibus, & singulis peccantibus: & sic quod nemo peccat nisi voluntariè, & per consequens quod nemo damnatur nisi voluntarie, quod omnino supponit in quolibet gratiam vere sufficientem ad salutem. Et libro 1. de prædest. ad Monimum cap. 19. dicit: peccatorem propria voluntate cadere, in perditione peccati dimissum. Et cap. 26. versus finem ait: hominem non habere nisi peccatum spontaneum. Et paulo post dicit: voluntarium ejus esse iniquitatem. Et cap. 27. circa initium dicit: quod homo ex voluntate sua male concupiscendo incipit peccatum, & male operando perficit. Et sub finem: quod propria voluntate facit peccatum. Ubi non est imaginanda talis solùm indifferentia, quæ ex multis peccatis unum potest eligere præ alio: nam cum ibi excuset fulgentius voluntatem divinam, ut non concurrentem ad peccata hominum: non per hoc satis eam excusaret, si solùm per hæc vellet dicere, quod dat nobis facultatem eligendi unum ex multis peccatis cum saltem hinc haberetur, quod concurreret, & impelleret ad peccatum in genere, quod semper esset inhonestum, & injurium Deo, & per hoc intolerabile. Ex quo manifestum est, quod*

Omnes istos terminos voluntarie & voluntarium, sponte & spontaneum, & propria voluntate late explicuimus de indifferentia residente in voluntate, voluntarie & spontaneè agentem tract. de indifferenti &c. in 2 illius parte.

talem ibi non intelligit Augustinus indifferentiam, sed istam aliam, qua possit homo peccare & non peccare, ut sic totum tribuatur ei, & nihil Deo, quod supponit gratiam sufficientem omnibus, & singulis peccantibus datam, ad hoc ut non peccent, si nolint, & sic salventur, & ut si nolint tota culpa eorum sit. 2. Dicit quod peccatum hominis est permissivè tantum à Deo: & quod homo peccans deserit Deum priusquam à Deo deseratur: ergo per hoc clarum est, quod habuit gratiam sufficientem ad non peccandum, quandoquidem si eam non habuisset, jam desertus à Deo fuisset, & non solum permissus peccare, sed etiam in peccatum à Deo precipitatus, cum ab eo fuisset privatus omni prorsus auxilio sibi ad non peccandum necessario, & in tali statu positus ut non posset non peccare: quæ cum neget Fulgentius, ideo dicendum est secundum eum, quod omnis peccans habet gratiam sufficientem ad non peccandum, & per hoc ad operandum suam salutem. Porro quod dixerit Fulgentius hominem prius deserere Deum, quam Deus eum deserat, & Deum se habere tantum permissivè ad peccatum hominis: patet ex prædicto libro ad Monimum cap. 13. ante medium ubi ait: quod iuste Deus hominem peccare permittit, & quod iuste deseritur à Deo, qui deserit Deum, & quia homo deserens Deum peccat, deserens (consequenter) peccatorem Deus, iustitiam servat. Quod & mox confirmat, referens peccatum ad propriam hominis affectionem, & ex parte Dei ad meram ejus permissionem, quod certè verum non esset, si omni gratia, peccator dispoliatus fuisset; quis enim dicat provisorum mere permittere mala quæ facile potest impedire, subministrando suis subditis sufficientem ad id potentiam, & non vult: V. G. quis non dicat quod cum tempore famis vehementis non vult rex, aut caput reipublicæ subministrare naves, & alia necessaria ad transvehenda ex aliis regionibus frumenta, ut posset facile, quis inquam non dicat istum provisorum esse veram causam, & non solum permissivam mortis pauperum, & egenorum, qui non habent satis pecuniæ ad emendum panem sibi necessarium ob nimiam caritatem: sine dubio non est ista permissio, sed vera occisio. Vnde si Deus non daret gratias sufficientes peccantibus hominibus, non diceretur eorum peccata solum permittere, sed vere efficere, si tamen vera peccata dici possunt, ea quæ absoluta, & inevitabili necessitate fiunt, qualia tunc peccata illa essent. Neque vero recurrit Fulgentius ad peccatum orig. sicut quidam, ut per illud excuset ibi Deum à tali crudelitate, & injustitia sed tantum ad inclinationem hominis perversam, quæ vult peccare: & ad Dei patientiam, quæ vult istud permittere, cum impedire posset, si vellet, dicens consequenter. *Quid autem magis iustum quam ut ille qui desiderio peccandi jam peccat, pro eo quod desiderans peccare, ipse sibi noxius efficitur, semetipsum peccato suo ledere permittatur.* Vbi vides ex parte peccatoris solum allegari affectionem ejus in peccatum & non ipsum pecc. orig. & ex parte Dei solam permissionem, quæ sane supponit in peccatore potentiam

ad oppositum , & per hoc gratiam sufficientem ad non peccandum & ad consequendam suam salutem. 3. Dicit lib. 2. de veritate prædestin. & gr. quod dum præcipitur nobis aliquid, ostenditur *quid habere debeamus* (ergo supponit in nobis potentiam ad præceptum exequendum sed audi quomodo) sed quia id ex nobis habere non possumus, *alimur*, ut à quo nobis datur præceptum , *ab ipso petamus auxilium*. Ergo Fulgentius supponit in nobis potentiam ad orandum , & ad impetrandum auxilium necessarium ad observandum præceptum , & per hoc ad obtinendum regnũ æternum. Id autem habet in prioribus supracitato libri partibus. 4. Dicit in supracitato libro 1. ad Monimum cap. 28. quod peccatores in causa sunt cur non adjuventur à Deo , quod intellige quoad gratiam proximam : non enim expectat Deus aliquam dispositionem ex parte nostra , ut habeamus simpliciter gratiam , seu ut habeamus gratiam primam, quod esset Pelagianum , sed data gratia aliqua, V. G. remota , expectat aliquid ex nobis , ut det nobis proximam : unde supra vidimus , Augustinum per prædictum verbum adjuvare , quo utitur ibi Fulgentius intelligere gratiam proximam quandoquidem tales non adjutos hortatur ut orent , & quærant , & pulsant ad Deum. quod non faceret , si non haberent gratiam orandi , & querendi , ut haberent illam proximam. Ergo secundum Fulgentium , ut & secundum Augustinum infra referendum in testimonio Fulgentij , isti non adjuti habent gratiam orandi , & querendi tale proximum adjutorium , ut faciant bonum , & ut præcepta impleant. Vnde quando dicit Fulgentius : quod peccatores in causa sunt , cur non adjuventur , clare indicat quod ipsi habent gratiam orandi , & querendi , sed ea uti nolunt , ut possent : & ideo manifestum est , quod non carent omni gratia , sed solum proxima , quam etiam ipsi haberent , si eam querere vellent. Quod satis indicat eos habere gratiam sufficientem ad salutem æternam. Sic autem declarat Fulgentius , istos non adjutos esse in causa , cur non adjuventur : dicens in prædicto capite initio : quod homines peccantes , *ut non adjuventur à Deo , in ipsis causa est , non in Deo*. Quod & repetit sub finem ejusdem capituli , idque , ut traditum ab ipso met Augustino , dicens. In istis S. Augustini dictis attende mi charissime : primum , *ut non homines adjuventur à Deo , in ipsis causa esse dicitur , non in Deo*. 5. Denique dicit eodem libro c. 19. initium peccati & perditionis nostræ , esse ex nobis & non ex Deo : quod sane non diceret , si careremus omni gratia sufficiente ad non peccandum , & ad obtinendum regnum æternum. Peccare , inquit , *in hoc homo capit , in quo à Deo discessit* (ergo discessus ejus à Deo , est initium peccati , non vero discessus Dei ab eo per omnis gratiæ sufficientis subtractionem) scriptum est enim : quia initium superbiæ apostatare à Deo : & alio loco : ecce omnes qui se elongant à te peribunt (quod sine dubio dicitur de homine lapsa) perdidisti omnes qui fornicantur abs te. Isti ergo qui se elongant & fornicantur à Deo , utique peccando percutiuntur suam malam voluntatem (non ergo per necessitatem : unde &

addit) quæ non est ex deo. Quod omnino falsum esset; si omnem gratiam ad non peccandum, & ad non pereundum, necessariam subtraxisset: unde & paulo post addit: & quia *hunc malo auctor non est Deus, sed homo perversus* (quid clarius) digne itaque homini qui se perdidit (non deus cum per subtractionem gratiæ illi necessariæ) redditur in tormentis æternis perditio, ut pereat quidem qui perire voluit: (ergo ista peritio est voluntaria, non necessaria peccatori, qualis tamen prorsus esset, si omni gratia sibi necessaria ad non peccandum, & ad non pereundum, caruisset) non tamen sic pereat, quemadmodum voluit. Scilicet semper fruendo delectatione peccati, ut euperet, sed patiendo pœnam æternam, ut explicat ibi Fulgentius. Et sic patet ex Fulgentio, sicut & ex Prospero neminem prorsus carere gratia sibi necessaria, & sibi sufficiente ad consequendam suam salutem; sed unumquemque se perdere, & petire per voluntatem suam perversam, quæ negligit istam gratiam.

§. I I.

Proponuntur testimonia Orosij Augustini discipuli: ubi & obiter ostenditur ex Augustino, quod possumus vincere omnes tentationes nostras, tam collectivæ, quam disributive sumptas.

Hic liber
habetur in
Bibliotheca
Patrum
impressa
parisiis a-
pud ægidium
morellum
anno 1644.
tomo 15.
pag. 800.

His addamus & Orosium Augustini amicum, & discipulum, qui in Apologetico de libertate arbitrij contra Pelagium, ubi & vocat Augustinum Patrem suum, scilicet spiritualement: satis clare indicat gratiam sufficientem datam esse omnibus, & singulis hominibus, primò his verbis col. 11. habitis: mea semper hæc est fidelis, atque indubitata sententia, *Deum adiutorium suum*, non solùm in corpore suo, quod est Ecclesia, cui specialia (id est majora, ut infra videbimus) ob credentium fidem gratiæ suæ dona largitur: *verum etiam universis in hoc mundo gentibus*, propter longanimitatem sui, æternamque clementiam, *subministrare*, non ut tu asseris (loquitur Pelagio) cum discipulo tuo Cælestio.... In solo naturali bono, & in lib. arbitrio generaliter universis unam gratiam contributam: sed *speciatim*, quotidie, per tempora, per dies, per momenta, per atomas, *cunctis, & singulis ministrare* (ubi vides, exerte eum dicere, quod non solùm cunctis, sed etiam singulis, hæc gratia subministratur à deo: unde & mox comparat istam gratiæ subministrationem lumini solis, quod sine dubio deus cunctis, & singulis administrat, dicens) dicit enim scriptura: qui facit solem suum oriri super bonos, & malos: sine dubio omnes, & singulos. Et paulo post: quantum, inquit, de dei adiutorio gaudeam, per id meitare, quod *ministrari per singula, etiam gentibus* probo: & adhuc paulo post: at vero, ut *adesse adiutorium Dei, & per singula, & per singulos*

manifestius probem, &c. quod postquam sigillatim probavit in paganis, & Christianis, sic concludit: col. 16. ex quo evidentissime declaratum est, *nemini hominum deesse Dei adjutorium*, præsertim cum & seductor insit, & insit infirmitas. Ubi & nota rationem, quæ convenit omnibus, & singulis hominibus, scilicet: quia diabolus seductor instat, & quia inest infirmitas; in quo enim ista non reperiuntur: ergo & in omnibus, & singulis reperitur adjutorium Dei ad vincendam quamlibet tentationem ingruentem. Et col. 18 sic redarguit Pelagium dicens: *exprobras Ecclesiæ Catholicæ, cujus nos viscera sumus, quod quasi dicere desperando videatur, quod Deus author hominis, imposuit homini, quod ferre non possit* (ecce negat Deum impossibilia præcepisse, & per hoc asserit unicuique gratiam sufficientem dedisse ad implenda præcepta, & ad facienda omnia quæ necessaria sunt ad salutem: sed audi quomodo positive asserit Deum omnia possibilia præcepisse, & per hoc ad ea implenda gratiam sufficientem unicuique dedisse) cujus tamen (scilicet Ecclesiæ Catholicæ) fidelissima est, & ore, & humilitate professio: *Deum*, & primum *omnia possibilia præcepisse*, & neminem tamen *possibilia* complente, propter quod, subditus sit omnis mundus Deo, postea pondus præcepti substituta gratia indulgentia sublevasse. Ubi vides eum asserere positive, quod Deus omnia possibilia præcepit, & per hoc sufficientem ad hæc implenda gratiam subministravit. Quod si verum esset, quod aiunt adversarij, scilicet quod infideles, qui nihil audierunt de Evangelio, & indurati Hæretici, & Catholici (qui sane faciunt majorem partem orbis terrarum) non haberent gratiam sufficientem ad implenda præcepta; numquid falsum dixisset Orosius dicendô: quod Deus omnia possibilia præceperit, cum major pars (à qua debet saltem sumi denominatio) eorum, qui subduntur illis præceptis, non posset ea implere. Cum autem addit: quod nemo possibilia implet, clare ostendit etiam non implentibus ea esse possibilia, sed eos nolle ea implere, illum defectum non attribuens gratiæ, quomodo quidam ex Scholasticis, cum dicunt præcepta esse possibilia distributive, non vero collective: id est nullam tentationem in singulari, homini accidere, quam non possit vincere, non tamen posse omnes vincere, quæ eveniunt ei. Quod non solum contrarium est gratiæ sufficienti ut sic (quandoquidem hæc non sufficit ad omnes tentationes omnino superandas, cum non obstante illius adjutorio, tandem aliquando cadendum sit, & id non ex mera voluntate hominis, sed ex infirmitate gratiæ, quæ tantum habet sufficientem proportionem ad quamlibet sigillatim, seu distributive, tentationem superandam, non autem ad omnes collective) sed etiam omnino est contrarium menti Augustini, & discipulorum ejus, qui semper putarunt omnes tentationes, & collective, & distributive sumptas, posse vinci ab homine, sed hominem nolle eas vincere & seipsum in hoc negligere. Quod quia magni momenti est pro consolatione animarum, ideo id obiter volo probare ex Augustino, cujus sensum hic propo-

nam pro sensu etiam omnium suorum : sic enim ait libro 1. de peccat. mer. cap. ult. fit ut per ignorantiam, vel infirmitatem, non exerts adversus concupiscentiam totis viribus voluntatis, eidem ad illicita nonnulla cedamus. Ubi vides nullam prorsus afferri impotentiam voluntatis, ut causam peccati (qualis certe posset afferri, si non posset collective vincere omnes tentationes suas) sed meram hominis voluntatem, nolentem uti omnibus viribus suis, seu ut ait nolentem exere omnes vires suas ad vincendas omnes tentationes suas, ut posset : unde fit ut aliquando cadat, & peccet. Et libro 2. cap. 3. id referens dictum à Pelagio : si nolumus non peccamus, & non præciperet Deus homini, quod esset humanæ impossibile voluntati. Per quod intelligebat Pelagius nullam omnino esse impotentiam in voluntate nostra, sive collectivam, sine distributivam ad vincendas omnes tentationes suas, cum putaret nostram voluntatem esse æque-fortem, & validam, ac voluntatem Adami : sine ulla dubitatione id approbat Augustinus dicens : quasi nostrum hoc ullus ignoret. Et explicans postmodum cur aliquando peccamus, non obstant hoc, quod pendeat à nostra voluntate, ut non peccemus. Nequaquam id refert ad quandam impossibilitatem collectivam, ut adversarij, sed ad meram nostram negligentiam, quia nempe, nolumus omnem adhibere conatum, quem possemus, dicens. Sed hoc non vident (Pelagius, & sui) quod ad nonnulla (non dicit ad omnia collectivæ, & universim sumpta, sed ad aliqua singularia) vel quæ male cupiuntur, vel quæ male metuuntur, magnis aliquando, & totis viribus opus esse voluntatis, quas nos non perfecte in omnibus adhibuituros prævidit (ubi non dicit nos adhibere non posse, sed nos adhibuituros non esse, quod est, adhibere nolle; & proinde se negligere) qui per Prophetam veridice dici voluit : non justificabitur in conspectu tuo omnis vivens. At, quare dicit hic, quod non justificabitur in conspectu Dei omnis vivens : nisi quia cum nemo hic ullam possit prætexere cujuscumque impossibilitatis, sive collectivæ, sive distributivæ causam, tunc omnino confiteri homo cogitur, se bene agere potuisse, sed noluisse, nec omnes ad id conatus suos adhibuisse, ut poterat sed omnino se neglexisse. Unde libro de nat. & gr. cap. 13. adhuc approbat Augustinus istud dictum à Pelagio : quod scilicet negligentia hominis imputari debet, quod non est sine peccato. Per hoc ostendens, quod nulla ibi reperitur cujuscumque generis impossibilitas, sive distributiva, sive collectivæ, sed mera negligentia, merus gratiæ contemptus, mera benefaciendi, & peccatum vitandi voluntas. Vnde ibi tantum postulat, ut homo talem petat gratiam, quæ actu vincat talem negligentiam, id est ut petat gratiam efficacem : & ut cum peccatum vitarit, justitiamque acquisierit, non id suæ tribuat diligentia, quasi suis solis viribus partæ, sed ut per gratiam adjutæ, ut patet ex his verbis : sed dignetur inde orare Deum, ne illi hæc iniqua negligentia dominetur. Quem rogabat quidam quando dicebat : itinera mea dirige (per gratiam tuam) secundum verbum tuum, &

non dominetur mihi omnis iniquitas. Ne dum *sua diligentia*, quasi propriis viribus fidei (negando gratiam sibi necessariam) neque hic ad veram iustitiam, neque illic, ubi sine dubio perfecta desideranda est, & speranda perveniat. Itaque putabat Augustinus, sicut & Pelagius, nos absolute posse esse sine peccato, & solum negligentia nostra, non vero illi cuicumque vera impotentia imputari debere, quod non sumus sine illo, sed volebat Augustinus ad id præsupponi gratiam, in voluntate necessariam, quod negabat Pelagius. In quo totum erat dissidium partis Pelagianæ, & Augustinianæ, seu quod idem est, Catholicæ, ut & infra clare explicat Augustinus cap. 17. ubi cum sermo esset de impossibilitate non peccandi, negat de illa ullam sibi esse controversiam cum Pelagio (quia nempe illam utrique negabant absolute, & sine distinctione) sed tantum dicit esse questionem de causa, & principio possibilitatis non peccandi: an esset gratia an vero mera natura: non, inquit, ibi est *questio quæ versatur* (scilicet de impossibilitate ipsa, de qua paulò ante locutus fuerat) illud est quod expe-
cto ab isto (scilicet Pelagio) audire si possim; eos qui secundum spiritum vivunt (id est qui bene vivunt) & ob hoc etiam hic adhuc viventes jam quodammodo in carne non sunt; utrum gratia Dei vivant secundum spiritum; an sibi sufficiant jam data cum creantur possibilitate nature & sua propria voluntate: cum plenitudo legis non sit nisi charitas (id est gratia) & charitas Dei diffusa sit in cordibus nostris. Non per nos ipsos (ut putabat Pelagius, volens istam possibilitatem nos habere à nobismetipsis & non à Deo) sed per spiritum sanctum (id est per gratiam Dei, quam solet Augustinus exprimere hoc nomine) qui datus est nobis. Quod & deinde late prosequitur, nihil aliud ibi inculcans contra istum hæreticum, nisi gratiam esse causam necessariam possibilitatis non peccandi, non autem ad id sufficere meras vires humanas, ut volebat iste hæreticus. Et cap. 43. sub finem: jam nunc inquit videamus unde possit, unde non possit (esse sine peccato) iste (scilicet Pelagius) dicit: voluntate non est, quòd natura potest. Ego dico voluntate quidem non est homo iustus, si natura potest: sed medicina poterit, quod vitio non potest. Et brevius cap. 59. sub initium: hoc (scilicet esse sine peccato) unde sit possibile confiteatur, & pax est. Ipsa enim est gratia Dei per Jesum Christum dominum nostrum, qua omnino iste nos orantes adjuvari, ut non peccemus, nusquam dicere voluit. Ubi vides, solum questionem fuisse de causa possibilitatis non peccandi, quam scilicet volebat Augustinus esse gratiam divinam, non autem meram naturam, ut volebat Pelagius. Nullam vero questionem fuisse de modo possibilitatis istius cum nihil ibi distinguat Augustinus de illa possibilitate; an collectiva, an solum distributiva sit.

*Prosecutio ejusdem materia, & in fine testimonia Primatij
Augustini discipuli.*

MIrum sanè esset, quod cum tam subtilis doctor toties ibi, & alibi affirmet hominem lapsum posse esse sine peccato gratia juvante divina (non sane extraordinaria, ut volunt adversarij, cum de ea non disputaret Augustinus cum Pelagio, sed de gratia solum quotidiana, & ordinaria) numquam tamen meminerit praeclaræ istius distinctionis, nempe quod id possumus distributive, non vero collectivè. quod maxime dicendum, & distinguendum erat, si tantum possemus distributive, & non etiam collectivè: quia si non possemus id collectivè, non rectè tribueretur nostræ negligentiae, ut tribui volebat Augustinus, quod non sumus sine peccato, sed insufficienti ipsius gratiae, quæ quidem habebat sufficientem proportionem ad vincendam quamlibet sigillatim tentationem, non vero habebat ad superandas omnes illas collectivè. quandoquidem non obstante ejus adjutorio tandem aliquando cadendum esset, idque non ex voluntate mera hominis, sed ex infirmitate gratiae, ad hoc genus collectivum possibilitatis non proportionatae, quod absit ab tanto doctore, ut tam miseram, & tam debilem Christi gratiam, contra Pelagianos, & Semipelagianos prædicaverit: cum è contra tam fortem, & vegetam semper eam esse voluerit, ut de ejus infirmitate numquam hominem juste conqueri posse ipse permiserit. Unde est quod damnat istam propositionem lib. de dono persever. cap. 22. ceteri vero qui in peccatorum delectatione remoramini; ideo nondum surrexistis, quia necdum vos adjutorium gratiae miserantis erexit. Quare enim damnat istam propositionem: nisi quia videbatur peccator in ea causari gratiam quod ipse nondum surrexisset, cum è contra seipsum solum causari debuisset, quod nondum ipse surrexisset, cum id posset, si voluisset. Unde & mox addit: cum bene & convenienter dici possit, & debeat: si qui autem in peccatorum damnabilium delectatione remoramini: apprehendite saluberrimam disciplinam. Ubi manifestissime ostendit numquam ex ulla parte vires gratiae deficere homini etiam non bene agenti cum hic hortetur talem hominè, ut apprehendat justitiã, tanquam ei possibile, & per hoc neque collectivè, neque distributive rectè, dici posse, aut debere: hominem non posse omnes tentationes vincere cum gratiis ordinariis, quasi ordinariis non sufficerent: sed potius dici debere, quod cum illis gratiis homo potest esse sine peccato si voluntas ejus non desit: ut ait libro de sp. & litt. cap. 1. & 35. Non longe ab initio: & quod, ut non adjuvetur ab istis gratiis, causa est in ejus voluntate (quæ scilicet non vult cooperari) & non in Deo: Ut dicit lib. 2. de peccat. mer. cap. 17. sub initium. Et sane num-

quam permisisset Pelagius sibi talem tantummodo possibilitatem concedi, quæ posset tantum distributive, & non etiam collectivè tentationes omnes vincere, & præcepta observare quod maximam suæ amplissimæ libertati, atque indifferentiæ detrimentum intulisset: nec etiam Augustinus eam sive ulla distinctione, & restrictione ei concessisset, si putasset eam esse restringendam, & limitandam ad posse solum distributive, & non esse extendendam ad posse etiam collectivè, & omnimode, cum probe nosset Augustinus Pelagium eam postulare amplissimam, & indistinctissimam, & non minorem sane quam Adami, cujus vires fortissimas, atque robustissimas volebat Pelagius hominem lapsum equare & æmulari. Unde cum explicans Pelagius libro de nat. & grat. cap. 58. istum textum Jacobi 4. *resistite diabolo & fugiet à vobis*: dixisset: animadvertendum est, quid posset nocere quos fugit, vel quam virtutem habere intelligendus sit, *qui soli prevalere non resistentibus potest*. Sic Respondet Augustinus hæc verba mea sunt: verius enim dici non potest. Ubi clare vides admitti ipsam possibilitatem Pelagii absolute, & simpliciter, & sine ulla prorsus distinctione. Imo & quod efficacies est, ibidem explicans in quibus circumstantiis sua ista possibilitas differebat à Pelagiana, nihil prorsus habet de illa distinctione, quam adferunt Scholastici, de posse distributive, aut collectivè, sed totam & totaliter suam differentiam ponit in eo quod ipse Augustinus volebat istam possibilem esse à Deo, seu à gratia ejus, Pelagius autem volebat esse solum ab homine, seu à mera natura dicens: sed hoc interest inter nos, & istos, quod *nos*, etiam cum diabolo resistitur, *poscendum Dei adjutorium*, non solum non negamus (ut Pelagius) sed etiam prædicamus: isti autem tantam tribuunt potestatem voluntati, ut pietati auferant orationem. Id est dependentiam à Deo, ut habeatur adjutorium sibi necessarium ad vincendam omnem tentationem. Ecce totam & totaliter quam affert Augustinus differentiam inter possibilitatem Pelagianam & suam.

Unde concludendum est. Augustinum numquam voluisse restringere possibilitatem hominis lapsi ad posse solum vincere sigillatim, & distributive omnes tentationes occurrentes, & non extendere eam ad vincendas illas simul, & collectivè: sed dicendum est, illam voluisse esse prorsus illimitatam, & indistinctam, sicut ipse Pelagius: modò esset à gratia, & non à mera natura, ut volebat pelagius: & modo concederetur quod licet id possit homo omnimode, non tamen id præstaret effectivè, non ex defectu gratiæ, sed ex defectu voluntatis humanæ, quæ non satis cooperari vellet gratiæ datæ, nec omnes vires suas adhibere vellet, ut opus esset, prout ipse Augustinus satis in præcedentibus declaravit. Et hæc est, ut opinor, vera Augustini sententia de possibilitate non peccandi, & per consequens omnium discipulorum ejus, & proinde etiam Orosij, cujus occasione hæc disseruimus. Nunc redeundum ad ipsum est, à quo sic non inani-

ter, & non sine gravi ratione digressi sumus, cum id necessarium esset ad explicandam ejus, & magistri ejus rectam, & veram non peccandi possibilitatem. Sub finem autem tractatus, sic ait Orosius ad propositum nostrum, quod est sufficientis gratiæ, omnibus, & singulis data. Habeo infirmitatem, & gaudeo in cognitione infirmitatis meæ. Cum enim infirmor, tunc potens sum. Potentem invocando Deum, qui me exaudit infirmum, qui nobis fidelissime repromisit: ego autem vobiscum sum omnibus diebus usque ad consummationem sæculi. *Peculare opus infirmitatis est in omni loco semper orare* (quæ est gratia communis, & numquam deficiens in homine, unde & innuit eam semper esse in homine) ut omnipotens Deus, qui spondit non deserere, adjuvare non cesset. Ergo illa gratia numquam deest homini, sed semper parata est ei, ut semper detur ei, si velit eam petere: & tandem arguens Pelagium, qui sibi vires illas sufficientes attribuebat, & non adjutorio divino, ut volebat Augustinus, sic ait: non enim palmes, sed vitis potest (scilicet ut à qua virtus est, palmes enim etiam potest, ut in quo virtus ipsa recepta est, sed non ut à qua primitus virtus ipsa agendi est, de qua origine formaliter disputabatur ab Augustino, & discipulis ejus contra Pelagium, & Pelagianis, ut paulo supra vidimus ex Augustino: & ideo loquitur hic de illa Orosius, volens cum Augustino, ut pelagius confiteretur, illam esse à Deo, & non ab homine, ut ipse contendebat: unde & prosequitur dicens) & quod vitis potest (ex seipsa & tanquam ex origine). palmes ostendit (cum sit receptaculum virtutis ejus) sufficit ergo unicuique ut habeat (per hoc indicans quod unusquisque, seu omnis singulus, habet gratiam sufficientem, seu potestatem sufficientem, & adæquatam operi, sed non à seipso, ut volebat Pelagius, sed à solo Deo, ut volebant Augustinus, & discipuli ejus, unde & addit) at vero unde, & ubi habeat, & humiliter agnoscat, & patienter expetat. Hæc ibi Orosius, quæ sunt valde efficacia pro gratia sufficiente ut data unicuique.

Tandem addendus est Primasius Augustini, ut alibi dixi discipulus, qui in hæc verba Apostoli 1. ad Timotheum 2. Deus vult omnes homines salvos fieri: sic ait: unus Deus, & Pater, & Filius, & Sp. sanctus, *omnium hominum Deus est*, & ideo (nota istam consequentiam) *cupit omnes salvari quos fecit*. Ergo sicut fecit omnes, & singulos ita, & vult omnes, & singulos salvari nemine excepto. Ubi & notandum est illud verbum *cupit*. Quod non dicit quamlibet voluntatem, sed affectuosam, & desiderantem verè aliquid, propter quod debet dare media, saltem sufficientia ad hunc finem. Et in hæc paulo post sequentia verba. Qui dedit redemptionem semetipsum pro omnibus. Sic ait: pro omnibus quidem effusus est sanguis Christi, sed credentibus prodest, incredulis autem erit in condemnationem. Ubi nota hanc adæquatam omnium divisionem: credentibus prodest, scilicet per gratiam efficacem, infidelibus non prodest ob gratiam factam inefficacem, seu

In disput.
de prædest.
ad gl. 1.
parte sect.
4. § 3 puncto
1. sub
finem.

ob resistantiam arbitrii: quare enim dicit quod mors Christi erit in istorum incredulorum condemnationem, nisi quia eis meruit sufficientes gratias, quas suo tempore receperunt, sed eis resisterunt, & ideo sanguinis Christi pro eis effusi, & eorum culpa eis inutilis, rei facti sunt, & digni eternæ damnationis. Denique in hæc verba ejusdem Apostoli 2. ad Cor. 5. & pro omnibus Christus mortuus est: sic ait: solus inventus est, qui, ut immaculata hostia, pro omnibus moreretur, pro eis qui erant mortui in peccatis. Atqui omnes, & singuli mortui sunt in peccatis, ergo pro omnibus, & singulis mortuus est Christus: pro quibusdam quidem efficaciter, pro aliis sufficienter, ut satis vidimus in præcedenti ejus testimonio. Et sic finiunt omnes probationes ex Augustino & ex discipulis ejus.

SECTIO DECIMA-TERTIA.

*Solvuntur objectiones contra præcedentem doctrinam factæ.
Et primò ea quæ fieri communiter solent.*

§. PRIMUS.

*Prima objectio sumpta ex desertione, & altera sumpta ex
apparenti omnis vocationis negatione, proponuntur,
& solvuntur.*

Primò ergo objicitur: quod multis in locis dicit Augustinus: Deum neminem deserere, nisi prius ab homine deseratur. Ex quo videtur sequi, quod Deus deserit, & destituit aliquos omni auxilio sufficienti ad salutem, qui eum prius deseruerunt per peccata prædientia.

Respondeo neg. conseq. hæc enim desertio non est quoad gratiam sufficientem, sed sæpiissime tantum quoad efficacem, & est communis Augustini doctrina, asserentis Deum nemini negare gratiam efficacem, quod est uno modo deserere secundum Augustinum, nisi ob prædientia sua peccata: unde negationem istam, seu indurationem, & desertionem, quæ sunt synonyma apud Augustinum, tribuit communiter Augustinus judicio, pænæ, supplicio, ut late ostendimus in disputatione nostra de prædest. ad gl. quia numquam negat gratiam istam nisi peccata præcellerint. Vnde explicans Augustinus causam, & effectum istius desertionis libro de natura, & gratia capite vigesimo tertio, non dat ei pro effectu negationem potentiz abstinendi à peccato, sed tantum negationem actus, quod solum indicat negationem gratiæ efficacis, non vero etiam sufficientis. Nam cum diceret ibi Pelagius *Deum ad peccata non cogere* (id est non neces-

2. parte
sect. 3. §. 2.
puncto 7.

sitate, quomodo explicat ipse Jansenius lib. 2. de her. Pelag. cap. 1. coactionem Pelagianam, & nos in tract. de indifferenti, &c. parte 2. argum. 64.) sed dignos deserere (propter scilicet peccata sua præcedentia) tantum deserere. Sic respondet Augustinus: *si hoc dicit, verissime dicit* Ergo secundum Augustinum desertio non necessitat ad peccandum, quandoquidem fateretur, Deum non necessitare ad peccata per desertionem: at si tolleretur gratiam sufficientem omnino necessitaret: ergo per desertionem numquam subtrahit omnem gratiam sufficientem, sed aliquando solam efficacem: quod & mox indicat expressius dicens: deserti quippe, ut dixi, luce justitiæ, & per hoc contenebrati. quid pariant (non dicit quid possunt parere: re vera enim possunt parere bona opera, cum habeant gratiam sufficientem saltem ad orandum, & supplicandum, ut clare indicat in præcedente capite 22. & sequente 30. quæ infra referemus: sed quia non habent efficacem, ideo bene dicit, quid pariant) aliud, quam hæc omnia, quæ commemoravi opera tenebrarum, donec dicatur eis, *si dicto obaudiant* (quæ dubitatio maxime indicat, etiam in eo statu indifferentiam eis relictam, ut obaudiant aut non obaudiant, si velint, & per hoc, eos habere gratiam sufficientem ad obaudiendum, seu obediendum, si velint) surge qui dormis, & exurge à mortuis & illuminabit te Christus. Qui sunt omnes effectus gratiæ efficaciæ, & operantis bonum.

Possit etiam dici quod sæpe etiam intelligit Augustinus per illam desertionem solam subtractionem gratiæ justificantis quod probari possit per textus aliquos ipsiusmet Augustini ut V. G. cum dicit Augustinus libro de nat. & gr. cap. mox citato 23. ad peccatum valet mors animæ *quam deseruit vita sua hoc est Deus, quæ necesse est mortua opera faciat, donec Christi gratia reviviscat*. Quæ certe non possunt alite intelligi quam de subtractione gratiæ habitualis per quam solam Deus quasi informat animam nostram & facit eam vivere & viventia opera producere, quam cum subtrahit, & sic deserit animam hæc omnia non potest anima facere, sed ut mortua nihil nisi mortuum, tunc potest facere. Item & cum dicit cap. 26. quod cum Deus... *revivificat mortuum id est justificat impium* (quæ est interpretatio ipsiusmet Augustini) non deserit (scilicet quoad illam gratiam sanctificantem) si non deseratur, ut pie semper justeque vivatur. Item & cum dicit in Psalm. 70. conc. 2. quod quomodo si anima deserat, corpus moritur: sic *anima moritur, si deserat Deus*. Quod prorsus non potest intelligi nisi de gratia habituali seu justificante. Et sic verum est quod alio etiam modo Deus nos deserit sine prejudicio gratiæ sufficientis cum illa desertio sit tantum quoad gratiam habitualement seu sanctificantem cum qua desertione bene stat quod homo habeat gratiam sufficientem ad petendam illam gratiam & omnia necessaria ad illam obtinendam V. G. vel contritionem, vel veram confessionem vel alia hujusmodi necessaria & sufficientia ad nostram conversionem seu

justificationem. Verum tamen est quod per illam desertionem seu per gratiæ habitualis subtractionem non solum illam gratiam amittimus sed etiam plurima auxilia singularia quæ cum illa nobis conceduntur quia numquam illa gratia, sola conceditur sed multa etiam alia actua- lia cum ea donantur secundum Augustinum: ut late probavi in t. 1. c. de indiff. &c. & patet etiam ex aliquo loco quem modò allegavimus ubi ait Augustinus quod Deus cum iustificat, non deserit nisi deferatur, *ut pie, semper, iusteque vivatur*. Ubi vides, quod Deus iustificat impium, & dat ei gratiam habitualement, non tantum ad hoc, ut iustus, & gratus sit, sed etiam ut pie, iusteque vivatur. Quod certe sine aliquibus auxiliis, nec fit, nec fieri omnino potest. Et libro de corrept. & gr. cap. 7. circa init. loquens idem Augustinus homini iustificato dicit ei: homo in eo quod audieras, & tenueras, perseverares si velles: quod cum non possit omnino fieri sine gratiis actualibus, manifestum est, quod per hæc intelligit Augustinus illi gratiæ habituali acceptæ in justificatione, aliqua annexa esse auxilia singularia per quæ homo potest perseverare si vellet. Sed cum illa auxilia sint singularia, non hinc sequitur, quod his subtractis, subtracta sint etiam omnia alia, quæ nobis conceduntur à Deo sine prædicta gratia, ut est gratia orandi, pœnitendi, & similes gratiæ, quæ sunt via ad obtinendam prædictam gratiam habitualement, cum sibi adjunctis, & debitis peculiaribus auxiliis. Et sic patet 2. quod nos aliquando deserit Deus sine præiudicio gratiæ sufficientis, quando scilicet nos deserit per prædictam subtractionem gratiæ habitualis, & gratos nos Deo facientis, & per singularia quedam auxilia sibi annexa, nos ad bonum agendum adiuvantis. Quibus duobus modis faciendi desertionem, addo & tertium, quo sumpsit etiam illam desertionem Augustinus sine præiudicio gratiæ sufficientis, scilicet quoad auxilia proxima, non vero quoad remota, quæ supponuntur sub illa: quod patet ex lib. de nat. & gr. cap. 21. initio, ubi ait Augustinus loquens de Pelagio. Nec cogitat, pravaricatorem legis quam dignè lux deservat veritatis, quæ desertus utique sit cæcus, & plus necesse est offendat, & cadendo vexetur, vexatusque non surgat, ut ideo tantum audiat vocem legis quod admonetur implorare gratiam salvatoris. Ubi vides desertionem, sed tamen sub ea vides relictam gratiam ad orandum, seu gratiam remotam, quæ implorare possit proximam salvatoris. Et cap. 30. loquens de eadem desertione sub nomine cæcitatatis, dicit quod pro illo vitio supplicandum est, ut sanetur, non superbiendum, quasi homo eadem potestate sanetur, quæ potestate vitiatus est. Vbi sub ista desertione supponit Augustinus relictam supplicandi potentiam, ad cuius usum nos hortatur, & dicit non esse superbiendum, ne contemnatur. Et sic patet triplex solutio ad objectionem suprafactam: elige quam volueris, quælibet enim earum firmum habet fundamentum in Augustino. Tam longe autem absuit Augustinus à neganda omni gratia in desertione; ut ipsam desertionem admiserit in Adamo peccante, in

quo tamen semper supposuit esse gratiam sufficientem. Vnde est quod in exposit. 2. Psalmi 29. circa medium illi attribuit hac verba. Psalmiste : *avertisti faciem tuam à me*, & factus sum conturbatus.

Obijciatur 2. quod aliquando dicit Augustinus aliquos non vocari à Deo : at sine vocatione Dei impossibile est credere, sperare, & diligere, ut oportet ad salutem : ergo illi privantur gratis sufficientibus. Majorem probant ex libro de dono persever. cap. 9. circa initium ubi ait Augustinus : *cur ille non vocetur*, aut ita non vocetur : inferunt

* Lib de
prædest.
sanct. c. 6.

Fortè ideo loquebatur Augustinus in eadem prædicta suppositione : ut ostenderet Semipelagianis istis, contra quos ibi agebat, quod quæcumque clara & aperta facta esset vocatio ad primam fidem, non tamen sufficiebat ad inveniendam voluntatem ad credendum nisi præterea adderetur voluntati gratia qua excitaretur ad fidem quod nonlebant admittere illi hæretici, putantes sufficere istam vocationem seu gratiam intellectus.

tabilia sunt judicia Dei.

Respondet ibi Augustinus non loqui de omni vocatione, sed de sola clara, & aperta vocatione, contra quos ille liber conscriptus de qua loquebantur Semipelagiani, contra quos ille liber conscriptus est, qui dicebant quod posita clara Evangelij prædicatione, poterat quilibet, qui eam audierat, credere pro libito sine gratia Dei in voluntate necessaria, quorum errorem confutat Augustinus isto, & præcedente libro, qui est de prædestinatione sanctorum, in quo spe-
tionem, quam questionem sic proponit c. 6. * initio in persona Semipelagianorum sic loquentium. Volunt ergo isti credere (scilicet per me- credunt alij contradicunt. Vbi vides eos proponere quæ- rum lib. arbitrium) nolunt autem illi. Vbi vides eos proponere quæ- tionem sub hac suppositione, quod Evangelium Dei prædicaretur, seu quod verbum veritatis proponeretur, quæ est vocatio illa clara, & aperta de qua loquimur. Et eandem facit suppositionem ipse Augustinus in eodem libro cap. 9. circa finem dicens. Vtrum prædicato sibi Christo à seipsis habituri essent fidem, an Deo donante sumpturi. Id est an supposita illa vocatione clara, & aperta, homines essent credituri ex seipsis, an vero ex addita in voluntate gratia. Vbi vides illum supponere illam vocationem claram, & apertam ad questionem suam, sicut & Semipelagianos sed & in ipso capite 9. libri de dono perseverantiæ, de quo sumptus est locus objectus, eandem facit suppositionem, loquens de eo quod futurum esset si Tyrij, & Sidonij ita vocati essent scilicet per prædictam prædicationem claram Evangelij, & per miracula Christi, quod etiam facit capitibus sequentibus, scilicet cap. 10. 11. & 14. unde non est mirum, quod cum loqueretur ibi cum Semipelagianis de ista vocatione clara, & aperta in suppositione illorum, de illa sola loqueretur, & non de alia. cum dixit, quod ratio, cur aliqui non vocentur, scilicet prædicta clara, & aperta vocatione, referenda esset ad inscrutabilia Dei judicia. Nam quantum ad sensum suum peculiarem, & proprium, ipse tenuit aliam vocationem magis communem (prout infra videbimus, cum loquimur de gratia infidelium) de qua non sunt prædicta Dei judicia inscrutabilia : cum detur omnibus, & singulis hominibus. Vnde valde hallucinantur, qui illam vocationem, de qua loquitur supra Augustinus intel-
gunt de omni vocatione Dei circa homines, quasi non esset alia, cum sit

sit tantum intelligenda de illa singulari, & clara, quæ sit per prædicationem Evangelij, quam libenter fatemur non omnes habere. sed aliam, de qua infra loquemur, vere sufficientem ad salutem æternam.

Sed fortasse dices; cur non expressit Augustinus quod loquebatur specialiter de illa vocatione, & non de omni.

Respondeo id reliquisse colligendum ex subiecta materia, sicut in alio loco, ubi loquens de vocatione efficaci; dicit simpliciter eos non vocatos, qui non erant vocati ista vocatione, relinquens similiter id colligendum ex subiecta materia: quod aliquis rudis in lectione Augustini, cito explicasset de omni vocatione, cum sit solum de ista, scilicet de efficaci, & non de omni alia, ut clare patet ex textu, sic enim ait in illo loco (scilicet libro de prædest. sanct. cap. 16. initio. Vocat enim Deus prædestinatos multos filios suos, ut eos faciat membra prædestinati unici filij sui (ecce vides eum loqui de vocatione efficaci, cum pertineat ad prædestinatos: Vnde & sequitur) non ea vocatione, qua vocati sunt, qui noluerunt venire ad nuptias (id est vocatione inefficaci, cum non habuerit effectum) illa quippe vocatione & Judæi vocati sunt, quibus Christus crucifixus scandalum est: & gentes quibus crucifixus stultitia est: sed ea vocatione prædestinatos vocat, quam distinxit Apostolus dicens: ipsis, vocatis Judæis, & Græcis prædicare se Christum, Dei virtutem, & Dei sapientiam Sic enim ait: ipsis autem vocatis: ut illis ostenderet non vocatos (quod aliquis rudis, ut dixi, cito interpretaretur de negatione omnis vocationis, cum luce clarius appareat ex subiecta materia, Augustinum loqui de negatione solius vocationis efficaci, & non alterius: unde isti negationi mox opponit, non vocationem simpliciter, sed vocationem efficacem, ut patet) sciens esse quamdam certam vocationem eorum, qui secundum propositum vocati sunt, quos præscivit, &c. qua vocatione sit credens. Quæ est gratia efficax. Vbi vides, cum loqui de vocatione efficaci, quasi de omni cum simpliciter dicat eos non vocatos, qui non vocati sunt illa vocatione, & tamen loquitur de sola efficaci. Ita & dicendum est in textu nostro, quod loquitur de vocatione clara, & aperta per prædicationem Evangelij, quasi de omni, licet loquatur de ista sola clara, & aperta, quæ sit per prædicationem Evangelij, de qua loquebantur Semipelagiani, cum quibus ibi disputabat. Quæ omnia discernenda sunt ex subiecta, ut jam dixi, materia.

Ut autem abundantius videas, nulli umquam Augustinum voluisse negatam esse vocationem simpliciter, sed tantum certam, & singularem ut prædictam claram & apertam, aut efficacem, aut proximam, & non aliam, recole illa quæ diximus supra in argum. 10. & n. ubi apparet apud eum ista vocatio ita universalis quoad omnes nemine excepto, ut non sine magna contradic. potuerit in loco objecto dicere contrarium. Sed discernenda est in allato loco subiecta materia, quæ erat de Semipelagianis, tantum agnoscentibus illam voca-

tionem, quæ sit per prædicationem Evangelij: unde de illa sola ibi loquitur Augustinus. Et hinc est quod D. Prosper. Fdelis Augustini Interpreter, ac Discipulus, Respondens pro eo ad capitula Gallorum, qui erant Semipelagiani, in responsione ad hanc objectionem in ordine quartam, qua dicebatur, Augustinum asseruisse, quod non omnes vocentur ad gratiam: licet ibi videretur, sermonem esse de omni vocatione, respondet tamen de sola vocatione prædicta, quæ sit per prædicationem Evangelij, & non de alia: quia probe sciebat, ibi solum sermonem esse de illa, & non de alia, cum id objiceretur à Semipelagianis Augustino.

Paulo infra
citabitur
locus ubi
id agitur.

Denique dici posset, quod in loco supra objecto loquitur Augustinus de sola gratia proxima vocationis, quam forte ut simpliciter gratiam, ita & simpliciter vocationem suo more voluit appellari. Licet esset & alia remotior, quam infra explicabimus, cum exponemus gratiam infidelium. Quia ut supra vidimus, solebat solam illam gratiam vocare gratiam, quæ erat proxime ad effectum ponendum, ita & forte voluit vocationem simpliciter illam vocari, quæ erat proxime ad credendum in Christum, qualis est prædicatio, seu annuntiatio Evangelij, licet tamen ipse cognosceret & aliam remotam, quæ primò nos deduceret ad cognitionem unius Dei, & deinde ad orandum Deum ut nobis necessaria subministraret ad faciendam nostram salutem, scilicet fidem in Christum per prædicationem Evangelij, ut infra explicabimus.

Sed dices: necessario ibi loquitur Augustinus de omni vocatione: quandoquidem mox opponit ei vocationem peculiarem, dicendo: aut non *ita* vocetur: ergo prius locutus est de omni vocatione, & non de illa sola peculiari, quæ sit per claram, & apertam verbi Dei prædicationem. Respondeo neg. consequ. quia ista comparatio, non est inter vocationem generalem, & peculiarem ut sic, sed inter certam peculiarem, & aliam peculiariorem: inter scilicet peculiarem claram, & aliam claram peculiariorem, scilicet efficacem, quam ibimet paulo ante declaraverat dicens: cur autem iste *ita* vocetur, ut *vocantem sequatur*: quæ est gratia efficax, seu quæ habet effectum: & ita, non negatur ibi omnis vocatio, sed tantum aliqua peculiaris, quæ est prædicta clara, de qua locuti sumus: vel aliqua peculiarior, quæ est gratia efficax, seu habens effectum: vel gratia proxima, non autem omnis remota, vel alia.

§. II.

In quo solvuntur tres sequentes objectiones : quarum prima est, quod aliqui habent gratias insufficientes, duæ cætera, quod habent nullas.

Objicitur 3. quod libro 1. ad simplic. qu. 2. dicit aliquos ita vocatos esse, ut moveri non possent : ergo eorum vocatio fuit insufficientis. Respondeo 1. hoc intelligi posse de carentia solius gratiæ proximæ, & non remotæ, cum sæpe neget absolute Augustinus aliquem posse, qui non habet illam gratiam, licet habeat remotam ut supra notavimus in probat. 4. post Augustini testimonia : & sic posset dici quod illi non fuerunt privati omni gratia sufficiente, sed tantum proximæ, & non remotæ. Respondeo 2. & magis ad propositum, scilicet textum Augustini non habere id simpliciter, sed cum addito : sic enim habetur in textu : ad alios vocatio quidem pervenit, sed quia talis fuit, quam moveri non possent, *ut eam capere apti essent*, vocati quidem dici potuerunt, sed non electi. Ista additio manifeste indicat ibi solum negari vocationem illam fuisse congruam, seu efficacem, non vero negari fuisse sufficientem. Ponit enim vocationem congruam, seu efficacem in illa aptitudine, seu dispositione voluntatis (quæ ibi negatur) ut patet ex sequentibus, ubi ait : quod eorum miseretur Deus (id est eos efficaciter vocat, nam infra dicit, quod nullius frustra miseretur) quos ita vocat, quomodo eis aptum est, ut sequantur. Non dicit, ut sequi possint, sed ut sequantur, quod indicat gratiam efficacem. Et paulo post : nullius, inquit, Deus frustra miseretur, cujus autem miseretur, sic eum vocat, *quomodo scit ei congruere* (seu aptum esse) *ut vocantem non respuat*. Non dicit, ut vocantem non possit respuere, sed actu non respuat, quod indicat solam gratiam efficacem. Et confirmatur, ex eo quod illi vocati, de quibus loquimur dicuntur fuisse non electi, non vero insufficientes ad electionem : ergo per illam vocationem non excludit sufficientiam, sed solum effectum, per electos enim ibi intelligit Augustinus congruè, seu efficaciter vocatos, ut patet ex his verbis, *illi enim electi, qui congruenter vocati*. Ergo illi vocati, de quibus hic loquimur, solum negantur fuisse congruè, seu efficaciter vocati, non vero sufficienter : unde de iisdem paulo post loquens Augustinus, dicit eos non fuisse electos, *quia non secutos* : non dicit quia non potuerunt sequi, sed quia non sunt secuti ; quod indicat solam negationem gratiæ efficaciæ, & non sufficientis. Quod adhuc confirmari potest, ex hoc quod postea loquens de omnibus vocationum modis, nullam ponit insufficientem, sed solum indicat efficacem, & inefficacem, ut patet ex his verbis, quæ faciunt quasi conclusionem omnium antecedentium. Cum ergo, inquit, alius sic, alius autem sic

moveatur ad fidem, eademque res saepe alio modo dicta moveat, alio modo dicta non moveat (nota quod non dicit non potest movere, sed quod non movet, quod solum arguit negationem gratiae efficaciae) aliumque moveat, *aliū non moveat* (neque dicit ibi quod non potest movere) quis audeat dicere defuisse Deo modum vocandi, quo etiam Esau ad eam fidem mentem applicaret, voluntatemque Deo conjungeret in qua Jacob iustificatus est. Ubi vides omnes vocationes describi, ut efficaces, aut inefficaces, nullas autem ut insufficientes, cum nequidem ibi apponat verbum non posse, quod faciebat difficultatem. Manifestum ergo est Augustinum per praedicta verba non intellexisse vocationem insufficientem, sed inefficacem, ut patet ex praedicta additione, cum non dicat simpliciter, quod non possent moveri illa vocatione, sed quod non possent moveri *ita ut apti essent eam capere*, id est ita ut consentire parati essent. Unde dicit quod vocati dici potuerunt, non vero electi: id est efficaciter vocati, ut supra explicuimus. Alij alias afferunt solutiones; aliqui dicunt, Augustinum per non posse, intelligere, difficile posse, ut saepe scriptura dicit aliquid impossibile, quod est multum difficile. Alij dicunt non posse moveri, intelligi in sensu composito, id est praesupposita eorum mala voluntate, qui sensus compositus non rarus est apud Augustinum, ut videre est lib. 26. contra Faustum cap. 4. lib. contra Fortun. disput. 2. circa medium, tract. 33. in Joann. lib. 83. quaest. qu. 76. lib. 2. de serm. in monte cap. 19 & 24. & etiam alibi: vera tamen mihi videtur illa solutio quam dedimus ex circumstantiis loci supra notatis.

Obijciunt 4. quod lib. de dono persever. c. 12. indicat August. Deum non dare gratiam aliquibus. Respondeo ibi August. non loqui de qualibet gratia sed de gratia perseverantiae in singulari, de qua totus liber conscriptus est: ibi enim concludit ea omniaque de ista gratia prius disseruerat, ut patet ex his illius verbis *Conferuntur itaque gratiam Dei* (scilicet de qua prius locutus fuerat) non secundum merita accipientium dari, sed secundum placitum voluntatis ejus in laudem, & gloriam ipsius gratiae ejus, ut qui gloriatur nullomodo in seipso, sed in Domino gloriatur. Qui hominibus dat quibus vult, quoniam misericors est, quod etiam dei justus est: & non dat quibus non vult, ut notas faciat divitias gloriae suae in vasa misericordiae, dando enim quibusdam quod non merentur, profecto gratuitam, & per hoc veram suam gratiam esse voluit, non omnibus dando, quid omnes mererentur, ostendit: bonus in beneficio ceterorum, justus in supplicio ceterorum, &c. quod sane indicat finem vitae, in qua sola datur supplicium, aut praeium aeternum: & per hoc manifestum est, solum ibi agi de gratia perseverantiae, aut de negatione illius. Gratia autem illa perseverantiae, de qua loquitur ibi Augustinus non est gratia mere sufficiens ad perseverandum, sed est gratia efficax, ut patet ex ejus definitione quam habet ejusdem libri cap. 6. ubi ait. De illa perseverantia lo-

quimur, *qua perseveratur in finem*, quæ si data est, *perseveratum est usque in finem*: si autem non est perseveratum usque in finem, non est data. Ibi ergo loquitur Augustinus de gratia efficaci ad perseverandum, non autem de sufficiente, & dicit, illam gratiam efficacem negari quibusdam, quod libenter admittimus, nec est contra gratiam sufficientem. Aliquando etiam hoc modo loquitur Augustinus de ipso actu quem ideo vocat gratiam, quia datus à Deo est per gratiam efficacem: qui modus loquendi, tam frequens est apud Augustinum, ut putarit Estius esse perpetuum, prout notavimus in tractatu de indifferenti lapsi hominis arbitrio, &c. si ergo sic ibi loquitur Augustinus non removet gratiam sufficientem ab aliquibus, sed tantum efficacem, cum hæc sola, & non altera, sit ad actum exstiterum.

1. parte
sect. 4. §.
unico. luvio.

Objicitur 5. quod in Epistola 107. ad vitalem circa med. inter duodecim sententias, quas ibi intimat Augustinus isti hæretico, ut contra errorem Pelagianum, & Semipelagianum tenendas, & consentiendas, hanc habet, quæ est in ordine quarta. Scimus non omnibus hominibus dari: Supple gratiam ex præcedenti sententia. Respondeo illam gratiam non esse gratiam sufficientem, sed solam congruam, seu efficacem, quam satis indicatam putavit Augustinus ex præcedente sententia, ubi dicitur: quod gratia ad singulos *actus* datur: Gratia enim quæ datur ad actum, est gratia efficax, & non mere sufficienti, quæ datur ad posse sine speciali intentione, aut provisione actus futuri, ut altera. Gratiam enim dari ad singulos actus secundum sensum Augustini, & conciliorum, hanc sententiam inculcantium contra errorem Pelagianum, nihil est aliud, quam nullum esse actum bonum ad quem gratia non data sit, contra errorem priorum Pelagianorum, qui volebant gratiam dari tantum ad facilius, & non ad simpliciter agendum, per hoc contendendum esse posse aliquos actus bonos sine gratia: item & contra errorem posteriorum Pelagianorum, qui volebant nos posse petere, & querere, & pulsare ad Deum sine gratia. Et etiam Semipelagianorum, qui volebant nos posse primo credere sine gratia, & sic esse aliquos actus bonos sine gratia. Quod omnino excluditur per prædictam sententiam quæ vult omnes, & singulos actus esse à gratia. Unde cum ibi sermo sit de gratia, quæ datur ad singulos actus, nullus autem actus est, sine gratia efficaci, relinquatur quod ibi sermo est de gratia efficaci, non solum in illa præcedente sententia sed etiam in ea, qua de agimus, quæ repetit sensum suum ex præcedente illa sententia.

Nota quod in hac 4. sententia nomen gratiæ sileatur, & ex præcedente supponitur: ut per hoc intelligas, de eadem hic sermonem esse gratia, ac in præcedente sententia: quod etiam servatur in repetitione earundem sententiarum infra referenda.

Id autem maxime confirmatur ex repetitione ejusdem sententiæ, quam habet paulo post Augustinus in eadem Epistola, ubi explicans latius istam sententiam ait; quomodo dicitur omnes homines eam (scilicet gratiam) fuisse accepturos, si non illi, quibus non donatur, eam sua voluntate respuerent, quoniam: Deus vult omnes salvos fieri. Ubi vides sermonem esse de tali gratia, quam non accepimus, & quam tamen respuimus; quod non potest intelligi de gratia mere

sufficiente, seu non effectum habente. cum illa fiat in nobis sine nobis; quis enim potest impedire inspirationes bonas, & pios motus immisos à Deo, ne sint in nobis; sed possumus impedire ne habeant effectum in nobis, quod est illos respuere, & rejicere, seu eis non consentire quod est etiam impedire, ne gratia accepta sit efficax, seu effectum habeat. Ergo ibi loquitur Augustinus de gratia efficaci, seu de actu bono, & non de sufficiente. seu de potestate ad bonum: & vult dicere quod non ideo Deus dat nobis actum bonum, quia parati sumus eum recipere, & ideo non dat, quia non parati sumus eum recipere, ut contendebant Pelagiani, & Semipelagiani per textum illum Apostoli: Deus vult omnes salvos fieri: quem ideo ibi habet Augustinus, ut vidimus: sed quod Deus dat illum actum bonum, quibus vult, & negat quibus vult nulla habita ratione prædispositionum, aut non prædispositionum hominum. Quod confirmat exemplo parvulorum, quibus dat aliquando baptismum, quæ est gratia efficax illorum, etsi non parati sint, imo reluctantes sint ad illam gratiam, & ideo dicit non omnes habere bonum actum, quia non vult illum dare omnibus, non quia non omnes volunt eum recipere, ut isti errantes putabant. Quod sic confirmat, ut diximus, exemplo parvulorum dicens: cum multis non detur parvulis, & sine illa (scilicet gratia efficaci baptismi) plerique moriantur, qui non habent contrariam voluntatem, & aliquando cupientibus, festinantibusque parentibus, ministris quoque volentibus, & paratis, Deo nolente non detur, cum repente antequam detur, expirat, pro quo, ut acciperet, currebatur: unde manifestum est, eos qui huic resistunt tam perspicuæ veritati, non intelligere omnino, quæ locutione sit dictum, quod: Deus omnes homines vult salvos fieri: cum tam multi salvi non fiant, non quia ipsi, sed quia Deus non vult, quod sine ulla caligine manifestatur in parvulis. Ecce ergo quam gratiam non vult dari omnibus, scilicet eam quæ habet effectum in homine, non vero eam quæ potest habere effectum de qua sola hic loquimur) cum nullo ibi sit verbum de potentia negata, sed solum de actu ut ex dictis clarum est.

Vide in
disput. no-
stra de
prædest. ad
gl. parte 1.
sect. 7. §. 2.
puncto 4.
& 5. expli-
cationem
difficulta-
tum quæ
possent fie-
ri super
hunc textum
Augustini,
de non vel-
le Deum
omnes sal-
vos fieri.

Tandem dici posset, ibi tantum sermonem esse de gratia proxima, & non de omni, propterea quod per gratiam simpliciter dictam, solum intelligebat Augustinus gratiam proximam, & non etiam remotam, ut supra late demonstravimus, hac parte sect. 4. §. 1. & adhuc infra demonstrabitur 2. parte sect. 4. §. primo sub finem. Et sic non negatur hic omnis gratia, ut volebant adversarii, sed tantum aliqua, scilicet, aut efficax, aut proxima, non autem omnis gratia sufficiens, tam proxima, quam remota.

§. III.

In quo solvuntur dua objectiones sequentes quarum prima est quod Augustinus rejicit gratiam communem, altera est, quod si talis gratia daretur, frustra fundarentur preces ad Deum.

Objicitur 6. quod gratia illa quæ ita communis est omnibus, ut reperiatur in singulis, est omnino contraria scripturis, & ipsimet Augustino, qui ait libro de prædest. sanct. cap. 5. quod nihil huic sensui (scilicet Apostoli dicentis) quis enim te discernit &c. tam contrarium est, quam de suis meritis, sic quemquam gloriarì, tanquam ipse sibi ea fecerit, non gratia Dei, sed gratia, quæ discernit bonos à malis, non quæ communis est bonis, & malis.

Respondeo, ibi Augustinum non rejicere gratiam actualem communem, sed tantum naturam communem, in qua ponebant Pelagiani, & Semipelagiani suam gratiam erroneam: quod patet ex sequentibus, cum addit Augustinus. Sit ergo gratia naturæ attributa, qua sumus animantia rationalia, discernimurque à pecoribus, sit etiam gratia naturæ attributa, qua in ipsis hominibus, à deformibus pulchri, vel ingeniosi discernuntur à tardis, ac si quid hujusmodi est (quod semper sistit in natura, ut vides) sed non se ille, quem coercebat Apostolus, adversus pecus inflabat (scilicet de natura humana, & rationali, seu donata lib. arbitrio, quam supra pecus habebat) nec adversus hominem alterum, de aliquo munere naturali, quod inesse posset & pessimo (ergo non loquebatur ibi de aliqua gratia actuali, & supernaturali; sicut nos, sed tantum de aliqua gratia naturali, seu insita nobis à natura, quam ipse rejiciebat, & pro qua volebat tantum supernaturalem, seu tendentem ad gloriam, ut etiam mox sequitur) sed aliquod bonum, quod pertineret ad vitam bonam, sibi, non Deo tribuens, inflabatur, quando audire meruit: quis te discernit, quid autem habes, quod non accepisti. Ut enim sit natura (ecce adhuc vides naturam commemoratam, ut communent) fidem posse habere (id est capacem esse recipiendæ fidei, si detur) non tamen habere (scilicet ex propria virtute) non enim omnium est fides, cum fidem posse habere sit omnium: non autem dicit Apostolus, quid autem potes habere, quod non accepisti, ut posses habere (hanc enim possibilitatem, habemus à natura) sed ait: quid enim habes quod non accepisti: proinde posse habere fidem, sicut posse habere charitatem, natura est hominum (quia capax est recipiendæ fidei, & charitatis) habere autem fidem (actualiter) quemadmodum habere charitatem, gratia est fidelium (quia nempe non possumus hoc ex natura, sed ex opitulatione solum divina, sed audi quidpiam clarissimum) illa itaque natura, in qua nobis data est possibilitas habendi fidem, non discernit, ab

homine . hominem , ipsa vero fides , discernit ab infidelis fidelem . Ecce ergo . gratia communis , de qua loquebatur in loco nobis objecto , & quam rejiciebat Augustinus , ut incapacem discernendi hominem ab homine juxta sensum Apostoli : est natura humana , est lib. arbitrium , per quod possumus habere fidem , si detur , & per quod , ut supra dixit , discernimur à peccatoribus : non autem est gratia illa actualis sufficiens , per quam possumus efficere fidem in nobis , & etiam charitatem : ista enim est vera gratia . per quam discernit Deus hominem ab homine , juxta sensum Augustini , cum dat eam alicui , ut efficacem , seu prævisam effectum habituram , tunc enim nihil habet homo ille , quod non acceperit , cum gratiam istam habeat à Deo , & consensum suum , seu effectum à Deo per gratiam illam singulariter electam , cui prævidit Deus voluntatem illius libere , & libenter consensuram , cum potuisset ei dare aliam , cui præviderat voluntatem illius non consensuram . Sic ergo discrevit eum Deus suadendo , & movendo efficaciter illum ad bonum per gratiam supradictam , & ei fecit misericordiam , cum dedit ei talem gratiam singulariter ut sic electam , non tamen alteri fecit injuriam , cum non dedit ei talem gratiam , quandoquidem habet aliam vere sufficientem Imo etiam aliquando secundum se fortiorem , quæ omnino pendet ab ejus arbitrio , ut habeat , vel non habeat effectum , & nemini Deus debeat potius hanc quam illam gratiam , cum sit Dominus bonorum suorum . Et hæc est vera discretio Augustiniana , & Christiana , quæ non est in natura communi , ut Pelagiana , sed in gratia actuali , & supernaturali , ut nostra , quia licet illa gratia sit communis omnibus , ut sufficiens , est tamen sub alia ratione , diversa , imo vero in ratione gratiæ diversissima , cum longe magis gratificetur is , qui accipit gratiam prævisam à dante ut effecturam , quam qui accipit gratiam non effecturam , licet utraque illa gratia sufficiens , & vere indifferens sit . Hanc itaque communem gratiam non rejicit Augustinus , ut contendit objectio . sed potius eam admittit , & solum rejicit communem naturam , quam Pelagiani proferebant , ut gratiam Christianam .

Objicitur 7. quod si gratia sufficiens daretur singulis , frustranæ essent orationes pro bono agendo , imo stultum esset , idcirco Deum orare , cum jam haberemus in potestate opus bonum , & sic reperet oratio , & accenderetur elatio secundum Augustinum . Respondeo hæc omnia esse falsa . Nam licet haberemus gratiam sufficientem ad bonum , non tamen haberemus semper proximam , sed tantum aliquando remotam , unde sæpe nos monet Augustinus , ut petamus proximam , præcipue in difficilibus , & gravibus tentationibus , saltem non habemus semper efficacem , cum semper non resistamus tentationi , unde saltem istam recte possumus petere ut & illam petit Ecclesia secundum Augustinum lib. de prædest. sanct. cap. 8. post med. dicens : si non facit volentes ex nolentibus Deus (quod indicat gratiam

Tibi gratiam sufficientem sumo in sensu Augustini, quæ aliquando habet effectum , aliquando non : non vero in sensu Scholasticorum , in quo nunquam habet effectum

gratiam

tiam efficacem per verbum facit) quid orat Ecclesia secundum preceptum Dei pro persecutoribus suis. Et infra. Quid ergo oramus pro nolentibus credere, nisi ut Deus in illis *operetur* & velle. Quod adhuc indicat gratiam efficacem per verbum operetur. Et paulo post: orat (Apostolus) pro non credentibus, quid nisi ut *credant*. Quod clare indicat gratiam efficacem per verbum credant: unde & sequitur: non enim aliter *consequuntur* salutem. Sc ergo indicat Augustinus nos recte posse orare Deum pro habenda gratia efficaci: imo & ostendit alibi, nos posse orare Deum, pro habenda gratia proxima, quæ ad bonum agendum sufficiat. Ut cum lib. de perfect. justitiæ cap. 10. dicit: oret gemitu voluntatis, ut impetret donum *facilitatis*: & lib. de gr. & lib. arb. cap. 15. oret, ut habeat tantam voluntatem, quanta *sufficit* ad implenda mandata: & cum cap. 16. dicit: à Deo petendum esse, ut tantum velimus, quantum *sufficit*, ut volendo faciamus. Quod & multoties habet alibi ut jam vidimus in probatione 4. hujus partis. Quando autem dicit: quid stultius quam orare, ut facias, quod habes in potestate. Hoc solum dicit contra Pelagianos, id intelligens de potestate absoluta à nobis solis pendente, non autem de potestate data à Deo per gratiam sufficientem indifferentem, prout multis probavimus ipsiusmet Augustini testimoniis in disput. nostra de prædest. ad gl. parte 1. sect. 7. §. 2. puncto 7. in margine. Licet autem Adamus non indigeret orare pro habenda gratia proxima ob sælicitatem status illius, tamen indigebat orare pro habenda gratia efficaci, si certo vellet eam habere. Unde quando dicit Augustinus in exposit. 2. Psalmi 29. quæ illi abundantia erat quando constitutus est homo in paradiso, quando nihili ei deerat, quando Deo fruebatur. Hoc solum indicat, in eo fuisse abundantiam omnis sufficientiæ, tam proximæ, quam remotæ, & omnimodæ facilitatis ad bonum, cum nihil illi, ut alibi ait, concupiscencialiter resisteret, sed omnia, magna facilitate perageret, quod tamen non impediēbat quin posset orare, seu petere efficaciam, cum non obstante hac abundantia peccatum commiserit mortiferum, quod sane numquam admisisset, si gratiam ad non peccandum efficacem habuisset. Cum autem ibi addit Augustinus de eodem Adamo. In paradiso non clamabas, sed laudabas. Non per hoc intelligit quod non potuit rationabiliter clamare pro gratia efficaci obtinenda, sed vult dicere, quod non potuit ibi clamare, clamore miserorum in tanta sua beatitudine, ac sælicitate, quod postea clarius exprimit per hæc verba: non gemebas, sed fruebaris, toris positus geme & clama: propinquat tribulanti qui deseruit superbientem. Ubi luce ipsa clarius est, ibi solum sermonem esse de gemitu, seu clamore miserorum, & in tribulatione positorum, qui non debebat esse in paradiso, seu in loco tantæ sælicitatis, non autem de oratione sælicium, qui solum postulant gratiam efficacem, seu effectum habituram, quam utinam bene clamasset Adam, si ibi clamare idem esset, ac orare, non sic superbus in peccatum incidisset, nec nos miseros in

Lib de dono persever.
cap. 12.

Eib. de do-
no persever.
cap. 15.

suam perdit onem pertraxisset. Cum autem dixit Augustinus : quod extingueretur oratio , & accenderetur elatio , dum timemus , ne tepescat hortatio . Respondeo , istud non dixisse Augustinum , occasione gratie nostrae sufficientis , & indifferentis , sed potius occasione contemptus illius , seu occasione superbiae Pelagianicae , quae repudiabat istam gratiam , ut sibi non-necessariam , & volebat sufficientiam mere naturalem , & propriam & gratiae non indigam . Nam posita asserptione hujus gratiae sufficientis , & indifferentis , in omnibus , & singulis admittenda , non extinguitur oratio , cum ut supra vidimus bene possit peti proxima , cum solum adest remota , & saltem possit peti efficax , cum nemo sciat an illam habeat , necne : nec etiam accenditur , sed potius extinguitur , & comptimitur fallax elatio , cum gratiam illam non eligamus , sed talem tantum accipiamus , qualem Deus vult impertiri , majorem aut minorem , proximam aut remotam , efficacem aut inefficacem , juxta beneplacitum Dei , aut punientis , aut miserentis , & spirantis , ubi vult ; in quo est maxima dependentia , & profundissima humiliatio nostra : unde hinc non est metuendum , ne Deum negligamus , cum tam stricte ab eo pendeamus in conficienda nostra salute , propter diversas suas gratias , quis potest dare , ut libuerit . Neque etiam hinc timenda est nostrarum virium nimia confidentia , cum non eas sufficientes agnoscamus , sed adjutorio divino prorsus indigas , & ex se insufficientes , & soli Dei gratiae prorsus innixas , quam Deus potest nobis largiri , magnam aut parvam , proximam aut remotam , efficacem aut inefficacem prout ei placuerit : quae , qui bene perpenderit , facile perspiciet , quod non potest nobis bene tribui , quod solis olim attribuebat Augustinus Pelagianis , in propria scilicet virtute confidentia , & Dei adjutoris neglectus , cum ejus gratiae necessitatem , & non solam utilitatem , in tam multis agnoscamus .

§. I V.

In quo octava proponitur obiectio , sumpta ex eo quod asseritur , omnem Christi gratiam esse efficacem .

Objicitur 8. quod omnis gratia Christi sufficiens , est etiam efficax secundum Augustinum , dicentem libro de praedestin. sanct. c. 8. quod vera Christi gratia , a nullo duro corde respuitur , sed ideo tribuitur , ut cordis duritia primitus auferatur : atqui non omnes , & singuli , habent gratiam efficacem ad salutem , alias nullus damnaretur . Ergo non omnes , & singuli habent gratiam sufficientem ad salutem .

Respondeo neg. maj. quam & late constat in disput. nostra de praedest. ad gl. parte 2. sect. 3. §. 10. puncto 2. & sequentibus praecipue vero puncto 15. & sequentibus & toto tract. de indifferenti &c.

ad probationem dico id non reperiri apud Augustinum sed aliud: non enim ibi loquitur Augustinus generaliter de vera Christi gratia, ut innuit objectio, sed de aliqua tantum singulari, scilicet efficaci, qua creditur in Christum, ut patet ex his illius verbis immediate antecedentibus textum allegatum. Multos *venire videmus ad filium*, quia multos *credere videmus in Christum* (quæ omnia significant gratiam efficacem, per quam solam venit ad filium, & creditur in Christum & vult ostendere, istum effectum esse ex gratia divina, & non ex natura humana contra Semipelagianos, qui putabant esse ex natura, quod formaliter ibi oppugnabat Augustinus: unde & addit) sed ubi, & quomodo à *pate* (id est à Deo, & non ab homine) audierint hoc, & didicerint (id est obedierint, & crediderint, quod indicat efficaciam) non videmus. Nimirum gratia ista secreta est, gratiam vero esse quis *ambigat* (ubi vides, eum loqui de aliqua singulari gratia, & non de omni, ut & cum addit) hæc itaque gratia (id est, non omnis gratia, sed hæc) quæ occulte (id est singulariter, non communiter) humanis cordibus divina largitate tribuitur, à nullo duro corde respuitur, ideo quippe tribuitur, ut cordis duricia primitus auferatur. In quo est singularitas illius gratiæ, quæ ut talis eligetur, cui non resistit arbitrium, licet ei possit resistere. Ut autem clarius adhuc videas, quod ista gratia de qua ibi loquitur Augustinus, non est gratia Christi secundum se, sed aliqua singularis inter veras Christi gratias, valde notabile est, quod nullum ibi habet terminum generale, quo indicet, istam gratiam esse gratiam Christi secundum se, ut si diceret: omnis Christi gratia, aut vera Christi gratia, aut gratia Christi simpliciter, sed hæc aut ista gratia: & etiam indicat qualem, cum addit: qua multos *venire videmus*, aut *credere videmus in Christum*. Quod solum indicat actum, & per hoc solam gratiam efficacem. Et hinc etiam est quod non ibi loquitur de potentia, licet ibi quæstio esset: an homo posset credere in Christum sine gratia Dei, an non: Semipelagianis id asserentibus, contra vero id negante Augustino, ut late demonstravimus in prima parte nostri tractatus de indifferenti, &c. unde si contendisset ibi Augustinus illam gratiam, quæ à nullo duro corde respuitur, esse necessariam ad credendum primitus in Christum, seu, quod idem est, esse talem sine qua non posset credi in Christum, qui est proprius caracter gratiæ, Christi ut sic, quæ dat simpliciter posse bene agere, posuisset ibi aliquid de potentia, sicut de actu: sed nihil ibi videas de potentia, sed totum de actu, ut supra notatum est, actus autem est proprius caracter gratiæ efficaci, ut efficacis, ergo per hoc manifestum est, quod ibi tantum locutus est Augustinus de gratia efficaci (occasione scilicet Scripturæ ibi allatæ, cujus testimonia erant de actu, & per consequens de gratia efficaci) non vero de gratia Christi secundum se, aut de vera Christi gratia, ut pretendebat objectio: & sic nihil ibi habetur contra gratiam sufficientem quoad omnes, & singulos, cum de ista gratia ibi sermo non sit, sed de alia:

Multi item similes afferuntur loci, qui omnes sunt de gratia efficaci, & non de gratia Christi in genere: unde non sunt ad propositum. *It* autem fere omnes sunt, cum exponit illud scripturæ testimonium Joannis 6. omnis qui audit à patre meo, & didicit venit ad me. *Qui* locus manifestissime est de gratia efficaci, seu quæ habet effectum: unde non est mirum quod exponens locum illum, obiter, & occasione illius loquatur solum de gratia efficaci, & non de alia: signum autem certissimum, quod non intelligit illum scripturæ locum de gratia Christi secundum se, illud est, quod ubi exponit illum locum, ut libro supracitato de prædest. sanct. cap. 8. lib. de gr. Christi cap. 14. lib. de dono persever. etiam cap. 14. & tract. 26. in Joannem: numquam dicit illam gratiam, ut exprimitur in illo loco, esse necessariam, & sine ea nihil boni posse fieri, quæ est nota essentialis, & intrinseca gratiæ Christi secundum Augustinum, & de qua ideo toties prædicat ista script. testimonia contra Pelagianos necessitatem illius negantes, scilicet: sine me nihil potestis facere: & non sumus sufficientes cogitare aliquid quasi ex nobismetipsis, sed sufficientia nostra ex Deo est. Sed semper, & circumspecte, dicit tantum quod illa gratia, habet effectum, & quod si non habeat effectum, non est illa gratia, de qua ibi loquitur Christus, quæ omnia probe conveniunt gratiæ congruæ, seu efficaci, quæ habet effectum à voluntate, & non ex natura sua: certum enim est quod omnis gratia efficax habet effectum, sed non est certum, imo vero est falsum, quod omnis gratia Christi sit efficax, ut late probavimus in prædicta nostra disput. locis supracitati, præcipue postremis.

Verum contra hæc insari possit ex eo quod sæpe opponit Augustinus gratiam Christi, legi, atque doctrinæ, quarum ista solidum prævaricationem afferat, quia lex per legem à nemine impleta est, aut impleri potest, illa liberationem: quia quod impossibile erat legi, per gratiam impletur. Respondeo, Augustinum nolle per hoc dicere, quod Christi gratia semper operetur liberationem nostram per conversionem veram, sed velle dicere, quod ad solam Christi gratiam pertinet operari liberationem istam, non autem ad legem, atque doctrinam, ut volebant Pelagiani, quos ibi confutabat qui per legem, & doctrinam, intelligebant gratiam intellectus: de hoc enim concertatio erat inter Augustinum, & illos: an gratia intellectus, seu lex & doctrina, sufficerent ad implenda mandata: an præterea requireretur gratia in voluntate necessaria, illis affirmantibus legem, atque doctrinam ad id sufficere, Augustino vero contra contendente præterea requiri gratiam in voluntate necessariam, prout late demonstravimus in disput. nostra de prædest. ad gl. parte 2. sect. 3 §. 10. puncto 10 & sequent. item & in tota parte prima tract. de indifferenti, &c. unde concludendum est, Augustinum non opponere legem, atque doctrinam, seu gratiam Pelagianam, veræ Christi gratiæ, in hoc quod hæc semper habere effectum, illa autem non, sed in hoc, quod ad veram

Christi gratiam pertineret posse habere effectum, & aliquando illum habere, prout nempe homo uti ea vellet, aut nollet: gratiam autem Pelagianam, seu legem, atque doctrinam, nec effectum habere aliquando, nec eum habere posse, cum insufficiens prorsus esset ad ponendum illum effectum, ut etiam manifestatur in instantia supra facta, cum dicitur, quod *lex per legem a nemine impleta est, nec potest impleri*. Unde Augustinus opponendo legi gratiam Christi, opponit potentiam impotentiae, non vero actum non actui, ut pretendebat instantia supra facta. Cum autem dicit Augustinus: in Epist. 107. Quod facere quod *lex* jubet, est opus gratiae, non opus legis: vult dicere quod hoc facere pertinet ad solam Christi gratiam, tanquam proprietatem ejus præcipuam, non vero ad legem, atque doctrinam, seu ad gratiam Pelagianam quæ prorsus ad id insufficiens est, ut etiam habetur in prædicta instantia; cum dicitur: quod hoc erat impossibile legi. Unde opponit ibi potentiam gratiæ Christianæ, impotentiae gratiæ Pelagianæ, quæ erat in lege, atque doctrina, non vero actum non actui. Ut etiam patet in sequente textu cum dicitur. Non ergo gratiam dicamus esse doctrinam, sed agnoscamus gratiam, quæ facit prodesse doctrinam, quæ gratia si desit, videmus etiam obesse doctrinam. Et in isto qui est ex Epist. 89. ad abundantiam delictorum lex nos docet, quid velle debeamus, nisi adjuvet gratia, ut quod volumus valeamus (per gratiam excitantem) & quod voluerimus impleamus (per gratiam adjuvantem) in his, & similibus locis nihil aliud commendat Augustinus quam sufficientiam gratiæ Christianæ, contra insufficientiam gratiæ Pelagianæ, seu gratiæ intellectus, seu legis, atque doctrinæ: & licet in plerisque illis locis det Augustinus actum illi gratiæ Christianæ, tamen in plerisque aliis quos notavimus in nostra disput. dat ei solam potentiam, & plerumque indicat resistentiam ei factam, & effectum ejus impeditum, ut etiam notavimus in prædicta disputatione, & in tractatu de indifferenti, &c. & nusquam vidimus eum clare pronuntiasse, sive formaliter, sive æquivalenter gratiam Christi semper habere effectum, aut nunquam ei resisti.

Ver clarissime agnoscamus, gratiam quam Pelagiani ponebant in lege, atque doctrina.

na: nihil aliud significasse, quam gratiam intellectus, seu cognitionis: præter locum clarissimum, quem sæpe citavimus ex lib. de gratia Christi cap. 2. vide etiam lib. 4. ad Bonif. cap. 11. ante m. d. ubi ait quod: gratiam volunt Pelagiani, nisi legem videri, ut videlicet non ad faciendum, sed ad agnoscendum, quod faciamus, nos Deus adjuvare creditur. Ecce quid intelligebant per legem, atque doctrinam, ipso interpretante, Augustino.

Notandum autem est, quod in plerisque illis locis, ubi dicitur Augustinus dare actum suæ gratiæ: non tam dat ei actum, aut effectum, ut putant adversarii, quam indicat eam respicere actum, seu effectum, tanquam finem suum, & proprium, ut patet ex particula, ut, quæ ibi apponitur: V. G. cum dicitur: adjuvat gratia, ut quod voluerimus, impleamus. Sanat gratia voluntatem, ut sanata volumus.

tas impleat legem. Et gratia data est, ut lex impleretur, & similia: consequens enim non est, ut omne quod respicit actum tanquam finem, semper attingat illum. Unde manifestum est quod nihil hinc habetur contra gratiam sufficientem omnibus, & singulis datam, quam secundum Augustinum defendimus.

§. V.

In quo non & ultima proponitur obiectio sumpta ex hoc quod nunc iuste negatur nobis omnis gratia ob peccatum orig. & est iusta pœna peccati illius.

Objicitur 9. hic textus libri de corrept. & gr. cap. 11. sub finem, ubi ait Augustinus: si autem hoc adiutorium, vel Angelo, vel homini, cum primum facti sunt, defuisset: quoniam non talis natura facta erat, ut sine adiutorio posset manere, si vellet, non utique sua culpa cecidissent: adiutorium quippe defuisset, sine quo manere non possent: nunc autem quibus deest tale adiutorium, jam pœna peccati est. Quæ verba, inquiunt objicientes, non de auxilio congruo, & efficaci, sed de sufficienti intelligenda sunt: nam quicumque peccant, auxilio congruo, & efficaci carent, quibus nihilominus culpa imputatur: illud autem auxilium de quo loquitur Augst. tale est ut sine eo operantibus culpa non imputatur. Hoc autem aliud esse nequit, quam sufficiens, & necessarium: cum ergo de illo dicat Augustinus: nunc autem quibus deest tale adiutorium, nunc pœna peccati est. Plane sensit, aliquibus hominibus nunc denegari: verum quia culpa eorum denegatur, ideo nihilominus imputari illis peccatum, quod tamen primo homini, aut Angelo non imputaretur, si absque ulla eorum culpa tale auxilium eis subtraheretur.

Respondeo verum quidem esse non ibi sermonem esse de auxilio congruo, & efficaci, sed de solo sufficiente, & necessario ad agendum: sed debebant objicientes distinguere inter sufficiens, & sufficiens: nam aliud est sufficiens auxilium ad agendum, quod dicitur proximum: aliud sufficiens ad orandum, quod dicitur remotum. De primo hic agitur, & non de secundo, quod tamen sufficit ad salutem: agitur enim hic de tali auxilio quod necessarium fuit Adamo, & nobis: at auxilium ad orandum, seu remotum, non fuit necessarium Adamo, ob perfectionem status illius, cui debebatur auxilium illud proximum, & proinde superfluum erat ei remotum, quod est tantum ad obtinendum proximum, unde non agitur hic de remoto, sed tantum de proximo, quod facile concedimus, aliquando deesse nobis, licet non defuerit Adamo. Verum cum non probetur, deesse nobis, & remotum, scilicet auxilium ad orandum, ideo hæc obiectio nihil efficit contra nos, cum illud remotum nobis sufficiat, per quod possumus impetrare proximum, & sic agere bonum necessarium. Sensus itaque textus hujus est: quod si adiutorium proximum defuisset primo

homini, sine culpa cecidisset, quia nempe sine eo non poterat bene agere, & non tenebatur illud petere, cum ei debitum esset ex vi perfectionis & innocentiae suae ut supra expositum est. At vero si desit nobis, & ideo cadamus in peccatum, non excusamur à culpa, quia eo privari digni fuimus, vel ob originale vel ob actuale peccatum nostrum: & ideo orare debuimus, & petere suppliciter illud auxilium prorsus nobis indebitum, & non expectare illud ut debitum: aliàs rei peccati erimus, cum ea facere noluerimus, quae potuimus, & debuimus, ad vitandum peccatum. Et sic patet quod in eo peccare possumus carendo tali gratia, & non petendo eam, in quo non peccasset ipse Adamus non petendo eam ob scilicet differentem utriusque statum. Quia nempe in statu naturae purae id est innocentis debebantur Adamo talia auxilia, & ideo non erant tunc poscenda, sed tantum expectanda, seu non rejicienda, si offerrentur: at vero in statu naturae lapsae, & peccato infectae, ut nunc est, non sunt debita, sed indebita nobis talia auxilia, & ideo poscenda sunt nobis, & non solum expectanda aliàs culpabiles fuimus, si iis iuste privati, postea delinquimus. Propter quod toties dicit, & repetit Augustinus: quod debemus petere auxilium, cum non adest potestas faciendi aliquid ita ut nihil videre possis frequentius in illius contra Pelagianos lucubrationibus, quam illud principium: propter quod etiam dicit: quod Deus impossibilia non jubet: quia, inquit, jubendo monet, & facere quod possis, & petere quod non possis. Et in alio loco: eo ipso inquit quo firmissime creditur (id est debet credi) Deum justum, & bonum, impossibilia non potuisse præcipere: hinc admonemur, & in facilibus quid agamus, & in difficultibus quid petamus. Et hinc est, quod non excusamur, cum non implemus præceptum, quod implere non possumus, si nempe auxilium petere negligamus: quia nempe meruimus privari tali auxilio: & ideo tenemur illud petere, ut habeamus illud, cum sit indebitum nobis. At vero in tali casu excusati fuissent Adam, & Angeli innocentes, etiam si non petissent illud, quia nempe non meruerant illo privari, cum adhuc innocentes essent sed debitum erat eis secundum Augustinum, & ideo non tenebantur illud petere, cum non teneamur petere tanquam supplices, id quod debitum est nobis, sed tantum id quod indebitum est nobis. & ad quod nullum jus verum habemus. Unde bene notavit Augustinus in textu supra allato, quod quibus deest tale adiutorium, jam prae peccati est: quibus autem datur secundum gratiam datur, non secundum debitum quemadmodum olim dabatur primo homini, & Angelis innocentibus secundum Augustinum ex quo sequitur quod petere illud tenemur, cum alia via illud habendi non suppetat nobis, sicut suppetabat olim Adamo, & Angelis innocentibus, quae erat via debiti, quae nullatenus convenit nobis, cum per peccata nostra originalia, & actualia, illud jus amiserimus. Et sic patet solutio ad objectionem, quae in hoc graviter erravit, quod putabat obijciens August. ibi negare omnem gratiam

In probatione 3.

Libro de nat. & gr. cap. 41.

Ibidem cap. 69.

sufficientem homini lapsō, & negabat solū proximam, non vero etiam remotam, quam semper voluit Augustinus esse in nobis reliquam, cum toties ipse nos admoneat confugere ad illam, quando aliquid necessarium agere non possumus, ut multoties supra vidimus.

Quod gratia habituali annexa sint alia auxilia ei debita, supra probatum est in object. 1. circa med.

Verum cū textus ille recte possit intelligi de gratia illa proxima, quæ aliquando deest nobis sine præiudicio gratiæ sufficientis: tamen non nihil dubito num vere intelligi debeat de gratia habituali, & sanctificante, cum auxiliis sibi annexis prorsus sufficientibus ad bene agendum; quæ similiter Adam debita erat ob innocentiam suam, nobis autem est indebita propter iniquitatem originalem, vel actuale. Videatur enim ibi Augustinus insinuare, se locutum fuisse in præcedentibus de gratia habituali, cum paulo post verba in objectione adducta, addat hæc tanquam consequentia ex antecedentibus. *Namque ut reciperet bonum, gratia non egebat, quia nondum perdidit.* Particula enim, *nam*, manifeste indicat aliquid, quod spectat ad præcedentia, cum sit causalis: id autem quod hic indicat ut spectans ad præcedentia, est talis gratia quam potuit Adam amittere, & quam non indiguit recipere, cum iam eam haberet, quod solum convenit gratiæ inherenti, & permanenti qualis est sola gratia habitualis, non vero actualis, quæ cito transit à nobis: ergo ibi videtur loqui Augustinus de gratia habituali, ut est quid pertinens ad antecedentia, unde & illa possent exponi de gratia habituali cum annexis sibi auxiliis, quibus indigebat Adam ad bene agendum, & quibus si privatus fuisset, perseverare non posset, cum id non posset sine gratia, ea tamen petere non tenebatur, cum essent ei debita simul cum habituali gratia secundum Augustinum, ut supra demonstravimus. Nos autem privati sumus illa gratia, & annexis ei auxiliis sufficientibus ad bene agendum propter iniquitatem originalem, ita ut eam recipere non mereamur cum annexis sibi auxiliis sicut Adamus, sed ea carere debeamus in pœnam dñi peccati: sed hinc non sequitur, quod carere debeamus omnibus aliis auxiliis, præcipue convenientibus nostro statui misero, & infelici, qualis est gratia orandi, gemendi, & clamandi ad Deum ut misereatur nostri & det nobis gratiam sanctificantem & alia auxilia ei annexa quibus meruimus privari per iniquitatem nostram originalem, aut postea per actuale: præcipue cum hanc gratiam ubique prædicet Augustinus, reliquam nobis esse in miseriis, & infirmitatibus nostris, qua impetremus proximam ad bene agendum necessariam, ut satis patet ex supra allatis nostris probationibus, & etiam alibi: & sic nihil ibi est contra gratiam sufficientem omnibus, & singulis datam in statu naturæ lapsæ.

in 1. parte
disput. 97.
cap. 6.

Ex his autem manifestum est, quam immerito vasques dereliquit hunc Augustinum, & dixerit: multa quæ citantur in præallatis objectionibus Augustini testimonia, recte explicari non posse, & ideo in hac parte eum excusatum non fuisse à Prospero, & Fulgentio, quamvis excusetur ab eis, multis aliis in locis: certe non advertit unquam

excus-

excusatum esse Augustinum à discipulis illius, sed tantum explicatum, & declaratum iis qui non intelligebant doctrinam illius. Unde nullomodo excusandus ibi erat S. Doctor, qui non erat accusandus, sed erat attente legendus, & perlegendus, & omnino intelligendus si fieri posset, & si non intelligeretur, erat orandus Deus, ut daret intellectum, & scientiam ad penitus capiendam sanctissimam, & profundissimam illius doctrinam, juxta prudens consilium, quod dat nobis Fulgentius lib. 2. de veritate prædest. sub finem, ubi ait: hunc (scilicet Augustinum) legat omnis, qui salutem æternam adipisci desiderat (ecce quam sanam, & rectam, putabant totam illius doctrinam, discipuli ejus, sed quia etiam eam esse profundissimam agnoscebant, ideo addit modum Fulgentius quo lector ad eam habere se debeat: his verbis) humiliter orans misericordiam Dominum, ut eundem spiritum intelligentie legens accipiat, quem ille accepit, ut scriberet: *Eandem illuminationis gratiam a lapsatur, ut discat, quem ille adeptus est, ut doceret.* Unde & D. Prosper alter illius discipulus in præfatione sua ad objectiones Gallorum, ad duas tantum classes ablegat culpatores Augustinianæ doctrinæ, scilicet, aut eorum qui non intelligunt illam, aut qui nolunt illam intelligi dicens: doctrinā, quam S. memoriæ August. Episcopus, contra Pelagianos inimicos gratiæ Christi, & lib. arbitrij decompotores, per multos annos *Apostolice asseruit* (ecce vides quam sanam & rectam existimabant illius doctrinam discipuli ejus) litterisque mandavit: quibusdam visum est, aut non intelligendo, aut intelligi cum nolendo reprehendere. Et abunde laudat eam ut purissimam & ut ei datam à Deo tanquam solvendis gravissimis Ecclesiæ Catholicæ difficultatibus tunc temporis occurrentibus opportunissimam, carmine de ingratiss. cap. 3. dicens:

*Cum foris rabies avidorum exclusa luporum
Frenderet, inque omnes mendacia verteret artes:
Ne mentes ullarum ovium corrumpere posset,
Neu dubia obliquis turbaret corda querelis,
Istius ore viri fecit Deus: istius ore
Flumina librorum mundum affluxere per omnem,
Quæ mites, humilesque bibunt, campi que animorum
Certant vitalis doctrinæ immittere rivus.*

Et hæc fuit ratio, cur nec Prosper, nec Fulgentius in hac parte, ut nec in quavis alia doctrinæ ejus, excusarunt eum: non sane tanquam existimantes eum in aliqua parte inexcusabilem, ut putavit Vasquez, sed tanquam vere agnoscentes eum prorsus inexcusabilem, & nulla ex parte reprehendendum sed potius cum omni laude suscipiendum & suscipiendum in qualibet parte doctrinæ illius. Unde non debent adversarij ex hac vasqui censura proficere contra veram, & August. de gratia suffic. omnibus & singulis data, sententiam: maxime cum lata sit à judice incompetente, & in causa illi non satis cognita, & per sepe,

Dicit Vasquez in 1. 2. disput. 201. cap. 8. se legisse non paucos Augustini opuscula contra Pelagianos: ex quo sequitur, quod nequidem omnia legerat, quæ confecit Augustinus opuscula, contra prædictos Pelagianos. Quæ tamen sunt principalia in hac materia de gratia.

Augustinus sanctiæ recordationis

virum pro
vita sua, at
que meri-
tis, in no-
stra com-
munionem
semper ha-

sta : credibile enim est, quod nequidem legerat 10. partem Augusti-
nianorum operum cū pro magno ducat, & dicat, * se legisse non
paucā Augustini opuscula contra Pelagianos : ex quo sequitur quod
nequidem omnia illa legerat, quæ pertinent ad genus istud, quod sane
non constituit 10. partem Augustinianorum operum.

nec unquam hunc sinistra suspitionis saltē rumor aspersit : quem tanta scientia
olim fuisse meminimus, ut inter magistros optimos etiam à meis prædecessoribus haberetur
bene ergo de eo omnes in commune senserunt, ut pote, qui ubique cunctis & amoris fuit
& honori Celestinus Papa ad Episcopos Galliar. Quæ & refert Prosper contra collat. cap. 1.
* In primam 1. disp. 203. cap. 8.

SECTIO DECIMA-QUARTA.

Solvuntur quædam objectiones Estij.

PAUCA habet Estius ex Augustino contra gratiam sufficientem om-
nibus, & singulis datam, licet isti veritati infensissimus sit. Nam
præter illa quæ supra solvimus in probatione 9. nihil reperi apud illum
nisi duos locos : ubi citat Augustinum tanquam isti veritati contra-
rium. Quorum unus est, in commentario in librum sapientiæ cap. 5.
in hæc verba : ergo erravimus à via veritatis, & lumen justitiæ non
luxit nobis. Ubi dicit, Augustinum docere ex his verbis sapientis
Christum, qui est sol justitiæ, non omnibus ortum esse : serm. 4. de
Joanne Bapt. & conc. 3. in Psal. 103. negare eundem Christum im-
piis ortum esse, sed iis solis, qui intelligunt Christum, & ibidem dic-
ere non esse simile de sole visibili, qui oritur super bonos, & ma-
los. Sed Respondeo hæc præ se ferre solutionem suam : nam cū di-
cit Augustinus quod sol iste non oritur impiis, causam indicat cur
non oriatur iis : scilicet quia nolunt dimittere impietatem suam, &
amplecti justitiam, & sanctitatem, sine qua sol iste justitiæ non ori-
tur nobis : non enim ullis oritur nisi ut habitet in eis, at certum est
quod non habitat in impiis, sed in solis justis, & sanctis : ergo iis
solis oritur, & non aliis. Unde non est ibi sermo de gratia actuali,
de qua solum loquimur, sed de gratia habituali, per quam Deus
possidetur, & per quam oritur nobis juxta illud Domini apud Joann.
11. si quis diligit me, sermonem meum servabit, & pater meus diliget
eum, & ad eum veniemus, & apud eum mansionem faciemus. Quod con-
firmatur ex eo quod ibidem dicit Augustinus, ut fateatur ipse Estius,
quod non est simile, ac de sole visibili, qui oritur super bonos, &
malos : nam si loqueretur ibi Augustinus de gratia actuali, falsissimum
diceret, cū certum sit, quod illa gratiā datur bonis, & malis, & a-
versis, & adversis ut sæpe dicit Augustinus contra Pelagianos. Ergo
id solum est intelligendum de gratia habituali, quæ datur solum con-

versis per prævios actus fidei, spei, & pœnitentiæ, quibus præparant se boni, & p̃i ad illam gratiam suscipiendam, quæ numquam est sine Deo, seu sine isto sole iustitiæ, qui tunc venit ad nos, & oritur nobis. Ille ergo locus cum sit solum de gratia habituali, & non de gratia actuali, de qua sola loquimur, & in qua sola consideratur sufficientia gratiæ, non solum non est contra nos, sed nec est ad propositum.

Vide disp. nostram de prædest. ad gl. 1. parte 1. & 6. §. 10. puncto 1. ubi idem locus expōditur.

Alter locus est in commentario in Epist. ad Rom. cap. 10. in hæc verba: quomodo autem auſient sine prædicante. Ubi vult Estius probare ex Augustino illis deesse gratiam sufficientem, quibus non est prædicatum Evangelium: quia, inquit, cum dicit Augustinus lib. de corrept. & grat. cap. 7. quicumque ab illa originali damnatione divinæ gratiæ largitate discreti sunt, non est dubium quod procuratur eis audiendum Evangelium: per hoc vult indicare quod Dominus, quibus decrevit fidem dare, prædicatores, quos audiendo credant, præmittit, quia libro de don. persever. cap. 19. Augustinus ait paucissimis esse donatum, ut nullo sibi homine prædicante, per ipsum Dominum, vel per Angelos cœlorum doctrinam salutis accipiant. Pro quo etiam citat cap. 12. libri 1. de peccatorum meritis & remiss.

Noto quod aliud est, specialiter procurare quibusdam audiendum Evangelium cui credant, &

aliud procurare audiendum Evangelium illis solis: primum dicit Augustinus, non secundum: und. non bene inferitur intentio Estij contra gratiam sufficientem omnibus, & singulis datam, quia licet procuratur audiendum Evangelium iis de quibus loquitur Augustinus, non tamen bene sequitur, quod non procuretur & aliis: nam quod ibi speciale est, est quod ita procuratur iis ut cum audiunt credant, quod non ita procuratur & aliis qui non credunt sed possunt credere.

Respondeo ad locum principalem, qui est de corrept. & gr. non ibi sermonem esse de gratia suffic. sed tantum de efficaci, non solum secundum sensum Augustini, qui loquitur ibi de modo quo perseveratur in bono, quod non fit nisi per gratias efficaces ad fidem, spem, & charitatem, unde non solum dicitur ibi, quod istis perseveraturis procuratur audiendum Evangelium, sed quod cum audiunt istud Evangelium, credunt & in fide quæ per dilectionem operatur, usque in finem perseverant, & si quando exorbitant, correpti emendantur, & cætera ejusmodi quæ manifeste indicant ibi sermonem esse de gratia efficaci, & non de sufficiente. Sed etiam secundum ipsam interpretationem Estij, qui explicat illum locum de actu fidei, quem Deus dare decrevit eis, de quibus ibi sermo est, qui actus fidei, non est à mera gratia sufficiente, sed à gratia efficaci, per quam datur illa fides: unde hic locus non est contra nos, qui loquimur de gratia sufficiente in genere, & non de sola efficaci. Libenter enim fatemur, gratiam efficacem non dari omnibus, sed id negamus de sufficiente: illa enim gratia sufficiens fidei multis modis datur sine eo quod actu prædicetur Evangelium talibus gratificatis, ut infra la-

te explicabimus, cum agemus de infidelibus. Ex quo respondetur duobus aliis Augustini testimoniis: quia licet raro detur fides sine prædicatione Evangelij, non tamen sequitur quod raro detur potestas perveniendi ad fidem sine prædicatione Evangelij; quia sunt multe gratiæ quas Deus dat hominibus, quibus si bene utantur, perveniunt ad fidem, sive per hominem, sive per Deum, sive per Angelum sibi prædicatam, quas quia sæpe contemnunt infideles, ideo sæpe non merentur pervenire ad fidem, ut ibidem Deo dante explicabimus. Possent etiam ad hæc reduci pauca illa quæ habet in secundum sentent. dist. 13. §. 14. de ignorantia invincibili: ubi videtur asserere, quod peccatur in his, quæ invincibiliter ignorantur circa jus naturale: ex quo sequitur quod hi non habent gratiam sufficientem. Pro quo citat Augustinum 1. ex libro 6. contra Jul. cap. 5. ubi ait, Augustinum dicere, per ignorantiam post baptismum relictam, multa adhuc peccata ab hominibus perpetrari. Sed post quam legi & relegi caput illud nihil hujusmodi reperi. Nam neque ibi loquitur de ignorantia, neque de peccatis post baptismum, sed ante baptismum contractis, scilicet peccatis originalibus. Quicquid sit non ibi negat adesse gratiam orandi, qua impetretur scientia necessaria contra illam ignorantiam, ex cujus orationis neglectu potuerunt culpabiliter illa peccata ex ignorantia perpetrari: nam cum ibi loquatur Augustinus (saltem ut ait Estius) de peccatis post baptismum, loquitur de fidelibus, qui debuerunt per fidem suam impetrare scientiam, contra illam ignorantiam, quam petere negligentes, rei facti sunt per superbiam, ut communiter dicit Augustinus, & supra multis locis vidimus. Et præterea posset dici quod ibi loquitur de peccatis impropriis, scilicet de motibus involuntariis concupiscentiæ, de quibus sæpe loquitur, cum agit de peccatis necessariis, ut alibi vidimus, sed quia rem objectam in loco citato non vidimus, verum ejus sensum divinare non possumus.

2. Citat librum primum contra duas Epist. Pelagianorum cap. 13. ubi ait: Augustinum dicere peccata esse, quæ secundum concupiscentiam, vel ignorantiam illicitè fiunt, ubi agit (inquit Estius) de ignorantia ex peccato originali relictâ, quam constat non posse omnino in hac vita superari. Respondeo verum esse quod illa omnia peccata sunt quæ secundum concupiscentiam & ignorantiam illicitè fiunt, at vero quod ignorantia ex peccato relictâ, non possit vinci, cum necessarium est ad faciendum bonum, vel malum vitandum: nec verum est. nec reperitur ibi nec alibi apud Augustinum: imo vero sæpe dicit contrarium Augustinus, & suadet nobis orare ut vincamus istam ignorantiam. Unde cum locutus fuisset lib. de nat. & gr. cap. 17. de peccatis quæ per ignorantiam fiunt, sic ait: unde admonemur à Deo petere sapientiam, qui dat omnibus affluenter, utique his omnibus, qui sic petunt, & tantum petunt, quomodo, & quantum res tanta petenda est. Ubi clare supponit in omnibus esse gratiam orandi,

qua impetrent scientiam necessariam contra istam ignorantiam. Et in Enchiridio cap. 81. *ne peccemus*, inquit, *ut regat*, ille rogandus est, cui dicitur in Psalmo: Dominus illuminatio mea, & salus mea: *ut illuminatio detrahatur ignorantiam, & salus infirmitatem*. Ubi adhuc vides eum supponere in omnibus gratiam orandi, qua impetrent scientiam contra ignorantiam, & robur contra infirmitatem, seu quod idem est, contra concupiscentiam. Ex quo manifestum est Augustinum supponere in omnibus gratiam sufficientem, saltem remotam contra ignorantiam, & contra concupiscentiam, quod etiam debebat Estius supponere ex principio illo generali Augustini, quo ait Augustinus: omnem hominem posse esse sine peccato, modò id non speretur posse fieri per merum lib. arbitrium, ut prætendebant Pelagiani: quod prorsus non esset verum, si esset aliquis homo, qui non posset vincere peccatum ignorantie, aut concupiscentie, ut prætendit Estius, & tribuit Augustino, is enim non posset esse sine peccato.

3. Citat librum primum retract. cap. 15. ubi ait: Augustinum dicere, quod qui nesciens peccavit, volens tamen fecit, nescire quidem id quod fecit, esse peccatum, voluisse tamen id quod peccatum est, scilicet natura sua. Respondeo primo id posse intelligi de peccato improprio, & secundum dici: de quo loquitur initio capituli, quod peccatum, ponit in concupiscentia, & effectibus ejus, qualis est ignorantia, seu cæcitas mentis, quæ ideo dicit ibi, esse peccata, quia sunt à peccato scilicet Adæ, & sunt pœnæ peccati. Respondeo 2. quod etiam si supponeretur istud peccatum esse verum, & proprium, non tamen hinc sequeretur, abfuisse gratiam suffic. saltem remotam ad vincendam illam ignorantiam, & per hoc ad vitandum illud peccatum. Cùm alibi doceat, illam adesse omnibus, ut modo vidimus, & ibi nihil isti doctrinæ asserat contrarium, imò vero ibi dicat aliquid, quod indicat id se sub intellexisse, cum paulo post dicat, quod tantum valet voluntas, si pia est (id est si credens est) sub dominante cupiditate, *ut oret auxilium*: ergo loquebatur etiam ibi de iis, qui poterant orare auxilium, & sic vitare istud peccatum. Quare autem ibi loquatur specialiter de piis, sive de credentibus, potius quam de aliis, qui possunt etiam orare: breviter dicendum est, quod ideo loquitur de iis, quia ij soli habent potentiam proximam orandi, cæteri autem tantum remotam, quam infra explicabimus, cùm loquemur in specie de gratia infidelium, unde non loquitur de iis. Quantum autem ad præsentem difficultatem sufficit quod prædicti nescientes, seu ignorantes qui peccaverunt, potuerunt orare, sive proximè, sive remotè, & per hoc impetrare scientiam contra ignorantiam, ne peccarent.

Libro de
spir. & li-
tera initio
& lib. 1. re-
tract. c. 37.
ibi autem
loquitur
Augusti-
nus de sin-
gulis ho-
minibus
cum in
propositio-
ne ei op-
posita di-
cat *nemi-
nem esse si-
ne peccato*.

Vide ali-
qua de hæc
difficultate
tract. no-
stro de in-
differenti
lapi homi-
nis arbi-
trio parte
2. arg. 53.

SECTIO DECIMA-QUINTA.

Solvuntur objectiones Calvini.

§. PRIMUS.

In quo multa fraudes reteguntur Calviniana.

CALVINUS libro 3. institutionis suæ cap. 23. & 24. occasione prædestinationis ad gloriam, & ad gehennam, quam putat fieri, nulla habita ratione meritorum bonorum, aut malorum, multa habet ex Augustino contra gratiam sufficientem omnibus, & singulis datam, quæ hic quam breviter poterimus, dissolvemus: cum jam multa ex iis alibi jam solverimus, scilicet in tractatu de indifferenti, &c. quæ aliis in locis ipse adduxerat contra indifferentiam arbitrij. 1. Itaque dicit cap. 23. n. 1. quod Augustinus libro 1. contra Julianum, exponens illum locum Apostoli Rom. 9. 21. Deus fert in multa tolerantia, & lenitate vasa iræ apparatus in interitum, dicit: ibi Deum non sinere, sed virtute sua moderari: quasi videat et peccatores vellet Augustinus privari omni Dei gratia, & sic Deum eos in peccatum immittere potestate sua absoluta, non vero permissione sua sinere eos labi post subministrationem gratiæ ad non labendum eis necessariæ. Sed Respondeo quod in illo capite, ubi explicat ista Augustinus, nullomodo excludit permissionem divinam, ut vult Calvinus, sed potius exprimit eam, non tamen talem, quæ supponat impotentiam in Deo impediendi peccatum, si vellet, quemadmodum sæpe accidit in hominibus, qui permittunt ea fieri, quæ non possunt impedire, sed talem quæ, si vellet, Deus impediret peccatum (dando scilicet aliam gratiam, quam prævidisset effectum habituram) quod negabat Julianus, nolens hominem pendere à Deo in peccando, vel non peccando, per gratiam necessariam, sed solum id pendere ab homine per lib. arbitrium, quod ibi impugnavat Augustinus: unde sic ait cap. 3. illius libri post adductum supra dictum textum Apostoli, quasi, inquit, non simul posuit hæc duo idem Apostolus, *patientiam, & potentiam*, ubi ait: sic autem volens Deus ostendere iram, & demonstrare *potentiam suam*, attulit in multa *patientia* vasa iræ, quæ perfecta sunt in interitum. Ubi vides patientiam Dei, seu quod idem est permissionem Dei, & simul potentiam Dei, à qua pendet absolute creatura, in bene, vel male agendo, per gratiam Dei illi necessariam quam negabat Julianus. Sed & capite 4. sequente, formaliter agnoscit in peccante Augustinus, & permissionem divinam, & simul voluntatem Dei de peritione peccatoris, & per hoc gratiam sufficientem datam peccatori ad non peccandum di-

Citatur cap. 1. à Calvinio sed in illo capite nihil hujusmodi reperi, sed tantum in cap. 3. sub finem, & c. 4. initio. Quapropter videtur Calvinus usus esse codicibus Augustinianis aliter divisis, quam nostris, unde citabimus illos secundum suam, & nostram divisionem quando convenientur esse diversa, ad commoditatem lectoris.

cens circa initium illius capitis. Nos certe, si eos, in quos nobis potestas est, ante oculos nostros perpetrare scelera permittamus, rei cum ipsis erimus (ecce permissionem hominum, quæ licita tantum est, quando non potest ab ipsis impediri malum, sed non sic est permissio divina ut sequitur) quam vero innumerabilia ille *permittit* fieri ante oculos suos (audis Calvine formalem permissionem Dei circa mala, seu peccata hominum) *quæ utique si noluisse, nulla ratione permitteret.* Et tamen iustus, & bonus est, & quod *præbendo patientiam, dat locum pœnitentiæ* (at quomodo daret locum pœnitentiæ, nisi daret necessariam, & sufficientem ad id gratiam) *nolens aliquem perire.* Ecce ergo vides, Augustinum asserere, quod Deus neminem vult perire, & tamen attribuebat ei contrarium Calvinus, scilicet: quod diceret ob id perire homines, quia Deus vult eos perire, cùm & contradicat Augustinus, ob id perire homines, quia ipsi volunt perire, etiam si Deus nolit ullum perire: quod valde diversum, & contrarium est, & nihil habet contra gratiam sufficientem. Vide reliqua (si vis) hujus textus exposita in disput. nostra de prædest. ad gl. parte 2. sect. 2. §. 10. puncto 1. & eundem textum expositum in tract. nostro de indifferenti, &c. parte 3. sect. 5. §. 12. respondendo eidem Calvino. Cùm autem dicit Calvinus in fine numeri illius: quod tradit Augustinus: ubi ex lupis Deus oves facit, gratia potentiore eos reformare, ut dometur eorum durities. Respondeo id non ita generaliter dictum, reperiri apud Augustinum, sed tantum dicit Augustinus de Paulo apostolo, quod potentiore gratia conversus est, Paulus autem potuit habere gratiam potentiorē, non solum gratia reproborum, sed etiam multorum prædestinatorum, cùm ipse specialiter dictus sit, esse vas electionis: unde id non magis præjudicat gratiæ reproborum, quam gratiæ aliorum prædestinatorum, seu nihil magis efficit contra gratiam sufficientem datam reprobis, quam contra gratiam efficacem datam aliis electis: At id nihil efficit contra gratiam efficacem aliorum prædestin. ergo nec contra gratiam sufficientem datam reprobis. Sed & si concederemus, gratiam potentiorē dari electis, & minus potentem reprobis: non tamen quicquam hinc sequeretur contra gratiam sufficientem datam ipsis reprobis, cùm non repugnet unam gratiam esse minus potentem altera, & tamen esse suffic. seu unam gratiam esse potentiorē altera, & tamen alteram esse sufficientem, ut per se manifestum est. Sed sane non videtur ibi dici gratia Pauli potentior respectu gratiæ minus potentis, sed respectu impedimentorum obstantium ne Paulus converteretur: quia nempe gratia data Paulo, magis placuit ei quam concupiscentia ei resistens, & ideo effectum habuit, ut explicuimus in fine tractatus nostri de indifferenti &c. *aversus* quippe (inquit Augustinus) à fide quam vastabat, eique *vehementer aversus* (ecce impedimenta resistentia conversioni illius) repente est ad illam gratia potentiorē conversus: ecce gratia convertens potentior concupiscentiæ

avertente eum à fide. Ecce ergo comparationem , non inter gratiam & gratiam , ut putabat Calvinus sed inter gratiam convertentem , & concupiscentiam avertentem , & non aliud. Quantum autem ad id quod addit Calvinus , & tribuit Augustino , scilicet : quod *ideo* non convertit obstinatos Deus , quia potentiozem illam gratiam non exierit Deus , quoniam destituitur , si eam proferre vellet. Respondet quod hoc non præjudicat gratiæ suffic. cum etsi sit potentior quædam gratia , cum qua homo ageret , si daretur ei , non tamen inde sequitur quod non sit alia minus potens , quæ sufficiens sit ad agendum , & cum qua homo ageret si vellet. Aliud enim est minus posse , & aliud non posse : primum non opponitur gratiæ suffic. sed secundum : unde cum primum , tantum inferri possit ex argumento , & non secundum : ideo non præjudicat nobis : quia nempe ex eo tantum inferri potest absentia gratiæ efficacis , non vero sufficientis , ut per se manifestum est.

cicatur ex
cap. 9. re-
pertum e. 2.
sub finem.

Verum ut falsam suam doctrinam confirmet Calvinus , sequente numero 2. quemdam adducit locum Augustini , ex libro 1. de Genesi contra Manichæos : ubi secundum verba , fere idem dicit ac quod ibi dicit Augustinus , sed multa interposita fraudulenter omisit , & in alio . & disparato sensu , ea quæ adduxit , exposuit : ibi enim loquitur Augustinus de voluntate illa absoluta , quæ Deus fecit cælum & terram , & tamen illius verba sumit Calvinus , quasi essent dicta de voluntate Dei absoluta prædestinandi aliquos ad vitam , & alios ad mortem sine ulla prævisione futuri sed solum quia ita vult. Quod sane multum differt à voluntate creandi cælum & terram de qua sola ibi loquitur Augustinus cum nemo dubitet . quin Deus ex mera sua voluntate , & sine ulla prævisione futuri fecerit cælum , & terram , multi vero dubitent , imò vero negent , Deum prædestinare homines ad vitam , aut ad mortem æternam sine ulla prævisione futuri : unde sine fraude non potuit , unus sensus pro alio substitui , ut hic substituit Calvinus : sic enim ibi ait Augustinus. Si isti (scilicet Manichæi) dixerint : *quid placuit Deo facere cælum , & terram* (ecce de quo hic agitur non de salute hominum , ut prætendebat Calvinus : unde & sequens responsio debet intelligi de creatione illa cæli , & terræ & non de salute hominum) respondendum est eis , ut prius discant vim voluntatis humanæ , qui voluntatem Dei nosse desiderant. Causas enim voluntatis Dei scire quærunt , cum voluntas Dei *omnium quæ sunt* , ipsa sit causa (hæc omnia omisit Calvinus , quia nimis aperte detegebant fraudem illius , qui volebat hunc locum intelligi de voluntate Dei circa salutem hominum , & sunt de voluntate Dei circa creationem rerum. Habet autem hæc pauca quæ sequuntur) si enim habet causam voluntas Dei , est aliquid quod antecederet voluntatem Dei , quod nefas est credere (sed quæ sequuntur prætermisit Calvinus ne detegeretur fraus ejus) qui ergo dicit : *quare Deus fecit cælum & terram* (pro quibus hæc substituit Calvinus.

Cum

Cum ergo quæritur; cur ita fecerit Deus. Hæc intelligens de salute hominum, cum loquatur tantum Augustinus de creatione rerum omnium & non de salute hominum & mox addit cum Augustino) Respondendum est ei quia voluit (rursus sequentia prætermisit Calvinus, ne detegeretur fraus ejus) *voluntas enim Dei causa est celi & terræ, & ideo major est voluntas Dei, quam cælum & terra* (ubi vides de quo formaliter loquatur Augustinus, scilicet de creatione cæli, & terræ & non de salute hominum, ut vult intelligi Calvinus) qui autem dicit *quare voluit facere cælum & terram* (ubi adhuc vides de qua voluntate loquatur Augustinus : sed pro his verbis alia substituit Calvinus, ne detegeretur fraus ejus, dicens: quod si ultra pergas, rogando cur voluerit. Ubi vides mentionem non fieri de voluntate creandi cælum & terram de qua loquitur Augustinus, & poni voluntatem Dei in genere : ut quod dicit Augustinus de voluntate creandi cælum & terram, quæ est absoluta, & non supponens ullam prævisionem futuri, id intelligeretur de voluntate salvandi homines, aut damnandi eos in æternum sine ulla prorsus prævisione futuri, quod est contra sacram scripturam, & contra specialissimam mentem Augustini ut satis probavimus in disput. nostra de prædest. ad gloriam. Et deinde reliqua subdit quæ sunt apud Augustinum, quali essent de voluntate salvandi, aut damnandi homines in æternum, cum sint tantum de voluntate creandi cælum, & terram, de qua dicit Augustinus quod qui quærit causam ejus) majus aliquid quærit quam est voluntas Dei, nihil autem majus inveniri potest. Compelcat ergo se humana temeritas, & id quod non est non quærat, ne id quod est, non inveniatur. Itaque fatemur hæc esse vera in ea materia, de qua ibi loquitur Augustinus, scilicet in materia de voluntate creandi cælum, & terram, non vero in ea materia quæ est de salute hominum, ad quam perfidissime, ut & falsissime extendit illa Calvinus, & concedimus, illam voluntatem, de qua loquitur Augustinus, esse meram, & absolutam, & sine ulla prævisione futuri, non vero eam, de qua loquitur Calvinus, quasi videlicet voluerit Deus eadem voluntate mera, & absoluta, salvare, aut damnare homines in æternum, qua voluit creare cælum & terram, quod ut insanissime, ita & impiissime confectum à Calvinus est, qui sine dubio per hoc voluit inferre Deum dare gratias sufficientes iis quos salvare vult, & iis eas negare quos non salvare, sed damnare vult, quod dicimus esse falsum.

§. II.

In quo quadam alia reteguntur fraudes, & confusiones Calvinianæ in exponendo vero sensu Augustini: ubi & explicatur quid sit esse vas honoris, aut contumelia secundum Augustinum.

QUantum autem ad illa, quæ habet numero 5. sumpta ex sermone 20. Augustini de verbis Apostoli cap. 3. 6. & 7. ubi ait Augustinus: tu homo expectas à me responsum, & ego sum homo. Itaque ambo audiamus dicentem: ô homo tu quis es: melior est fidelis ignorantia, quam temeraria scientia. Quære merita non invenies nisi pœnam, quære gratiam: ô altitudo divitiarum: Petrus negat, latro credit, &c.

Respondeo ista non esse de prædestinatione ad vitam, aut ad mortem sempiternam, ut prætendit Calvinus, sed tantum de causa conversionis, aut perversionis hominis, quam bene dicit Augustinus esse nobis ignotam, & soli Deo cognitam. Id enim satis patet ex verbis Augustini supra relatis, cum ait Augustinus: Petrus negat, latro credit. Numquid quia Petrus negavit, ideo damnatus est, non sane ille damnatus est, quem Christus dicit esse fessurum, & cum eo judicaturum duodecim tribus Israel, id est universitatem damnandorum, atque salvandorum: ergo non est ibi sermo de prædestinatione ad vitam, aut ad damnationem æternam, ut prætendit Calvinus, sed tantum de conversione, & perversione hominis, quarum causam fateamur nos ignorare cum Augustino, & esse soli Deo cognitam: quod non præjudicat gratiæ sufficienti, quæ potest dari conversis, & non conversis, non sic vero gratia efficax, quæ solum datur conversis, & ideo penès Deum est, scire causam illius, cum non detur universis: unde non dicitur ibi: cur Petrus potuit negare, & latro potuit credere, quod spectaret gratiam sufficientem, sed: cur Petrus negat, & latro credit, quod solum spectat gratiam efficacem. Et præterea probatur ex ipsismet verbis Calvini, non esse ibi sermonem de prædestinatione ad vitam, & ad mortem sempiternam, ut prætendebat idem Calvinus: cum dicat initio numeri illius quod ibi agebat contra Manichæos, & Celestinos, seu quod idem est Pelagianos: age, inquit Calvinus, adit nunc aliquis Manichæus, aut Celestinus, &c. Atqui certissimum est, quod neque Manichæi, neque Celestini, seu Pelagiani, disputarunt unquam cum Augustino, de prædestinatione ad vitam, aut ad mortem sempiternam, sed tantum de libertate ad opus bonum, aut malum: illis contententibus contra Augustinum, nullam esse in nobis libertatem, quia determinabamur ad bonum per animam bonam, & ad malum per animam malam, his autem volentibus libertatem nostram esse iniuriam, ita ut

non indigeremus ad eam gratia in voluntate necessaria; quos confutavit omnes Augustinus volens esse in nobis aliquam veram libertatem ad agendum bonum, & malum contra Manichæos: & non esse nimiam contra Pelagianos, & sic habemus ex Calvino ipso, quod non locutus est Augustinus in textu nobis objecto, de prædestinatione ad vitam, aut ad mortem sempiternam, sed tantum de actu bono, & malo, seu, ut dicebamus, de conversione, & perversione hominis, quæ sunt per collationem, aut negationem solius gratiæ efficacia non vero per collationem, aut negationem gratiæ sufficientis, quæ potest esse in non conversis, sicut est in conversis, & proinde ad eam non possunt pertinere ea, quæ ibi dicit Augustinus, cum sint de tali gratia, quæ solum est in conversis, & numquam in non conversis, id est de efficaci gratia.

Quantum autem ad locum illum quem numero 7. affert Calvinus ex Enchir. scilicet: saluberrime confitemur, quod & rectissime credimus, Deum, dominumque rerum omnium, qui creavit omnia valde bona, & mala ex bonis oritura præscivit, & scivit magis ad omnipotentissimam bonitatem pertinere, etiam de malis bene facere, quam mala esse non sinere, &c. bene vidit Calvinus quæ responsio ei daretur: scilicet quod quia ibi fit mentio de permissione divina, ut patet ex postremis verbis, potius id indicabat gratiam sufficientem datam reprobis, quam negatam: & proinde prædestinationem ad mortem non esse absolutam, & ante omnem prævisionem futuri, sed post prævisa peccata: unde cito ite obviam, dicens num. 8. non dubitabo cum Augustino simpliciter fateri, voluntatem Dei esse reatum necessitatem, atque id necessario futurum esse quod ille voluerit, quemadmodum ea vere futura sunt, quæ præviderit. Bene quod ipse Calvinus faciendo difficultatem, solvit difficultatem, non aliam indicans asserere ibi necessitatem, quam consequentem, qualem dicimus esse in rebus futuris à Deo prævisis, etiam indifferentissimis, quæ necessitas non excludit gratiam sufficientem ad oppositum, sed solam efficacem, de qua non contendimus. Unde bene etiam infra affert in exemplum, lapsum Adami, qui sane, ut indifferentissimus fuit in peccando secundum Augustinum, etiam & tunc gratia sufficiente non caruit. Sed id, ut & alia multa, corruptit Calvinus, non enim ibi ponit Augustinus necessitatem in voluntatibus, ut vult intelligi Calvinus; sed tantum in rebus externis, & materialibus, quæ Deus potest, sic & sic facere etiam hominibus invitis, ut in confesso est apud omnes. Loquitur enim ibi de creatione primi hominis, & querit: an ita creatus sit, ut nunc homines, cum in utero sunt matris suæ, an vero in juvenili ætate: quod, ut vides, est omnino externum, & materiale, & nihil prorsus pertinens ad voluntatem hominis, & proinde impertinens ad gratiam sufficientem, ut & ad prædestinationem ad vitam, aut ad mortem sempiternam.

capitulum
non citatur.

Hoc citatur ex lib.
6. de Genesi ad litteram.
cap. 15.

Numero II. multos adducit Augustini locos, quibus bene probat, Deum nemini esse debitorem *sux gratiz* quod omnino concedimus, quia aliàs ista gratia non esset gratia, cùm esset meritis debita, sed hoc non impedit, quin detur omnibus, & singulis hominibus, ut gratuita, sed tantum non datur ut debita, quod facile concedimus.

Quando autem dicit Augustinus ibidem allegatus, quod Deus ex massa damnata alios facit esse vasa ad honorem, alios vasa ad contumeliam, prout vult: hoc non spectat gratiam sufficientem, sed tantum efficacem: nemo enim fit *vas* in honorem per illam gratiam, quæ nihil efficit: unde cùm gratia pure sufficiens nihil efficit, sequitur quod non est illa gratia, de qua ibi loquitur Augustinus, & quam dicit Deum aliis tribuere, aliis vero negare, sed est gratia efficax, cui bene id tribuitur, & non alteri secundum Augustinum. Valde autem fallitur Calvinus, si putat Augustinum eos vocasse vasa in honorem, seu misericordiz, quos Deus eligit ad gloriam, & ex hoc procurat eis gratiam. Vasa autem in contumeliam, seu iræ, quos eligit ad mortem, seu damnationem æternam, & ex hoc negat eis gratias sufficientes ad salutem, cùm & contra vocet eos Augustinus formaliter, & directe vasa in honorem, & misericordiz, quibus impertiit justificationis gratiam, sive postea salventur, sive non, vasa autem in contumeliam, seu iræ, quibus non impertiit singularem istam gratiam, ut patet ex ipsa Epistola 106. quam citat ipse pro se Calvinus: ubi solum loquitur Augustinus de gratia. & non de gloria, seu de vita æterna: cùm enim ibi disseruisset de baptismo parvulorum contra Pelagianos, qui volebant gratiam justificantem solum tribui merito actuum arbitrij, & tamen illi parvuli recipiebant illam in baptismo sine ullo merito suo arbitrario: sic ait: Augustinus: hoc diximus propter eos, qui non volentes in *causa gratiz* (ecce loquitur de gratia ut de eo, quod est in causa, seu in questione, non vero de gloria) inscrutabilia Dei judicia perscrutari; cur ex Adam massa, quæ profecto ex uno in condemnationem tota collapsa est: illud vas faciat in honorem, illud in contumeliam, tamen audent parvulos, reos priorum constitutere peccatorum, ut qui bona, malave cogitare non possunt, putentur per liberum arbitrium, vel pœnam mereri posse, vel *gratiam* (non dicit gloriam, aut vitam æternam, quia questio non erat de merito gloriæ, sed de merito gratiæ, quod volebant Pelagianis astruere, & Augustinus volebat destruere, ut gratia esset gratuita, & non meritis reddita, prout infra declarabit expressius) cùm potius apostolica veritas dicendo: ex uno omnes in condemnationem: satis ostendat, quodd nascantur in pœna (non sane in pœna inferni, ut per se manifestum est, sed in peccato originali, quod sæpe vocat Augustinus peccatum, & pœnam peccati) ut non merito (ecce quod rejiciebat, scilicet meritum baptismi, seu justificatio-

nis , ut mox sequitur) sed misericordia renascantur in gratia. Id est baptiscentur , in gratia , seu per baptismum , quæ est secunda hominis nativitas , consequantur gratiam : ecce ergo de quo formaliter agebatur : scilicet de gratia justificante , ut gratuita , & non meritis reddita , ut expresse mox sequitur cum addit .) alioquin gratia jam non est gratia , si non divinis operibus gratis datur , sed humanis meritis redditur. Quæ sola sic discernit à pœna (id est à peccato originali ; quod est ita peccatum , ut sit etiam pœna peccati , à quo nos absolvit baptismus , & proinde nos discernit ab habentibus illam maculam , seu pœnam peccati) ut cum pœna (illa) sit ex Adam omnibus debita , gratia vero per unum Jesum Christum nulli debita (ex quo patet non ibi esse sermonem de vita æterna quæ debita est beatis accipientibus illam , ut perpetuo docent scripturæ) sed gratuita , ut vere sit gratia , inscrutabilia judicia Dei tanquam Deus esse possint. Et sic , totum ibi est de gratia primæ justificationis , quam qui habent , vocat Augustinus vasa in honorem , seu misericordiæ , qui non habent , vocat vasa in contumeliam , seu iræ : sed non in hoc solo loco sic loquitur Augustinus de vasis illis sed & in aliis multis locis quos noto in margine sed præcipue libro 1. ad simplic. quæst. illa 2. quæ tota est de gratia , longe post medium , ubi funditus tractat illam materiam de prædictis vasis : in qua multi hallucinati sunt , non satis discernentes , id quod formaliter , & directe respicit Augustinus in vasis illis , ab eo quod accidentaliter , & extra propositum dicit de illis. Certè cum formaliter , & directe loqueretur Augustinus de gratia contra Pelagianos in prædicta Epistola , & in aliis suis contra eos operibus , nullomodo excusandus venit Calvinus , & alij , qui prædicta vasa in talibus operibus aliter interpretantur , quam de gratia justificante , ut gratuita , & volunt ea intelligi de prædestinatione ad gloriam , aut ad mortem sempiternam , quod non aliunde procedit quam ex negligente , & oscitante lectione Augustini , si non proveniat ex præventionem animi.

Libro 5.
contra de-
natistas
c. ultimo
ante med.
lib. 1. de
nupt. cap.
18. l. 1.
ad Bonif.
c. 20. in
fine & lib.
1. ante
med. & lib.
4. cap. 6.
in fine &
D. Prof-
per in res-

ponf. ad 8. object. Gallorum in fine : dicit vasa misericordiæ fieri ex vasis iræ : quod si hæc vasa , intelligerentur de prædestinatis , & reprobis respectu gloriæ , esset falsissimum : cum reprobi numquam fiant prædestinati , nec hi umquam fiant reprobi.

§. III.

In quo quædam aliæ reteguntur hallucinationes Calvinî : est aliquid de libro D. Augustini de corrept. et gratia, quod est valde notabile.

Numero 13. multa habet ex Augustino ut probet suam, prædestinationem ad vitam, & ad mortem sempiternam, non evertere exhortationes ad bonum, & ad virtutem : sed alia est prædestinatio Augustini, quæ præsupponit præscientiam meritorum bonorum, aut malorum, ut late demonstravi toto libro de prædestin. ad gloriam, & alia est prædestinatio Calvinî quæ nihil præsupponit ante se, sed est absoluta & ferrea, & per se assumptiva. mediorum determinationis hominem prædestinatum ad finem suum consequendum : quo posito nullus amplius restat exhortationi locus, cum tunc sit munus proprium Dei exequi suum decretum, quod fecit independentem prævisione actionum, & cum velit illud exequi per determinationes impositas arbitrio, quibus absolute non potest resisti. Unde non bene arguit Calvinus, à prædestinatione Augustini, ad suam, cum sint diversissime, imo & adversissime. Sed unum obiter notavi : quod consulit Calvinus initio hujus numeri lectionem libri de corrept. & gratia ad consolationem, ut ait piorum, qui terrentur hac sua prædestinatione ferrea, non aliam sane ob causam, quam quia ille liber difficillimus (ex quo ferè omnes qui contra Ecclesiam scripserunt, specialia sua arma sumplerunt) potius aptus est ad subversionem eorum, qui non legerunt præcedentia Augustini opuscula, quam ad edificationem illorum, de quo opusculo dici potest, id quod olim dicebat D. Petrus de Epistolis D. Pauli : scilicet quod ibi sunt quædam difficilia intellectu, quæ indocti, & instabiles depravant, sicut & cæteras scripturas ad suam ipsorum perditionem : propter quod statui (si Deusnaverit) aliquando dare commentarium continuum in librum illum, & in duos sequentes, quia ut plurimum hi tres leguntur, & non alij, & putant multi ex hac sola lectione se posse assequi veram mentem Augustini de prædestinatione, & gratia : in quo gravissime falluntur, & utinam illi soli fallerentur, debitas suæ negligentiae pœnas æquissime lucent, sed & decipiunt alios jactantes se legisse Augustinum, & non legerunt, cum hac tria opuscula nequidem sint centesima pars scripturæ Augustinianæ, quæ tota legenda, & relegenda est idque multoties, & attente ut illorum trium opusculorum verus sensus acquiratur, qui omnino supponit antecedentia esse cognita, ut ipse capiatur, cum hi sint postremi Augustini libri. Sed de his aliis, nunc pergamus ad sequentia.

Numero 14. Vaferrime loquitur Calvinus, mifcendo quidam vera cum falſis, ut utraque ſimul concludat: verum quidem eſt, quod aliqua profeſt Auguſtinus lib. de dono perfev. cap. 21. quę dicit eſſe vera ſecundum ſe, modo tamen enuntiata non accommodato ad bonum, & profeſtum audientium: ſed non ſunt ea quę ibi adducit Calvinus, ſcilicet: vere dici: ſi ita quis plebem compellet: ſi non creditis, ideo ſit, quia jam divinitus exitio deſtinati eſtis: & non ſunt credituri, qui audiunt, quia reprobat ſunt. Hęc enim numquam ſive ibi, ſive alibi dixit eſſe vera Auguſtinus, imo vero alicubi indicavit contrarium: ſcilicet lib. de gr. & lib. arb. cap. 12. circa init. ubi ait de quibuſdam qui non credebant in Chriſtum: quod gratiam repellebant, & in Chriſtum *propterea non credebant*. Id tribuens humanę pervicacię, & non reprobationi divinę, ut ſupra id tribuit Calvinus, quod ita falſum, & abſurdum eſt, ut nemo præter eum, & ejus ſimiles id dicere potuerit: cū nemo neſciat multos Chriſtianos reprobos eſſe, & tamen in Chriſtum credidiſſe: quia licet reprobatio impoſſibilis ſit cum perfeverantia in bono, non tamen cum fide, aut etiam juſtitia temporaria. Unde prædictę propoſitiones Calvinianę ſunt falſę. At vero propoſitiones, quas in cap. ſupracitato profeſt Auguſtinus, longiſſime ſunt ab eis diverſę: prima, quam non in totum approbat Auguſtinus, ſed in aliquo damnat, ut videbimus, eſt hujusmodi. Ita ſe habet de prædeſtinatione deſinita ſententia voluntatis Dei, ut alij ex vobis de infidelitate, accepta obediendi voluntate veneritis ad fidem: ceteri autem qui in peccatorum delectatione remoramini, ideo nondum ſurrexiſtis, quia necdum vos adiutorium gratię miſerantis erexit. Ubi nihil proſuſ. Habetur de reprobatione tanquam de cauſa infidelitatis aliquorum ut volebat Calvinus, ſed ſimpliciter ſenſo eſt de prædeſtinatione ad fidem, ob quam creditur, & de negatione efficacię gratię fidei, ob quam perfeveratur in infidelitate, ut ex terminis clarum eſt. Quamquam poſtremam partem poſtea reformat Auguſtinus dicens: nec illud quod ſequitur eſt omnino dicendum: ceteri vero qui in peccatorum delectatione &c. & voluit dici: ſi qui autem adhuc in peccatorum damnabilium delectatione remoramini, apprehendite ſaluberrimam diſciplinam. Ubi tantum abeſt quod ſit contrarius gratię ſufficienti, quin potius eam, ſtatuit. cū hortetur tales peccatores ad apprehendendam diſciplinam Chriſtianam, quod ſtultum proſuſ eſſet, ſi non poſſent, & per hoc non haberent gratiam ſufficientem. Altera propoſitio eſt ejuſmodi. Si qui obeditis, ſi prædeſtinati eſtis rejiciendi, ſubtrahentur obediendi vires, ut obedire ceſſetis. Quam ſic reformat ibidem Auguſtinus dicens: quid enim ſententię (ſcilicet verę & orthodoxę) deperit, ſi ita dicatur: ſi qui autem obediunt, ſed in regnum ejus & gloriam prædeſtinati non ſunt, temporales ſunt, nec uſque in finem in eadem obedientia remanebunt. Ubi vides reſciſſam illam partem præcedentis propoſitionis quę erat con-

tra gratiam sufficientem, & pro opinione Calvinus de subtractione gratiæ sufficientis ob reprobationem: scilicet: si prædestinati estis rejiciendi, subtrahentur obediendi vires, ut obedire cessetis: & voluit in hæc verba mutari: temporales sunt, nec usque in finem in eadem obedientia remanebunt. Quæ solum indicant negationem gratiæ efficacis non vero sufficientis: quia nempe numquam voluit Augustinus in sua prædestinatione, aut reprobatione negari gratiam sufficientem, sed tantum efficacem. Unde solum dicit in propositione illa sua, quam approbat: temporales *sunt*, nec usque in finem in eadem obedientia *permanebunt*. Solum ponens negationem actus, non vero potentie, & proinde solum indicans negationem gratiæ efficacis, quæ est ad actum existentem, non vero gratiæ sufficientis, quæ est ad posse, & quæ dat potentiam, & vires sufficientes ad agere. Ex quo manifestum est, quam impudenter in his mentitus est Calvinus, ut id probari ulterius non indigeat.

Multa autem similia postea congerit idem Calvinus, quæ sunt de gratia efficaci negata aliquibus, non vero sunt de gratia sufficiente, cum sint de actu, & non de potentia, & ideo ea negligimus, ut contra intentionem nostram nihil efficientia. Verum, est aliquis ibi locus inter alios, ubi loquitur Augustinus de posse, & ideo pertinere videatur ad gratiam sufficientem: dicit enim ibi Augustinus: voluntati Dei humanas voluntates non posse resistere, quominus faciat ipse quod vult, quandoquidem etiam de ipsis voluntatibus, quod vult, cum vult, facit. Respondeo quod illud: non posse resistere Deo volenti aliquid facere in nobis, non est contra gratiam sufficientem, quia bene stat, quod aliquis vere possit aliquid, & tamen quod potentiori, qui vellet eum impedire, resistere non possit V. G. quilibet homo sanus potest currere, loqui, & alia hujusmodi, & tamen certum est, quod potentior eo, potest, ne ea omnia faciat, impedire, sine præjudicio tamen suæ veræ potentie quamdiu actu non impeditur. Unde hoc non est contra gratiam sufficientem: sed quia potest exponi contra gratiam indifferentem, ideo dicendum est: Deum quidem indicari ista posse, sed non per gratiam determinantem, sed per gratiam indifferentem, quam prævidit effectum habituram, si detur. Tot enim sunt gratiæ in minu Dei, ad quemlibet actum dandæ, ut impossibile moraliter sit, quin aliqua earum effectum habitura sit, si detur, & sic per illam nos faciat agere Deus secundum intentionem suam, non quidem necessario, sed infallibiliter ex prævisione futuri. Unde isti potentie sæpe adjungit Augustinus præscientiam: sic libro 1. ad simplic. quæstione 2. ante med. dicit: quod nullius Deus frustra miseretur (sed quomodo, sic exponit dicens) cujus autem *miseretur*, sic eum vocat, quomodo *scit* ei congruere, ut vocantem non respuat. Et lib. 14. de civit. Dei cap. 26. cum locutus fuisset de peccato Angelorum, & Adæ, qui sancti indifferentissimi fuerunt in peccando: postquam præmisisset Dei præf-

præscientiam, postea subdit omnipotentiam, dicens sub finem capituli: ita factum est, ut nec Deum aliquid lateret futurorum, nec præciendo quemquam peccare compelleret, & quid interesset inter propriam cujusque præsumptionem, & suam tuitionem (per gratiam) Angelicæ, & humanæ rationali creaturæ consequenti experientia demonstraret, quis enim audeat credere, aut dicere, ut neque Angelus, neque homo caderet, in Dei potestate fuisse. Et tamen certum est, quod id tantum poterat Deus (via sc. ordinaria, de qua loquitur ibi August.) per gratiam indifferentem, cum ut talem explicasset gratiam eorum in eodem capite: sed per præscientiam præmissam, bene sciebat Augustinus, quod deus posset omnia per illam, etiam in voluntatibus liberrimis, atque indifferentissimis, quales proculdubio fuerunt, voluntates Angelorum, & primorum hominum secundum Augustinum. Et tandem libro 1. operis imperf. cap. 92. sic exprimit eandem Dei omnipotentiam, ut per prædictam præscientiam directam dicens: absit ut impediatur ab homine, omnipotentis, & cunctis præscientis intentio. Ex quibus omnibus manifestum est, illam omnipotentiam divinam cui non possumus resistere secundum Augustinum, ita explicandam esse, ut non præjudicet indifferentiæ humanæ, ut nec sufficiency gratiæ. Ex quibus etiam solvuntur ea, quæ consequenter ibi adducit Calvinus, quæ sunt de gratia efficaci, & non de sufficienti, cum habeat effectum, & ideo non sunt ad propositum. Cum autem illa gratia efficax, sit propria salvandorum, non est mirum, quod dicat Augustinus, illam Deum esse concessurum iis, qui sunt prædestinati ad vitam æternam, quod non magis indicat, prædestinationem ad vitam æternam esse causam istius gratiæ, quam istam gratiam, ut cum effectu conjunctam, esse causam prædestinationis ad vitam, cum utrumque possit dici, sed ab hac questione ibi abstraxit Augustinus, cum non esset ad suum propositum, quandoquidem ibi solum disputabat ex professo de prædestinatione ad gratiam contra Pelagianos, qui eam directe oppugnabant, non vero de prædestinatione ad vitam æternam, de qua nihil disceptabant: unde nullam ibi apposuit causalem Augustinus, ex qua conicere liceret; an prædestinatio ad gloriam esset causa meritorum, an vero merita essent causa prædestinationis ad gloriam, sed meram connexionem, quæ inter ista intercedebat, indicavit, cum hoc sufficeret ad suum propositum.

Hoc sum-
ptum est ex
lib. de cor-
rept. & gr.
cap. 14.



§. I V.

In quo clare explicatur quidam locus difficultis Augustini à Calvinio in prævum sensum detortus.

Capite 24. sequente pauca habet Calvinus ex Augustino contra gratiam sufficientem, eaque ut plurimum fundata in errore suo ordinario, quo perperam interpretatur, id quod dicit August. de gratia efficaci, quasi esset dictum de gratia sufficiente. quod valde falsum, & absurdum est: quosdam autem locos ibi citatos jam explicuimus in objectione 9. reliquos hic explicabimus.

In nostris
codicibus
est cap. 32.

Sub finem ergo numeri primi, profert hunc locum Augustini ex cap. 31. Enchiridij, ubi dicit Augustinus exponens locum illum Apostoli: non est volentis, neque currentis sed miserentis Dei. Quod si nihil aliud voluit Apostolus, nisi non esse solius volentis, aut currentis, nisi adsit misericors Dominus: retorquere è converso licebit, non solius esse misericordię, nisi adsit voluntas, & cursus: quod rejicit ibi Augustinus.

Respondeo nihil ibi respexisse Augustinum quod pertineret ad gratiam determinantem, aut sufficientem, sed tantum quod pertinebat ad gratiam prævientem, ut prævieniens est, quam ibi formaliter defendebat contra adversarios gratię: ibi enim agebat contra Pelagianos, qui volebant actionem hominis esse ante gratiam Dei, & dicebant illam actionem meri nostri arbitrij incipere meritum, non vero ipsam gratiam prævire, & incipere meritum hominis, qui erat error peculiaris Juliani, & posteriorum cum eo Pelagianis. Hoc clare patet ex initio illius capituli, ubi ait Augustinus. Ne quisquam (scilicet Pelagianus) & si non de operibus (totalibus) de ipso gloriatur lib. arbitrio, tanquam ab ipso incipiat meritum, cui tanquam deb. tum reddatur premium bene operandi ipsa libertas, audiat eundem prævionem dicentem: Deus est enim qui operatur in vobis, & velle, & operari pro bona voluntate (quam phrasim tractatu de indifferenti &c. ostendimus solum significare prævionem gratię ut sic) & alio loco: igitur non volentis, neque currentis, sed miserentis est Dei (quę adhuc phrasim solum significat prævionem gratię, ut ibidem explicuimus, & probavimus ex Augustino) cum proculdubio, si homo ejus ætatis est, ut ratione jam utatur, non possit credere, sperare, diligere, nisi velit, nec pervenire ad palmam supernę vocationis Dei, nisi voluntate cucurrerit. Quę phrasēs manifeste indicant cooperationem arbitrij, seu dependentiam actionis bonę à voluntate hominis, ut ostendimus in eodem tract. parte 2. argum. 8. 9. 10. 11. & proinde patet ibi esse gratiam indifferentem, & sufficientem cum exprimitur per possit, & per nisi velit, & per nisi voluntate cucurrerit, quod idem est, ac si diceretur: potest homo credere, sperare, diligere, si velit, quę phrasi communiter expli-

Parte 2.
sect. 6 §. 2.
Ibidem §.
3. in expli-
catione
verbi mi-
sereri.

cat Augustinus gratiam Ade sufficientem, & indifferentem, ut nimis in confesso est apud omnes. Quod autem prædicta propositio Augustini ita exponi debeat, patet, cum indicet tempus in quo solo id potest homo, scilicet cum est in ea ætate, in qua ratione utitur: tunc ergo potest per gratiam indifferentem, & sufficientem & non per merum liberum arbitrium, ut volebant Pelagiani, quod tamen non faciet, *nisi velit, & nisi voluntate cucurrerit*, quod sane rejicit omnem determinationem alienam à voluntate nostra bene operante, ut per se manifestum est. Ex quo patet quam absurde ex verbis in objectione allatis, & à nobis explicatis intulerit Calvinus: quod dubitare non debemus: omnia misericordie Domini dare, *non suis autem voluntatibus, aut studiis nihil relinquere*: cum hoc sit damnatum ab Augustino per verba mox explicata cum ait quod homo non credit, non sperat, non diligit, *nisi velit & nisi voluntate cucurrerit*, imo est alibi execratum ab Augustino, tanquam calumnia detestabiliter sibi imposita, ut satis demonstravimus in prædicto tractatu parte 2. argum. 70. unde non ideo non vult inverti propositionem prædictam, quia homo non concurrit libere cum Deo, sicut Deus concurrit libere cum homine, ad opus bonum, quasi videlicet bonum opus non penderet ab homine sed solum à Deo omnia omnino in nobis faciente, nihil nobis ibi libere agentibus, ut vult Calvinus, sed ideo solum quia sciebat, Apostolum per istam phrasim asserere gratiam prævenientem, & præexcitantem arbitrium: unde si permisisset hanc propositionem inverti, per hoc admisisset, arbitrium præcedere aliquando, & promereri eam, ut volebant isti Pelagiani contra Catholicam gratie prævenientis, & necessariæ doctrinam, unde totum quod postea sequitur in textu, est de præveniente gratia, ut de ea, de qua ibi agebatur formaliter, & de subsequente, tantum occasionaliter: sic enim ait consequenter. *Quomodo ergo non volentis, neque currentis, sed misereantis est Dei, nisi quia & ipsa voluntas*, sicut scriptum est, *à Deo preparatur* (id est prævenitur: ut alibi explicatum est. Ubi vides, istius propositionis Apostolicæ, nullam aliam velle Augustinum causam asferri, nisi præcessionem gratiæ ante voluntatem, seu, quod idem est, nisi preparationem voluntatis per gratiam. Ex qua assertionem mox insert non posse retorqueri, seu inverti propositionem illam: per hoc clare indicans, non aliam objectionem eum negare istam inversionem, seu retorsionem posse fieri, nisi quia pro gratia præveniente arbitrium, poneretur arbitrium aliquando præveniens gratiam, quod non esset Catholicum, cum, secundum fidem Catholicam, gratia semper debeat prævenire arbitrium) alioquin si propterea dictum est: non volentis, neque currentis, sed misereantis est Dei, quia ex utroque fit, id est, ex voluntate hominis, & misericordia Dei (promiscue, & indiscriminatim: ita ut una aliquando præcedat, aliquando altera: unde & hæc præmittit voluntatem hominis ante gratiam Dei, ut magis pateat

Tract. de
indiff. ren-
ti &c. sect.
6. §. 1.

absurditas dicens, ut vidimus: ex voluntate hominis, & misericordia Dei, ubi gratia, seu misericordia Dei posterior est) ut sic dictum accipiat (ecce amplius explicatur absurdum) non volentis, neque currentis, sed miserentis est Dei: tanquam diceretur: non sufficit sola voluntas hominis, si non sit etiam misericordia Dei (id est nisi ei præcedenti adjungatur misericordia Dei, quod illa particula, etiam, valde clare designat, in quo casu gratia Dei esset solum adjuvans, & subsequens, ut volebant isti Pelagiani, sed non etiam semper excitans, & præveniens, ut volebat Augustinus: in quo sensu absurdo sumenda sunt etiam sequentia verba) non ergo sufficit sola misericordia Dei, si non sit etiam voluntas hominis (quæ scilicet adjuvetur, cum non possit esse adjuvans, ut sic, sine adjuto, nec adjutum sine adjuvante sibi necessario: unde admittebant isti Pelagiani dependentiam reciprocam voluntatis, & gratiæ, ita ut voluntas non posset perficere opus bonum sine gratia, nec gratia sine voluntate: unde & admittebant gratiam esse adjuvantem, non vero præexcitantem, & per hoc non prævenientem, de quo late reprehenduntur libro 1. ad Bonif. cap. 19. & sequentibus: nos priora tantum verba prædicti capitis adferemus, ut ad elucidandam hanc veritatem sufficiat: vos, inquit, in bono opere sic putatis adjuvari hominem gratia Dei, ut in excitanda ejus ad ipsum bonum opus voluntate nihil eam creditis operari. Ubi clare vides, eos admisisse solum gratiam adjuvantem, & præsupponentem conatum voluntatis humanæ sine gratia Dei, non vero etiam excitantem, seu prævenientem admisisse: de quo ideo hic reprehendit eos Augustinus, cum dicit, aut innuit, eos velle supraallatam Apostoli propositionem posse retorqueri, & inverti, ut scilicet indicet apostolus tantum mutuam, & promiscuam dependentiam hominis, & Dei, in perficiendo bono opere, non vero dependentiam hominis à Deo perpetuam non reciprocam in excitanda ejus voluntate, quod dicit abhorrere ab omni sensu Catholico, & dicit esse damnatum ab omni viro Christiano ut sequitur) porro si nullus Christianus dicere audebit, non est miserentis Dei, sed volentis est hominis (quia tunc admitteretur quod arbitrium aliquando prævenit gratiam, sicut gratia prævenit arbitrium) ne apostolo apertissime contradicat: restat ut propterea recte dictum intelligatur: non est volentis, neque currentis, sed miserentis est Dei, ut totum Deo detur, qui hominis voluntatem bonam, & præparat (id est prævenit) adjuvandam, & adjuvat præparatam (id est, utrumque facit, & prævenit voluntatem, antequam se determinet ad agendum, & adjuvat eam, cum se determinat ad agendum, & non unum solum eorum facit, scilicet, eam adjuvare cum se determinat ad agendum: quasi posset aliquando se convertere ad Deum sine Deo, ut volebant prædicti Pelagiani, querendo, petendo, & pulsando ad Deum sine Deo: unde & in sequentibus nihil aliud frequentius inculcat quam præventionem debere esse à gratia, & non à lib. arbitrio, ut id quod dicitur

Vide etiā
librum 2.
ad Bonif.
c. 8. usque
ad finem
libri ubi
idem eorū
error clarissime
explicatur ut
dicimus.

At ibi contendebat contra adversarios, dicens) præcedit enim bona voluntas hominis multa Dei dona (V. G. voluntas credens, voluntatem sperantem, & diligentem Deum, & proximum) sed non omnia (quia non præcedit seipsam, ut credentem in Deum, cum fides sit primum donum dei, & per hoc ante omnia merita, & opera arbitrij: unde & sequitur) quæ autem non præcedit ipsa, in eis est, & ipsa. Nam utrumque legitur in sanctis eloquiis (ecce quomodo vult gratiam non esse solum adjuvantem seu solum subsequenter, ut volebant isti errantes, sed etiam semper excitantem, & prævenientem arbitrium, quod volebant isti errantes) & misericordia ejus prævenit me, & misericordia ejus subsequetur me: nolentem prævenit, ut velit, volentem subsequitur, ne frustra velit. Et paulo post. Oramus ergo pro inimicis nostris, ut misericordia ejus præveniat eos, sicut prævenit & nos: oramus autem pro nobis, ut misericordia ejus subsequatur nos. Ubi solum vides contendere Augustinum, ut gratia Dei præveniens, seu excitans, admittatur ab istis hæreticis, sicut gratia adjuvans, & subsequens admittebatur ab eis. Et hæc sola fuit ratio, propter quam noluit inverti, seu retorqueri prædictam Apostoli sententiam: ne sicut in forma sub qua enuciabatur ab apostolo, significabat gratiam prævenire voluntates hominum, ita si inverteteretur, seu retorqueretur, significaret è contrà voluntates nostras prævenire aliquando gratiam Dei, quod favebat istis hæreticis solum gratiam adjuvantem, seu subsequenter, & non etiam prævenientem: quod & alibi explicat per aliam phrasim sibi satis ordinariam, agens contra eosdem hæreticos: ubi postquam retulisset supradictam sententiam Apostoli Non est volentis, neque currentis, sed misereus est Dei: sic ait: non ergo ideo misertus est Deus, quia voluit, & cucurrit Jacob (quod indicaret gratiam esse solum subsequenter, & non etiam prævenientem) sed ideo voluit, & cucurrit Jacob, quia misertus est Deus: quod indicat gratiam, seu misericordiam dei esse prævenientem, unde & sequitur) paratur (id est prævenitur) enim voluntas à Domino, & à Domino gressus hominis dirigunt (per gratiam antecedentem) & (deinde) viam ejus vult. Et ita ibi sunt omnia de præveniente gratia ut sic, non vero de gratia determinante nos ad unum, seu de tali gratia, per quam Deus faciat omnia in nobis, & nihil relinquit voluntatibus, & studiis nostris, ut præcipitantissime sicut & ignorantissime asseruit Calvinus: præcipitantissime quidem cum in eodem ipso loco, ubi non vult Augustinus inverti, seu retorqueri propositionem apostoli, formaliter indicet Augustinus cooperationem liberam, & indifferentem arbitrij: cum ibi formaliter dicat Augustinus: quod non sufficit sola misericordia Dei, si non sit etiam voluntas hominis. Et paulo post reddens rationem, cur non recte diceretur: non misereus est Dei, sed volentis est hominis: sicut recte dicitur: non est volentis hominis, sed misereus est Dei: mox addit: quia id misericordia Dei sola non im-

Apud Bedam in prædicta verba Apostoli in reposita ejusdem lectionis explanatione citat id ex lib. contra Julian.

plet. Per hoc indicans, relinqui aliquid voluntati, & studio hominis, cum non sola misericordia, seu non solus Deus ibi faciat omnia, ut dicebat Calvinus. Quod si respondeatur per id intellexisse Augustinum solum concursum phisicum arbitrij, quem Deus sinit nobis intactum. Respondeo, solum concursum phisicum non sufficere ad faciendam illam dependentiam, quam indicat Augustinus actionis Dei ab actione hominis per hæc verba: non sufficit sola misericordia Dei, si non sit etiam voluntas hominis: & per ista: non potest homo credere &c. nisi velit, nisi voluntate ecurrerit: & per ista: sola misericordia Dei hoc non implet: nam hæc indicant eam indigere homine consorte, ut id impleat. At si gratia Dei, determinat, & necessitat. & protus sibi subijcit voluntatem humanam, ut vult Calvinus; quomodo indigebit ea ut operetur, quandoquidem hoc posito, tota operatio ejus phisica penderet à gratia, ut sit, aut non sit, & ut talis, aut talis sit. Unde est quod nihil reputat Augustinus operationem phisicam nostræ voluntatis, quando mere phisica est, & ab alio determinata. Ut patet in duabus ejus operationibus, quarum prima est in gratia excitante, quæ est operatio vitalis nostræ voluntatis. de ea enim loquens Augustinus lib. de gr. & lib. arb. cap. 17. dicit deum eam operari in nobis *sine nobis*. Altera est, beatitudo æterna; quæ consistit in actibus vitalibus intellectus, & voluntatis: loquens enim de ea homilia 14. ex 50. cap. 2. sub nomine mercedis æternæ, & alibi, ut notavimus in 1. de indifferenti &c. parte 2. sect. 7. dicit, *nihil* nos agere in ea, licet phisice tamen ibi agamus. Ergo cum hic in bono opere agnoscat Augustinus, quod non sufficit sola misericordia dei, *si non sit etiam voluntas hominis* (agens cum ea) & quod sola misericordia dei bonum non implet: manifestum est, quod per hoc indicat, ibi aliquid requiri à nobis præter concursum phisicum, scilicet liberam, & indifferentem cooperationem nostram. Ex quo manifestum est quod voluit Augustinus in bono opere aliquid relinqui voluntati, & studio hominis, præter concursum phisicum sui arbitrij, scilicet liberam, & indifferentem cooperationem ejus in bono opere quod præcipitantissime, ut dixi, negaverat Calvinus.

Sed sane non minus, inscitè, & ignoranter: id alii ruit. Tum quia non novit, de qua gratia ibi sermo erat, cum in initio capitis satis monuisset August. sermonem ibi esse de gratia initiante, seu præveniente actui bonum, non vero de gratia totum faciente in homine, ut perperam putavit Calvinus. Tum etiam quia toties inculcat August. in illo capite: gratiam non esse tantum subsequenter, sed etiam præparantem, seu prævenientem, ut per hoc satis indicarit mediocriter intelligentibus, ibi se solum agere contra aliquos, qui jam admittebant gratiam subsequenter, sed non etiam prævenientem, & sic tantum ibi sermonem esse de excitatione ad bonum opus à Deo, non vero de totalitate productionis ejus; an esset à deo solo & non etiam ab homine. Tum denique quia crasse ignoravit Calvinus, Augustinum ali-

bi aperte declarasse se admittere studium voluntatis humanæ in bono opere, imo asseruisse, illud studium expectari debere ab humana voluntate. Quod si fîlitem legisset Calvinus omnia Augustini opuscula contra Pelagianos, non tam stupide, & ignoranter de Augustiniano sensu locutus hîc fuisset: cûm in iis vidisset, quod queritur Augustinus de Juliano libro 4. contra eum cap. 8. tanquam de calumniatore, eò quòd diceret, ut hîc dicit Calvinus, eum asseruisse, nihil studij expectari debere ab humana voluntate; *Calumniaris*, inquit, *me dicere: nihil studij expectari ab humana voluntate debere.* Sic deputans calumniæ, id quod hîc tam asseveranter dicit de eo Calvinus, tanquam indubitatam partem ejus doctrinæ: tantum enim abest, ut Augustinus voluerit Deum, aut gratiam ejus, à nobis auferre voluntates, & studia: seu, quod idem est nihil nostris voluntatibus, & studiis relinquere, quin potius asseruit formaliter contrarium: nam libro 1. ad simplic. qu. 2. ait: quod Deus ipse tribuit, & largitur nobis, ut sit nutus voluntatis, & industria studij. Quid autem magis contrarium est quam dare, & auferre, quam dare nutum voluntatis, & industriam studij, & nihil ex his relinquere: certe primum dicit Augustinus ut clarum est & Calvinus vult eum dicere secundum. Ergo calumniatur Calvinus, sicut & Julianus, cûm dicit: Augustinum omnia misericordiæ Domini dare, nostris autem voluntatibus, aut studiis nihil relinquere. Sed de his satis, pergamus nunc ad reliqua quæ pauca sunt.

Tandem numero 13. volens probare Calvinus quod gratia aliquos vocat, alios præterit: citat pro se Augustinum dicentem, ut ipse ait: posset Deus malorum voluntatem in bonum convertere, quia omnipotens est, posse plane; cur ergo non facit, quia noluit, cur noluerit, penes ipsum est. Hoc citatur ex libro 2. de Genesi ad litt. cap. 10 sed legi caput istud cum duobus antecedentibus, & consequentibus, imo legi caput 10. primi, & secundi libri, ne forte error irrepsisset in citationem libri, & nihil hujusmodi reperi: quapropter solutionem specificam isti objectioni adhibere non potui. Verûm generaliter dico, locum illum nihil habere contra gratiam sufficientem omnibus, & singulis datam, cûm sit solum de gratia efficaci, seu de ea gratia singulari, quæ habet effectum, ut patet ex his verbis: cur non facit: id est cur non convertit: quod indicat actum existentem, & proinde indicat gratiam efficacem, & non mere sufficientem, quæ abstrahit ab actu, & indicat potentiam. At vero perlibenter concedimus, gratiam efficacem non dari omnibus, & singulis, sed negari aliquibus ex voluntate divina, non tamen ita absoluta, ut non prius supponat, aliquod peccatum in homine, propter quod ea indignus habeatur, seu propter quod ea privari mereatur juxta constantissimam Augustini doctrinam quam probavimus in disput. nostra de prædest. ad gl. parte 2. sect. 3. § 2. puncto 7. & in tract. de indifferenti &c. parte 2.

argum. 77. sub finem : unde etiam nemo conqueri debet quod tali gratia privetur , cum ea numquam privetur , quin ea privari prius meruerit hinc est quod istam privationem semper refert Augustinus ad iudicium , poenam , & supplicium . ut ibidem notavimus . Sed de illa gratia , hic non loquimur , sed de sola sufficiente , de qua cum non loquatur ibi Augustinus , ideo dicimus locum istum , seu objectionem ex illo sumptam , non esse ad propositum .

Ecce totum quod reperi in duobus praedictis capitibus Calvinii , quod quomolibet posset opponi contra gratiam sufficientem omnibus , & singulis datam juxta doctrinam Augustini .





DE NECESSARIA AD SALUTEM
G R A T I A ,
 OMNIBUS ET SINGULIS
D A T A ,

SECUNDUM AUGUSTINUM.

P A R S S E C U N D A .

Quæ est de illa gratia in specie.

SECTIONO PRIMA.

Quæ est de fidelibus , seu Christianis ; quomodo habeant gratiam necessariam , seu sufficientem ad salutem.

ROST probatam primam partem hujus tractatus , in qua demonstravimus : quod gratia sufficiens in genere , datur omnibus ; & singulis hominibus , nunc tempus est , ut transeamus ad secundam partem , & monstremus : quomodo illa gratia in specie detur omnibus , & singulis hominibus , seu , quod idem est , quomodo communicetur diversis quasi hominum speciebus , & earum singulis : V. G. quomodo communicetur fidelibus , seu Christianis , quomodo infidelibus , seu Paganis . quomodo Judæis , & Hæreticis . Denique quomodo ipsis parvulis ratione non utentibus . Hæ enim diversæ quasi species , diversas habent

Part 2.

Bb

difficultates, quas enodare oportet, tot, & diversis conclusionibus, quot & diversæ illæ sunt. Quare sit.

In Psal. 6.
ante med
sic ait ut
enim amitt
teremus
(per pecca
tum) non e
ius absen
tia quib.
que adest
sed nostra
fecit aver
sio.

Prima conclusio: Deus omnibus, & singulis fidelibus, seu Christianis dat gratiam sufficientem ad salutem, specialiter ob fidem, & per fidem illorum, ita ut nullus Christianus diffidere debeat auxilio divino, in quacumque tribulatione, seu tentatione positus sit. Quod enim Deus eos ob fidem illorum, seu ut fideles, & Christianos singulariter protegat, & eis provideat de mediis sufficientibus ad salutem, præterquam quod toto tract. 109. in Joann. clare asserit Augustinus Christum pro iis omnibus, tam præsentibus, quam futuris singulariter orasse; & per hoc singulares eis gratias saltem sufficientes obtinuisse. cum oratio ejus non potuerit non exaudiri à patre suo propter ejus reverentiam: facile adhuc probari potest multis illius testimonio: sic enim alloquitur quilibet Christianum scribens in Psal. 39. in hunc versiculum: jacta super Dominum curam tuam, &c. qui habuit tui curam antequam esses, quomodo non habebit curam, cum jam hoc es, quod voluit ut esses. Jam enim *fidelis es*, jam ambulas in via justitiæ, curam tui non habebit, qui facit solem suum oriri super bonos, & malos, & pluit super justos, & injustos, te jam *justum* ex fide *viventem* negliget, deseret, dimittet: imo vero, & *hic fovet*, & *hic adjuvat*, & *hic necessaria subministrat* (in quibus est gratia sufficientis) & *noxia refecat*: dando consolatur ut permaneas, auferendo corrigit ne pereas, Dominus curam habet tui securus esto, ille protegit qui te fecit (at omnes fecit, & singulos: ergo protegit omnes, & singulos Christianos) ab artificis tui manu noli cadere, si cecideris jam à manu artificis frangeris: ut autem permaneas in manu artificis, bona voluntas facit. Et infra *numquam tibi deest* tu illi noli deesse, tu tibi noli deesse. Et in Psalm. 48. conc. 1. in hæc verba iniquitas calcanei mei circumdabit me: sic ait: si ergo iniquitas calcanei circumdabit nos, ut quid timemus in die mala, cum *conversi ad Christum habeamus in potestate*, ut non faciamus iniquitatem, & non erit, quod nos circumdet, & gaudebimus in die novissima, non plangemus. Et in Ps. 61. in hæc verba Deus auxilii mei, & spes mea in Deo. Sic ait: spes, quando nondum est, quod promissum est, & *credetur*. quod nondum videtur, cum autem venerit, erit salvatio, & glorificatio: non tamen, dum illa differuntur, deserimur. Et in Psalm. 98. circa initium sic ait: apparebit quærentibus, & *credentibus*, qui primo apparuit non quærentibus, & non deseret desiderantes se, qui redemit negligentes se. Et in Psalm. 130. sub finem sic ait non dimisit me in via remanere, quia non cessat alloqui me: ergo fratres non cessat Deus alloqui nos. Et in libro de corrept. & gr. cap. 7. clare dicit esse in istorum potestate perseverare Homo, inquit, in eo quod audieras, & tenueras, in eo perseverares, si velles. Et serm. 62. de verbis Domini sub finem clare indicat quod neminem Deus ejicit, sed quod quilibet exit ex semetipso, & non perseverat in bono: quod non verum esset, si cuipiam Deus negaret.

gratiam sufficientem ad perseverandum. Nam exponens ibi verba ista cantic. 1. nisi cognoveris temetipsam pulchram inter mulieres exi tu. Sic ait: tanquam dicens: *non ego te ejicio, exi tu*: nisi temetipsam cognoveris pulchram &c. Et infra: ergo *exi tu* in vestigiis gregum, &c. & luculentiùs Homil. 4. de diversis sub finem in suplem. exponens eadem verba cantic. 1. sic ait: *non enim te ejicio, sed exi tu*: à nobis enim exierunt, qui segregant semetipsos, animales spiritum non habentes: *non enim dictum est: ejeti sunt, sed exierunt*, hoc & in primis peccantibus iustitia divina servavit (ubi vides eum in hoc æqui parare eos, primis parentibus, qui omnino liberi, & indifferentes exierunt, & non perseverarunt) tanquam enim jam pronos proprio pondere dimisit, eos de paradiso non exclusit; nisi ergo cognoveris temetipsam, ô pulchra inter mulieres, *exi tu*, non ego te ejicio, *exi tu*, ego te in corpore meo volo sanari, tu putredinem tuam appetis amputari. Hoc illis dictum est, qui prævidebantur exituri, ut possint se agnoscere, & cadere mansuri. Et infra: *noluisti* (ergo potuisti sensu Augustini) audire dicentem: nisi cognoveris temetipsam, ô pulchra inter mulieres. Noluisti ergo audire, & appendere, quid sit. Nisi &c. Et serm. 22. de diversis cap. 3. loquens singulis Christianis sic ait. Tene te in navi, & ora Deum (per hoc supponens semper esse in Christianis gratiam orandi, seu gratiam remotam bene agendi.) deficientibus enim omnibus consiliis, cum neque gubernacula suffecerint... sola restat navitis intentio deprecandi, & voces ad Deum fundend. Et Hom. 50. ex quinquaginta cap. 5. circa initium sic ait cuilibet Christiano. Quicquid feceris, quæcumque peccaveris, adhuc in vita es, unde te Deus omnino, si sanare nollit, aufert. Per hoc indicans, nulli Christiano viventi deesse auxilium sufficiens ad resurgendum, si peccaverit. Et lib. 1. de serm. in monte c. 12. post med. loquens de inveterata consuetudine peccandi sic ait: hanc vincere difficillimum est: & tanten etiam ipsam consuetudinem, si se quisque non deserat, & Christianam militiam non reformidet, illo (scilicet Deo) duce, atque adiutore superabit. Et lib. 4. de symb. ad Catechum. cap. 5. sub finem. Loquens cuilibet Christiano sic ait: ad hoc ille (scilicet Christus) pugnare vult, ut te doceret, quomodo vinceret: sed si vires tuæ parvæ sunt, ipsum invoca salvatorem, ipsum invoca adiutorem: cum te perspexerit fideliter invocantem, qui pro te pependit in ligno, & hic victoriam, & coronam victoriæ preparabit in cælo. Ubi non solum vides gratiam suffic. omnibus, & singulis Christianis. paratam, sed etiam gloriam ob merita prævixa eis prædestinatam.

Quod autem singulariter per ipsam fidem Christianis Deus tribuat prædictas gratias suffic. multis locis indicat Augustinus: sic enim ait libro de nat. & gr. cap. 16. hæc est fides, ad quam præcepta compellunt, ut lex imperet, & fides impetret. Et lib. de gr. & lib. arb. cap. 14. fides non petita conceditur, ut ei petenti alia concedatur. Et in Enchiridio cap. 117. ipsa est, inquit, fides Christi; quam

Ex hoc ultimo testimonio patet quod loquitur de fide impetrante ante quam charitati conjuncta sit.

commendat Apostolus, quæ per dilectionem operatur, & quod in dilectione nondum habet, petit, ut accipiat, quarit, ut inveniat, pulsat ut aperiat, &c. fides namque impetrat quod lex imperat. Et in Epist. 106. in prioribus ejus partibus sic ait. Si quis dixerit, quod gratiam bene operandi fides mereatur, negare non possumus, imo vero gratissime confitemur. Hanc enim fidem volumus habere, quæ impetrent charitatem, quæ sola vere bene operatur. Quibus similia multa videre potes in præfatione disputationis nostræ de prædest. ad gl. (quæ brevitatis causa hic omittimus) cum dubitari prorsus non possit, quin censuerit Augustinus, omnes, & singulos Christianos, virtute suæ fidei, impetrare posse omnes gratias sibi necessarias, etiam & ipsum donum perseverantiæ, quod ait libro de dono persever. cap. 6. suppliciter à nobis emereri posse imo & ait cap. 16. solis fidelium orationibus & petitionibus concedi solere. Ex quo manifestum est, omnes, & singulos Christianos secundum Augustinum, habere gratiam sufficientem ad salutem in quacumque tribulatione, aut tentatione positi sint, & ob fidem, & per fidem eorum: ea autem quæ contra obijciuntur per se levissima sunt, & supra soluta sunt in argum. 6. ubi de possibilitate præceptorum.

SECTIO SECUNDA.

Quæ est de infidelibus, seu Paganis; quomodo habeant gratiam necessariam, seu sufficientem ad salutem: ubi & de duplici fide qua creditur primò in Deum, deinde in Christum.

2. **C**onclusio omnes, & singuli Pagani, seu infideles, habent gratiam sufficientem, ut perveniant ad fidem, per quam fidem postea possunt impetrare omnia, quæ necessaria sunt ad eorum salutem. Dixi primò ad fidem: quia indubitatum omnino est apud Augustinum, fidem esse primam Christi gratiam, qua perveniri potest ad vitam, seu ad salutem æternam unde ab illa gratia semper vult auspiciari Augustinus exordium nostræ salutis, ut clare docet libro de nat. & gr. cap. 68. dicens: si ergo volumus, animos ad recte vivendum frigidus, & pigros Christianis exhortationibus excitare, & accendere, primitus exhortemur ad fidem, qua Christiani fiant, & ejus nonini subijciuntur, sine quo salvi esse non possunt. Unde cum Semipelagiani vellent exordium nostræ salutis sumi à bonis operibus ei: ego, cum esses longe, veni, ut reducerem te: cum inter montes, & silvas errares, quasi te, inter lapides, & ligna inveniret, in lapideis ostenderas, ipsis adhaerebas quia ligna, & lapides adorabas &c.

meri liberi arbitrij, & ideo libro de prædest. sanct. cap. 7. obijcerent ei bona opera Cornelij gentilis, seu Pagani, ante susceptum baptismum facta, quasi per illa opera, quæ putabant esse meri lib. arbitrij, promeruiſſet pervenire ad fidem Christi: negat ea operatum esse Cornelium sine aliqua fide, id est, sine aliqua gratia, qua prius credidiſſet in Deum, & sic impetraſſet auxilium, per quod effectiſſet opus bonum. Solet enim inquit dici (ſcilicet à Semipelagianis) ideo credere meruit, quia vir bonus erat, & antequam crederet: quod de Cornelio dici poteſt: cujus acceptæ sunt eleemoſynæ, & exaudita orationes, antequam credidiſſet in Christum, *neg tamen sine aliqua fide donabat, & orabat*: nam quomodo invocabat, in quem non crediderat. Ubi manifeste indicat Augustinus primam Christi gratiam esse fidem, qua oratur, & impetretur auxilium, per quod fiat opus bonum. Sed valde interest ad nostrum propositum ſcire qualis fides illa sit: duplicem enim ibi agnoſcit fidem Augustinus: unam antequam credatur in Christum, alteram qua creditur in Christum, & unam vult esse necessariam ad orandum, & ad bene operandum, quam explicat per hæc verba: quomodo enim invocabat in quem non crediderat: unde illa fides ſupponit unum Deum explicite cognitum, quem invocet, ut remuneratorem bonorum operum, & exauditorum orationum, juxta illud Apostoli ad Hebr. ii. credere enim oportet accedentem ad Deum, quia est, & inquirentibus se remunerator sit. Cætera autem ſufficit ad illam fidem quod credantur aliquo modo implicite, & in præparatione animi, si expreſſe revelentur. Saltem nihil aliud apparet in prædictis ſcripturæ verbis. Nam dicere quod Cornelius jam credebat in Christum mediatorem, ob hoc quod erat inter Judæos à quibus id diſcere poterat, ut dicit Eſtius in cap. 10. actorum, & Janſenius lib. 4. de ſtatu nat. lapſ. cap. 5. hoc est potius vaticinari quam ratiocinari, cùm de hoc ſcriptura nihil dicat, & probabilius ſit, quod si Cornelius aliquid didiciſſet à Judæis de Christo, potius didiciſſet blaſphemare in verum Christum, & in verum mediatorem Dominum noſtrum Jeſum Christum, & ita difficilius Petro credidiſſet ſibi prædicanti talem Christum, cujus horrorem jam ex eis ebiſſet: præterquam quod ipſe Janſenius ſatetur lib. 3. de gr. ſalv. cap. 8. §. quæ quidem. Christum non agnitionem fuiſſe à Judæis venturum ut Deum, ſed tantum ut hominem, & carnaliter tantum redempturum eſſe regnum Iſrael ab exteris, qui illud occupabant, quod non eſt credere in mediatorem Christum, ut oportet ad veram fidem. Quapropter tales vaticinationes credo eſſe negligendas, ut pote male fundatas, & non neceſſarias ad illam fidem, de qua ibi loquitur Augustinus, cùm ait: quod Cornelius non ſine aliqua fide donabat, & orabat, antequam in Christum crederet. Illud ſolùm probans ex hoc loco Apostoli: nam quomodo invocabat in quem non crediderat: ubi ſolùm poſtulat Apoſtolus talem fidem, per quam ſciat homo quem invocet, ad quod ſufficit, ut ſciat

esse Deum unum, & verum, & quod ille sit remunerator operum, & exauditor orationum, seu ut dicit idem Apostolus, quod sit inquirentibus se remunerator: & hæc est una fides quam ibi agnoscit Augustinus, & quam vult esse necessariam ad orandum, & ad bene operandum, antequam credatur in Christum. Alteram autem fidem ibidem agnoscit, quam vult esse necessariam ad salvandum, quæ est fides in Christum, verum Dei & hominum mediatorem, quam indicat per hæc verba: *sed si posset sine fide Christi esse salvus*, non ad eum ædificandum (id est edocendum, & erudientum de Christo pro nobis nato, & mortuo) mitteretur architectus Apostolus Petrus. Ubi solùm indicat, Cornelium sine illa fide quæ est in Christum, non potuisse esse salvum, valuisse tamen ad orandum, & ad bene operandum per aliam fidem, quæ est in Deum remuneratorem operum, & exauditorum orationum: ex quo concludimus, quod licet fides in Christum sit necessaria secundum Augustinum, ut quis actu salvetur, non est tamen necessaria ad hoc ut oret, & bene operetur, sed sufficit quod credat in Deum, ut prædictum est, remuneratorem operum, & exauditorum orationum, cum per illam fidem, sciat quem oret, & à quo impetret auxilium, ut re vera sic impetravit, & exauditus est Cornelius antequam crederet in Christum, ut expresse dicit Augustinus ibidem quod ut plenius capias valde distinguenda sunt duo tempora fidei Cornelianæ: unum est, antequam instrueretur à Petro, quo tempore tantum habebat primam fidem, unde vocat eam Augustinus aliquam fidem: nec tamen, inquit, sine aliqua fide donabat, & orabat: nolens, illam fidem vocare fidem simpliciter, sed tantum aliquam, scilicet imperfectam, & non plenam: alterum tempus est postquam instructus fuit à Petro, quo tempore habuit secundam fidem, id est plenam, & perfectam antequam baptizaretur: unde tunc dicitur ab Augustino, accepisse Spiritum S. replem fuisse Spiritu sancto, accepisse iustitiam, & sanctificationem Spiritus sancti, ut videre est lib. 2. contra litt. petil. cap. 35. lib. 4. in numeros cap. 33. sub finem. Lib. 2. contra Epist. Parmeniani cap. 15. lib. 4. de baptismo contra Donatistas cap. 21. 22. & 24. & ideo tunc plene fuit iustificatus, ita ut si tunc temporis mortuus esset, antequam baptismum suscipere potuisset, salvus fuisset. illa scilicet fide explicita quam tunc habuerat, cum actuali conversione ad Deum supplente vices baptismi ut explicat Augustinus libro 5. de baptismo contra Donatistas cap. 22. 23. 24. & 25. loquens in simili de illo latrone qui crucifixus cum Christo in Christum credidit, & ad eum conversus, licet non baptizatus salvatus fuit. Nusquam autem vidi id dici ab Augustino de ulla alia fide. Imo vero exerte dicit lib. de nat. & gr. c. 2. quod natura humana *iustificari*, & redimi ab ira Dei iustissima nullomodo potest, nisi per fidem, & sacramentum sanguinis Christi. Et cap. 41. quod nemo *iustificatur* nisi credat in Christum, & baptismo ejus abluatur. Unde illa quæ diximus de fi-

Licet ibi
videatur
loqui Aug.
de baptis.
in re suscep-
to, ut ne-
cessario ad
iustificatio-

de Cornelij ut solum sufficiente ad orandum, & ad aliqua bona opera præstandum, referenda sunt ad primum tempus, de quo locuti sumus, non ad secundum, quod quidam non bene distinguentes, sed omnia illa confundentes, putarunt Augustinum censuisse Cornelium in primo illo tempore jam fuisse justificatum quod omnino falsum, & absurdum est secundum Augustinum. cum id solum referendum sit ad illud tempus, quo instructus fuit per Petrum ante baptismum suum, de quo solo loquitur Augustinus, cum dicit illum fuisse justificatum, & Spiritu S. plenum, & cætera ejusmodi, in locis supracitatis pro sanctificatione illius. Bene quidem dicit ibi Augustinus illum fuisse justum, & Sp. sancto plenum, antequam baptizaretur, sed non antequam explicite crederet in Christum, imo vero alibi dicit contrarium scilicet lib. 4. quæst. in numeros cap. 33. sub finem ubi ait: quod Cornelius audiens, & credens, quod prædicaverat Petrus, ita *mundatus est* (ergo prius non erat mundus, scilicet ob peccatum ejus originale nondum remissum, & sic nondum erat plene justus, seu vere justificatus: sed ecce quando fuit per donum Sp. sancti) ut ante visibilem baptismum, *cum suis qui aderant, acciperet donum spiritus sancti*. Et lib. de prædest. sancti. cap. 7. ait: quod si posset sine fide Christi (scilicet explicite, non enim ob aliud fuit missus Petrus ad eum, nisi ut explicaret ei res fidei, ut patet in scripturis actorum 10.) esse salvus, non ad eum ædificandum (ergo nondum erat ædificatus, & insertus per gratiam adoptionis) mitteretur architectus Apostolus Petrus. Ubi vides, eum tunc non fuisse in statu salvationis, in quo sane omnino fuisset, si gratiam adoptionis, seu sanctificantem habuisset. Unde ad id missus ad eum fuit Petrus, ut per fidem, quam prædicaturus erat ei, elevaretur ipse Cornelius, seu ædificaretur in illum statum.

Verum contra objicies, quod Augustinus lib. 1. ad simplic. qu. 2. circa initium, æqui parat fidem Cornelij, qualis erat antequam instrueretur à Petro, fidei Catechumenorum: at hæc conjuncta est cum verâ justificatione: ergo & illa. Respondeo dist. maj. æqui parat eam in aliquo, conc. in omnibus nego: aliàs dicendum esset, fidem Cornelij tunc fuisse explicitam in Christum natum, mortuum, & crucifixum pro salute hominum, sicut est fides Catechumenorum, quod est falsissimum. Ergo tantum in aliquibus, non vero in omnibus æquiparat fidem Cornelij fidei Catechumenorum: æquiparat autem eam in duobus, quæ non indicant fuisse fidem, seu gratiam sanctificantem in eo, quorum primum est, quod utrique credebant in unum deum, non autem in plures deos sicut alij Pagani: non enim, inquit Augustinus, Catechumeni non credunt, aut vero Cornelius non credebatur Deo, cum &c. Alterum est quod utriusque fides non sufficiebat ad consequendum regnum cælorum sine baptismo: suple in re, vel in voto, suscepto, faciens formalem comparisonem in illa insufficientia, & non in aliquo alio, ut patet ex his verbis: sed in

nam, non tamen ita intelligendus est, cum alibi se explicet de baptis. in voto, licet prius videretur locutus esse de baptismo in re suscepto, ut patet ex lib. 4. de baptismo contra Donat. c. 23. ubi ait: quid autem valeat, & quid agat in homine corporali-
ter adhibita sanctificatio sacramenti (ubi videtur loqui de baptismo in re suscepto, sed audi eum se explicantem, cum addit) *sine qua tamen ille latro non fuit, quia non eius accipienda voluntas defuit.* Vbi videtur loqui de baptismo in voto. licet prius visus esset loqui de baptismo in re suscepto.

quibufdam tanta eft gratia fidei, *quanta non fufficit* ad obtinendum regnum cœlorum: *sicut in Catechumenis, sicut in ipso Cornelio* antequam sacramentorum participatione incorporaretur Ecclesiæ: & sic manifestum est quod illa æquiparatio non est in gratia sanctificante, ut concomitante talem fidem, sed in quibufdam aliis non inferentibus gratiam sanctif. scilicet in fide, quæ est in unum Deum, quæ reperitur etiam in impiis: & in insufficientia illius fidei ad obtinendam salutem sine baptismo, quæ insufficientia etiam reperitur in impiis, V. G. Catechumenis qui sunt in P. M.

Verum instabis, & dices: quod ait Augustinus Cornelium meruisse apud Deum per illam fidem, ut patet ex his verbis in prædicta quæst. 2. habitis. Cum orationibus, & eleemosynis dignum se præberet, cui Angelus mitteretur &c. Respondeo istud meritum non esse meritum iustificati, cum non sit meritum gloriæ, aut maioris gradus gratiæ sanctificantis sed tantum meritum aliquarum gratiarum disparatarum, V. G. visionum, revelationum, & ejusmodi, quæ aliquando etiam dantur impiissimis & non est necesse ad fidem, ad hoc ut impetret aliquid à Deo, quod habeat charitatem, cum ipsa impetret ipsam charitatem, & justificationem ut ait ipse Augustinus Epistola 106. unde dicendum est, quod non fuit iustificatus Cornelius in primo illo tempore, quod antecessit instructionem Petri, sed tantum post illam secundum Augustinum: unde nec dicitur in scripturis sacris pro illo tempore iustus nisi à servis, qui ut nondum bene instructi erant in fide, ita non habebant veram notitiam veræ sanctificationis, & iustitiæ, sed tantum vocatur in scripturis illis religiosus, & timens Deum quæ solum indicant bonas dispositiones ad iustitiam, & non ipsam iustitiam in hærentem hæc enim solum innuunt eum bene affectum fuisse erga Deum pro modulo suo, non vero Deum bene affectum fuisse erga illum, & eum considerasse ut amicum, quod necessarium est ad gratiam sanctificantem. Imo vero, videtur ibi innui contrarium, cum representatus fuerit Petro cum servis suis, sub figura animalium immundorum, antequam mitteret ad Petrum, & ad hoc tantum videntur ejus orationes, & eleemosynæ acceptæ à Deo fuisse, ut ipse mitteretur ad Petrum, qui manderet eum per fidem explicitam in Dominum nostrum Jesum Christum: quod & videtur ei fuisse notificatum, cum dixit illi, & suis Petrus: quod domino nostro Jesu Christo omnes prophetæ testimonium perhibent remissionem peccatorum accipere per nomen ejus, omnes qui credunt in eum: quo dicto, cecidit, ut ait scriptura, Spiritus sanctus in eum & servos ejus: per quod videtur significari gratia iustificans, affrens ei remissionem peccatorum cum aliis donis Spiritus sancti: & sic non videtur ille Paganus iustificatus fuisse in primo illo tempore, sed tantum in secundo, cum fuit instructus de vera fide in Christum.

Hoc itaque constituto, & evicto, quod fides illa, quæ est in Deum bonum,

bonum, & iustum, remuneratorem operum, & exauditorem orationum, est sufficiens ad orandum, & ad bene operandum, & per hoc ad impetrandam illam aliam fidem, quæ est in Christum, & cetera omnia quæ necessaria sunt ad salutem actu, & proxime consequendam, jam facile probare est ex Augustino; quod omnes, & singuli Pagani, seu infideles habent gratiam sufficientem ad salutem, cum facile probare sit ex eo, quod illi omnes, & singuli habent gratiam sufficientem ad illam fidem, quæ est in unum deum bonum, & iustum, remuneratorem operum, & exauditorem orationum, quæ sufficit ad orandum, & impetrandum, ut dictum est, & ad bene operandum: hæc enim fides cum non requirat prædicationem Evangelij, nec doctrinam hominum, facile potest * inspirari per secretas, & internas Dei revelationes, occasione rerum externarum à Deo summe bono, & iusto productarum, per quas infinita ejus bonitas, & sapientia elucet, longe distans à stulticia, quæ communiter attribuitur falsis diis, quorum aliqui fuerunt facinorosi, omnes saltem imperfecti; vel homines, vel animalia ratione carentia, serpentina, quadrupedia, volatilia, & similia, summo, & divino latræ cultu per se indigna.

interest, quibus articulis temporum, vel celebratione sacramentorum, gratia plenior, & evidentior infundatur: non enim Catechumeni non credunt, aut vero Cornelius non credebat Deo, cum &c. Sed in quibusdam tanta est gratia fidei, quanta non sufficit ad obtinendum regnum celorum, sicut &c. in quibusdam vero tanta est, ut &c. sunt ergo inchoationes fidei conceptionibus similes, non tamen solum concipi, sed etiam nasci opus est, ut ad vitam perveniatur æternam.

* Hinc est quod in supradicto loco libri 1. ad simplicem dicit: quod homo incipit credere Deo, vel interna: (scilicet sola) vel externa (non tamen sola, quia externa sola, insufficiens est si ve ad fidem, si ve ad quodlibet opus bonum, ut in confesso est apud omnes) admonitione motus ad fidem. Ex quo evidens est, ibi internam solum indicari, cum opponatur externæ simul & internæ.

S. PRIMUS.

In quo probatur ex Augustino: quod quilibet Paganus potuit pervenire ad veram fidem, & proinde ad salutem, per consemplationem rerum creaturarum, non deficiente eis interna Dei gratia.

SCILICET enim saepe indicat Augustinus cum dicit quod homines inexcusabiles fuerunt, eo quod in Deum non crediderunt, aut eum non amaverunt, aut eum sicut oportet non glorificaverunt, & in cogitationibus suis evanuerunt: ut cum dicit libro 10. confessionum c. 6. cælum, & terra, & omnia quæ in eis sunt: ecce undique mihi dicunt, ut te autem, nec cessant dicere omnibus, ut inexcusabiles sint. Et serm. de verbis Evangelij 56. unde, inquit, detinent veritatem, vel in ipsa iniquitate: sequitur, & ostendit (scilicet Apostolus) quia quod notum est Dei, manifestum est illis, Deus enim illis manifestavit. Manifestavit illis quibus legem non dedit (ergo infidelibus, & Paganis) audi quomodo manifestavit: invisibilia enim ejus, per ea quæ facta sunt, intellecta conspiciuntur. Vita sapiens, quæ fecit mundum, contemplato mundo intelligitur. Interroga mundum, ornatum cæli, fulgorem, dispositio-

Duplex illa h. d. s. adhuc infundatur lib. 1. ad simplicem quest. 2. non longe ab initio his verbis: incipit homo percipere gratiam, ex quo incipit Deo credere, vel interna (scilicet sola) vel (etiam) externa admonitione motus ad fidem: sed

Vide hæc omnia apud Bedam in hunc locum Apostoli Rom. 1. capite. Revelatur enim ira Dei &c.

namque siderum, solem dies efficientem, lunam noctis solatum. Interroga terram fructificantem herbis, & lignis, animalibus plenam, hominibus exornatam. Interroga mare, quantis natatilibus, & aërem, quantis volatilibus, viget: interroga omnia, & vide, si non specie sua, tanquam voce tibi respondent: Deus nos fecit. Et infra alloquens Apostolum sic ait: apostole ostendisti nobis unde potuerunt pervenire ad cognitionem Dei: quoniam invisibilia ejus per ea quæ facta sunt intellecta conspiciuntur. Insuper ipsorum unde ostendis; audi: & immutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium: figuras enim istorum animalium sibi Deos Pagani fecerant, invenisti Deum, & coluisti idolum; quomodo sapiens est. &c. * Et libro 15. de trinit. explicans adhuc prædicta verba Apostoli: invisibilia enim ejus, per ea, quæ facta sunt, intellecta conspiciuntur, sic ait: unde arguuntur in libro sapientiæ (tanquam scilicet inexcusabiles) qui de his, quæ videntur bona, non potuerunt scire eum, qui est (ob negligentiam suam, quia nempe his non attenderunt, nec voluerunt ea considerare, ut infra videbis), neque operibus attendentes (ecce cur non potuerunt eum scire, quia nempe ad ejus opera noluerunt attendere) agnoverunt artificem, sed aut ignem, aut Spiritum, aut citatum aërem, aut gyrum stellarum, aut violentiam aquarum, aut luminaria cæli, rectores orbis terrarum Deos putaverunt. Quorum quidem si specie delectati, hæc Deos putaverunt, sciant quanto dominator eorum melior est: specie etenim generator creavit ea (ubi vides quomodo eorum carpit negligentiam, seu inadvertentiam, seu negligentem inadvertentiam, quod & sic profequitur) aut si virtutem, & operationem eorum mirati sunt, intelligent ab his, quanto qui hæc constituit, fortior est: à magnitudine enim speciei, & creaturæ cognoscibiliter poterit horum creator videri. Et tract. 2. in Joann. quidam, inquit, Philosophi hujus mundi extiterunt, & inquisierunt creatorem

Nota quod nihil ibi proponit Augustinus contempnendum, quod sit supra caput rudium, & innotiorum. Vnde licet ibi dicat, non habiles Philosophos, hæc intellexisse non negat tamen indoctos inspirante Deo etiam hæc intellexisse, aut intelligere potuisse: sed notius proposuit, minus notum non negavit: quod clarius expri-

mens libro 8. de civitate Dei dicit: istos facile istud collegisse, seu intellexisse: per hoc indicans, istud etiam alios intellexisse, aut intelligere potuisse, sed non ita facile. Vnde sunt etiam inexcusabiles, licet alij sint inexcusabiliores, qui potuerunt ita. Hinc est quod loquens de gentilibus omnibus in genere libro annotationum in Iob cap. 35. explicans illud libri Iob cap. 36. impios vero non facit salvos, sic ait: eo quod noluerunt scire Deum, hoc ad gentes magis videtur pertinere. Vbi non dixit: non potuerunt: sed noluerunt quod supponit apud Augustinum potentiam: Et in sapient. parte 1. in sermone ultimo qui est ante lib. de gestis Pelagij & antetractatum de 7. vitis col. penult. sic loquitur omnibus, & singulis infidelibus: erige rationalem aspectum, utere oculis, ut homo (non dicit ut Philosophus, ut doctus, sed ut homo quod etiam impenitus convenit) intende cælum & terram &c. intendens facta, & quare factorem (ergo potest illum quærare) aspice quæ videt, & quare quem non vides: propter ista, quæ vides Apostolum audi dicentem invisibilia enim Dei ergo.

* Vide etiam hæc, & sequentia quæ citabimus non inditatio loco, sed libro, apud Bedam loco supra citato. In hoc enim importans est iste vir, aliqui doctissimus, & omni veneratione dignissimus, ut doctus, sed ut homo quod etiam impenitus convenit) intende cælum & terram &c. intendens facta, & quare factorem (ergo potest illum quærare) aspice quæ videt, & quare quem non vides: propter ista, quæ vides Apostolum audi dicentem invisibilia enim Dei ergo.

per creaturam, quia potest inveniri per creaturam, evidentem dicente Apostolo: invisibilia enim ejus à constitutione mundi, per ea quæ facta sunt, intellecta conspiciuntur, sempiterna quoque virtus ejus, & divinitas, ut sint inexcusabiles. Et sequitur: quia cum cognovissent Deum: non dixit quia cum cognoverunt, sed quia cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est inspiens cor eorum: unde obscuratum; sequitur, & dicit apertius: dicentes enim se esse sapientes, stulti facti sunt. *Viderunt quo veniendum esset*, sed ingrati ei qui illis præstitit, ut viderent, sibi voluerunt tribuere quod videbant (ubi vides superbiam esse maximam impedimentum huic gratiæ, unde & sequitur) & facti superbi amiserunt, & id quod videbant, & conversi sunt inde ad idola, & simulachra, & ad culturas dæmoniorum, adorare creaturam, & contemnere creatorem. Et in ferm. de calendis Januarij explicans illa verba Apost. quia quod notum est Dei manifestum est in illis: sic ait; quomodo potuit manifestum esse in illis, quod notum est Dei, qui legem non acceperunt (id est infidelibus, & Paganis) sequitur, & dicit: invisibilia enim ejus à creatura mundi, per ea quæ facta sunt, intellecta conspiciuntur, sempiterna quoque ejus virtus, & divinitas: cuique subaudimus intellecta conspiciuntur. Cur enim attendat opera, & non quærat artificem; attendis terram fructificantem, attendis mare plenum animalibus suis, attendis aerem plenum volatilibus, attendis cælum fulgere stellis &c. & non quæris tanti operis artificem: (certe hæc increpatio satis manifeste ostendit, eos habuisse gratiam sufficientem) sed dicis mihi: ista video, illum non video; ad ista videnda corporis oculos dedit, & ad se videndum mentem dedit (non dicit mentem subtilem, aut intelligentiam supereminentem, sed mentem simpliciter, at quis non habet mentem, si homo est) neque enim & animam hominis vides: sicut enim ex moribus, & administratione corporis animam, quam non vides, intelligis, sic ex administratione totius mundi, & ex regimine ipsarum animarum intellige creatorem. Et postmodum subdens ista verba Apostoli, quia cognoscentes Deum non sicut Deum glorificaverunt &c. ostendit, multos infideles non neglexisse Deum ex defectu cognitionis, sed ex superbia, & ex malicia sua: non enim, inquit, debebant sibi arrogare quod ille (scilicet Deus per gratiam suam, non autem mens eorum subtilis, aut supereminens per subtilitatem suam) donaverat, nec se jactare ex eo quod non à seipsis (ut acutis, & doctis) sed ab illo (ut bono, & misericorde) habebant. Quod illi utique Deo reddendum fuit, ut ad hoc tenendum quod videre poterant (ergo habebant gratiam sufficientem, cum id possent) ab illo sanarentur (scilicet per alteram fidem quæ est in Christum) qui dederat, ut viderent (per illam primam fidem quæ est in Deum, inquirentium se remuneratorem, & exauditorum) si enim hoc facerent, humilitatem servarent, & possent purgari (ergo sufficien-

Sequentia habentur apud Bedā in Epistolam ad Rom. cap. 1. in hæc verba & sic non probaverunt Deum &c.

Ibi nihil est supra caput idiotæ si adjuverit à gratia.

tem gratiam habebant) atque illi beatissimæ contemplationi cohererent (quia nempe Deus ut superbis resistit, sic & humilibus dat suam gratiam) quia vero superbia erat in eis, interposuit se falsus, & fallax, & superbus, qui eis promitteret quod per partes nescio quas superbix purgarentur animæ illorum, & fecit cultores demoniorum : inde sacra omnia quæ celebrantur à Paganis, quæ valere dicunt ad purgationem animarum suarum, & audi Apostolum consequenter dicentem : quia non sic honorificaverunt Deum, ut honorificandus est Deus. Ubi vides, Augustinum clare supponere, omnibus, & singulis Paganis sufficientem adfuisse gratiam qua crederent si vellent, in Deum remuneratorem operum, & exauditorem orationum. Et sic orarent Deum, & reliqua obtinerent, quæ proxime necessaria erant ad eorum salutem, sed ut plurimum superbiam obtinuisse, ne ulterius progredierentur : quod si humilitatem sectati essent, ad alteram fidem pervenissent, cum qua actu salventur, ut clare patet ex dictis : unde & lib. 3. de Symbolo ad Catechumenos cap. 2. sic reprehendit eos dicens : *ipsa rerum natura, ipseque mundus, operibus famulatus suis, incredulos sua quadam voce convincit, & animam perverfam increpans dicit : quid est misera quod erras in me, & degener facta oblita à quo quanta creata sis, cui cælum, & terra tam pulchra domus nullis meritis præcedentibus constructa est. Respondent & singula quæque elementa clamantia & ipsis suis operibus suum demonstrantia artificem, clamat cælum non sum Deus : nam &c. clamat & sol quid me homo colis &c. convincimus falsitatem tuam serviendo tibi ad pœnam. Clamat mare, & omnia quæ in eo sunt : non sumus Deus &c. quæ certe increpatio spectat omnes & singulos Paganos, etiam qui non audierunt Evangelium, ut clarum est ex terminis. Et ferm. 11. de verbis Apost. cap. 5. in fine loquens de omnibus Paganis ad quos pervenit gratia creationis, à qua certe nullus exceptus est, sic ait : illi ergo debent & Pagani, quod homines creati sunt, & tanto magis puniendi, quia dimiserunt eum, à quo facti sunt. Ubi vides, eos non esse dimissos à Deo sine gratia sufficiente, sed potius eos dimisisse Deum sine honore debito : unde & addit : quod coluerunt id quod ipsi fecerunt, & non ipsum Deum. Et in Enchir. cap. 95. loquens de Tiriis & Sydoniis quibus non annuntiaturum est Evangelium dicit : quod etiam isti potuerunt salvari. Nec utique, inquit, Deus injustè noluit salvos (eos) fieri cum possent salvi esse, si vellent. Per hoc indicans, causam damnationis eorum non esse impotentiam salutis eorum, sed potius eorum negligentiam, qui noluerunt aliis gratiis communibus sibi datis uti, ut poterant. Et sic bene ostendit Augustinus unumquemque infidelem habuisse gratiam sufficientem ad salutem,*

§. I I.

In quo idem, quod supra, probatur ex Prospero, vero interprete Augustini, & discipulo.

Cui magistro tam bene docenti, & dicenti, luculenter concinit fidissimus illius interpret, & discipulus D. Prosper in diversis locis, & operibus, ubi eandem, quam supra Augustinus, commendat doctrinam. Nam libro contra collat. cap. 14. cum locutus fuisset de gratia Dei attrahente, & medicinali, sine qua nemo venit ad patrem, sic ait: si ergo nemo venit nisi attractus, omnes, quocumque modo veniant, attrahuntur trahit igitur ad Deum contemplatio elementorum, omniumque quæ in eis sunt, ordinatissima pulchritudo: invisibilia enim à creatura mundi, per ea quæ facta sunt, intellecta conspiciuntur: trahit rerum gestarum cognitio, & divinorum operum relatione &c. & postquam plures modos Dei attrahendi, sic declaravit, mox concludit: quis inquit prospicere, aut enarrare possit, per quot affectus visitatio Dei animum ducat humanum, ut quæ fugiebat, sequatur; quæ oderat, diligat: quæ fastidiebat, eluriet: ac subito, commutatione mirabili, quæ clausa ei fuerant, sint aperta: quæ onerosa, sint levia: quæ amara, sint dulcia: quæ obscura, sint lucida. Per hoc indicans, esse innumeros vocandi modos, quibus homo paganus, seu infidelis converti potest ad Deum, quorum primum posuit contemplationem rerum mundi, & eorum ordinatissimam pulchritudinem, qua homo cognoscit creatorem suum iustum, & bonum remuneratorem operum, & exauditorem orationum. Et in Epistola ad Demetriadem citra medium sic ait: omnia quidem elementa mundi, & universæ creaturarum naturæ, hoc ipsa sui exigunt specie, ut invisibilia Dei, per ea quæ facta sunt intellecta conspiciantur, & in pulchritudine cæli, & terræ quædam sunt Pagine, ad omnium oculos semper patentes, & auctorem suum nunquam tacentes, quarum protestatio doctrinam imitatur magistrorum, & eloquia scripturarum (ubi vides adhuc inculcari eandem, quam supra, doctrinam de eruditione infidelium per res creatas, ut agnoscant unum Deum: sed quia istud intelligebant Pelagiani (contra quorum errores instruebat ibi D. Prosper istam sacram virginem) de potestate meri arbitrij, sine ulla gratia in voluntate necessaria; mox addit) sed quid illud est, quo corporum sensuum exteriora pulsantur in agro cordis (id est in voluntate) cui impenditur ista cultura, nec radicem potest figere, nec germen emittere, nisi ille summus, & verus agricola potentiam sui operis adhibuerit. Unde semper supponimus sub ista contemplatione rerum creaturarum veram Christi gratiam in voluntate necessariam, quam negabant isti hæretici, & quam volebant ibi supponi D. Prosper & Augustinus contra illos hæreticos, qui volebant illam contem-

plationem sine ulla gratia dei superaddita sufficere. Unde multus est postea D. Prosper in damnanda istorum hereticorum superbia, qui, ut ait, non dignabantur esse divites nisi ex propriis, tanquam haberent, inquit, hoc simile Deo, ut bonorum suorum ipsi sibi fons essent. ipsi sibi essent copia: quod barathrum nos fugimus, admittentes hinc cum Augustino, & Prospero, sub hac gratia externa prævenientem Dei gratiam in voluntate necessariam, ut infra declarabimus. Et libro 2. de vocatione gent. cap. 4. circa initium sic ait: cælum quippe, ac terra, & mare, omnisque creatura, quæ videri, atque intelligi potest, ad hanc præcipue disposita est humani generis utilitatem, ut natura rationalis de contemplatione tot specierum, de experimentis tot bonorum, de perceptione tot numerum, ad cultum, & honorem sui imbuatur auctoris, implente omnia Sp. Dei, in quo vivimus, movemur, & sumus. Quoniam, & si longe est à peccatoribus salus, præsentia tamen salutis ipsius, & virtute nihil vacuum est (ubi vides semper supponi, virtutem divinam comitari gratiam hanc externam, & confortare voluntatem humanam, ut ista gratia externa, quæ pertinet ad solum intellectum, cum gratia interna data, etiam utatur homo ad suam salutem) igitur sicut dicit propheta: misericordia Domini plena est terra, quæ nullis unquam sæculis, nullis generationibus defuit, eamque providentiam quæ universitatem rerum administrat, & continet, regendis, alendisque naturis semper impendit, dispositum habet incommutabilis æternitate consilij, quidque temporibus distribueret, & multiformis gratiæ suæ inscrutabiles, investigabilesque mensuras, per quæ dona, ac sacramenta variaret (ubi vides eum supponere semper adfuisse omnibus hominibus gratiam, sed variam, ac variam) sicut enim ista gratiæ largitas, quæ in omnes novissime effluxit, non evacuat eam, quæ super unum Israel sub lege roravit, nec præsentis divitiarum fidem præteritis abrogant parcitati, ita nec de illa cura Dei, quæ patriarcharum filiis proprie præsidebat, consociendum est gubernacula divinæ misericordiæ cæteris (scilicet Paganis) hominibus fuisse subtrahita, qui quidem in comparatione electorum videntur abjecti, sed nunquam sunt manifestis, oculatisque beneficiis abdicati. Id est manifestis, per prædictam rerum creaturam contemplationem, & occultis, per gratiam in voluntate necessariam simul cum prædictis datam. Et infra prosequens eandem materiam sic ait: quod est autem hoc testimonium quod semper Domino deservivit & nunquam de ejus bonitate, ac potestate contigit, nisi ipsa totius mundi inenarrabilis pulchritudo, & inenarrabilem beneficiorum ejus dives, & ordinata largitio, per quæ humanis cordibus quædam æternæ legis tabule præbebantur, ut in Paganis elementorum, ac voluminibus temporum, communis, & publicæ divinæ institutionis doctrina legeretur; cælum ergo, cunctaque cælestia, mare, & terra, omniaque quæ in eis sunt, consono speciei suæ, ordinationisque consensu, protestabantur gloriam Dei, & prædicatione perpetua, maiestatem sui loquebantur auctoris: Et tamen maximus numerus hominum, qui vias voluntatis suæ am-

bulare permissus est (ubi vides permissionem peccati , non vero necessitatem , quæ sine dubio adesset , & non sola permissio , si gratia vere sufficiens non adesset , sed quia ibi sola gratia efficax aberat , ideo solum erat permissio , & non necessitas : unde ibi solum notatur negatio actus , & non potentiæ , ut mox sequitur) non intellexit , nec secutus hanc legem est. Et odor vitæ qui spirabat ad vitam (ob gratiam prævenientem simul datam) factus est ei odor mortis ad mortem , ut etiam in illis visibilibus testimoniis disceretur , quod littera occidit , spiritus autem vivificaret (id est gratia efficax , cum ibi sit sermo de actu , & non de potentia : ubi bene mox comparat illa testimonia legi datæ Judæis cum qua , gratia sufficiens dābatur ad orandum , ut supra demonstratum est : hæc autem testimonia dantur infidelibus ad credendum , & per hoc ad orandum , cum hæc fides sufficiat ad orandum , & aliquo modo bene operandum sed non immediate ad salvandum ut supra explicatum est) quod ergo in Israel per constitutionem legis , & prophetica eloquia gerebatur , hoc in universis nationibus totius creaturæ testimonia , & bonitatis Dei miracula (id est mirabilia opera) semper egerunt. Sed cum in illo populo , cui utraque eruditio præfuit , nemo nisi gratia justificatus sit per spiritum fidei , quis ambigat eos , qui de quibuscumque nationibus quibuscumque temporibus Deo placere poterunt , spiritu gratiæ Dei fuisse discretos , quæ & si parcius antea , atque occultior fuit , nullis tamen sæculis se negavit virtute una (quia in unoquoque est sufficiens) quantitate diversa (quia nempe in unis major , in alteris minor , in unis proxima , in alteris remota , in unis efficax , in alteris solum sufficiens) consilio incommutabili , opere multififormi. Et cap. 25. resumens eandem materiam sic ait : fuerunt enim ac sunt ejusmodi dona ita generalia , ut per ipsorum testimonia ad querendum verum Deum possent homines adjuvari. Quæ est illa fides quæ sufficit ad orandum scilicet fides in Deum , & nondum in Christum. Ut autem nemini dubium esset , illa dona , sub quibus semper subaudit Prosper cum Augustino gratiam internam in voluntate necessariam. Non quomodocumque , sed sufficienter hominem juvare ad querendum Deum , satis indicat in fine capituli , ubi loquens de iisdem donis , & reddens rationem , cur aliqui iis non consenserint , nullomodo id refert ad insufficientiam gratiæ , sed ad solam resistantiam voluntatis humanæ , dicens : in aliis prævaluisse gratiam (quia nempe acceptata est) in aliis resiliisse naturam : id est eam ei restituisse , & respuisse gratiam datam , quo nihil clarius dici poterat pro sufficientia istorum donorum generalium ad quoscumque gentiles pertinentium. Unde ubicumque recenset Prosper omnes modos quibus solet Deus adducere homines ad fidem , refert istum generalem inter illos , quo per contemplationem rerum creaturarum cum sub audita gratia interna in voluntate pertrahit homines ad fidem , ut patet in responsione ad capitulum 8. gallorum , ubi ait : omnium ergo

1. parte
scd. 4.

Initio huius partis.

Cap. 5.

hominum cura est Deo : & nemo est, quem non, aut Evangelica prædicatio, aut legis testificatio, aut etiam ipsa natura conveniat. Et libro 2. de vocat. gent. cap. 9. altitudo, inquit, divitiarum sapientiæ, & scientiæ Dei, cujus inscrutabilia sunt judicia, & investigabiles viæ, sic semper misericordiam suam, & iudicium suum temperavit, ut secretissima æterni consilij voluntate, noluerit in omnibus temporibus, super omnes generationes, aut super omnes homines, æquales donorum suorum esse mensuras, siquidem aliter eos juverit, quos ad cognoscendum se celi & terræ testimoniis conveniebat, aliter illos quibus, non solum elementorum famulatu, sed etiam doctrina legis, prophetarum oraculis, miraculorum signis, & Angelorum cooperationibus consulebat, & multo magis aliter misericordiam suam universis hominibus declaraverit, quando Filius Dei factus est Filius hominis &c. & supra, vidimus quod inter omnes modos quibus trahit Deus ad se homines, quos recenset libro contra collat. cap. 14. ponit istum inter illos : trahit ad Deum contemplatio elementorum, omniumque, quæ in eis sunt, ordinatissima pulchritudo : unde ex his indubitatum est apud Augustinum, & discipulos ejus, quod Deus vocat sufficienter omnes, & singulos infideles, seu Paganos ad fidem, quæ possint orare, & aliqua bona opera facere antequam in Christum credant : ita ut ipsi, tunc possint impetrare omnia alia sibi ad salutem necessaria, ut patet in ipso Cornelio Pagano, cujus preces, & eleemosynæ exaudite sunt, ad salutem proxime faciendam, ut ait idem ibidem Augustinus, antequam in Christum crederet, sed quia ex dictis multæ suboriri possent difficultates, ideo illæ sunt hic sigillatim discutientiæ.

§. III.

In quo duæ, quæ fieri possent, obiectiones contra doctrinam proxime traditam, diluuntur.

Primò ergo dici posset, quod ibi tantum sit mentio de gratia externa, ut clarum est ex terminis : at illa gratia non est sufficiens ad fidem, multo minus ad salutem.

Respondeo sub gratia externa subaudiri communiter ab Augustino, & illius discipulis gratiam internam, & proinde ibi intelligi gratiam internam simul cum externa, quod possem probare quamplurimis Augustini, & Prosperi testimoniis, sed tribus tantum Augustini, seu magistri testimoniis contentus ero : quorum primum est in libro 1. ad simplic. quæst. 2. sub initium, ubi ait : incipit homo credere Deo, vel interna, vel externa admonitione motus ad fidem. Ubi vides, Augustinum disjunctive tribuere illam fidem gratiæ internæ, aut externæ, atqui non poterat eam tribuere merè externæ, quæ sine dubio insufficiens est ad illam producendam : ergo sub externa in-

Quod Paganus recipiant aliquando gratias internas voluntatis, patet in Cornelio, qui antequam crederet in Christum bona opera faciebat.

intelligit internam, & vult dicere: quod homo incipit credere, vel ex mera gratia interna, vel ex gratia externa simul & interna permotus ad fidem; quod & paulo post repetit sub aliis terminis: ubi loquens de Cornelio, sic ait: nullomodo credidisset, nisi, vel secretis per visa mentis, aut spiritus, vel manifestioribus per sensa corporis admonitionibus vocaretur. Quod eundem sensum debet habere, ac supra. Secundum testimonium sumitur ex libro de prædest. sanct. c. 6. initio ubi cum Semipelagiani dicerent: multi audiunt verbum veritatis; sed alij credunt, alij contradicunt: volunt ergo isti credere, nolunt autem illi: sic respondet Augustinus; quis hoc ignoret; quis hoc neget: ubi diceret utrosque admittere quod fides est ex mera gratia externa, quid enim est auditio verbi veritatis, nisi gratia externa per sensus corporis percepta, & tamen utrique admittebant ibi gratiam internam, sed illi meram suo more gratiam intellectus, Augustinus autem intelligebat gratiam voluntatis, seu in voluntate necessariam ut mox subdit dicens: sed cum aliis præparetur, aliis non præparetur voluntas à domino (quod ut opinor internum est) discernendum est utique, quid veniat de misericordia ejus, quid de iudicio. Tertium sumitur ex libro de dono persever. cap. 14. ubi ait: quod Tyrij, & Sydonij, credere potuissent; & credidissent, si miracula Christi vidissent, & prædicationem ejus audivissent. Quæ est mera gratia externa, si sumatur ad verbum, sed sub hac externa sine ullo dubio intelligebat internam in voluntate necessariam, sine qua nec Tyrij, nec Sydonij, nec umquam ullus homo lapsus potuit credere, aut credidit in Christum secundum ejus doctrinam: unde indubitatum prorsus est, Augustinum & discipulos ejus per gratiam externam quam admittunt ad fidem, intelligere gratiam externam simul & internam, & proinde cum dicunt hominem posse per contemplationem rerum creaturarum credere in Deum remuneratorem operum, & exauditorum orationum, sub illa contemplatione externa subaudiunt gratiam internam quæ instruat intellectum, & excitet voluntatem, sine qua gratia interna, nec credi, nec quicquam boni fieri potest secundum perpetuam illorum doctrinam.

2. Dici posset, istum modum videri peculiarem esse doctis, ut per contemplationem rerum cælestium, & terrestrium perveniant ad notitiam Dei creatoris, non vero communem esse doctis, & idiotis.

Respondeo peculiare esse posse doctis, quod facile perveniant ad illam notitiam, prout supra dixit Augustinus, sed nego esse eis peculiare, quod id possint simpliciter, & absolute, cum etiam id convenire possit indoctis, & idiotis ex gratia Dei, supplente in eis id quo superantur à doctis. Et sane nihil obstat video in indoctis, quin ista etiam percipiant, cum habeant sensum communem, iudicium naturale, & rationem, quæ, docente intus gratia Dei, potest erudiri de veritate unius Dei, & de vanitate multiplicium Deorum, præcipue talium, quos Pagani adorabant, qui nihil aliud erant

Vide id quod posuimus in margine hac parte scilicet 2. §. r. circa initium in notabili.

quam homines facinorosi, aut saltem imperfecti, & animalia ratione carentia, natatilia, volatilia, reptilia, & ejusmodi per se indigna summo latræ cultu, & per se incapacia summæ sapientiæ. & potentiz, quæ apparet ex rebus creatis debere esse in summo earum opifice, & creatore Deo: unde & gratia juvante potuerunt indocti sicut & docti assurgere ad unum, & verum Deum, summum omnium creatorem, & in eum credere. Tandem & si daretur, indoctos, & idiotas per aciem mentis suæ non posse ex contemplatione rerum creatarum cum gratia ordinaria ad unius Dei cognitionem pervenire, negari non potest quindocti, & subtile possint, à quibus poterunt ipsi idiotæ addiscere, & intus agente gratia Dei ex illa cognitione proficere.

Sed & insuper addi posset, quod, & si docti superent indoctos, seu idiotas in ordine ad prædictam Dei notitiam ratione scientiæ acquisitæ, tamen indocti vicissim superant doctos ratione scientiæ revelatæ in ordine ad eandem notitiam: quia, ut ait Dominus, & post eum Augustinus: illa scientia, seu notitia de Deo, revelatur ut plurimum parvulis, & idiotis, & absconditur à doctis & hujus sæculi sapientibus. Confitebor tibi pater, inquit dominus noster Jesus Christus, domine cæli & terræ quia abscondisti hæc à sapientibus & prudentibus & revelasti ea parvulis. Supra quæ sic ait Augustinus serm. 21. de diversis initio: sapientes, & prudentes illos significat (Dominus) de quibus Paulus dicit: ubi sapiens, ubi scriba, ubi conquistor hujus sæculi, nonne stultam fecit Deus sapientiam hujus mundi; etiam nunc adhuc fortasse quæris; qui sunt isti, forte illi sunt qui multum de Deo disputantes falsa dixerunt, inflati doctrinis suis Deum invenire, & cognoscere minime poterunt. (ubi invenire non potuerunt: idem est ac non invenerunt: supra enim luce ipsa clarius apparet, quod potuerunt, sed noluerunt: unde & infra dicitur quod non invenerunt, & arguuntur de eo quod id non invenerunt, cum potuerint aliquid difficilius invenire, ut videbis in sequentibus) Et pro deo cujus est incomprehensibilis, invisibilisque substantia, putaverunt Deum esse aerem, ætherem, Deum esse solem, Deum esse aliquid, quod sublimiter eminet in creatura: attendentes enim magnitudines, & fortitudines creaturarum, ibi remanserunt, creatorem non invenerunt: arguit illos liber sapientiæ, ubi dicitur: si enim tantum potuerunt valere, ut possent æstimare sæculum, quomodo ejus Dominum non facilius invenerunt. Accusati sunt consumentes tempora sua, & occupationes disputationum suarum, in perscrutanda, & quodammodo metienda creatura, quæsierunt meatus siderum, intervalla stellarum, itinera cœlestium corporum: ita ut computationibus quibusdam ad eam scientiam pervenirent, ut prædicarent defectum solis, defectum lunæ, & quando prædicarent, eveniret, eo die, & ea hora, & quanta parte prædixerant. Magna industria, magna sollicitudo: sed ibi creatorem servati sunt, positi non

longe à se, & non invenerunt; quem si invenissent, habuissent apud se. Optime itaque, & rectissime accusati sunt, qui potuerunt investigare numeros siderum, intervalla temporum, defectum luminum cognoscere, & prædicere: recte accusati sunt quoniam à quo ista facta, atque ordinata sunt non invenerunt quia *quærere neglexerunt* (audis quod quærere neglexerunt: & quod non idcirco non invenerunt quia quærere non potuerunt, sed quia quærere noluerunt, ut supra dicebamus) tu autem (ô indocte, & idiota) non valde cura, si gyros siderum, & cœlestium, terrenorumve corporum numeros ignores (quæ est curiositas doctorum avertens eos à deo, & affigens eos mundo) vide pulchritudinem mundi (ad quod non requiritur magna eruditio) & lauda consilium creatoris, vide quod fecit, *ama qui fecit*. Tene hoc maxime. *Ama qui fecit*, quia & teipsum amatorem suum ad imaginem suam fecit. Ecce adhuc in quo superant doctos indocti, quia ipsi plus amant, quam cognoscunt, docti vero plus intelligunt quam diligunt, unde bene dicitur ab Apostolo quod ipsi evanuerunt in cogitationibus suis. Et in fine sermonis, postquam repetiit hæc verba Christi. Abscondisti hæc à sapientibus, & prudentibus, & revelasti ea parvulis. Addit & hæc Isaïa 60. scilicet: super quem requiescit spiritus meus; *super humilem*, & quietum, & *tremulentum* verba mea. Supra quæ sic ait Augustinus ad propositum nostrum: hæc verba Petrus tremuit, Plato non tremuit, *teneat piscator*, quod perdidit nobilissimus disputator. Per hæc innuens pauperes, piscatores, & idiotas esse aptiores ratione gratiæ, ad noscendum deum sicut oportet ut credant in eum, quam docti, & sapientes ratione scientiæ suæ acquisitæ, per quam ut plurimum sunt vani, & curiosi, non referentes in deum cognitiones suas, ut credant in eum, sed ut disputent de eo, & de infinitis quæstionibus inutilibus, quæ non præstant ædificationem.

§. I V.

In quo aliqua alia objectio diluitur, & alter modus additur quo Pagani possunt pervenire ad veram fidem sine prædicatione Evangelij, ubi & variis quæstionibus ad id pertinentibus respondetur.

3. **D**ici posset: quod & si concederetur illam gratiam esse convenientem idiotis, sicut doctis, & sapientibus sæculi, non esset tamen sufficiens ad perducendos eos ad illam fidem. cum nullis historiis perhibeatur, aliquos sic credidisse.

Respondeo non omnia quæ facta sunt, in historias esse relata, & cum sint spiritualia, & intus in animo completa, vix apparent ex-

teris hominibus. Unde non est mirum quod non referantur in historias : quicquid sit , satis ostendunt D. Augustinus & Prosper illam gratiam esse sufficientem pro omnibus , cum ex hac gratia data hominibus , dicant homines sine ulla exceptione esse inexcusabiles , quod non crediderunt , ut supra vidimus in probatione conclusionis , quod certe falsum esset , si gratia illa sufficiens non esset : cum nullus videatur magis excusabilis in non faciendo aliquid , quam cum potest dicere non adfuisse potentiam. Nec vero potest dici ; Augustinum , & Prosperum , istos vocasse inexcusabiles ratione peccati originalis , ob quod merentur privari hac gratia , seu potentia : nam non hinc sumunt D. Augustinus , & Prosper illam inexcusabilitatem , sed ex parte ipsius gratiæ datæ , ut in locis supradictis videre est. Fateor tamen illas conversiones posse esse raras , & raro apparere cæteris hominibus , propter difficultates quæ ibi interveniunt. Nam non facile sibi complacent homines in illa contemplatione in ordine ad querendum verum Deum , & facile tunc rejiciunt gratiam eis ad hunc finem datam , cum non ad hunc finem contemplantur , sed ex curiositate , & vanitate , quæ negligit hæc seria , & semper hiat ad vana : unde bene dicit Apostolus : quod hi evanescunt in cogitationibus suis , & quod semper sunt discentes , & ad veritatis scientiam numquam pervenientes. Sed & si sic pervenirent ad notitiam veri Dei , non tamen sæpe accidit , ut Deum cognitum sicut Deum glorificent , vel ex superbia , sibi tribuentes quod à solo Deo acceperunt , sicut dicit Augustinus (ut vidimus) de antiquis Philosophis , & sic præsumentes de propriis viribus , negligunt invocare creatorem , ut perducatur eos ad plenam fidem , & ad cætera quæ sunt ad salutem suam proxime faciendam necessaria. Vel ex infirmitate humana non audent aperte colere , quem intus norunt verum , & unum Deum : timent enim concives suos qui talem Deum , nec norunt , nec colunt , sed idola , & dæmonia : unde & conformantur suis civibus adorantes idola , & dæmonia , vero Deo contempto , & sic veritatem in injustitia detinent : Denique ante , & post fidem illam , pauci sunt qui velint à peccato abstinere , sed volunt adhuc indulgere suis vitiis , unde indigni sunt quibus Deus det gratiam proximam , & efficacem , qua perveniant ad plenam fidem , quæ est in Christum , & proinde ad alia , quæ sunt ad salutem suam proxime faciendam necessaria prout indicat Augustinus in hunc versum Psalmi 39. comprehenderunt me iniquitates meæ & non potui ut viderem. Unde fit ut non sit omnino mirum , quod tales conversi non prodantur in historiis , cum raro id eveniat , & sæpe aliis non appareat ex causis præallegatis.

* Vide similem modum apud D. Thomam in quest. disput. quest. de verit. artic. 11. ad primum & secundum.

Sed & alium modum * nobis prodit Augustinus libro 3. de lib. arbitrio , quo infideles omnes , & singuli , possunt venire ad fidem. Scilicet si bene utantur naturali suo judicio in peccatis vitandis , & præceptis faciendis , eo modo quo possunt per gratiam ad id sibi

præstitam : hoc enim videtur indicare Augustinus prædicto libro 3. de lib. arb. cap. 20. ubi, ait : non enim ante omne meritum boni operis parum est accepisse naturale iudicium (ecce vides , id pertinere ad omnes , & singulos ; quis enim non habet naturale iudicium) quo sapientiam præponat errori , & quietem difficultati , ut ad hæc non nascendo , sed studendo perveniat. Quod si agere noluerit (quod supponit posse in sensu Augustini , & per hoc gratiam sufficientem) peccati rea jure tenebitur , *tantum quæ non bene usa sit ea facultate , quam accepit. Quamquam enim in ignorantia & difficultate nata sit , non tamen ad permanendum in eo quod nata est , aliqua necessitate comprimitur* (ergo habent homines aliquam gratiam , quæ ex illa ignorantia , & difficultate liberentur ad bonum faciendum , si velint , ut patuit in Cornelio) neque omnino potuit , nisi Deus omnipotens esset etiam talium creator animarum , quas non dilectus ipse faciat , & diligens eas reficiat , & dilectus ipse perficiat , qui & non existentibus præstat , ut sint , & amantibus eum à quò sunt , præstat ut beatæ sint. Et paulo post : dedit enim ille , & facultatem bene operandi in laboriosis officiis (V. G. colendi parentes amandi proximos , subveniendi oppressis , erogandi egenis , & in similibus voluntatis officiis) & viam fidei (scilicet præallatam per contemplationem rerum creaturum , vel aliter) in oblivionis cæcitate. Iudicium illud vel maxime , quod anima omnis (ergo nullus excipitur) & querendum esse concedit , quod inutiliter nescit , & perseveranter in officiosis laboribus ad evicendam recte facienda difficultatem , & opem à creatore implorandam ut conantem adjuvet. Qui vel extrinsecus lege (ut in Iudeis) vel in intimis cordis allocutione conandum esse præcepit. Et cap. 22. circa med. quod ergo ignorat , quid sibi agendum sit (hoc est bonum ex omni parte , tam secundum finem , quam secundum objectum , ut illud faciendo non peccet venialiter , ut infra explicabitur) ex eo est , quod nondum accepit (scilicet fidem) sed hoc quoque accipiet , si hoc quod accepit , bene usa fuerit : accepit autem ut pie , & diligenter quærat , si volet. Ergo quilibet potest quærere creatorem si vult , vel per contemplationem creaturarum , vel per prædictam observationem præceptorum , ad hoc enim habet gratiam secundum Augustinum. Quod & adhuc indicat lib. 2. de serm. Domini in monte cap. 9. circa med. ubi ait : nullam esse animam quamvis perverfam , quæ tamen ullo modo ratiocinari potest , in cuius conscientia non loquatur Deus. Per quod clare indicat , gratiam sufficientem datam esse omnibus , & singulis ad cognoscendum Deum : quod & mox applicat infidelibus dicens : quis enim scribit in cordibus hominum naturalem legem (quod spectat ad Gentiles) de qua lege Apostolus ait : cum enim gentes , quæ legis sunt , faciunt , hi legem non habentes (qui sunt Gentiles , seu Pagani) ipsi sibi sunt lex , qui ostendunt opus legis scriptum in cordibus suis contestante conscientia ipsorum , & inter se invicem cogitationum accusantium , aut etiam excusantium in die quâ iudicabit Dominus occulta hominum. Et idem ad

Videtur Augustinus invenire lib. 1. de lib. arb. c. 2. initio quod per hanc gratiam incoepit suam conversionem , cum esset Manichæus , & extorris à vera fide dicens : nisi mihi a mori inveniendi veri opem divinam impetravisset , emergere inde (id est ex hæresi) & ex infidelitate sua) atque in ipsam primam quærendi libertatem respirare non posset.

Ex his omnibus quæ hichabentur , nihil est retractatum in retract & proinde est approbatum ab Augustino , cum erat maxime instructus de rebus divinæ gratiæ.

huc indicavit libro annotationum in Job cap. 36. ante med. ubi cum dixisset quod Deus impios non salvos faciet, eo quod non meruerunt (& per hoc potuerunt, seu gratiam sufficientem ad id habuerunt) scire Deum : mox id applicat Gentilibus dicens : *hoc ad gentes magis videtur pertinere*. Per hoc clare indicans, gentes specialiter habuisse, & habere gratiam sufficientem ad cognoscendum Deum, sed ea uti nolle aut noluisse quod est eorum culpa, & non necessariz gratiz carentia, qua, etiamsi non audierunt sibi predicatum Evangelium, potuerunt tamen pervenire ad veri Dei cognitionem, & per hanc ad Christi fidem, & per hanc etiam ad salutem aeternam.

Sed quæres quænam sit illa gratia. Respondeo 1. esse naturalem in substantia, & supernaturalem quoad modum : nullam enim unquam agnovit Augustinus supernaturalem secundum substantiam, qualem si agnovisset, dicto citius devicisset Pelagianos, & Semi-pelagianos (solas arbitrij liberi vires extollentes, tanquam ad bonum per se sufficientes) dicendo scilicet quod quantalibet illæ vires essent, erant semper naturales, & proinde improporcionatæ actui in substantia supernaturali, qui est superioris ordinis : sed de his nihil cogitans Augustinus respondet ad vires lib. arbitrij, & ostendit eas esse ita infirmatas per peccatum primi hominis, & per concupiscentiam hinc ortam, ut prorsus insufficientes sint ad bonum opus efficiendum, quod bonum est tam ex fine, quam ex objecto, & proinde indigere ad id aliæno auxilio, nempe divino, sine quo nec perficere, nec etiam incipere ullum tale bonum opus potest : Respondeo 2. illam gratiam non esse gratiam Christi quia gratia Christi est ad bonum opus simpliciter, ista autem est tantum ad bonum opus secundum quid, nempe ex objecto, & non etiam ex fine. Unde contendente apud Augustinum Juliano lib. 4. contra Jul. cap. 3. bonum opus reperiri in infidelibus sine gratia in voluntate necessaria, concedit in eis reperiri bonum opus ex objecto, seu ex officio voluntatis sine tali gratia, non vero etiam ex fine : vult tamen illud opus esse ex gratia, cum ibidem sæpe vocet illud, donum, & munus Dei, & dicat esse acceptum à Deo qui bene utitur malis, sed non ex gratia in voluntate necessaria, qualis est gratia Christi, de qua solum disputabatur cum Pelagianis. Unde videtur illa gratia fuisse solum in intellectu, & fuisse eandem ac Adami, quæ quidem proxime sufficiens erat in Adamo ad opus bonum simpliciter, & ex omni parte, propterea quod Adamus, ut non habebat voluntatem depravatam, & sibi, proprioque bono quasi indivisibiliter affixam per concupiscentiam, sicut nos, ita nullum habebat impedimentum boni, sed magna facilitate illud facere poterat, prout sæpe dicit Augustinus, & sic parva ista sufficiebat ei gratia ad bonum ex omni parte, proxime, & immediate faciendum, non autem sic est sufficiens nobis ad bonum ex omni parte faciendum, propter rationem contrariam quia nempe habemus voluntatem

Suarez lib. 3. de auxiliis cap. 1. n. 1. dicit multos Theologos ex antiquis censuisse actus non esse supernaturales secundum substantiam, sed tantum secundum modum.

Si quis dicat, istam gratiam non esse sufficientem homini lapsi, neque proxime, neque re-

deprayatam per concupiscentiam, & nobis, nostroque singulari bono vehementer affixam, ita ut dixerit Apostolus generaliter: quod omnes quæ sua sunt quarunt, non quæ Jesu Christi: & ideo non valet in nobis proximè, & simpliciter ista parva gratia ad bonum ex omni parte, seu ad bonum quod bonum est ex objecto, & sine, sed tantum ad bonum secundum quid, seu quod bonum est ex objecto, sed non ex fine. Verum non sunt inutiles nobis istæ gratiæ, cum ut jam dixi ex Augustino, si Pagani sint fideles in bene utendo istis gratiis, & in præstandis per eam operibus bonis secundum quid, Deus dabit eis aliam gratiam, per quam perveniant ad cognitionem Dei, & per hanc ad orandum Deum, & per hanc ad alias gratias sibi necessarias ad consequendam vitam æternam.

more, sed tantum esse viam ad sufficientem, quam Deus habet paratam, pro his qui bene utuntur ista gratia, dicendum tamen est, Paganos, in hoc modo explicandi co-

rum gratiam, habere gratiam sufficientem, non quidem in re, sed in præparatione: quia nempe Deus paratus est dare eis gratiam sufficientem, si præcedente hac insufficienti bene utantur, ut possunt: sed non propter hoc dicendum est quod Deus det actui præcedenti istam gratiam sufficientem tanquam ob meritum, quod absit, cum actus præcedens sit etiam peccaminosus ex fine, sed quia ita vult Deus agere, ita vult suas gratias distribuere & istum ordinem observare ex mera voluntate, & electione sua. Hoc denique placuit oculis infinitæ suæ misericordiæ, & non aliter voluit in his agere: si quis tamen putat, hanc gratiam esse sufficientem, non ideo coincidet cum sensu Pelagiano: nam Pelagiani putabant gratiam intellectus sufficere proximè, & immediate ad bonum quod est bonum ex omni parte, ille autem non est sic, cum ista gratia solum possit dici remota, in quantum tantum disponit ad habendam alteram, quæ proximè, & immediate possit tale bonum agere, non vero dici potest proxima, ut Pelagiana, & superba, quæ negabat se indigere ulteriori auxilio: in voluntate necessario ad bene agendum, quod semper, & solum oppugnavit Augustinus.

§. V.

In quo demonstratur: nullam unquam Augustinum agnovisse actionem moraliter, seu ex omni parte bonam in homine ante omnem fidem, sed semper putasse quamlibet fuisse aliqua ex parte vitiatam, & peccaminosam.

ADvertendum autem est quod aliqui non attendentes huic doctrinæ Augustinianæ de prædictis bonis operibus secundum quid, multum hallucinati sunt putantes, Augustinum censuisse, infideles ante omnem fidem potuisse aliqua opera ex omni parte bona, facere, eo quod prædicta bona opera secundum quid vocet aliquando bona, & præmio, seu laude digna, quod non fecisset, inquit, si ex fine pravo, aut alia circumstantia essent intrinsece vitiatæ: quasi vero non satis explicuerit sensum suum Augustinus, cum in prædicto libro contra Jul. cap. 3. ubi formaliter, & ex professo tractat istam materiam vocet talia opera, bona qua parte respiciunt objectum bonum, seu qua parte voluntas facit, quod debet, & facit officium suum, mala autem qua parte vitiantur ex fine malo, aut alia prava circumstantia. Noveris, inquit, non officiis, sed finibus à vitiis dis-

Nota val-
de hoc.

In his sem-
per debes
supponere,
esse solum
sermonem
de Paganis
puris, &

falsos Deos colentibus, quales erant Regulus, Scipio, fabricius, & huiusmodi, de quibus ibi solum loquitur Augustinus, ut patet ex toto illo capite libri 4. contra Iul. non vero ibi etiam sermonem esse de Paganis secundum quid, & improprie, qui colunt unum Deum, qualis erat Cornelius de quo dicitur in scriptura quod erat religiosus & timens Deum. Hi enim possunt facere opera ex omni parte bona, tam ex fine, quam ex objecto, ut fecisse videtur Cornelius, signum enim est quod bene jam usi sunt gratia data, quandoquidem pervenerunt ad cognitionem veri, & unius Dei, & cognoscendo eum possunt invocare opem ejus ad illa bona facienda, imo & ad veram fidem habendam, quo pacto videtur ad illam pervenisse Cornelius.

Nota a-
liam ratio-
nem ob
quam ma-
la opera
infidelium
vocet Au-
gustinus
bona. nem-
pe qua par-
te sunt à
Deo con-
currente
ad illa, ad
bonum fi-
nem.

à quibus fiunt (ecce vocat bona quæ non bene fiunt, nempe bona ex officio, sed mala ex fine, ut mox sequitur) *bonum est* enim ut subveniatur homini periclitanti, præsertim innocenti (quod est officium voluntatis) sed ille qui hoc facit, si amando gloriam hominum magis, quam Dei facit, non bene *bonum* facit (ecce finis, qui vitiat illud bonum, sed tamen vocat bonum, nempe qua parte respicit objectum bonum, quod est subvenire homini periclitanti, præsertim innocenti, malum vero ex parte finis, ut mox sequitur) quia non bonum facit, quod non bona voluntate facit, absit enim ut sit, vel dicatur voluntas bona (scilicet absolute, & simpliciter, & adæquate bona, tam ex parte finis, & circumstantiarum, quam objecti) quæ in aliis, vel in seipsa, non in Domino gloriatur (id est quæ agit propter se, aut alios, ut ab eis aucupetur laudem, aut emolumentum terrenum & non propter Deum) nec esse fructum ejus, à quo fit *bonum* (ecce adhuc vocat opus illud bonum, scilicet ex objecto, & officio) à quo etiam per malos fit *bonum*, sed *Dei opus bonum* (ecce etiam illud opus vocat opus Dei, & bonum nempe ex objecto, quod tamen est malum ex fine : quia nempe à Deo illud faciente per hominem non intenditur malus finis, sicut ab homine, ut mox sequitur) à quo etiam per malos fit *bonum*, ac per hoc, nec ejus (scilicet hominis) fructus iste dicendus est, quando arbor mala bonos fructus facere non possit : arbor enim mala bonos fructus non facit : sed potius *bonum opus* est illius (scilicet Dei) qui etiam per malos, bene (id est ipse cum bona intentione, & recto fine) facit. Ermuto post eum dixisset Julianus. Si Gentilis nudum operuerit ; numquid, quia non est ex fide, peccatum est. Clare in illa actione sic distinguit bonum, & malum dicens : prorsus *in quantum non est ex fide peccatum est.* (ecce malum scilicet ex fine : nunc ecce bonum scilicet ex objecto, &

& officio) non quia per seipsum factum quod est nudum operite peccatum est (imo vero ut sic vocat infra opus bonum) sed de tali opere, non in Domino gloriari *solus impius negat esse peccatum.* Quod ut intelligas quamvis jam satis inde fuerit disputatum tamen quia magna res est (notent hi qui hanc quæstionem putant esse levem : puto ego Augustinum eam censuisse maximi esse momenti ad solvendas objectiones Juliani contra gratiam in voluntate necessariam factas, nec enim tantopere eam ibi disputasset, nec impium eum vocasset, qui contra sensisset, ut modo vocavit eum, nisi talem esse censuisset) adhuc paulisper ausculta. Ecce eadem commemoro quæ ipse posuisti. Si Gentilis, qui non vivit ex fide nudum operuerit, periclitantem liberaverit, ægri vulnera foverit, divitias honestæ amicitie impenderit, ad testimonium falsum, nec tormentis potuerit impelli. Quare abs te utrum *hec bona opera* (quæ scilicet sunt tantum bona ex objecto, seu ex officio) bene (id est recta intentione) facit ; negare non potes eum peccare, qui male quodlibet facit. Sed quia eum non vis cum facit ista, peccare, profecto dicturus es : & *bona* facit, & bene. Ubi nota hanc conjunctivam, &, quæ indicat duo esse, bonum facere, & bene. Bonum nempe est id quod respicit objectum, seu officium, etiam solum sine bono fine : bene vero quod & respicit finem. Et paulo post sic ait. Quod si, & ipsa per seipsam naturali compassione *opus est bonum* (scilicet ex objecto) etiam *isto bono* male utitur, & *hoc bonum* male facit (id est perversa intentione) qui infideliter facit : qui autem male facit aliquid, profecto peccat (unde & mox illud opus quatenus est bonum ex objecto tribuit Deo, quatenus autem est malum ex fine tribuit homini) ex quo colligitur, etiam ipsa *bona opera*, quæ faciunt infideles, non ipsorum esse, sed illius qui bene utitur malis : ipsorum autem esse peccata, quibus, & *bona* male faciunt, quia ea non fidei, sed infidei, hoc est stulta, & noxia faciunt voluntate, id est mala intentione. Et sub finem capitis sic alloquitur Julianum. Breviter accipe : ne forte cum in rebus tantum erres, quantum errari plurimum potest, videar tecum certare de verbis. Aut ergo intellige quod ait Dominus : si oculus tuus nequam est, totum corpus tuum tenebrosum erit : si autem oculus tuus simplex est, totum corpus tuum lucidum erit. Et hunc oculum agnosce intentionem, quæ facit quisque quod facit (ecce propter quid negat in infidelibus reperiri opera bona ex fine, sed solum ex objecto, quia nem-

Nota quod istud bonum male factum, est vere peccatum : licet enim tales Pagani non haberent gratiam proximæ sufficientem ad non peccandum, seu ad bonum bene faciendum : tamen, ut dictum est,

habebant aliam, quæ, si vellent bene uti, ut possent, pervenirent ad istam : & sic verè in culpa sunt, quod non faciant bene illa opera, quia in culpa sunt, quod non habeant gratiam proximæ ad id sufficientem ex neglecta gratia quam habent : eo modo, quo Christiani, qui non habentes gratiam proximam, sed solum remotam, seu orandi, non implent præcepta, verè enim illi peccant non implendo præcepta, etsi non habeant gratiam proximam ad præcepta implenda, quia nempe in culpa sunt quod non habeant illam, cum nolint facere quod possunt, quod si facerent, illam alteram Deus donaret eis : ita & dicendum de his Paganis.

pe carent fide, quæ ut ait in præfat. in Psalm. 31. ante medium : dirigit intentionem) & per hoc discæ , eum qui non facit opera bonæ , intentione fidei bonæ , hoc est ejus , quæ per dilectionem (justitiæ) operatur , totum quasi corpus , quod illis velut membris , operibus constat , tenebrosum esse , hoc est plenum nigredine peccatorum. Ubi vides eum vocare opera bona , quæ tamen sunt plena peccatis ob malam intentionem. Simili modo alibi distinguit id quod laude dignum aut vituperio & id quod præmio aut pœna dignum in ejusmodi operibus est. Et ratione boni , dicit illa esse laudabilia , & remunerata : ratione vero mali , vocat vituperabilia , & punienda : nam lib. contra mendacium cap. 15. loquens de Hebræis obstetricibus , & de muliere Hierichuntina , quæ omnes mentitæ fuerant , ut misericordiam præstarent proximo. Sic ait : sed quod scriptum est , *bene Deum fecisse cum Hebræis obstetricibus , & cum Raab Hierichuntina meretrice* , non ideo factum est , quia mentitæ sunt (ob hoc enim potius erant puniendæ) sed *quia in homines Dei, misericordes fuerunt* (ecce agnoscit ibi præmium datum actionibus per se malis , sed ratione boni alicujus quod erat in eis , scilicet naturalis misericordix quod mox distinguit dicens) non est itaque in eis remunerata fallacia , sed *benevolentia , benignitas mentis , non iniquitas mentientis*.

Sic cum dicit libro de sp. & litt. cap. 26. in fine : quod sunt aliqua infidelium opera , quæ secundum justitiæ regulam , non solum vituperare non possumus , verum etiam merito recteque laudamus. Intelligit solum hoc de laude quam meretur voluntas , officium suum faciens , & volens bonum ex objecto , licet non sit bonum sed malum , ex fine , aut ex circumstantiis. Unde & mox addit : quamquam si discutiatur , *quo fine fiant* , vix inveniuntur , quæ justitiæ debitam laudem , defensionemque mereantur. Ubi particula illa (vix) non indicat ejus , circa hoc , dubitationem quasi dubitaret , esse illas actiones malas (quamquam , & si id indicaret : tamen ea quæ postmodum dixit in aliis suis operibus , & præcipue in libro 4. contra Jul. cap. 3. ubi de illa quæstione formaliter tractat , satis eam abstergerent) sed solum ejus indicat ab hac quæstione abstractionem cum de ea ibi formaliter non ageretur quomodo alibi notavimus eum se habere solere circa ejusmodi quæstiones incidentes , eas scilicet solum perstringendo & potius declinando quam aperiendo sensum suum circa illas : satis enim clare ostendit cap. sequenti censere se tales actiones esse malas ex fine , cum exerte dicat : quod propter illas etiam infideles puniuntur , licet tamen mitius , quam propter alias. A cuius gratia , inquit , si alieni sunt illi de quibus agimus , qui secundum illum modum , de quo superius satis diximus , naturaliter , quæ legi sunt , faciunt. Quid eis proderunt excusantes cogitationes in die qua iudicabit Deus occulta. (id est intentiones , & fines) hominum , nisi forte , ut mirius puniantur. Quis enim dicat , actiones ex omni parte moraliter bonas puniri à Deo justo , & bono : posset

Lib. de
prædest. ad
gl. parte 1.
sect. 7. §.
2. puncto 5.

quidem dici quod non præmiantur vita æterna, quia non sunt factæ in fide iustificante, sed eas puniri aliqua pœna à Deo iusto, & bono, nemo recte id dicere, aut putare potest: nisi illæ malæ sint, vel ex objecto, vel ex fine. Unde & mox illas dicit esse, vel pessimorum hominum: sine quibus, inquit, difficillime vita cujuslibet pessimi hominis invenitur.

Licet ergo vocet Augustinus illas actiones aliquando bonas; non tamen per hoc vult dicere, quod sunt bonæ adæquate, tam ex fine, quam ex objecto, sed tantum quod sunt bonæ secundum quid: bonæ scilicet ex objecto, sed malæ ex fine: laudabiles ex objecto, vituperabiles ex fine: præmiabiles ex objecto, sed punibiles ex fine, aut aliis circumstantiis, & proinde malæ simpliciter, quia bonum ex integra causa, malum ex quocumque defectu.

§. V I.

In quo demonstratur, prædictas infidelium actiones, non ideo vocari malas ab Augustino quia carent merito vite æternæ, sed quia carent bono fine, aut aliqua circumstantia ad moralem bonitatem requisita, & non aliter.

NEc vero melius viderunt ij; qui dicunt; istas actiones vocari ab Augustino non bonas, sed malas, quia vitæ æternæ non dignas, seu non meritorias. Tantum enim abest, ut ideo vocet illas non bonas, quia vitæ æternæ non meritorias, quin potius contendit illas non esse vitæ æternæ meritorias, quia aliunde non bonas.

Nam cum sic interpretaretur Julianus dicta Augustini, & diceret, illas actiones infidelium esse bonas simpliciter, tam ex fine, quam ex objecto, sed tamen steriliter bonas, id est vitæ æternæ non meritorias. Mox occurrit sanctus Præsul dicens, nullas esse actiones steriliter bonas, quia si essent bonæ secundum se, essent ad salutem fructuosæ: per hoc indicans bonitatem actionum præsupponi ad meritum vitæ æternæ, & eas non fieri bonas per illud, sed esse debere bonas ante illud: non enim, ut dixi, requirebat S. Doctor gratiam supernaturalem in substantia ad meritum vitæ æternæ, sed tantum supernaturalem secundum modum. Unde modo actio esset bona secundum se, & secundum regulas moris, seu rectæ rationis (qualem non putabat esse posse aliquam sine gratia Christi, quæ corrigeret naturam, & redderet eam aptam ad producendum opus tam bonum, tam excellens, & tam purum, cum natura vitiosa, & corrupta per peccatum, ad id non esset sufficiens, & idonea ut perperam volebant Pelagiani) sufficiebat illi ad meritum vitæ æternæ, nec minus valere existimabat illas actiones quam possessionem Regni Dei, si perseveraretur in eis: quod satis aperte significat in prædicto cap. 3.

Ee ij

Huic doctrinæ Augustini bene concinit fidus ejus interpretæ D. Prosper Carm. de ingratia c. 16. dicens: *omne enim probitatis opus nisi semine veræ exoritur fidei, peccatum est, in quo reatu vertitur, & sterilis capmulat sibi gloriæ pœnam.*

[illegible]

quod videtur ad *justitiam* pertinere (ecce falsam justitiam deficientem adhuc ex fine) ne jurgiis & judiciis plura consumant. Ecce igitur vides quomodo virtutes omnes infidelium sunt in se vitiatæ : non sane ob hoc quod non sunt meritorie vitæ æternæ , de quo ne unum quidem ibi verbum videas : sed ob hoc , & præcise quod deficiunt in fine , quem debebant habere secundum rectam rationem , & habent illum secundum pravam affectionem , quam habent homines in avaritiam , quam ibi ponit loco exempli pro cæteris pravitatibus , & tortuositatibus humanæ intentionis non directæ per veram fidem : ibi enim ponuntur omnes virtutes cardinales , scilicet prudentia , fortitudo , temperantia , & justitia , quæ sunt fontes aliarum omnium , & tamen ponuntur omnes vitiatæ , ob scilicet finem pravam lucri , & avaritiæ : ex quo etiam sequitur , quod actiones earum , non bonæ sed malæ sunt : non quia eis deest aliquid supernaturale , quod requiratur ad meritum vitæ æternæ , de quo ibi summum silentium est , sed quia in fine suo morali sunt vitiatæ , sed quia sibi præstituunt finem , qui est contra bonum moris , & contra dictamen rectæ rationis naturalis , & humanæ ut clare patet ex dictis. Quod & mox adhuc inculcat reprehendens Julianum , quod vellet in virtutibus solum spectari id quod agitur (quod est officium voluntatis , ut supra vidimus ab Augustino ipso explicatum) non vero finem cur agatur : in quo graviter errabat , quod ut vides solum spectat ad genus moris , quod maxime spectat finem propter quem : non vero spectat ad supernaturalitatem actus , cum ibi non distinguat August. finem à fine , scilicet ab officio , quod est mere morale. Cum enim , inquit , agitur aliquid prudenter , fortiter , temperanter , & iuste , omnibus quatuor virtutibus agitur , quæ secundum tuam disputationem veræ virtutes sunt . sed (audi modum quo secundum suam falsam disputationem , veræ virtutes sunt , scilicet) si ad cognoscendum , utrum veræ sunt , hoc tantummodo intuendum (est) quod agitur , nec causa querenda est , cur agatur : id est , si solum attendatur ad objectum actus , seu ad officium voluntatis , & non ad ejus finem. In quo ut dixi graviter errabat Julianus non attendens ad finem operis quod est præcipuum in genere moris. Postea vero ponit per longum verba ipsa Juliani supradicto modo disputantis , sed ea omittimus brevitatæ gratia , cum satis credamus Augustino sensum eorum referenti : qui mox ab illis recitatis subdit dicens : hæc ubi didiceris . nescio : jam tamen cernis , ut arbitror , consequens esse (nempe ex sua falsa disputatione , qua non attendebat ad finem operis , sed ad solum officium voluntatis) ut vera sit virtus , avarorum prudentia , qua excogitant genera lucellorum : & avarorum justitia , qua gravium damnorum metu facilius sua nonnumquam contemnunt , quam usurpant aliquid alienum : & avarorum temperantia , qua luxuria quoniam sumptuosa est , cohibent appetitum , soloque necessario victu , tegumentoque contenti sunt. & avarorum fortitudo , qua , ut

ait Horatius per mare pauperiem fugiunt, per saxa, per ignes : qua denique cognovimus quosdam irruptione Barbarica ad ea pro-
denda quæ habebant nullis hostium tormentis potuisse compelli. Ubi
vides eundem quem supra defectum moralem reprehendi in illis
actionibus infidelium, scilicet pravum finem, nullum vero alium de-
fectum pertinentem ad genus anagogicum, seu ad vitæ æternæ me-
ritum. Quod & exemplo confirmat pessimi alicujus inter infideles
homines. Dicens : nec aliud erit quam vera justitia (non dicit su-
pernaturalis, aut anagogica, aut meritoria vitæ æternæ, sed vera
justitia, qualem nemo dubitat esse justitiam moralem) justitia Cati-
linæ : comprehendere multos amicitia, tueri obsequio, cum omni-
bus communicare, quod habebat : & fortitudo erit ejus, quod frigi-
gus, famem, sitim ferre poterat : & vera patientia quod patiens
erat inedia, aloris, vigilæ supra quam cuiquam credibile est ; quis
hæc sapiat nisi desipiat : sed videlicet homo eruditus eorum vitio-
rum similitudine falleris, quæ finitima videntur, & propinqua vir-
tutibus (non dicit supernaturalibus, sed solum virtutibus, quales
nemo dubitat esse illas quas morales appellamus, ut per hoc desi-
gnet, illas virtutes quas rejicit, non solum non esse supernatura-
les, sed nec esse morales) cum absint ab eis, quam longe absint à
virtutibus vitia. Quæ & late prosequitur ibi etiam explicans quid
sit officium voluntatis, & quid finis actionum, quæ jam supra re-
tulimus : in quibus præcipue fallebatur Julianus, non attendens ad
earum finem, ut supra notavit Augustinus, sed ad solum bonum
voluntatis officium, quod solum non sufficit ad bonitatem actus
moralis : & tandem sic concludit. Nullo modo igitur homines sunt
steriliter boni (quæ erat distinctio, quam afferebat Julianus, & quam

Hæc par-
ticula (nul-
lo modo)
manifeste
negat, ul-
lam actio-

nem, aut virtutem, esse bonam quæ non sit meritoria vitæ æternæ : & per consequens illam
excludit evasionem, quæ dicitur a iuri, Augustinum solum ibi loqui de eo quod accidit ut
purissimum, scilicet quod vult dicere, ut plurimum actiones infidelium malas esse, non tamen
semper : sed prædicta particula, manifeste excludit istam evasionem, & ostendit nullam pro-
prie esse secundum Augustinum bonam actionem, quæ non sit ex fide, & meritoria vitæ æter-
næ. Unde postea in eodem capite allegat hoc textus S. scripturæ : omne quod non est ex fide,
peccatum est : & sine fide impossibile est placere Deo. Qui sunt prorsus exclusivi omnis, &
cujuslibet actionis, quæ non est ex fide, & meritoria vitæ æternæ. Quod etiam clare demon-
strat in egeris suis operibus, ut in Psalm. 31. in præfat. ante med. ubi ait : quod ubi fides
non erat, opus opus non erat : & tract. 86. in Joann. circa med. non est, inquit, ut dicat :
antequam crederem iam bona operabar . . . quid enim est boni operis ante fidem. Et lib. 19.
de civit. Dei cap. 21. quæ est, inquit, iustitia hominis, quæ ipsum hominem Deo vero collit,
& immundis demonibus subdit. Et cap. 25. qualis corporis, & vitiorum, potest esse
mens Domina, veri Dei nescia, nec ejus imperio subjugata, sed vitiosissimis demonibus
prostituta. Unde D. Prosper inter illius sententias refert & hanc in ordine 106. omnis infide-
lium vita, peccatum est & nihil est bonum sine summo bono : ubi enim deest agnitio æter-
næ, & incommutabilis veritatis, falsa virtus est etiam in optimis moribus id est optimis :
quantum ad officium voluntatis, non quantum ad finem, ut supra demonstratum est. Et ipse
Prosper libro contra collat. cap. 28. sic ait : manifestissime patet in impiorum animis nul-
lam habitare virtutem (quod solum dicitur de infidelibus : nam in impiis Christianis saltem
habitat fides) sed omnia opera eorum immunda esse, atque polluta.

nunc afferunt ij, qui sequuntur ejus opinionem de prædicto opere bono quam rejicit Augustinus, ut supra satis demonstratum est) sed qui boni non sunt, possunt esse alij minus, alij magis mali; quod intelligendum necessario venit de malitia morali, & non de alia, cum de ea hucusque locutus sit, & non de alia, ut satis demonstravimus.

9. VII.

Ejusdem contentionis, seu ejusdem materia prosecutio.

Quod autem id intelligat de vera malitia, & non de negatione cuiusdam bonitatis supernaturalis, meritoria regni celestis, ut plerique putant, satis patet ex sequentibus, cum postea dicat illos esse puniendos in die judicii propter ista opera: ad hoc, inquit, eos in die judicii cogitationes suæ defendent, ut tolerabilius puniantur, quia naturaliter, quæ legis sunt, utcumque fecerunt (id est præcepta naturalia secundum substantiam, ut mox sequitur) scriptum habentes in cordibus *opus legis*, hætenus, ut aliis non facerent, quod perpeti nollent (quod est substantia præcepti, circa quam veritatur officium voluntatis) hoc tamen peccata (ecce vides eos peccare in illis operibus) quod homines sine fide, non ad eum finem ista opera retulerunt, ad quem referre debuerunt (id est non retulerunt ad bonum finem, ut debuerunt, sed ad pravum, & perversum ut ad avaritiam, ad vanitatem, & cætera ejusmodi, quæ satis ipse in præcedentibus explicuit propter quod sic prosequitur) minus enim Fabricius (vir laudatissimus inter infideles) quam Catilina (vir pessimus inter illos) punietur (sed tamen punietur) non quia iste bonus, sed quia ille magis *malus* (ergo ambo mali, & non solum non boni in ordine ad gloriam, sed absolute mali) & minus *impius* (sed tamen impius; quis autem dicat esse impium qui facit actiones bonas moraliter, & non facit meliores, seu ut aiunt, cælo & vita æterna dignas) quam Catilina Fabricius, non *veras* virtutes habendo (non dicit supernaturales, non dicit meritorias vitæ æternæ, sed tantum veras: quis autem neget virtutes morales esse veras virtutes: ponamus quod sunt & aliæ veræ virtutes, sed hoc non impedit quia & istæ veræ sint) sed à *veris* virtutibus non plurimum deviando (sed tamen deviando, & per hoc vere peccando, unde & mox ait) fabricios, regulos, fabios, scipiones, & camillos, cæterosque illustriores Paganos in suis actionibus *virtute civis, non vera, sed veri-* simili demonibus, vel humana gloriæ servisse. Quod luce clarius ostendit, Augustinum censuisse istos vere peccasse in melioribus, quæ apparebant, eorum actionibus, & non solum caruisse aliqua perfectione,

quæ non esset necessaria in illo genere , quod est ad veras virtutes secundum se. Unde cum paulo post objiceret Julianus : erant ergo in damnatione sempiterna , in quibus erat vera iustitia (per quam iustitiam , intelligebat Julianus moralem , non vero vitæ ac rñs specialiter meritoriam , cum jam satis declarasset , quod illa iustitia , de qua loquebatur erat steriliter bona , id est vitæ æternæ non meritoria : unde responsio Augustini , ut sit apta , & legitima , debet esse de morali iustitia , & non de alia. Sic respondet Augustinus) ô vocem impudentia majore præcipitem : non erat inquam in eis vera iustitia (id est ergo moralis iustitia , sed bona ex omni parte) quia non actibus , sed finibus pensantur officia : id est quia non sufficit ad genus moris , seu ad virtutem moralem , quod actus sint boni ex objecto , seu ex officio voluntatis , ut volebat Julianus , sed debent esse boni ex fine , qualiter non sunt boni prædicti actus seu prædicta Paganorum iustitia , ut supra declaraverat. Ubi vides , Augustinum semper in hac disputatione de bonitate actus , distinguere solum officium à fine , quod est mere morale , non vero finem aliquem bonum , ab alio fine bono , quod posset transferri ad genus supernaturale , seu anagogicum actus. Et cum multo post retulisset ista alia verba Juliani : si Gentilis nudum operuerit , numquid quia non est ex fide , peccatum est. Sic respondet Augustinus *propterea in quantum non est ex fide peccatum est*. Ecce vides eum censere omnia infidelium opera esse peccata quæ videntur bona ; sed propter quid : audi illum explicantem seipsum : non quia , inquit , per seipsum factum quod est nudum operire , peccatum est (quia nempe illud est bonum ex objecto , & est bonum , ut scpe dixit , voluntatis officium) sed de tali opere non in Domino gloriari (id est non referre illud in Deum , ut ad authorem bonorum omnium , sed ad proprium lucrum , aut vanitatem , ut referebant Pagani , quod supra toties repetiit) solus impius negat esse peccatum. Ubi vides illum semper insistere huic fini reprehendendo quod postea explicat per hoc , quod est bonum male facere , id est bonum ex objecto , male facere intentione : si enim , inquit , quamvis bona , male tamen facit , negare non potest eum peccare , qui male quodlibet facit. Et id inquam reprehendit , ut id in quo solo hallucinabatur Julianus , putans sufficere ad actum bonum moralem , quod esset bonus ex objecto , licet non esset bonus ex fine : non vero vides eum redarguere in illis actionibus negationem cujusdam conditionis specialiter ad meritum vitæ æternæ requisitæ , ut quidam opithantur Neoterici , quod etiam omnino fatuè & impertinenter ibi reprehendisset Augustinus cum non loqueretur ibi Julianus de tali merito , imo vero fateretur , & expresse declararet illud abesse à talibus actionibus , quas omnino volebat esse steriliter bonas seu bonas abstractivè à merito vitæ æternæ , & per consequens ibi solum disputans cum Augustino de bonitate morali , & non de supernatu-
rali ,

rali, seu de pertinente singulariter ad ordinem glorię, quomodo distinguunt eam obijcientes à bonitate morali actus: unde paulo post sibi obijciens Augustinus hanc instantiam juxta mentem Juliani, scilicet. Sed forte dicturus es: misericors voluntas bona est (ubi solum vides bonum ex objecto: seu ex officio voluntatis, quod est misereri proximi, sine ulla expressione finis, propter quem misericordia facta sit, quapropter mox reprehendit eum dicens) recte istud diceretur, si quemadmodum fides Christi, id est fides quę per dilectionem (scilicet vere justitię & non proprię concupiscentię) operatur semper est bona; ita misericordia semper esset bona (ergo bonum ex objecto, quod ibi est misereri proximi, non est semper bonum simpliciter, sed aliquando est malum, ut etiam mox sequitur) si autem reperitur & misericordia mala (ergo bonum ex objecto reperitur aliquando malum: sed unde sit, ut istud bonum, sit aliquando malum; num quia non est supernaturale in substantia: num quia non est meritotium vitę eternę secundum mentem obijcientium, licet moraliter bonum sit: nequaquam id cogitat Augustinus, sed etiam reperit istius actus malitiam ex malo moraliter fine, vel ex mala moraliter circumstantia, ut mox exprimit dicens) qua persona pauperis accipitur in judicio (ecce acceptionem personarum, quę est contra rectam rationem, & contra moralem justitiam: ibi reperitur malus finis, seu mala intentio moraliter, cum ibi faciat homo misericordiam reo pauperi, ut proprium suum sublevar dolore, conceptum ex miseria pauperis, licet id prohibeat recta ratio, & justitia moralis, cum reus sit: & id non sit propter Deum, sed potius contra Deum, qui, ut author rectę rationis, & justitię moralis, prohibet hanc acceptionem, sed id facit homo propter seipsum, & propter inordinatam suam inclinationem in pauperem, & ut proprię suę compassioni satisfaciat, contra omnes regulas verę virtutis moralis, & justitię, & ideo vere peccat, licet bonum faciat, quia non bene illud facit, cum faciat illud ex prædicta mala moraliter intentione, & circumstantia, scilicet cum acceptione personę, quod mox illustrat exemplo Saülis Augustinus, sic perperam agentis, & miserentis) per quam postremo rex Saül meruit à Domino utique misericorde damnari (audis damnationem, & proinde verum peccatum sed quare sic damnatus est; num quia actus illius non erat supernaturalis in substantia, & non meritotius vitę eternę, licet esset ex omni parte bonus moraliter, nihil minus, sed quia seipsum prætulit Deo, sed quia suum prætulit humanum affectum iussioni divinę, quod est in omni genere malum) quia contra ejus præceptum captivo regi per humanum peperit affectum. Ubi vides, Augustinum ostendere, quod & si misereri sit aliquod bonum ex objecto, potest tamen esse malum ex fine, & ex prava circumstantia, & per hoc simul etiam demonstrans, quod defectus seu malitia, quam ipse reprehendebat in illis actionibus infidelium, quas defendebat Julianus ut bonas.

non erat contra aliquod quod requireretur supra virtutem moralem ad meritum vite æternæ, sed quod esset directè contra virtutem ipsam moralem, quæ docet nullius esse miserendum in præjudicium justitiæ unicuique debitæ: cùm hoc sit omnino difforme rationi: quam doctrinam late ibi prosequitur, ostendens, infidelitatem Paganorum esse causam hujusmodi defectuum, & peccatorum in actionibus illorum, & sola purgari posse fide Christi, quæ illuminat oculum intentionis, & facit hominem operari propter Deum (id est ob hoc quod Deus id præcipit, & vult) & non propter semetipsum (id est quia id nobis est commodum, aut utile, aut delectabile) quod prorsus corrumpit bonum morale, & vertit virtutem in proprium quæstum, & interesse, quod ut commune nobis est cum brutis, & peccoribus, ita nihil habet secundum rationem laudabile, nec proinde virtuosum. Amor mundi, inquit, quo quisque amicus est mundi (& per hoc, maxime suspicius) non est à Deo, amorque fruendi quibuscumque creaturis sine amore *creatoris* (ut authoris bonorum omnium) non est à Deo. Amor autem Dei, quo pervenitur ad Deum non est nisi à Deo patre per Jesum Christum cùm Spiritu sancto: per hunc amorem *creatoris* (nota repetitionem istius nominis, ut designet objectum formale istius amoris, qui nihil habet supernaturale secundum substantiam) bene (id est cum bona intentione) quisque uti-

Iste amor mundi seu, quod idem est, suspicius, fuit vera causa, cur tam severe censuit Augustinus de actionibus

infidelium: vidit enim illuminatissimus iste vir, quanta violentia ille amor adheret nobis, & inficit actiones nostras, quæ magis videntur bonæ: ita ut pro bono Dei, & rationis, quod solum debet spectare bona actio, seu virtus, substituat nobis bonum nostrum proprium, aut lucrum temporale, aut voluptatem, aut vanitatem, aut alios similes carnales fines, nisi gratia Christi ei obstat, illuminando intellectum, ut non fallatur & corroborando voluntatem, ne infirmetur, & ut à seipsa, & à bono proprio quasi eripiat, & in aliam quasi regionem transferatur, ubi relicto bono proprio, & carnali, adheret aliis, & spiritali quod est bonum Dei, & rationis: quod si post fidem Christi, post sacramenta Ecclesiæ, post ipsam Christi gratiam in voluntate susceptam, tam difficulter ab isto amore eripitur, ad hoc ut aliquis ex omni parte bonas actiones faciamus; quis miretur, Augustinum censuisse, infideles his prædiis destitutos, & insuper demonibus eos corruptentibus servientes, & eorum iussa, & consilia sectantes, nullam prorsus actionem ex omni parte bonam potuisse elicere. Certe spiritali miranti haberet Augustinus respondere, dicens ei; quod à ibi dicitur: *licet serm. 12. de peccat. Apost. cap. 1. in simili materia: si non credis mihi, sequentiando enim in re difficultatem, facile agnosces in eis impossibilitatem.*

tur etiam creaturis. Sine hoc amore *creatoris* nullus quisquam bene vivit, & creditus. Hoc ergo amore opus est, ut bonum beatificum *si quod est dignum vite æternæ*, sed cùm, ut jam dixi, & ostendi, non distingueret bonum illud beatificum à bono mere morali, quod esset bonum ex omni parte, & datam ex objecto quam ex fine, mox adjungit ei virtutem mere moralem (ut sequitur) & pudicitia conjugalis (cui mox etiam dat objectum meretricium, seu potius finem mere moraliter bonum ut non dubites istam virtutem esse mere moralem prout ab eo ibi sumitur) ut sit ejus intentio, quando utitur conjugis carne, non in voluptate libidinis, sed in voluntate

Propaginis. Quod est mere morale ut per se manifestum est. Et per consequens clarum est. Quod ad istam virtutem mere moralem tantum postulavit Augustinus gratiam, quantum ad bonum beatificum, seu vite æternæ meritum: quia nempe non distinguebat Augustinus actum bonum moralem ab actu meritorio vite æternæ quantum ad substantiam actus, & proinde volebat esse verum de uno quicquid erat verum de altero quantum ad substantiam actus, seu bonitatis illius.

§. VII.

In quo proponitur, & exponitur Augustini conclusio de operibus infidelium, & contraria cujusdam ejusdem conclusionis expositio rejicitur.

UNde paulo ante conclusit de actu vite æternæ meritorio, id quod concludere volebat de actu morali integre bono: quia nempe talem actum moralem, & actum vite æternæ meritum quantum ad substantiam actus unum, & idem esse deputabat. Sed quia Julianus concedebat ei de actu meritorio vite æternæ, id quod ipse contendebat etiam esse verum de actu morali ex omni parte bono, ideo potius conclusit intentum suum sub nomine actus meritorij vite æternæ, aut æquivalente quam sub nomine actus moralis ex omni parte boni, licet à parte rei unum & idem concludere intendere, ut mox videbis. Aut certe, inquit, quoniam saltem concedis opera infidelium, quæ tibi eorum videntur bona, non tamen eos ad salutem sempiternam, regnumque perducere (id est non esse meritoria vite æternæ) scito nos illud bonum hominum (quocumque vocetur nomine, sive morale, sive meritorium vite æternæ) dicere illam voluntatem bonam, illud opus bonum, sine Dei gratia, quæ datur per unum mediatorem Dei, & hominum, nemini posse conferri per quod solum homo potest ad æternum Dei donum, regnumque perducere (id est non posse esse sine gratia Christi: sed nota valde quod sequitur) omnia proinde cætera (nota valde quæ sunt ista cætera: per hoc enim videbis, merum bonum morale ex omni parte, fuisse inclusum in præcedenti propositione sub nomine actus æternæ vite meritorij, cum hic non includatur inter illa cætera quæ sunt à præcedentibus distincta) quæ videntur inter homines habere aliquid laudis (ecce illa cætera: sunt tantum illa quæ videntur apud homines esse laude digna, & tamen digna non sunt: at nemo sanæ mentis dicet, quod opus morale ex omni parte bonum, non sit vere & à parte rei laude dignum, cum optimum sit in suo genere & omnibus suis numeris completum: ergo non includitur inter illa cætera, quæ videntur inter homines laude digna, &

Nota valde hanc conclusionem, & ejus interpretationem ut melius capias sequentis objectionis solutionem.

non sunt, sed est inter præcedentia, quæ vocavit cælo digna, & quæ prorsus voluit indigere Christi gratia, unde & sic prosequitur) videantur tibi (illa cætera, quæ sunt ab hoc actu meritorio, seu bono, moraliter ex omni parte distincta,) virtutes veræ, videantur operi bona, & sine ullo facta peccato (ergo illa cætera non deficiunt tantum in aliqua excellentia, aut perfectione supereminenti, seu supernaturali, sibi non necessaria, sed in aliquo sibi intrinsece necessario ad bonitatem suam simplicem, & absolutam, cujus carentia est causæ, cur non sint sine peccato, seu cur veræ sint peccata, quod prorsus non potest dici de actu morali ex omni parte bono, cum habeat omnia sibi necessaria ad esse bonum in genere suo: unde & mox manifestans quid deest illis actibus, quos amandat ad prædicta cætera intrinsece mala dicit esse finem bonum, seu intentionem bonam, quæ sine dubio est intrinsece necessaria actui morali, & non solum supernaturali) quod ad me pertinet, hoc scio quod non ea facit voluntas bona (id est intentio bona, juxta sensum illius in toto illo capite, quod clare demonstrat, bonum morale ex omni parte, non fuisse inclusum inter illa cætera, quæ videntur bona, & non sunt, quandoquidem dicit Augustinus illa non fieri voluntatem bona, id est ab intentione bona, juxta sensum suum supra notatum: quod prorsus non potest competere prædicto actui moraliter bono, de quo loquitur Augustinus, qui ut bonus est ex omni parte, ita & bonus est ex fine, sicut ex objecto, & proinde est bonus, & laude dignus ex intentione bona) voluntas quippe infidelis, atque impia, non est bona: at quis dicat voluntatem ex omni parte moraliter bonam esse impiam. Certe dici poterit carere aliqua perfectione, & excellentia, sed esse impiam ex eo quod solum moraliter bona est & non aliter, nemo, ut opinor, sanæ mentis id dicet. Et per consequens manifestum est, Augustinum non inclusisse bonum opus illud morale inter illa cætera, quæ solum videntur bona, seu laude digna, & non sunt, sed intellexisse illud sub bono beatifico, seu vitæ æternæ digno, propter excellentem suam perfectionem, quæ bonum est ex omni parte, & proinde divinæ gratiæ indigum, ut sit hoc modo bonum: propter quod noluit ob excellentem hanc perfectionem illud esse sterile, seu vitæ æternæ non meritorium, ut Julianus volebat: sed voluit esse cælo dignum, & vitæ æternæ meritorium, & proinde non distinctum ab illo actu, quem vocabat Julianus vitæ æternæ meritorium: non enim tot requirebat Augustinus ad meritum vitæ æternæ, seu eorum quæ conducunt ad vitam æternam, ac Scholastici: sed modò actio non esset vitiosa ex aliqua parte, eo ipso putabat eam esse bonam, & cælo dignam. Unde toties inculcat contra Pelagianos, & Sempelagianos: quod si quid hujusmodi præcedit gratiam Dei in homine, secundum merita dabitur, ut infra specialius videbimus. Sed ideo errant multi in interpretandis dictis Augustini, quia ea interpretantur secundum sua principia,

& non secundum propria Augustini principia, ut deberent.

Sed his non attendens Estius putavit per paulò supra exposita Augustini verba, scilicet: aut certe quoniam saltem concedis opera infidelium, quæ tibi eorum videntur bona, non tamen eos ad salutem sempiternam, regnumque perducere: scito nos bonum illud hominum dicere, illam voluntatem bonam, illud opus bonum, sine Dei gratia quæ datur per unum mediatorem Dei: & hominum, nemini posse conferri, per quod solum homo potest ad æternum Dei donum, regnumque perducere. Per illa, inquam, verba censuit Estius, Augustinum suam superiorem disputationem moderatum esse, & innuere solum per illa voluisse, satis esse ad causam Catholicam quam susceperat defendendam, si obtineat non ejus generis bona opera fieri posse ab infidelibus, quæ eos ad æternam salutem promoveant. Quod quam absurde dicatur ab Estio, nemo est qui non facile videat, si tantisper attendat ad verba Augustini: ibi enim videbis: Estium hanc ineptiam tribuere Augustino, ut petat, & contendat obtinere à Juliano, id quod ipse jam confessus est sibi esse concessum ab illo, quod absurdum & stultum est: dicit enim ibi Augustinus secundum ipsum Estium, quod Julianus saltem concedit, opera infidelium, quæ illi videntur bona, non eos ad salutem sempiternam, regnumque perducere. At autem idem Estius, Augustinum dicere, sibi satis esse si obtineat (à Juliano) non ejus generis bona opera fieri posse ab infidelibus, quæ eos ad æternam salutem promoveant. Ecce id jam concessit ei Julianus ipso consentiente Augustino: cum dixit quod Julianus concedebat opera infidelium, quæ illi videbantur bona, non eos ad salutem æternam perducere; cur ergo id ipsum petit Augustinus ab eo, ut obtineat, quod jam ante petitionem suam fatetur sibi esse concessum; numquid ridiculum est aliquem petere, aut contendere ut obtineat, quod ipsemet sibi dicit esse jam concessum. Certe idem videtur esse: opera infidelium non eos ad sempiternam salutem perducere: & opera infidelium non eos ad salutem æternam promovere: primum agnoscit Augustinus sibi concedi à Juliano; quid ergo urget secundum, cum idem sit ac primum; numquid ibi est joculari & ludere in terminis. Imo vero ex his patet quod id non contendebat Augustinus obtinere à Juliano, cum peti non soleat id quod jam concessum, & obtentum est: cum ergo agnoscat Augustinus id sibi concessum esse à Juliano, scilicet opera infidelium non eos ad æternam vitam promovere, seu perducere, sequitur necessario quod aliud postulabat ab eo, ut obtineret: quod nihil aliud est, quam quod jam diximus, scilicet: quod sicut fatebatur Julianus infideles illa opera non posse facere, quæ perducunt ad vitam æternam; ita & fateatur eos non posse facere opera vere & moraliter bona (quod volebat confiteri) cum hæc opera non distinguantur ab his quæ perducunt ad vitam æternam, sed sint illa ipsa opera vitæ æternæ meritoria, de

Ad cognoscendam plenè, & integre Juliani, & Augustini sententiam circa illas actiones, de quibus disputabant: sciendum est, quòd Julianus (ut & Augustinus) nullas ad mittebat actiones bonas, in substantia supernaturalles, sed volebat eas omnes esse morales, & iis manentibus intrinsece sic bonis, eas solum variari extrinsece secundum diversos fines, quos homo sibi præstitebat per illas acqui-
rendos, ut patet ex illis verbis Juliani quæ habet Augustinus in illo capite, ubi ait Julianus cunctarum origo virtutum in rationabili animo sita est, & affectus omnes, per quos, aut fructuose, aut sterileiter boni sumus, in subiecto sunt mentis nostræ: prudentia, iustitia, temperanti, fortitudo (quæ sunt omnes virtutes morales) horum igitur affectuum vis, cum inest omnibus naturaliter, non tamen ad unum finem in omnibus propertat, sed pro iudicio voluntatis, cuius nutui serviunt, aut ad æterna, aut ad temporalia diriguntur: quod cum sit, non in eo quod sunt, non in eo quod agunt, sed in eo solum variant, quod merentur (ubi vides, quod vult, ut maneant tales in se post eandem directionem, quales erant ante illam, & per consequens eas tantum variari extrinsece per illam directionem: quod etiam mox confirmat adjiciens) nec nominis sui igitur possunt, nec generis sustinere dispendium, sed solius, quod appetiverunt, præmij, aut amplitudine ditantur, aut exilitate frustantur. August. autem volebat eas intrinsece variari per fines diversos, ad quos dirigebantur, non ratione supernaturalitatis, quam nullam agnoscebat intrinsecam, ut nec Julianus, sed ratione boni, & mali, & nihil aliud. Vnde & post prædicta Juliani verba sic respondet: hæc ubi didiceris nescio: jam tamen reatinis, ut arbitror, consequens esse, ut vera sit virtus, avarorum prudentia, quæ excogitant genera lucellorum: & avarorum iustitia, quæ &c. ubi solum advertit bonum, & malum, & nihil amplius, ex quo patet quod hoc solum requiritur ad veram virtutem, & per hoc etiam ad meritum vite æternæ: juxta illud quod habet in eodem capite, per quod vera iustitia, per hoc etiam regnum Dei: Quam directionem intrinsecam non advertens Julianus, sed tantum attendens ad suam illam extrinsecam majorem, aut minoris præmij, graviter hallucinabatur, & ob id rectè reprehendebatur ab Augustino, bene judicante quod ex hac interna directione ad malum finem, V. G. avaritiæ, vanitatis, luxuriæ, & similibus omnes actiones infideliū erant prave, quia ipsi carebant fide, quæ sola, ut ait Augustinus, dirigat intentionem ad bonum, & sine qua semper homo tendit ad malum ex natura corruptæ, scilicet ad avaritiā, vanitatem, luxuriā, & similia vitia. Hoc qui bene comprehenderit, bene capies totam illam disputationem Augustini, & Juliani de actionibus infidelium. Vbi nota, Julianum solum merationem facere generis actionum, non vero ordinis illarum: quia nempe, neque ipse, neque Augustinus, quicquam cogitabant de illo ordine, per quem nunc distinguunt aliqui, actionis meritorias vite æternæ, ab actionibus merè moraliter bonis.

Noluit enim Augustinus ullam veram iustitiam esse sterileriter bonam, sed si vera iustitia esset, voluit eam esse vitæ æternæ meritoriam, ut jam supra probavimus ex hoc isto capite: unde cum ibi distingueret Julianus iustitiam sterilem à fecunda, seu vitæ æternæ meritoria, & diceret, illam posse esse sine Christi gratia, istam vero non posse: sic arguit eum Augustinus: si per doctrinas hominum (id est per gratiam Pelagianam, quæ solum erat in intellectu, & non etiam in voluntate, ut gratia Christi) qualiscunque iustitia (audis qualemcumque iustitiam, & per consequens etiam moralem) ergo Christus gratis mortuus est (id est gratia illa, pro qua nobis obtinenda Christus passus, & mortuus est, ut per eam nos perduceret, & promoveret ad cælum, est inutilis, & superflua nobis, & quare hoc, ecce) per quod enim vera iustitia, per hoc etiam regnum Dei; Deus

namque, quod absit, erit injustus, si ad ejus regnum verus non admittitur iustus. Veram autem justitiam postea ostendit esse illam, non quæ habet objectum supernaturale, ut aiunt, sed quæ habet objectum bonum, & finem bonum, non autem objectum bonum, & finem malum V. G. avaritiæ, luxuriæ, vanitatis, & similium ut supra late persecuti sumus: quem prævum finem postea ostendit fuisse in infidelibus, & per hoc non fuisse in eis veram justitiam, ut putabat Julianus: quod sane non egreditur limites justitiæ moralis, cum nihil distinguat in illo fine, nisi bonitatem, & malitiam, non autem supernaturalitatem, aut naturalitatem, ut necesse prorsus esset, si per illam justitiam, justitiam moralem exclusisset, & intelligere nolisset. Sed quia jam de istis supra satis disseruimus, ideo ab ampliore istorum tractatione hic abstinebimus. Ex quo consequens omnino est, quod cum in loco ab Estio nobis objecto concludit Augustinus de operibus vitæ æternæ meritoris, & non de moralibus, per hoc non retractat, aut temperat præcedentem suam doctrinam, ut vult Estius, sed potius eam confirmat sub alio nomine, utens potius verbis Juliani indicantibus actus vitæ æternæ meritorios, quam morales (licet eosdem esse putaret) ad hoc, ut concluderet per ipsa verba Juliani, qui, quos vocabat Augustinus actus morales, ipse Julianus vocabat actus meritorios, perperam distinguens inter ea quæ non erant per se distincta, & quæ non debebant distinguui, ut jam latissime demonstraverat, proiit satis patet ex supradictis.

§. I X.

In quo magis ac magis ostenditur prædicta absurditas expositionis nobis adversæ, & exponitur quanti momenti putari: August. esse istam disputationem de bonis operibus moralibus infidelium, quam putavit pertinere ad fidem, contra multorum opinionem, parum callentium ejus doctrinam.

ET sane mirandum esset, & multum mirandum: quod Augustinus quinque ingentes implevisset Paginas argumentis acerrimis contra sententiam Juliani, & in fine significaret se velle ista omnia haberi pro non dictis, se omnino agnoscere bene ratiocinatum esse Julianum, cum dixit infideles facere aliquando bonas actiones, imo vero repleti bonis actionibus, ut ibi dici agnovit Augustinus, sed stegiliter bonis, id est, ad vitam æternam non promoventibus, se vero jocatum esse, & lusisse, cum ei in præcedentibus contradixit, voluisse tantum disputare in materia problematica, & ad fidem non pertinente, modo tantum obtineret (quod sane non erat petendum, cum jam sibi fuisset ei concessum) non ejus generis bona opera fieri posse ab infidelibus, quæ eos ad æternam vitam promoveant. Sed

non jocatur ibi Augustinus, qui jocantem in hac materia graviter reprehendit Julianum, dicens: non plane risum, sed fletum potius, intelligentibus vester commovet risus, sicut mentibus amicorum sanorum, fletum commovet risus phreneticorum: & infra: cum insana dicis, & rides phrenetico es similis. Nec enim putavit Augustinus hanc questionem esse problematicam, & mere Philosophicam, sed putavit strictissime pertinere ad fidem, & ad rectam, & orthodoxam de divina gratia doctrinam: si, inquit, per naturam, voluntatemque iustitia (illa nempe de qua ibi disputabat) *ergo Christus gratis mortuus est* (id est inanis est passio, & mors Christi, quod

Supra attulimus rationem cur tam se vere censuit Augustinus de actionibus infidelium, ut nullis prorsus eorum iudicari esse potuisse bonas ex omni parte moraliter: hic affirmamus rationem cur Pelagianos contrarium sentiamus: nec tam acriter infestetur.

est horribile) si per doctrinas hominum (quæ est gratia Pelagiana in solo intellectu residens, & non Christiana in voluntate necessaria) *qualiscumque iustitia* (& per consequens moralis iustitia) *ergo Christus gratis mortuus est*. Ubi vides, per illud dogma Iuliani, non impeti quædam placita mere Philosophica, sed ipsamet Christianæ Religionis fundamenta, mortem ipsam, & passionem Christi evacuare, & exinaniri secundum mentem Augustini. Et multo postloquens idem Augustinus de illis infidelibus, de quibus dixerat Apostolus: quod *naturaliter*, quæ legis sunt, faciunt: quod interpretabatur Iulianus de veris infidelibus, qui ex viribus naturæ, & per virtutem moralem adimplebant præcepta naturalia, Augustinus autem interpretabatur de infidelibus conversis, & proinde Christianis, qui per naturam à Deo correctam, & sanatam per gratiam, plene & integre adimplebant illa præcepta, sic ait Iuliano. Per hos probare conatus es, etiam alienos à fide Christi, *veram* (& proinde moralem, quæ vera iustitia est in suo genere) posse habere iustitiam, eo quod isti, teste Apostolo, naturaliter, quæ legis sunt, faciunt. Ubi quidem dogma vestrum, *quo estis inimici gratiæ Dei*, quæ datur per Jesum Christum Dominum nostrum, qui tollit peccatum mundi, *evidentius expressisti*: introducens hominum genus, quod Deo placere possit sine Christi fide, lege naturæ: *hoc est unde vos maxime Christiana detestatur Ecclesia*. Ecce ergo quod impugnabat in Iuliano Augustinus, non sane quidpiam, quod putaret esse problematicum, aut mere Philosophicum, sed quod putabat esse hæreticum, & merum dogma Pelagianum: propter quod dicit, quod eum, & ejus similes, maxime Christiana detestabatur Ecclesia.

Et sane non video aliam esse illam doctrinam, quam ibi contra Iulianum defendebat Augustinus, quam eam quam continuo inculcat contra Pelagianos necessitatem gratiæ pernegantes, & ideo sibi permitti volentes talia opera moraliter bona sine gratia: contra quos, ideo toties usurpat Augustinus illud Domini: *sine me nihil potestis facere*: item & illud Apostoli: *non sumus sufficientes cogitare aliquid*, quasi ex nobismet ipsis, sed sufficientia nostra ex Deo est: Per hæc indicans nihil nos prorsus posse facere boni ex nobismet ipsis solis, sive morale sit, sive alio quocumque vocetur nomine:

nempe

nempe quia bene videbat quod si concederet eis: quod vel unicum actum bonum ex omni parte possent efficere per vires naturæ, eo ipso possent dicere, quod priores darent Deo: & quod gratia secundum merita nostra tribueretur: quod capitaliter videbat adversari gratiæ: unde tam acriter dimicavit Augustinus contra ista merita moralia Pelagianorum, præcedentia gratiam, ut nequidem voluerit eis concedere: quod homo posset petere, quærere, & pulsare apud Deum ex viribus meræ naturæ quia sic putabat se admittere meritum divinx gratiæ. Sic enim ait eodem libro cap. & initio: ibi vos, ut video, ponere jam cæpistis merita gratiam præcedentia, quod est petere, quærere, & pulsare, ut *his meritis* debita illa reddatur, ac *sic gratia inaniter nuncupetur*. Ecquid enim poterant esse ista merita nisi mere moralia, cùm supponerentur esse sine gratia facta. Et infra: sed ponis testimonium Apostolicum, & ab eo, dicis, pulsantibus aperiri, qui omnes homines vult salvos fieri, & in agnitionem veritatis venire: ut videlicet intelligamus docentibus vobis, *ideo* (ecce causam meritoriam) non omnes salvos fieri, & in agnitionem veritatis venire: *quia* ipsi nolunt petere, cùm Deus velit dare (ergo si potuissent, & voluissent petere per merum lib. arbitrium, meruissent gratiam, & Deus dedisset illam eis, ut debitam secundum Augustinum, propter illam petitionem) nolunt quærere, cùm Deus velit ostendere, nolunt pulsare, cùm Deus velit aperire. Per quæ omnia putabat Augustinus hominem mereri gratiam ostensionis, & apertionis divinx, contra gratuitatem gratiæ, nobis prorsus indubitæ: si ergo illa ista merita noluit eis permittere Augustinus ex vi meri lib. arbitrij, quis credat, eum illis permittere voluisse ampliora, scilicet actiones illas quasi heroicas, quas contendebat Iulianus fuisse in aliquibus Paganis V. G. veræ continentię, iustitiæ, fortitudinis, & similibus, quæ longe erant potiores, & digniores, (si veræ fuissent illæ actiones bonæ moraliter ut putabat Iulianus) quam petere, quærere, & pulsare ad Deum, quas actiones ipsemet Augustinus vult esse meritorias gratiæ, si dentur: quæ mere erant morales, cùm essent sine gratia factæ. Certe satis ex his apparet, quod nihil aliud impulit Augustinum ad impugnandas illas actiones mere morales, quas defendebat Iulianus in prædictis infidelibus, ut bonas, quam id quod impulit eum ad impugnanda merita Pelagiana, & ad defendendam pro Ecclesia Catholica, contra eosdem errantes, gratuitatem gratiæ omnia merita præcedentia repudiantis: non enim postulabant Pelagiani specialia quædam merita, quæ præcederent gratiam, sed tantum *nonnulla* merita, aut *aliquid* meriti ut videre potes in Epist. 105. & 106. sed respondebat Augustinus *nullis* eam præcedentibus meritis dari: *nullum* esse meritum ante illam: *omnis* ab ea incipere *quæcumque* bona merita, & *nihil* eam præcedere in homine, quam malum meritum, seu peccatum ut ibidem videre potes. Per hoc clare rejiciens omnia omnino præcedentia hominum merita,

sive moralia, sive alia quocumque vocentur nomine, ut pote destruentia essentiam gratiæ (quæ omnino debet esse indebita) & pessumdantia necessitatem illius secundum mentem illius, cum ipse putaret qualescunque actiones, si vere bonæ essent ex objecto, & ex fine, esse vitæ æternæ meritorias, & ad salutem æternam perducentes: unde cum Semipelagiani vellent, primam fidem esse ex nobis sine gratia, & per hoc vellent eam esse bonum mere morale, dicit quod si hæc fides admittatur esse ex nobis, admittitur ex nobis meritum gratiæ subsequenter, & cæterorum omnium conducentium ad vitam æternam, ut patet ex his verbis, ex capite 2. libri de prædest. sanct. excerptis: *quis dicat, eum qui jam caput credere, ab illis, in quem credidit, nihil mereri: unde fit: ut jam merenti cætera dicantur addi retributione divina*, ac per hoc gratiam Dei secundum merita monstrari. Quod etiam convincunt ista alia illius verba, quæ jam aliquoties hic repetui, numquam tamen satis hic repetenda, cum sint decisiva quæstionis, scilicet: si per doctrinas hominum (quod idem est, ac si diceret, si per merum lib. arbitrium ab hominibus edoctum) *qualiscumque iustitia* (ergo etiam moralis) ergo Christus gratis mortuus est (id est gratia ejus inanis est, cum sine ea possit vita æterna comparari: ut mox sequitur) *per quod enim vera iustitia, per hoc etiam regnum Dei.* Ubi vides, eum non alio nomine impugnare sententiam Juliani, bonas actiones morales seu moralem iustitiam infidelium asserentis, quam ut destructivam gratiæ Christi, & evacuativam passionis, & mortis illius: unde etiam tam acriter ibi propter hoc invehitur in eum, ut aliquoties propter istam doctrinam vocet eum phreneticum, & insana docentem. Numquid ergo mirum esset, & prodigio simile, si postquam tanta contentione, & acrimonia insectatus esset ibi sententiam Juliani, ut evacuantis mortem, & passionem Christi, cito, & repente se retractaret, aut, ut ait Eusebius, moderaretur suam disputationem, ita ut nihil amplius peteret à Juliano, ex his quæ tantopere contenderat ab eo, sed solum id quod sibi ab illo jam sibi esse concessum, ipse confessus fuerat, scilicet: quod ista opera essent sterilia, seu steriliter bona, & non ad salutem æternam promoventia: quod cum, ut jam dixi, ineptum, & absurdum sit, ita & falsum, & improbabile est.

Quapropter dicendum est, nihil ibi dixisse Augustinum, contrarium, aut diversum à præcedentibus, sed quod dixit dicere: scilicet, infideles nullum opus bonum durante infidelitate fecisse, & distinctionem illam non esse admittendam, quæ est de actibus bonis meritoriis, & non meritoriis vitæ æternæ. Cum eadem sint illa opera bona inter se, & secundum se. Unde cum concederet Julianus, actiones meritorias vitæ æternæ non esse in infidelibus, concedat necesse est, quod nullæ etiam actiones bonæ moraliter ex omni parte, tam ex fine, quam ex objecto, reperiuntur in illis, sed quod omnes eorum actiones sunt malæ, vel ex objecto, vel ex fine, sed præ-

cipue ex fine, quia ut non sunt illuminati à fide, dirigente errant sepiissime in fine, quem sibi prævum præstunt, vel avaritiæ, vel luxuriæ, vel vanitatis, aut similibus, de quibus satis hucusque dissertatum est, & puto satis hæc patere ex dictis.

5. DECIMUS.

In quo ostenditur, quod non obstante præcedente doctrina non peccant tamen necessario infideles, sed libere, & cum indifferentia: ubi & contrariis quibusdam satisficit objectionibus.

Licet autem hæc vera sint, non est tamen dicendum cum quibusdam, putasse Augustinum infideles necessario peccasse in omnibus suis actionibus: nam licet ipsi non haberent potentiam proximam ad faciendâ præcepta, & ad bonas actiones ex omni parte, tamen habebant remotam, & per hoc, non peccabant necessario, sed liberè, & cum indifferentia: tum quia poterant venire ad fidem, si voluissent, ut supra demonstratum est, & per eam impetrare gratias sibi ad hæc præstanda proxime, necessarias: tum etiam quia habebant gratiam proximam ad observandâ præcepta secundum substantiam, & secundum officium voluntatis, qua gratia si recte uterentur, daret Deus aliam, qua pervenirent ad fidem, ut supra etiam declaratum est: & sic, potuissent omnia illa præstare, quæ proxime erant ad salutem eorum necessaria, ex quibus manifestum est, illos non necessario peccasse, sed liberè, & indifferenter, & cum vera potestate ad oppositum.

Sed contra hæc volunt probare aliqui, quod non habent infideles gratiam sufficientem ad salutem, eo quod non possunt servare præcepta naturalia, cum nulla detur gratia ante fidem secundum Augustinum: sine autem gratia non possunt illa servari.

Respondeo, illos posse servare præcepta naturalia, primò proxime secundum substantiam, secundo remotè secundum modum, & substantiam, cum, ut supra probatum est, singuli eorum possint pervenire ad fidem, & per illam impetrare omnia auxilia proxime necessaria ad servandâ illa præcepta secundum modum, & substantiam. Ad id autem quod dicunt: nullam dari gratiam secundum Augustinum ante fidem: distinguendum est, nulla datur ante fidem, ad opus integrè bonum, seu ad opus bonum ex objecto simul, & sine concedo, nulla datur ante fidem ad opus, quod solum bonum est ex objecto seu ex officio voluntatis, per quod impleantur præcepta secundum substantiam, nego: supra enim agnovimus, Augustinum admisisse gratiam aliquam ad opera infidelium, bona solum ex objecto, seu ex officio voluntatis, & ideo ea vocasse munera Dei, ac

cepta à Deo, imò & opera Dei, qua scilicet parte bona erant : id est : ex objecto, seu, ex officio voluntatis : ubi etiam dicit eos tunc posse servare præcepta, sed quia tunc solum possunt proximè illa servare secundum substantiam, & non secundum modum, ita ut non peccent saltem venialiter ex aliquo fine inordinato, & ad suum bonum tendente potius quam Dei, aut rectæ rationis, ideo addit hanc particulam : *ut cumque* : per hoc ostendens, quod tunc solum poterant proximè, & immediate illa servare secundum substantiam, sed non etiam secundum modum, ut prædictum est. Quando ergo dicit Augustinus, gratiam non dari ante fidem, seu fidem esse primam gratiam, in locis citatis ab adversariis, intelligendus est de gratia, quæ est ad opus integre bonum, tam ex fine, quam ex objecto, non vero de gratia, quæ est solum ad opus bonum secundum quid, id est bonum ex objecto, sed non etiam ex fine. signum autem hujus rei est, quod in iis locis indicat, fidem esse ad operandum bonum ex omni parte : unde dicit, illam operari per dilectionem, scilicet *justitiæ*, ut ipsimet exponunt adversarii : item quod non operatur per timorem formidando pœnam (scilicet temporalem) sed amando *justitiam* : item quod per eam lex completur, non timore pœnæ (ab hominibus infligendæ) sed amore *justitiæ*. Et quod *veraciter, & sinceriter* peccata non vincuntur, nisi veræ delectatione *justitiæ*, quæ est in fide Christi. Per quod indicatur bonum ex omni parte, tam ex fine, quam ex objecto, cum hoc solum vere justum opus sit, quod est bonum ex omni parte : nam cui deest aliquid, potius est iniquitas, quam justitia, & peccatum potius quam opus bonum, cum bonum sit ex integra causa, malum ex quocumque defectu.

Præterea dici posset, quod cum gratia illa, quæ est tantum ad opus bonum secundum quid, sit via ad fidem, non quod mereatur fidem, abste, cum opus ejus sit cum peccato conjunctum, sed quia Deus aliquando præsupponit bonum usum illius, ut supra vidimus ex August. antequam det fidem : ideo & dici potest, quod concomitanter intelligitur sub fide, eo modo quo ipsa gratia quæ datur ad fidem : non enim fides datur sine gratia præveniente, quod esset Pelagianum, & dogma ipsum Semipelagianum, sed tantum post gratiam illam actualem : sicut ergo hæc gratia actualis intelligitur sub fide, quia est via ad illam, ita & dici potest, quod hæc gratia, qua servantur præcepta secundum substantiam ante fidem, intelligitur sub fide, quia etiam est via ad illam, ut iam expositum est.

Quantum autem ad id quod dicunt, infideles non nosse præceptum non concupisces. Respondeo satis eos illud nosse per prædictam gratiam quantum pro tunc obligantur, cum non teneantur ad id quod ignorant absolute, & invincibiliter, quandoquidem supra demonstravimus ex Augustino, Deum impossibilia non jubere, sed semper dare gratiam, qua possibilia fiant, nec ulli suppetere veram excusationem ex ignorantia sua : sed eos nosse, & negligere facere quod

possunt, ut melius noscant, quod etiam solum probant testimonia Augustini, quæ contra proferunt adversarii ad probandam suam intentionem, ut patet ex isto, quem citant ex Psalm. 136. quando illos videmus, & tam steriles eos invenimus, ut *difficile* (non dicit impossibile, sed difficile ob resistantiam voluntatis perverſæ) nobis appareat in eis aliquid, unde possint duci ad rectam fidem, vel ad bona opera (ergo hoc non solos spectat infideles, cum ibi loquatur Augustinus sub disjunctione de fide, & operibus, & de cæteris quæ tam spectant ad fideles, quam ad infideles : & proinde non supponit ibi veram impossibilitatem, sed meram difficultatem, cum saltem certum sit quod fideles possunt : quandoquidem per fidem possunt impetrare auxilia etiam efficacia, quibus agant) vel ad concupiscentiam liberationis à captivitate mortalitatis scripturas novimus, quas eis dicamus (quod non recte diceretur infidelibus qui non accipiunt nostras scripturas) sed quia nullum fructum, in eis invenimus, unde incipiamus, avertimus ab eis faciem, & dicimus : adhuc isti non sapiunt, non capiunt (ob resistantiam scilicet voluntatis, ut mox indicatur, cum addit) quia quicquid illis dixerimus sinistrum, & adversum habebunt (id est accipient in malam partem : unde non dicit illos esse relinquendos, ut impotentes ad bonum, sed tantum differendos, donec melius dispositi appareant, ut mox sequitur, & jam indicat : cum dixit *adhuc* isti non sapiunt) ergo differendo circa eos scripturas (quod clare designat ibi potius Augustinum spectare pravos Christianos quam infideles, qui non admittunt nostras scripturas) suspendimus organa nostra in falicibus : non enim dignos habemus (propter scilicet malitiam voluntatis perverſæ, & resistantis) qui organa nostra (per quæ intelligit, ut ipsemet explicuit, scripturam Dei, præcepta Dei, promissa Dei, meditationem quandam futuri sæculi, quod sano minus spectat infideles quam fideles, & alios qui recipiunt nostras scripturas, & præcepta Dei positiva, & promissa Dei, & spem futuri sæculi) portent. Non ergo eis organa nostra inferendo alligamus, sed differendo suspendimus (quoadusque scilicet minus sint resistentes, & magis dispositi) falices enim sunt Babiloniæ, ligna instructuosa pasta in temporalibus voluptatibus, tanquam fluminibus Babiloniæ. Quod ut vides non solos spectat infideles, sed etiam fideles temporalibus voluptatibus deditos, & per hoc parum dispositos, non tamen insipientes, ad recipiendum verbum Dei.

§. XI.

*Aliqua alia solvuntur objectiones contra libertatem infidelium,
& eorum gratia sufficiens recapitulatur.*

Alter autem locus qui obijcitur ex eodem Ps. magis manifestat resistantiam factam gratiæ, quam ejus absentiam, cum dicit : irident isti quasi stultos &c. ubi clare supponit Augustinus prædicatum eis Christum, ab eis quos irident, ut stultos, & per hoc gratiam internam in eis fuisse simul cum externa, secundum morem dicendi Augustini, ut supra notatum est : sic enim ait : incipies dicere (ecce ergo prædicatio facta) homini (scilicet infideli) quanta bona fecerit Christus, & non accipit (id est non admittit fidem) proponis enim illi eos, qui faciunt, quod modo audistis in Evangelio : vendunt omnia sua, & dant pauperibus, ut habeant thesaurum in cælis, & sequantur Dominum : dicit istis (ecce ergo Evangelium illis prædicatum) ecce quod attulit Christus : quam multi faciunt ista, ut distribuant res suas egenis non necessitate, sed voluntate, sequentes Deum, sperantes regnum cælorum. Irident isti quasi stultos (quid hoc indicat nisi resistantiam factam gratiæ ex superbia, & abusione) & talia, inquiunt, bona attulit Christus, ut perdat homo res suas, & cum dat egenis : remaneat egenus ; quid ergo facies (isti sic resistenti, & malè disposito) bona Christi non cupis, alius enim te impleret (scilicet diabolus per suggestiones suas contrarias) qui adversarius est Christo, cui dediti locum in corde tuo. Quod clare indicat resistantiam factam gratiæ per consensum datam tentationi diabolicæ, & nullomodo indicat absentiam gratiæ sufficientis, ut prætendunt, adversarij. Quantum autem ad locum, qui citatur ex Psalm. 134. nihil aliud indicat, quam resistantiam factam gratiæ, seu negationem gratiæ efficacis, seu effectum habentis, ut patet ex terminis. Aures habent (id est gratiam sufficientem ad audiendum) & non audiunt (id est ei non consentiunt, sed resistunt) oculos habent, & non vident, nares habent, & non odorabunt. Non sentiunt (ubi solum vides privationem actus non vero potentie) illum odorem, Christi : bonus odor sumus, sicut dicit Apostolus, in omni loco ; quid prodest quia nares habent, & non odorantur (non dicit non possunt odorari : quia non aberat potentia, sed aderat resistentia) tam suavem odorem Christi. Item & iste qui sequitur ex Psalm. 87. ubi dicit Augustinus de mortuis ex subtractione gratiæ sanctificantis : in quibus, inquit, occulta gratia tua non operatur, qua trahantur, ut credant. Ubi nihil apparet nisi privatio actus, seu gratiæ efficacis, non vero privatio potentie, seu gratiæ sufficientis. Ad illum autem alium ubi di-

citur quod mortui: nihil bonum valent credere, atque sentire. Respondeo ibi quidem negari potentiam, sed solum proximam, & non remotam. Notum enim est, Augustinum sæpe negare potentiam, seu valentiam iis, qui non possunt proxime, sed solum remote. Unde sæpe dicit eis, ut orent, quod supponit potentiam remotam, seu impetrandi proximam. Sed nequidem ibi loquitur de puris infidelibus, seu de Paganis, de quibus solum hic loquimur, sed de Iudæis, qui habent fidem sufficientem ad orandum, & petendum auxilium si velint, ut infra explicabimus, unde loquitur de iis qui habent gratiam sufficientem remotam, licet non proximam: nam quod ibi loquatur Augustinus de Iudæis, & non de Paganis singulariter, patet cum ibi exponat Psalmum, qui est de passione Christi conquerentis de suis persecutoribus, qui fuerunt Iudæi: unde paulo ante verba mox relata, exponens versum illum: clamavi ad te Domine: inter passionem meas, inquit Augustinus in persona Christi, tota die expandi manus meas ad te: id est inquit Augustinus, non destiti ad te glorificandum extendere opera mea: cur ergo impij in me saviunt. Per impios sine dubio indicat Iudæos qui savi erunt in Christum & omnibus modis eum afflixerunt & tandem crucifixerunt eum. Quicquid sit, certissimum est, quod non loquitur ibi Augustinus specialiter de Paganis, sed vel de omnibus impiis, aut reprobis, inter quos sunt etiam fideles, qui non carent gratia sufficiente, cum habeant fidem qua impetrent charitatem: vel de Iudæis, de quibus proxime locutus est, qui etiam habent fidem ad oranda, & ad impetranda auxilia, sibi proxime necessaria ad salutem. Unde & vi verborum illorum non negatur gratia sufficiens, cum enuntientur etiam de illis, in quibus sine dubio est gratia sufficiens, V. G. de fidelibus: ergo sicut non negant eam de illis, ita nec negant eam de Paganis, sed tantum negant aliquam gratiam specialem V. G. proximam qua privantur illi, de quibus ibi loquitur, ob peccata sua præcedentia, quia erant impij, & in anima sua mortui, cum ibi tales vocentur.

Et hæc de gratia sufficiente infidelium, cui poteramus addere prædicationem Evangelij, sed eam reticimus ob hoc, quod non sit communis omnibus, cum non omnes audiant Evangelium. Verumtamen & hæc communicatur plurimis, sive per prædicatores illos, quos vocant missionarios, qui fere ubique terrarum sunt dispersi, sive per fideles, qui negotiantur apud infideles, sive etiam per relationes aliorum infidelium qui negotiantur apud fideles, sive per libros Christianorum, qui ipsis communicantur, item & aliis viis nobis incognitis, quibus Deus bonus, & pius, solet providere suis creaturis de necessariis, non solum ad salutem temporalem, sed multo magis ad æternam, quæ longe potior est. Quod si quibusdam hic modus deest, supplebunt alij duo commissi supra à nobis sufficienter explicati, imo & Deus ipse, sive per se, sive per Angelos instruet infidelem de necessariis ad salutem, quod quidem, ut ait Augustinus:

Lib. dedo-
do persev.
cap. 19.

donatum est paucissimis : sed si liceat addere causam : dicam ego quia nolunt uti gratia sibi à Deo data ad evitanda peccata mortalia. & ad præcepta servanda secundum substantiam, ut per illam gratiam possunt : unde non bene utentes illa gratia, indignos se præstint accipiendæ majoris, & ita fit, ut tota culpa eorum sit, quod non ampliorem accipiant, juxta illud Domini apud Hieremiam cap. 5. peccata vestra prohibuerunt bonum à vobis.

§. XII.

Duo difficiles Augustini loci exponuntur, & ostenduntur, non esse contra gratiam sufficientem infidelium.

Sed postquam hæc scripsi, occurrit mihi aliquid apud Augustinum libro de nat. & gr. quod vidi contra superiora posse objici. Dicit enim ibi Augustinus cap. 2. quod si quis, credendo in Deum, qui fecit cælum & terram (id est in Deum, ut autorem rerum omnium creaturarum, ad quem credendum per contemplationem cæli & terræ, & omnium quæ in eis sunt, assurgimus) & recte vivendo, impleat ejus voluntatem, nulla fide passionis Christi, & resurrectionis imbutus, Christus gratis mortuus est : ergo falsum est quod diximus, fidem illam quæ habetur per contemplationem rerum creaturarum, esse gratiam sufficientem ad salutem pro infidelibus.

Respondeo negando consequ. non enim diximus, illam fidem per se ipsam præstare posse, illa quæ dicit Augustinus in antecedente : nam in antecedente arguit Augustinus eos qui, cum prætenderent se habere istam fidem ex seipsis, prætendebant se posse per se & ex propriis viribus suis bene vivere & implere Dei voluntatem : at non diximus istud de illa fide. Nam primo diximus eam nos non habere ex nobismetipsis, sed ex gratia Dei interna, occasione contemplationis rerum creaturarum nobis data. Et deinde diximus eam ipsam non nisi per fidem Christi nos posse perducere ad vitam bonam, & rectam & deinde ad gloriam : quod longe diversum est ab eo quod dicitur in antecedente : ibi enim tantum redarguit Augustinus Pelagianos, qui putabant per se & ex propriis viribus suis sine fide in Christum, legem, & voluntatem divinam posse implere : ut patet ex his verbis : credendo in Deum, & recte vivendo, impleat ejus voluntatem, nulla fide passionis Christi, & resurrectionis imbutus. Et etiam patet ex his aliis paulo post habitis : si per naturam justitia ergo Christus gratis mortuus est. Et ex his aliis initio capitis habitis ubi ait Augustinus. Si natura humana potest sibi sufficere ad implendam legem, perficiendamque justitiam, de præmio debet esse securo : hoc est, de vita æterna : etiamsi in aliqua gente, aut aliquo superiore tempore fides eam latuit sanguinis Christi. Ubi solum vides reprehendi sufficientem pro-

propria, & negationem necessitatis Christianæ fidei ad salutem obtinendam, non vero sufficientiam innixam auxilio divino, & explicitæ Christi fidei, quam semper diximus ex Augustino, esse necessariam ad salutem, seu ad vitam æternam consequendam & ideo nihil diximus contra Augustinum quando diximus ex ipso: fidem illam quæ habetur per contemplationem rerum creaturarum (cum præsupposita gratia Dei interna) esse sufficientem ad salutem pro infidelibus: non enim per hoc dicimus, illam fidem esse proxime sufficientem ad salutem sine fide passionis, & resurrectionis Christi, quod solum ibi damnatur & reprehenditur Augustinus ut jam vidimus, & ex terminis ipsis clarum est: cum supponantur isti recte vivere sine fide passionis Christi, & resurrectionis ejus: quod non dicimus: sed dicimus esse sufficientem tantum remote, seu in tantum sufficientem ad salutem, in quantum potest obtinere orando, & eleemosynas faciendo, fidem passionis, & resurrectionis Christi, & per hanc reliqua omnia media proxime necessaria ad salutem, sicut Cornelius obtinuit, cujus ad hoc exaudita sunt orationes, & eleemosynæ acceptæ. Neque etiam dicimus quod per illam fidem possumus sine fide explicita passionis, & resurrectionis Christi recte vivere, & implere voluntatem divinam, ut dicebant hi, qui sunt in objectione insinuati, scilicet Pelagiani: sed tantum dicimus: quod per illam possumus obtinere media ad salutem necessaria, eo modo, & ordine, quo sunt obtinenda: unde cum primò debeat obtineri fides passionis, & resurrectionis Christi, antequam recte vivatur, & voluntas Dei impleatur: ita illa fides, primò obtineatur, & deinde ut recte vivatur, & Dei voluntas impleatur: quod non contradicit Augustino, imo vero ei valde congruit, cum ibi asseramus, fidem passionis, & resurrectionis Christi, ita necessariam esse ad recte vivendum, & ad voluntatem Dei implendam, ut illa sine hac effectum istum in nobis prorsus habere non possit: quod idipsum est, quod ibi tantum contendeat Augustinus.

Nota quod aliud est, aliqua bona opera posse facere sine fide explicita in Christum quod præstatit Cornelius

nelius: & aliud, facere omnia opera bona, quæ necessaria sunt ad salutem, seu implere Dei voluntatem: primum non negat hic Augustinus, sed secundum, juxta doctrinam ejus constantem, quam supra exposuimus in hac ipsa sectione ante paragraphos.

*Sed magis urgere videtur id quod habet capite 9. ubi hoc proponit exemplum, per quod videtur innuere, gratiam sufficientem non dari omnibus, & singulis infidelibus, dicens. Juvenis, vel senex, in ea regione defunctus est, ubi non potuit Christi nomen audire; potuit fieri justus per naturam, & lib. arbitrium: an non potuit: si potuisse dicunt (scilicet Pelagiani) ecce quod est Christi crucem evacuare, sine illa quemquam per naturalem legem, & voluntatis arbitrium, justificari posse contendere: dicamus & hic: ergo gratis Christus mortuus est: hoc enim omnes possent, etiam si mortuus ille

Notandum valde est, quod aliud intellegebat Augustinus per posse justificari in parvulis.

& aliud per non esset : & si iniusti essent , quia vellent , essent , non quia iusti
posse iusti- esse non possent : si autem sine Christi gratia justificari omnino non
ficari in ad- potuit , etiam istum si audet absolvat secundum verba sua , quia id-
ultis : nam circo- talis fuit , quod aliud esse non potuit , culpa caruit.

parvulis , nihil aliud erat , quam posse recipere gratiam habitualement : ac vero posse iustifica-
ri in adultis , erat posse poenitere posse , compungi , & sic obtinere veniam de peccatis :
unde cum hoc tribuerent Pelagiani merito lib. arbitrii sine gratia Christi , dicebat eos Au-
gustinus presumere , se posse iustificare , se iustos facere seu iustificari à semetipsis per me-
rum lib. arbitrium sine gratia Christi eos præcitantem , & præveniente ad tales actus effi-
ciendos. Qui eorum error etiam damnatur à Conc. Arausico. cap. 4. his verbis : si quis ut
à peccato purgemur voluntatem nostram Deum expectare contendit , non autem , ut etiam
purgari velimus , per sancti Spiritus infusionem , & operationem in nobis fieri constitetur ,
resistit ipsi Spiritui sancto per Salomonem dicenti : præparatur voluntas à Domino : & Apo-
stolo salubriter prædicanti : Deus est qui operatur in nobis , & velle , & perficere pro bo-
na voluntate. Item sic damnatur in Conc. Trid. can. 1. de iustific. si quis dixerit hominem
suis operibus quæ vel per humanæ naturæ , vel per legis doctrinam fiant , absque divina per
I. sum Christum gratia posse iustificari coram Deo , anathema sit. Et can. 3. si quis dixerit ,
sine præveniente Spiritus sancti inspiratione , atque ejus adiutorio hominem credere , spe-
rare , diligere , aut poenitere posse , sicut oportet , ut ei justificationis gratia conferatur , ana-
thema sit. Et hic erat error quem hic Augustinus redarguebat , in ea parte qua loquitur
de adultis.

Respondeo Augustinum ibi locutum non esse secundum sensum
suum : nam secundum sensum suum putabat esse aliam viam iustifican-
di infideles , quam per prædicationem Evangelij , ut clare indicat in
supradictis , & in libro de dono persév. cap. 19. ubi ait : paucissi-
mis (& per consequens aliquibus) esse donatum , ut nullo sibi præ-
dicante , per ipsum Dominum , vel per Angelos cælorum doctrinam
salutis accipiant. Quod & jam dixerat generalius libro de sp. & litt.
cap. 34. ubi ait : quod visum suasionibus agit Deus , ut velimus , &
credamus , sive extrinsecus per Evangelicas exhortationes , ubi & mandata
legis aliquid agunt . . . sive intrinsecus , ubi nemo habet in potesta-
te , quid ei veniat in mentem. Unde non videtur ibi locutum esse
Augustinum secundum sensum suum , sed tantum secundum sensum
Pelagij , cum quo ibi disputabat , & cujus ideo sensum sequi debe-
bat , ut eum melius convinceret. Putabat autem , aut saltem suspi-
cabatur Augustinus Pelagium requirere prædicationem Evangelij ,
ut gratiam necessariam ad salutem æternam , ut patet ex cap. 40. il-
lius libri de nat. & gr. ubi sic ait : putat fortasse (Pelagius) ideo ne-
cessarium esse Christi nomen , ut per Evangelium discamus quemadmodum vive-
re debeamus : unde habens eum convincere de insufficientia solius ar-
bitrii ad justificationem hominis lapsi efficiendam , locutus est secun-
dum sensum Pelagij & non suum dicens : quod juvenis , aut senex ,
in ea regione defunctus est , ubi non potuit Christi nomen audire : &
sic non fuit culpabilis ex hac parte secundum Pelagium : quo posito
querit Auguſt. an talis potuit fieri iustus per naturam , & lib. arbit.
an non potuit : & ait , quod si potuit , evacuatur crux Christi , quan-
doquidem sine gratia crucis Christi , sed per meram naturam , aut

Sic loquū-
tur Pelagia-
ni illius disci-
puli apud
Augustinū
serm. 11. de
verbis A-
postoli c. 8.
d. si sit qui
 doceat d. si
 sit qui ostē-
 dat &c.

merum lib. arbitrium potuit justus fieri, qui non erat. Si autem non potuit, tunc arguit Pelagium manifestæ contradictionis, cum prius dixerit, quod qui idcirco talis est, quia aliud esse non potuit, culpa caret: hic autem non potuit aliud esse, quam fuit secundum Pelagium, cum non potuerit audire Evangelium, & consequenter justificari, seu justum esse & tamen culpa non caret cum justus non sit: ergo falsum est, quod culpa careat, qui non potuit aliud esse quam fuit, ut dixerat Pelagius. Et sic arguit eum: aut evacuationis crucis Christi, aut manifestæ contradictionis in suppositione ipsius Pelagij, & non in sua cum haberet ibi convincere Pelagium, & non alium, & sic nihil ibi dicit Augustinus contra nos, aut contra supra probatam ex ipso gratiam commanens, pro omnibus, & singulis Paganis, cum non loquatur ibi in sua, sed in aliena suppositione, ut probatum est.

Præterea posset dici, quod ibi loquitur Augustinus de modo ordinario, quo fit justificatio infidelium, scilicet per prædicationem Evangelij, nolens loqui de alio, de quo non locutus fuerat Pelagius, ne ista quæstio incidens averteret, aut interromperet principalem. Et sic textus ille non est contra nos, cum non sit de omni modo possibili, de quo solo locuti sumus, sed tantum de ordinario, & communi justificationis infidelium.

Denique dici posset: totum hunc discursum non pertinere ad nostram quæstionem: non enim ibi quæritur; an sine prædicatione, seu auditione Evangelij, detur aliqua alia gratia communis actualis, per quam pervenire possint infideles ad gratiam justificantem, & salvantem, quod solum affirmamus: sed quæritur; an deficiente prædicatione Evangelij, possit homo per meram naturam, & lib. arbitrium pervenire ad justificationem, & salutem: ut patet ex his verbis: juvenis, vel senex in ea regione defunctus est, ubi non potuit Christi nomen audire; potuit fieri justus *per naturam, & lib. arbitrium*: ecce clare designat ipsam rem de qua agitur: scilicet: an talis possit justificari per naturam, & lib. arbitrium non vero an possit perducì ad justificationem, & salutem per aliam gratiam actualem, quam per prædicationem Evangelij, de quo solo agimus: unde quando additur: si potuisset dicunt: ecce quod est Christi crucem evacuare: hoc solum intelligitur de potestate, quæ est per naturam, & lib. arbitrium, non vero de potestate, quæ est per aliam gratiam actualem de qua agimus, ut etiam mox sequitur, cum ait: sine illa (scilicet cruce, seu gratia crucis) *per naturalem legem, & voluntatis arbitrium*, justificari posse contendere. Ex quo clare apparet quod totus ille discursus nullomodo pertinet ad nostram quæstionem, cum sit totus, & totaliter de necessitate gratiæ Dei, contra sufficientiam naturæ, & arbitrij humani, nostra autem sit de sufficientia cujusdam gratiæ Dei, contra necessitatem alterius, cum præsupposita insufficientia naturæ: unde tam diversa est nostra quæstio ab ea de qua agitur in præallato textu, ut nostra prædictis supponat veram decisionem alterius, scilicet insufficientem esse naturam,

& humanum arbitrium ad justificationem peccatoris, de qua disputabat altera & circa quod tota occupata erat, & totaliter: & sic nihil habetur ex hoc textu contra ea quæ diximus.

SECTIO TERTIA.

Quæ est de Iudæis: quomodo habeant gratiam necessariam seu sufficientem ad salutem.

Id inferius
adhuc late
probabitur
in sequenti
conclus.

3. **C**onclusio. Gratia sufficiens data fuit omnibus Iudæis, qui ante Christum existerunt. Et ratio est, quia illi erant veri fideles, unde habebant fidem, qua impetrarent charitatem, & cetera omnia quæ necessaria erant ad salutem: nec in ista conclusione maior est difficultas, quam in prima, cum ea fere omnia, quæ diximus de gratia sufficiente pro fidelibus Christianis, militent pro ista: nam ut ait Augustinus lib. 1. retract. cap. 13. Ea est nostris temporibus Christiana religio, quam cognoscere, ac sequi securissima, & certissima salus est: secundum hoc nomen dictum est, non secundum ipsam rem, cujus hoc nomen est. Nam res ipsa quæ nunc Christiana religio nuncupatur, erat & apud antiquos, nec desuit ab initio generis humani, quousque ipse Christus veniret in carne: unde vera religio quæ jam erat, cepit vocari Christiana. Cum ergo secundum Augustinum illi pertinerent ad illam religionem, quæ nunc est Christiana, sequitur quod erant veri fideles, & per consequens quod maxime habebant gratiam orandi, & impetrandi ea omnia quæ necessaria sunt ad salutem, prout ibi diximus, quod omnes fideles habent. Sub nomine autem Iudæorum istorum fidelium, comprehendimus omnes antiquos fideles, qui eos præcesserunt ante datam legem scriptam, quia istorum omnium patilis ratio est, ut patet ex textu mox allegato.

4. Conclusio gratia sufficiens data est etiam illis Iudæis, qui tempore Christi, & post Christum existerunt, & ei contrarij fuerunt, & nunc sunt, etiam & omnibus Hæreticis & Mahometanis, qui quantum ad hanc conclusionem æquiparantur istis Iudæis.

Hæc non
tam vera fi-
des est, quā
inchoatio
quædam fi-
dei, cum
qua sola
nemo sal-
vatur: ut

Probatur hæc conclusio 1. quia isti habent sufficientem fidem ad orandum secundum mentem Augustini, cum non habeant minorem fidem quam Cornelius, & edni credant in unum Deum remuneratorem bonorum, quem proinde possunt invocare secundum Apostolum, & Augustinum, qui nihil aliud postulant ad istam invocationem faciendam, quam hanc notitiam juxta illud ad Rom. 10. quomodo invocabunt, in quem non crediderunt. Quam tamen efficacem tribuit Augustinus Cornelio, qui nihil adhuc de Christo audiverat, sed solum in unum Deum credebat remuneratorem bonorum, & exaudi-

torem orationum. Sufficit ergo eis credere in unum Deum creatorem cœli & terræ, ut invocare eum possint, quem si toto corde & mente invocarent, sicut fecit Cornelius, Deus illos illuminaret, & adduceret ad veram fidem, ut adduxit Cornelium, sed quia nolunt illa gratia bene uti, ideo relinguntur in sua cæcitate, cui causam dederunt ex sua perversitate, ut ait Augustinus lib. de vera religione. ⁶ Judæi, inquit, *quævis uni omnipotenti Deo suplicent*, sola tamen temporalia, & visibilia bona expectantes, rudimenta novi populi ab humilitate surgentia in ipsis suis scripturis *noluerunt advertere*: atque; *ita in vetere homine remanserunt*: quod tribuit, ut vides, eorum voluntati perversa, & non defectui gratiæ.

ait Augustinus lib. 1. ad simpl. qu. 2. his verbis. Fiunt ergo quædam inchoationes fidei, conceptionibus similes, non tamen solum concipi, sed etiam nasci.

opus est, ut ad vitam perveniatur æternam. Vocavimus tamen eam, fidem, quia ita vocavit eam Augustinus libro de prædest. sanct. cap. 7. loquens de Cornelio cujus, inquit, orationes, & elemosynæ, acceptæ fuerunt coram Deo, antequam in Christum crederet, nec tamen *sine aliqua fide* donabat, & orabat: nam: quomodo orabat, in quem non crediderat. In prædicto autem loco libri 1. ad Simplic. vocat eam tantum inchoationem fidei, ut ibi videre est: sed tamen illam inchoationem, seu fidem inchoatam, vult sufficere ad orandum, & elemosynas faciendum, quod sufficit ad impetrandam gratiam proxime necessariam ad proxime credendum in Christum, ut agnoscit in Cornelio, in prædictis libris, & locis.

Probatur 2. quia isti omnes legem scriptam acceperunt: sed Augustinus asserit: quod Deus per difficultatem legis istius excitabat hominum mentes ad quærendum medicum, seu mediatorem Christum, id est ad veram fidem amplectendam, & ad invocandum adiutorium sibi necessarium. Ergo signum est, quod hi omnes gratiam habent sufficientem, ut perveniant ad veram fidem, & per illam ad habenda adiutoria sibi necessaria, ad salutem consequendam. Major per se clara est, minorem autem probō quamplurimis Augustini testimoniis, quæ id exerte indicant: sic enim ait Epist. 89. quæst. 2. post med. jubet (Deus) ideo, ut facere iussa conati, & nostra infirmitate sub lege fatigati, *adiutorium gratiæ poscere non verimus*. Et Epist. 144. circa initium: lex, inquit, docendo, quod sine gratia impleri non potest, homini demonstrat suam infirmitatem, ut quærat demonstratam infirmitatem, à quo sanata voluntas possit, quod infirma non posset: *lex igitur adducit ad fidem* (scilicet salvantem, & perfectam, non ad illam quam supponimus in his, de quibus agimus), quæ est tantum inchoatio fidei, & quæ solum valet ad orandum, & ad aliqua facilia præstanda, ut valuit in Cornelio, & non tamen ad omnia) fides impetrat spiritum largiorem, diffundit spiritus charitatem, implet charitas legem. Et lib. de sp. & litt. cap. 9. sub finem. Per legem (Deus) ostendit homini infirmitatem suam, ut ad opus misericordiam per fidem confugiens, sanetur. Et infra voluntas nostra ostenditur infirma per legem, ut sanet gratia voluntatem. Et cap. 10. circa initium: ait legem imponi injustis, ut cum, in ipsis cœperit concupiscentiæ morbus augeri, *confugiant per fidem ad justificantem gratiam*, & per do-

Nota quod in his omnibus, suo more supponit Augustinus gratiam internam sub externa quia aliàs non posset lex externa, sola nos perducere ad quærendum Deum, & adorandum &c. ut ait ibi Augustinus.

num spiritus suavitate iustitiæ delectati, pœnam litteræ minantis evadant. Et in Psalm. 31. enarr. 2. circa medium demonstravit, inquit, peccatum lex. Illa fixit spinam, illa fecit cor compungi, ipsa admonuit, ut reum se quisque cognosceret, & pro venia clamaret ad Deum. Et in Psalm. 102. in hæc verba notas fecit vias suas Moyli. Ad hoc inquit, data est lex, ut convinceretur languidus, & medicum imploreret. Et infra: ideo, docet datam legem, ut convincerentur peccatores, & ad gratiam accipiendam medicum invocarent. Et in Psalm. 118. conc. 25. post med. lex, inquit, ad hoc prodest, ut mittat ad gratiam. . . . ita ut, etiam quos littera occidit, ad vivificantem spiritum confugere compellar. Et conc. 27. ante med. ad hoc inquit data (lex) est, ut te de magno faceret parvulum, ut te ad faciendam legem vires de tuo non habere monstraret, & sic opis indigus, & egenus ad gratiam confugeret, & clamaret: miserere mei Domine, quoniam infirmus sum. Et lib. 2. de actis cum felice Manichæo cap. 31. sic ait: data est lex superbis hominibus, & viribus suis totum tribuentibus, ut cum implere non possent legem datam (per proprias scilicet vires, quibus nimis confidebant) prævaricatores invenirentur, & facti rei sub lege, peterent misericordiam à legis conditore. Et infra. Data est lex superbo, fecit contra legem, & apparuit peccatum, quod erat, sed non apparebat. Apparens autem peccatum humiliavit superbum, humiliatus superbus factus est penitens, de penitentia impetrata est misericordia. Et lib. de gr. Christi. capite 9. lex, inquit, ad hoc adjuvat, ut gratia requiratur. Et lib. 1. de nuptiis & concupisc. cap. 29. sub finem: ad hoc, inquit, dixit lex: non concupisces: ut nos in hoc morbo jacere invenientes, medicinam gratia quæreremus. Et lib. 1. ad Bonif. cap. 8. ait ad cognitionem peccati, & ad ipsius legis prævaricationem valere legem, ut cognito, auctoque peccato, per fidem gratia requiratur. Et lib. 4. cap. 5. ait: ideo sic expressum esse legis imperium, ut infirmitas hominis in seipsa deficiens, ad faciendam, quæ lex imperat, de gratia Dei potius, ex fide quæreretur adiutorium, cujus misericordia etiam fides donatur. Et infra: non legem evacuamus per fidem, sed legem statuimus, quæ terrendo ducit ad fidem: ideo quippe lex iram operatur, ut terrore, atque converso ad iustitiam legis implendam Dei misericordiam gratia largiatur per Jesum Christum Dominum nostrum. Idem habet lib. 2. operis imperfecti. cap. 160. dicens: quod lex iram operatur, ad hoc ut à iram evadendam gratia requiratur. Et cap. 220. ait, quod lex n. l. ad hoc fuit, quia cum ipsa occideret per prævaricationem, crescente per prohibitionem cupiditate peccandi, vivificantem spiritum fecit inquiri, & hominem de sua virtute lethaliter confidentem, adiutorium gratia Dei compulsi poscere, sub lege, quamvis sancta, & iusta, & bona, tamen deficientem, atque ad operandum, quæ sancta, quæ iusta, quæ bona sunt, sibi subvenire propriis viribus non valentem. Et libro de perfect. iustitiæ cap. 3. ait: consultissime homini præcipi, ut rectis passibus ambulet, ut cum se non posse (scilicet propriis viribus, ut putabat) perspe-

xerit, medicinam requirat, qua interioris hominis ad sanandam peccati claudicationem gratia Dei est per Jesum Christum Dominum nostrum. Et lib. de gr. & libro arbitrio cap. 28. ait quod: praecepto admonitum est lib. arbitrium, ut quæreretur Dei donum (quo scilicet imple-ret praeceptum; ut autem videas quod illa admonitio non est inuti-lis, sed fructuosa, & secum afferens gratiam sufficientem ad prae-ceptum implendum: mox addit) quod quidem sine suo fructu pro-rsus admoneretur, nisi prius acciperet aliquid dilectionis (id est gratiae) ut addi sibi quæreretur, unde quod iubebatur impleretur. Per quae omnia te-stimonia clare apparet, in omnibus Judaeis, & ceteris qui legem scriptam acceperunt, fuisse gratiam sufficientem remotam, ad im-plendam plene praecepta, & ad faciendam salutem suam, cum in iis omnibus supponatur gratia quarendi, & orandi Deum, ut det ad id gratiam proximam, & immediatam, & cum solum ibi homo repre-hendatur, quod propriis superbus, & nimium confidens viribus suis, non uteretur gratia remota jam accepta ad petendam proxi-mam, & immediatam, qua praeceptum plene, & perfecte, & sine peccato impleteretur, & vita aeterna compararetur: quod est idipsum quod querebamus.

Per hunc
textum cla-
re vides,
Augustinū
sub gratia
externa, sub
intellexisse
internam,
& non so-
lū in in-
tellectu, sed
etiam in
voluntate
ubi solum
est dilectio,
de qua in
hoc postre-
mo loco lo-
quitur.

§. PRIMUS.

*Solvuntur objectiones contra praecedentem doctrinam: & osten-
ditur, antiquos Iudeos habuisse veram, & eandem
fidem, quam habent Christiani secundum
Augustinum.*

Sed contra haec, & praecedentem conclusionem, multa habent do-
scere adversarii, qui etiam ita deprimunt vetus testamentum, &
statum tunc temporis viventium Iudeorum, ut dicant illud testamen-
tum fuisse magnam quamdam quasi comœdiam, quae non tam pro-
pter se, quam propter aliud representandum facta erat, & tam
atrociter debacchantur in illos veteres Iudeos, ut dicant, eos non
multum Gentilibus praestitisse: & idem volunt sentiri de eorum gra-
tia, ac de gratia Gentilium, quod portentosum omnino est in do-
ctrina Augustini, qui ubique praedicat gratiam ita magnam datam
esse fidelibus (quales isti erant secundum Augustinum prout infra vi-
debimus) ut per eam dicat eos impetrare, quod lex imperat, qua-
lem nullatenus dat infidelibus, sed longe minorem, & imbecillio-
rem, cum solum valeat ad acquirendam talem fidem, & ad obser-
vanda praecepta secundum solam substantiam, & non secundum ra-
lem modum, ut ea observando non peccent saltem venialiter, quam-
diu ea faciunt in infidelitate, seu tempore infidelitatis suae.

Porro quod istis Iudeis (scilicet antiquis insinuat in 3. conclu-

Vt obiectio
est contra
utroque
Iudæos in
3. & 4. con-
clusionem in-
dicatos, ita
& responsio
est pro u-
trisque si-
mil: scilicet
illis, qui
fuerunt ve-
ri fideles
vivi-
vientes
ante Chri-
stum, & iis
qui nunc
infideles
sunt, seu
non cre-
dentes in
Christum.
Sed primo
d: primis
respondetur,
& secundo
de secun-
dis.

sione) tribuerit Augustinus veram fidem, sicut & Christianis, præter supraallatum textum ejus in 3. illa conclusione, facile probare est, ex multis aliis ejus testimoniis, ubi declarat eandem fuisse eorum, & nostram fidem, ac religionem: sic enim id testatur in exposit. Epist. ad Galatas post undecim circiter columnas: ubi loquens de istis Judæis, & nobis, sic ait: quod enim nos ex parte præteritum, id est primum adventum Domini credendo salvi efficimur, hoc totum illi, id est, utrumque adventum futurum creddebunt, revelante sibi Spiritu sancto, ut salvi fierent: unde est etiam illud: Abraham concupivit diem meum videre, vidit, & gavisus est. Et non multum post loquens de iisdem sic ait: sanati sunt ergo ab impietate superbix, ut reconciliarentur Deo, quicumque homines per humilitatem Christi, & per revelationem, antequam fieret, & post Evangelium posteaquam facta est, credendo dilexerunt, diligendo imitati sunt. Sed hæc iustitia fidei, quia non merito data est hominibus, sed pro misericordia, & gratia Dei, non erat popularis, antequam Dominus homo inter homines nasceretur. Ubi vides quod tribuit Augustinus eandem fidem antiquis, quam nobis, sed non tam communem, seu, ut ait, popularem iustitiam, quam nobis: quia nempe major effusa est gratia in filios novi testamenti, quam veteris, quod omnino confitemur, nec id negat in illis antiquis fuisse gratiam sufficientem, sed solum asserit in nobis fuisse plusquam sufficientem, & superabundantem. Idem asserit de eorum fide in Epist. 89. ad Hilarium qu. 3. ante med. ubi commentans illum textum Apostoli 2. Cor. 4. habentes autem eundem spiritum fidei &c. sic ait: non diceret eundem spiritum fidei: nisi admonens etiam, antiquos justos habuisse ipsum spiritum fidei: hoc est incarnationis Christi: sed quia illis futura prænnunciabatur, quæ jam facta, à nobis annuntiatur. & tempore veteris testamenti velabatur, quæ tempore novi testamenti revelatur: ideo ejus sacramenta variata sunt, ut alia essent in veteri testamento, alia in novo, cum fides varia non sit, sed una sit. Et tract. 45. in Joann. ante med. sic ait: ante adventum Domini nostri Jesu Christi, quo humilis venit in carne, præcesserunt iusti: sic in eum credentes venturum, quomodo nos credimus in eum qui venit: tempora variata sunt, non fides: quia & ipsa verba pro tempore variantur, cum variè declinantur, alium sonum venturus est, alium sonum habet venit. Mutatus est sonus, venturus est, & venit, eadem tamen fides utrosque conjungit, & eos qui venturum esse, & eos qui venisse crediderunt. Item & lib. 2. de peccatorum mer. cap. 29. sic ait: ante nativitatem carnis, infirmitatemque passionis, & virtutem resurrectionis suæ, eorum rerum futurarum fide, eos, qui tunc fuerant, informabat, ad hereditatem salutis æternæ, quarum rerum presentium fide informavit eos, qui cum gererentur aderant, atque impleri prædicta cernebant, quarum etiam præteritarum rerum fide, qui postea fuerunt, & nos ipsos, & qui deinde futuri sunt, informare non cessat: una ergo fides est, quæ omnes salvos facit, qui ex

carnali generatione in spiritualem renascendo salvantur, terminata in eo, qui venit pro nobis judicari, & mori, iudex vivorum & mortuorum. Sed huius unius fidei pro significationis opportunitate, per varia tempora sacramenta variata sunt. Et lib. 1. retract. c. 13. non longe ab initio: dicit unam fuisse religionem eorum, & nostram: *res*, inquit, *ipsa*, quæ nunc Christiana religio nuncupatur, erat & apud antiquos: nec defuit ab initio generis humani, quousque Christus veniret in carne, unde vera religio quæ jam erat cœpit appellari Christiana. In quibus omnibus vides, Augustinum æquiparare istos antiquos fideles nobis Christianis, quoad veram fidem in Christum. Ex quo manifestum est eos etiam habuisse gratiam orandi, & impetrandi gratias sibi necessarias, sicut habent ipsi Christiani, nisi quod, ut dictum jam est, non habebant illas gratias tam abundantes, & efficaces quam Christiani, sed tamen erant sufficientes ad præcepta plene implenda, juxta illud Augustini fides impetrat, quod lex imperat: quod manifeste indicat, omnes fideles, & proinde istos habuisse gratiam sufficientem ad præcepta plene implenda, & proinde ad salutem.

Quando ergo videtur loqui, aut loquitur Augustinus, contra istos Judæos, non loquitur præcise contra eos, ut illius temporis erant fideles, sicut intelligi volunt adversarii, sed sicut contra tales fideles, qui non utebantur nec volebant uti bene, & laudabiliter sua fide, ut totaliter nempe additi suis temporalibus emolumentis, & terrenis sælicitatibus, quæ promittebantur in lege, parum vero, vel nihil de spiritualibus curantes, & de sælicitatibus æternis, quæ per temporales, & terrenas ibi significabantur. Et cum isti animales Judæi, longe superarent numerum aliorum spiritualium, ideo loquitur Augustinus de illis, tanquam de omnibus, cum re vera pauci essent, qui non essent animales, non quidem omnino ex defectu gratiæ, sed ex defectu cooperationis suæ: gratia enim illorum erat sufficiens, sed quia parva erat, paucos reperiēbat, qui vellent ei consentire, multos vero qui resistere, & concupiscentiis suis obedire, de quibus solis loquitur Augustinus, cum invehitur in prædictos Judæos, tanquam legis prævaricatores, ut etiam aliquando fatentur adversarii, dicentes: filios, hæredesque veteris testamenti, à dispensatoribus, ac gestoribus veteris testamenti distinguendos esse (id est eos qui terrena sapiebant in ista lege, ab illis qui in ea, cœlestia, & æterna contemplantur, quod est idipsum, quod mox dicebamus de animalibus, & spiritualibus, qui erant inter eos, ut etiam nunc, sunt inter Christianos, quod non statum deprimit, sed tantum homines in suo statu male viventes, & ejus bono male utentes, quos sic depingunt adversarii ex Augustino) nam qui propter terrena, ut inquit Augustinus, suscipit legem Dei, ipse est hæres veteris testamenti, & filius ejus (ecce contra quos agebat Augustinus invehendo in veteres Judæos, non vero in omnes, ut inui vo-

lunt adversarij: agebat enim contra malos Iudæos, ut & possemus agere contra malos Christianos: unde & admittimus id quod sequitur, scilicet) ejusmodi hominem (qui scilicet propter terrenam suscipit legem Dei) quis participem illius spiritualis, æternæque salutis esse dixerit, nisi terrenis desideriis exccatus: talis enim non Evangelica fide, & charitate liber, sed carnalium rerum cupiditate servus (cū voluntarie serviat suis desideriis carnalibus) nec sine causa scriptum est: ejice ancillam, & filium ejus. Non enim erit hæres filius ancillæ cum filio liberæ &c. ecce ergo contra quos ibi agebat Augustinus, sed non contra omnes ut volunt adversarij, scilicet agebat contra malos, & non contra bonos Iudæos, & Israelitas, qui erant tempore legis: unde & ipsi adversarij postea describunt alios ejusdem testamenti homines bonos, & justos, quos ipsi vocant gestores, & dispensatores veteris testamenti: qui inquit, tempore veteris testamenti viventes, figurativa ejus præcepta, promissaque non spernunt, sed in eis tanquam in signis quibusdam prophetantibus intelligunt, diligunt, atque expectant novum, hoc est, qui, quamvis promissam sibi terrenam sollicitatem videant, non tamen propter illam suscipiunt, custodiuntque legem Dei, sed propter cœlestem, quam in illa figuratam credunt. Si enim propter illam terrenam colatur Deus, servilis est cultus pertinens ad filios ancillæ, si autem propter ipsum Deum, ut in æterna vita sit, Deus omnia in omnibus, liberalis est servitus pertinens ad filios liberæ, quæ est mater nostra æterna in cœlis. Quæ omnia faciunt contra ipsos adversarios, & favent nobis, cū solum ostendant fuisse tempore testamenti veteris bonos, & malos, sicut etiam tales & nunc sunt tempore testamenti novi, quamquam fateamur fuisse plures malos, & pauciores bonos, quam nunc sunt, propter abundantiam gratiæ, quæ nunc est in comparatione præcedentis. Non tamen ita pauci tunc erant boni, ut eorum numerus reduceretur ad solos Prophetas, & Patriarchas, & paucos alios, ut sæpe innuunt adversarij: nam clare indicat Augustinus in Expos. Psalm 77. hanc gratiam fuisse etiam effusam in illos populos, quibus prædicabant Prophetæ: an soli, inquit, Prophetæ habebant hanc fidem, non populus: imo vero qui Prophetas fideliter audiebant eadem adjuvabantur gratia, ut intelligerent, quod audiebant. Per hoc ostendens effusam esse gratiam in omnes, & ab iis solis repudiatam, qui volebant attendere, seu fideliter audire. Quapropter ista paucitas intelligenda solum est comparate ad Christianos, non vero simpliciter, & absolute, ut paulo post etiam innuit, dicens: & cum essent omnia communia sacramenta, non communis erat omnibus gratia, quæ sacramentorum virtus est, sicut & nunc jam revelata fide, quæ tunc velabatur. Quod tamen fuerit sufficiens illa gratia pro omnibus, & singulis, clare indicat paulo post, cūm dicit: humiles ei consensisse, & superbos restitisse: ille, inquit, pie attendit

Locus iste
Aug. est ex
lib. 3. ad
Bonif. c. 4.
quem hic
citant Adv.

(id est utiliter accipit) legem Dei, & verba auris ejus, cujus aurem inclinat humilitas, non cujus erigit cervicem, superbia: quod enim infunditur, concavo humilitatis excipitur, eminentia tumoris expellitur. Per hoc indicans istam gratiam fuisse per se capacem ad omnes convertendos, si voluissent: sed eos solos convertisse, qui cum humilitate eam susceperunt, & non convertisse alios quia ei superbe restiterunt. Quo nihil efficacius dici poterat pro nostra conversione.

§. I I.

Proponuntur quaedam rationes, cur Augustinus saepe depresserit vetus testamentum: & tandem ostenditur Neotericos Iudaeos etiam habere gratiam sufficientem, sed ei resistere secundum Augustinum.

PRæter hanc autem rationem sumptam ex paucitate bonorum tunc temporis existentium, alias adhuc habuit Augustinus, cur aliquando multum depresserit statum antiquorum Iudeorum: una est, quia sumebat illorum statum, ut representativum hominum terrenorum, seu carnalium, propter bona terrena, seu carnalia, quæ sola aperte promittebantur in illo testamento (quod sumit pro lege scripta: unde & dicit, illud testamentum esse datum in monte sina) sicut sumebat novum testamentum, seu legem Evangelicam, ut representativam hominum spiritualium, & cælestium quia solum promittit bona spiritualia & cælestia: unde non est mirum quod invehatur in illos homines, cum consideraret eos ut representantes homines terrenos & animales: ita ut diceret justos illius temporis non pertinuisse ad illud testamentum, sed ad novum, propterea quod non respiciebant ad res terrenas, quæ ibi clare promittebantur, sed solum ad cælestes, quæ ibi velabantur, & solum revelabantur in novo testamento. Altera est, quia Pelagiani maxime contenderunt, istam legem, seu testamentum solum per se sufficere hominibus istius temporis ad præcepta implenda sine gratia in voluntate necessaria, ut late declarat in libro de peccato orig. cap. 26. quod erat prorsus evacuare crucem Christi, & totam doctrinam de necessitate gratiæ in voluntate admittendæ: unde non est mirum quod istam legem, seu testamentum, aliquando deprimat quasi nullam conferens gratiam, tunc temporis existentibus hominibus, quia nempe respiciebat meram vim legis in se, seu meram vim præcepti, quæ re vera nulla est ad juvandam voluntatem lapsi hominis contra insurgentem concupiscentiam, secus quàm putabant isti Pelagiani, & hinc sumpserunt occasionem adversarij illos homines calumniandi, qui vivebant tempore legis, quasi non habuerint gratiam sufficientem de quo nihil um-

Vide lib. 15. cõtra Faust. c. 2. in fine. Et lib. de pecc. orig. c. 25. initio. Et lib. de gestis Pelagij cap. 5. post med. & la. i lib. 3. de grat. fal. c. 8. sub fin. & precipue §. nam ut in fine.

quam dixit Augustinus: licet autem dicat aliquando, Iudæos non agnovisse Christum, ut Deum, sed ut hominem, ex quo videri posset, eos non habuisse veram fidem. Respondeo non hoc intelligendum esse exclusive, quasi negassent unitam ei fore divinitatem sed tantum abstractive, ita ut crederent, eum futurum hominem, non excludendo divinitatem, sed non progrediendo ultra humanitatem, parati tamen credere, id quod circa hoc Deus eis revelaret, quod est eum credere Deum implicite, quod tunc sufficiebat ad fidem, & ad salutem. Pro quo vide Estium in tertium sent. dist. 26. §. 4. toto. Quamquam & dici posset, quod hoc dixit Augustinus tantum de imperitis, & non de doctis, & peritis, ut patet in Exposit. in Psal. 9. sub finem ubi exponens quamdam sententiam Domini: sic ait: dictum est *imperitis, qui* quamvis venturum Christum sperarent, secundum hominem tamen eum expectabant, non secundum quod virtus, & sapientia Dei est. Ubi etiam, ut vides, est mera ignorantia, & non exclusio divinitatis: non enim dicunt: purum, aut merum hominem, quod esset exclusivum divinitatis, sed tantum dicunt hominem, quod est abstractivum divinitatis, quod observare licet in cæteris locis: ut in inchoata ejus exposit. in Epistolam ad Rom. circa initium ubi ait: ipsi Iudæi, qui Christum filium David tantummodo *opinabantur, ignorantes* (non dicit negantes) excellentiam, qua, Dominus est ipse David, secundum id quod est filius Dei. Et in libro 2. contra advers. legis cap. 2. ubi ait: carnaliter Iudæi Christum ex semine David venturum esse didicerant, sicut interroganti Domino respondebant. *Quamvis eum Dominum ipsius David non secundum carnem, sed secundum divinitatem intelligere non valerent* (ubi vides meram eorum ignorantiam, non vero negationem divinitatis, quod & mox adhuc indicat, dicens) utrumque tamen est in illis eloquiis, & quod credebant (scilicet eum futurum hominem, & filium David) & quod non intelligebant (non dicit negabant id est futurum etiam Deum) ubi adhuc solum vides meram ignorantiam, non autem negationem divinitatis Christi, ut & in illo loco libri de Catechif. rud. cap. 21. sub finem ubi ait: quod Iudæi, scilicet imperiti, Christum non spiritualiter liberaturum intelligebant, sed pro carnali liberatione desiderabant. In quibus omnibus solum vides ignorantiam divinitatis Christi, non vero negationem ejus: at mera ignorantia alicujus mysterij non impedit fidem ejus implicitam, sed solum explicitam, & proinde manifestum est, quod illi fuerunt veri fideles, sicut nunc sunt Christiani, & quod idcirco fuit in eis gratia sufficiens ad invocandum auxilium, & ad impetranda ea omnia, quæ sibi possent esse necessaria ad salutem, Quod competit omnibus omnino fidelibus.

Sed quia ea omnia, quæ hucusque diximus de gratia suffic. Iudæorum respondendo adversariis, solum respiciunt antiquos Iudæos de quibus locuti sumus in 3. conclusione, & non Neotericos, & eis si-

miles, de quibus est nostra hæc 4. conclusio. Audi quid de his etiam dicat Augustinus, objurgans eos, non sane quod non potuerunt esse iusti, ut bene vellent adversarij, & quod negaret eis datam fuisse gratiam suffic. sed quod noluerunt esse tales, & quod restiterunt Deo volenti, & cupienti, ut essent tales, quod supponit ad id fuisse datam eis sufficientem gratiam. Sic enim affatur eos serm. 46. de temp. cap. 7. quid vobis profuit ô insani Iudæi (qui scilicet Christum occiderunt) quod tantum scelus commisistis; numquid quia Christo Domino, ut decuit, *servire nolulistis* (ergo potuerunt servire Deo secundum phrasim illius) ideo ejus dominio caruistis: dum illi serviunt reges, quibus vos servitis, facti estis mali servi bonorum servorum Christi (quod respicit Neotericos Iudæos qui subsunt principibus Christianis) per ipsos conterit contumaciam vestram, per ipsos dissipat consilia vestra, per ipsos retribuit scelera vestra, in capita vestra: ipse autem Dominus quem vos interemistis, non vos servos, sed *liberos* (id est Christianos) *esse cupiebat* (quod omnino supponit gratiam ad id sufficientem) quando dicebat: si vos filius liberaverit, tunc vere liberi eritis: vos autem Deum, Dominum, & regem, & *ipsam veram libertatem* (quæ est in fide Christi) non solum *repudiastis* (ergo eis oblata fuit, hoc enim omnino ridicule dictum eis fuisset, nisi habuissent gratiam, illam accipiendi, & proinde gratiam sufficientem ad salutem) verum etiam negare cupientes, clamastis non habemus regem nisi Cæsarem. Eodem modo adhuc affatur eos lib. 2. de Symbolo ad Catech. cap. 8. in persona Christi dicens: ecce hominem quem crucifixistis, ecce Deum, & hominem, in quem *credere nolulistis* (ergo potuerunt, sed noluerunt) videtis vulnera quæ infixistis, agnoscitis, latus quod pupugistis, quoniam & per vos, & *propter vos apertum est, nec tamen intrare volulistis*: quod adhuc indicat eorum voluntatem, & non impotentiam. Et tract. 33. in Ioann. citra med. querens; cur dicat Isaias, quod non poterant credere, cito respondet quia *nolebant*: quod longe post explicans, ostendit, malam voluntatem eorum impediisse ne crederent: per hoc indicans, eos non habuisse veram impotentiam, sed meram notentiam, & resistentiam ad credendum Deo eos invitanti. Et lib. de gr. & lib. arb. cap. 12. initio explicans illa verba Apostoli Rom. 10. ignorantes Dei justitiam, & suam volentes constituere, justitiæ Dei non sunt subiecti. Sic ait: de Iudæis hoc dixit, qui de se præsumentes *gratiam repellebant, & in Christum propterea non credebant*. Quo nihil dici clarius poterat ad nostrum propositum. Ex quibus omnibus concludendum est, & hos Iudæos, eisque similes habere gratiam sufficientem ad credendum in Christum, prout oportet ad salutem, & proinde ad omnia alia impetranda, quæ necessaria sunt ad vitam æternam consequendam, cum ad id fides Christi sufficiat.

SECTIO QUARTA.

Qua est de induratis, quomodo habeant sibi necessariam, & sibi sufficientem gratiam ad salutem.

5. **C**onclusio indurati, ut indurati, habent gratiæ sufficientis auxilium ad credendum, & ad obediendum Deo, si velint: unde si non credunt, aut non obediunt Deo, non ideo non credunt, aut non obediunt, quia non possunt, sed quia nolunt. Quod clare patet ex his mox allegatis testimoniis Augustini de induratis Judæis, ubi solum accusat eorum voluntatem perversam, & non impotentiam: ut ex serm. 46. de temp. cap. 7. ubi sic affatur eos: ipsam veram libertatem (quæ solum sit per veram Christi gratiam, & per consequens habebant Christi gratiam) repudiassit. Unde & iterum sic affatur eos ibidem dicens: Domino, ut docuit, servire noluistis. Et supracitato lib. de gr. & lib. arb. c. 12. ait: gratiam repellebant (ergo eam habebant, sed ea uti nolebant) & in Christum propterea non credebant. Et Tract. 53. in Ioann. non poterant, inquit, credere quia nolebant. Et lib. 2. de Cathes. rud. c. 8. sic iterum affatur, & reprehendit eos dicens: in Deum, & hominem credere noluistis. Quibus adde, & hoc testimonium de iisdem ex lib. de prædest. sanct. cap. 6. ubi ait: quod non crediderunt, quia noluerunt de aliis autem induratis, & de ipsa induratione multa habet alibi: ut de indurato Pharaone mira dicit serm. 88. de temp. (qui parvus est) ubi ait: quod non Dei potentia, sed patientia (hoc est bonitate, & clementia, ut ibi explicat) induratus est. Quod sane non arguit subtractionem omnis gratiæ, sed potius ejus continuationem, ad hoc datam, ut resipisceret, qua tamen abusus est. Et infra ait: non Dei violentiam (quæ sane magna esset, si omnis gratia subtracta esset cum hinc feri ea, & insuperabilis necessitas male faciendi oriretur) sed propriam iniquitatem, & incommensabilem superbiam (quæ tota ab homine est) contra Dei præcepta fecisse eum obdurari. Et infra clare dicit: eum non irrevocabiliter resistisse, sed in singulis suis resistentiis potuisse obedire: ubi & respondet querelis obtreptantium, qui dicebant: Deum injustum fuisse in illa severa Pharaonis induratione, pro quo tamen excusando non allegat quod Pharaomenerat privari omni gratia, ut falso respondent adversarii, sed quia ipse Pharaon poterat, & nolebat obedire, & ideo culpabiliter resistebat. Qua ergo, inquit, conscientia Christianus Deum injustum esse conqueritur. Nam & in tantum non eum Deus irrevocabiliter obduravit (ergo poterat resipiscere, seu ad bonum se revocare, si voluisset Deo invitanti auscultare) ut post deceni plagas populum Dei non solum

dimitteret, sed etiam exire compelleret: quod enim decem plagis percussus fuisse legitur, *post primam castigationem implere potuisse cognoscitur* (quo nihil clarius dici poterat pro servata in eo potentia, & per hoc gratia sufficiente ad obediendum Deo, dum actu resisteret. Sed his non contentus sanctus Doctor, vult etiam id explicare familiari similitudine dicens) quam rem etiam circa vernaculos nostros exercere consuevimus, quos nimis delicate, aut satis remissè nutrimus, vel quibus frequenter peccantibus indulgemus (per quod clare ostenditur, omnem quasi exulasse severitatem Dei à Pharaone, sed potius abundasse bonitatem. & clementiam, cum multoties ei peccata sua indulserit, & diu eum ad pœnitentiam expectaverit) cum enim peiores de ipsa remissione redduntur, solemus his exprobrantes dicere: ego te talem feci, ego tibi parcendo, proterviam tuam, negligentiamque nutriti. Et hæc non dicimus, quod ex voluntate nostra in tantam sunt superbiam devoluti, sed quia magis de bonitate, vel indulgentia nostra fuerint obdurati (ubi ostenditur, bonitatem, seu continuationem bonitatis erga Pharaonem, fuisse occasionem obdurationis, non vero severitatem, & rigorem fuisse causam illius, quod prorsus esset falsum, si ibi subtracta esset omnis sufficiens gratia, cum tali rigore non esset dare violentiorem: ut autem videas, hæc omnia dicta esse per similitudinem de Deo erga Pharaonem induratum: sic mox explicat, & applicat suam similitudinem dicens) ita & Deus de Pharaone fecisse dignoscitur, dum ab illo pro ineffabili bonitate plagas suspendit, ille obdurato corde contra Deum superbus erigitur. Sed & alibi loquens de eodem indurato sc. lib. de gr. & lib. arb. cap. 23. dicit illum cor suum indurasse per liberum arbitrium. Qua phrasi significare solet indifferentiam etiam in Angelis, & primis hominibus, in quibus fuit maxima & per hoc supponit in ipso Pharaone fuisse gratiam sufficientem ad deponendam istam, si voluisset, duritiam. Item & alibi loquens de alio indurato scilicet de Esau, clare ostendit, eum in induratione sua habuisse gratiam sufficientem ad obediendum, si voluisset: sic enim ait de illo, serm. 44. de diversis cap. 28. sed ne tolleret lib. arbitrium (id est indifferentiam, seu potestatem ad utrumlibet, sive bonum, sive malum sensu Augustini alibi demonstrato) adjecit: erit autem cum deposueris, & solveris jugum de collo tuo quid est; erit autem cum deposueris, & solveris jugum de collo tuo. *Liberam tibi est, si volueris, converti.* Et lib. 1. ad simpl. qu. 2. loquens de eodem indurato sic ait: noluit Esau, & non cucurrit, sed, si voluisset, & cucurrisset, Dei adiutorio pervenisset. Ubi vides eodem modo explicari indifferentiam ad bonum & malum istius indurati, quomodo explicatur ab eodem Augustino indifferentia ipsius Adæ ad bonum & malum lib. de corrept. & gr. cap. 11. & 12. scilicet per, si volueris, & si voluisset. Et per hoc veram indicari potestatem ad utrumlibet in illo fuisse indurato, & non subtractam ab illo fuisse omnem gratiam. Item de induratis & de induratione in

genere, sic loquitur Augustinus prædicto serm. 88. de temp. circa initium : ex desperatione obduratio generatur , dum homines negligentes (non dicit impotentes) in primis despiciunt peccata sua , quia parva sunt , crescentibus minutis peccatis , adduntur etiam crimina , & cumulum faciunt , & demergunt , quod cum factum fuerit , impletur hoc quod dictum est. Peccator , cum venerit in profundum malorum , contemnit. Qui autem contemnit , non impotens est sed potius potens , sed nolens. Unde & post alias similes scripturas sic ait : ista enim testimonia scripturarum ideo charitati vestræ insinuaré volui , ut intelligatis : quia & obduratio non Dei potentia compellente perficitur (at vero si substracta esset omnis gratia , non solum potentia Dei compellente , sed etiam necessitante perficeretur) sed Dei remissione , vel indulgentia generatur (id est parcendo , & non castigando per pœnas exteriores , & repentinas , peccata obdurescentium : unde & contemnunt Dei iustitiam , & hinc peiores fiunt : quod mox exemplificat in Pharaone obdurato) ac sic Pharaonem non divina potentia , sed divina patientia credenda est obdurasse : denique quoties eum Dei plaga percussit , afflictus pœnituit. At ubi & remissio divina indulgentiam dedit , iterum se in superbiam elatus erexit (ex quo patet eum non ex substructione omnis gratiæ indurasse , sed ex propria superbia gratiam contempsisse , & contra eam se indurasse : unde & mox declarat , istam indurationem , quantum est ex parte Dei solum permissionem fuisse , & non necessitate cogentem , qualis esset substractio omnis sufficientis gratiæ) hoc ergo definitissime credite fratres , & hoc intelligite , quia quoties Dominus dicit : ego indurabo cor Pharaonis , non aliud intelligi voluit , nisi ego , inquit , suspendo plagas meas , & flagella , unde eum per indulgentiam meam contra me obdurari permitto. Et paulo post. Pharaon , inquit , pro ingenti cumulo peccatorum suorum , non tanquam filius ad emendationem meruit corrigi , sed tanquam hostis permissus est indurari (ecce ergo quod est indurare ex parte Dei secundum Augustinum , est gratiam efficacem subtrahere , non vero omnem sufficientem , ut volunt adversarii quod si fieret , non esset obduratio , permissio peccati , ut hic dicit Augustinus , sed potius in peccatum stricta compulsio , & , ut ita dicam , necessitatio , cum non posset obduratus non peccare , seu peccatum evitare) tantæ enim illius iniquitates præcesserunt , & Deum toties sacrilego ausu contempserunt , ut in illo impleteretur , quod de talibus Spiritus sanctus dixit : in labore hominum non sunt , & cum hominibus non flagellabantur : ideo tenuit eos superbia , operi sunt iniquitate , & impietate sua , prodiit quasi ex adipe iniquitas eorum. Ubi ostendit , in illorum induratione esse solum permissionem divinam , non castigantem filialiter peccata obduratorum , ex parte autem obduratorum , esse malitiam hominis formalem , abutentem patientia divina , & quasi ex occasione illa proficentem in pesus. Et in fine Serm. repetit ea quæ dixerat initio. Scilicet quod ex desperatione (non

Vide librum de gr. & lib. arb. cap. 21. ubi obdurationem explicat per similem permissionem.

(non vero ex potentia , aut violentia Dei negantis omnem gratiam) obduratio generatur , secundum illud quod supradictum est : peccator , cum venerit in profundum malorum , *contemnit* . Ubi vides quod non attribuit peccata induratorum impotentia eorum abstinendi à peccatis , sed eorum superbia , pro nihilo ducentis in illa peccata incidere . Unde in Psalm. 55. in hæc verba ; ego vero in te sperabo : explicat eorum obdurationem , ut originaliter existentem ab eis , & non à Deo , imo vero ibi innuit esse contra Deum quodammodo resistentem . Eo , inquit , tempore , quo fructuosa posset esse pœnitentia , cor obduraverunt adversus monentem Dominum . Et in Psalm. 104. in hæc verba : & convertit cor eorum , ut odirent populum suum , clare ostendit , obdurationem Ægyptiorum fuisse ortam à malitia eorum , ex occasione bonitatis divinæ in Israelitis . In eo , inquit , quod populum suum multiplicavit , *hoc beneficio suo* (scilicet collato Israelitis) *malos ad invidendum convertit* (scilicet permissive : quid enim illa bonitas in alios , poterat per se , & intrinsece influere in istos) invidia enim est odium felicitàti alienæ . Sic ergo convertit cor eorum , ut per invidiam odissent populum ejus , & dolum facerent in servos ejus . *Non itaque cor illorum malum faciendo* (ergo ad illorum obdurationem non concurrit realiter , quomodo concurrisset , si negasset omnem gratiam . cum per hoc necessitasset eos ad peccandum , seu ad invidendum) sed populo suo benefaciendo (quod est in se extrinsecum obduratis) cor illorum *sponte malum* (ergo non fuit factum malum à Deo per negationem omnis gratiæ) convertit ad odium (scilicet occasionaliter , & extrinsece , ut per se manifestum est , & etiam mox explicat dicens) *non enim rectum cor pervertit , sed sponte* (id est ex motu proprio , & ex determinatione sua) *perversum* , ad odium populi , ubi eo malo bene uteretur , *non eos malos faciendo* (quid clarius) sed istis bona , quibus mali facillime possent invidere , largiendo . Quod erat prorsus extrinsecum obduratis , & per hoc non concurrens nisi extrinsece , occasionaliter , permissive , & per accidens ad eorum obdurationem . Et quæst. 24. In exodum eodem modo loquitur de iisdem induratis in genere : *patientia Dei secundum corda hominum* quibusdam utilis ad pœnitendum , quibusdam inutilis , ad resistendum Deo . & *in malo perseverandum* (ubi vides semper adesse gratiam Dei , sed ab aliquibus fieri utilem ad pœnitendum , ab aliis fieri inutilem per resistentiam , & perseverantiam in malo) non tamen per seipsam inutilis est (quia nempe semper Deus dat auxilium sufficiens ad pœnitendum , aut saltem ad orandum) sed secundum cor malum . Quid clarius , ibi attribui obdurationem cordis , humanæ malitiæ , & non Dei violentiæ , negantis omnem gratiam : unde & paulo post sequitur . Illi (scilicet indurati) tales sunt , ut bono odore (per quem significat gratiam Dei , sollicitantem corda eorum ad bonum) pereant , *secundum sui cordis* , ut sæpe dictum est *qualitatem* (scilicet perversam : unde & hortatur eos ad eam mundandam ,

& corrigendam prorsus supponens in eis sufficientem ad id gratiam) quæ mundanda est bona voluntate in Dei gratiam, ut incipiant ei prodesse iudicia Dei, quæ malis cordibus nocent. Et quæst. 37. sic ait de iisdem generaliter : *omnia mala corda hominum patientia Dei male utendo durescunt.* Per quod clare supponit, in induratis esse gratiam sufficientem ad bene utendum patientia Dei pro conversione sua ad bonum. qua tamen male utentes obdurescunt contra eam, & tanto peiores fiunt ex ea, quanto deberent fieri meliores. In libro autem 3. de lib. arb. cap. 24. funditus explicat radicem istius obdurationis, seu quod idem est cæcitatæ mentis ponens originem ejus in superbia obduratorum, seu excacatorum, nolentium scilicet se humiliare ad petendum auxilium ut possunt, & quod fere solū possunt. Superbia, inquit, *converit à sapientia*, aversionem autem stultitia consequitur. Stultitia quippe, cæcitas quædam est, sicut idem (scilicet Paulus) dicit : & obscuratum est insipiens cor eorum. Unde autem hæc obscuratio (audi ejus originem) nisi ex aversione à lumine sapientia : unde autem hæc aversio, nisi dum ille, cui bonum est Deus, sibi ipse vult esse bonum suum, sicut sibi est Deus. In quo est superbia, nolens agnoscere miseriam suam, & deinde implorare medicinam : quod autem non obstante hac cæcitate, reliqua semper sit eis aliqua gratia, qua possint emergere ab hac obduratione, & obscuracione clare aperit Augustinus : in Psalm. 6. circa med. ubi loquens de prædicta cæcitate mentis, quæ est eadem ac obduratio, sic ait : in eam quisquis datus fuerit, ab interiori Dei luce secluditur sed *nondum penitus cum in hac vita est.* Per hoc ostendens numquam obduratos carere omni gratia in obduratione sua, sed tantum aliqua, V. G. vel efficaci, vel proxima, numquam tamen omni gratia, qua possint saltem orare auxilium, vel pœnitere de peccatis suis. Quibus bene concinit fidelis ejus interpres, ac discipulus D. Prosper lib. 2. de vocatione Gent. cap. 13. ubi loquens de Cain indurato, sic ait : *nunquid ambiguum est voluisse Deum, & quantum ad illum medendi modum sufficere, egisse, ut Cain ab illo impietatis furore respiceret* (ubi vides, gratiam sufficientem ei datam fuisse à Deo, ut respiceret) *sed malitia perinax inde facta est inexcusabilior, unde debuit esse correctior.* Id est ejus malitiam illa gratia abusam esse ad augmentum delictorum, ut supra vidimus ex Augustino de iisdem induratis in genere. Et in fine capituli sic ait : quæ beneficia, licet obduratis nihil remedij, & emendationis attulerint, probant tamen aversionem eorum non divine fuisse constitutionis, sed propriæ voluntatis. Per id demonstrans, Deum ad id eos non necessitasse, quod sane factum esset, si omnem ab eis sufficientem gratiam summovisset, sed eorum perversam voluntatem se ad id determinasse, & ob id etiam divinæ gratiæ resistendo, contra ipsa Dei beneficia induratum esse : unde & in responsione ejusdem pro Augustino ad object. 13. Vincentianam ait : Dei opere multos esse, ne laberentur, retentos, nullor autem ut laberentur im-

pulsos. Quod omnino falsum esset, si Deus ab aliquibus omnem gratiam ad non labendum necessariam summovisset quo casu, necessario, & inevitabiliter in peccata incidissent. Ex quibus omnibus concludendum est, omnes, & singulos induratos, habere gratiam ad non peccandum, & per hoc ad se salvandum sufficientem, si ea uti voluerint, non autem, ut dicunt adversarij, esse omni gratia sufficienti, tam remota, quam proxima prorsus orbatos.

Pro eadem obduratorum materia vide tractatum nostrum de indifferenti &c. parte 2. sect. 6. §. 8. 9. & 10.

§. PRIMUS.

Solvuntur quaedam objectiones contra precedentem doctrinam.

Sed contra hæc, multa habent dicere adversarij, asserentes, valde istis esse contrarium, quod ait Augustinus, obduratorum, & exccatorum, nolle Deum misereri, eos deserere, non adjuvare & similia, quorum quasdam proferunt veluti probationes, quas oportet hic discutere.

Quantum ergo ad hoc quod dicunt: Deum nolle istorum misereri, dico non esse supradictis contrarium: nolle enim misereri secundum Augustinum non est tollere omnem gratiam sufficientem, sed tantum tollere efficacem, seu effectum habituram ut patet ex loco quem allegant ex libro 1. ad simplic. quæst. 2. ubi misereri, non sumitur pro dare quamcumque gratiam, sed pro dare efficacem, seu effectum habituram. Nullius, inquit, frustra miseretur, cujus autem miseretur, sic eum vocat, quomodo scit ei congruere, ut vocantem non respuat. Ubi vides, misereri sumi pro collatione gratiæ efficacis, seu gratiæ quæ non respuitur, sed quæ habet effectum, non vero sumi pro collatione gratiæ mere sufficientis, seu quæ aliquando non habet effectum, & quæ aliquando respuitur ab homine.

Quantum autem ad id quod aiunt: Deum deserere obduratos: Respondeo id intelligi posse de privatione gratiæ sanctificantis quemadmodum ipsi aliquando explicant adversarij istud verbum deserere. Vel de privatione gratiæ efficacis, ut re vera sumit illud Augustinus in aliquo loco ibi allegato, ubi dicitur: Deus obdurans deserendo, ut male operentur. Quod solum indicat negationem gratiæ efficacis, non enim dicit: obdurans deserendo, ut non nisi male possint operari, quod magis accederet ad privationem omnis gratiæ, sed tantum ut male operentur. quod solum significat privationem actus, & proinde solius gratiæ efficacis.

Quantum etiam ad id quod dicunt: Deum illos non adjuvare. Respondeo per hoc, solum significari privationem gratiæ proximæ, & non remotæ. quæ est in humili oratione elemosynis, & cæteris ejusmodi facilibus, quibus obtinetur gratia proxima, ut etiam probavimus in hoc tractatu. Unde & libro 1. retract. cap. 15. distinguit Augustinus orationem ab auxilio: consulens animæ tentatæ, ut

oret auxilium. Et Epist. 89. qu. 2. invocant, inquit, in quem crediderunt, & valeant (per auxilium scilicet impetratum) facere quod in præceptis legitimis acceperunt. Et infra: qui Deo dicit: adjutor meus esto, confitetur se velle implere, quod jussit, sed ab eo qui jussit adjutorium postere, ut possit (ecce adhuc adjutorium distinguit ab oratione, quod & mox inculcat dicens) à quo petendum est, ut possit. Per auxilium scilicet impetratum, & re vera oratio, seu gratia remota, non tam est auxilium, quam via ad auxilium, cum per eam homo non juvetur ad faciendum bonum, sed tantum obtineatur, id quo homo juvatur ad bonum: sed de eo paulo infra recurret oratio.

Lib. de perfect. iustit. cap. 19.

Cum autem dicunt: Augustinum vocare induratum, seu excruciatum, omni lumine veritatis desertum. Respondeo id esse falsissimum: ibi enim non vocat excruciatum, omni lumine veritatis desertum: sed dicit, quod qui esset desertus omni lumine veritatis, præcepta servare non posset, quod longe diversum est: & nequidem ibi loquitur de excruciato, nec de iis, quæ pertinent ad illum singulariter, sed tantum facit suppositionem, ad quam verum esset dicere, quod homo servare præcepta non posset: ecce illius verba. Quasi non debeat Deo agere gratias, quia præcepta voluit, qui deservit omni lumine veritatis, hæc velle non posset. Ubi vides meram suppositionem de eo quod esset, si aliud esset, non vero affirmationem de eo quod est: imo vero vides contrarium, cum ibi dicatur, quod iste, de quo loquitur, voluit præcepta, qui tamen nec voluisset, nec velle potuisset, si fuisset desertus omni lumine veritatis, ut prætendunt adversarii. Quod autem non censuerit Augustinus aliquem dari in hac vita, qui sit privatus omni lumine veritatis, supra vidimus ex eo in ultimo illius textu, quo probavimus nostram conclusionem. Ad illum autem locum ex Psalmo centesimo quadagesimo septimo in hunc versum: in faciem frigoris ejus quis subsistet: ubi explicans (inquiunt) Augustinus: quid sit frigus Dei, sic ait: ecce deserit peccatorem, ecce non vocat, ecce non aperit sensum, ecce non infundit gratiam, per quæ volunt intelligi adversarii negationem omnis gratiæ. Respondeo adhuc ibi, fieri suppositionem, & id non intelligi in sensu absoluto, & existente, sed in conditionali, & in suppositio: est enim quasi diceret: ponamus quod Deus deserit peccatorem, quod non vocat &c. quid fiet: certe nihil fiet boni, cum sine Deo nihil boni fiat, ibi solum commendans contra Pelagianos necessitatem gratiæ ad bonum agendum requisitæ, seu ad conversionem peccatoris necessariæ, admittendæ, quam negabant: hic enim sensus patet ex textu, si integer afferatur. Si, inquit, ille non spiraverit, si non ipse duritiam glaci hujus dissolverit (quæ omnia pertinent ad necessitatem gratiæ, ad bonum agendum necessariæ) in faciem frigoris ejus quis subsistet (ubi vides conclusionem ex mera suppositione derelictionis creaturæ factam, ad eliciendam gratiæ necessitatem, quam & mox explicat dicens in faciem frigoris

ajus; cujus; Dei; unde est ejus frigus: ecce deserit peccatorem, ecce non vocat, ecce non aperit sensum, ecce non infundit gratiam, solvatur homo si potest gratiæ, non potest stultitiæ; quare non potest: in faciem ejus quis subsistet. Quod est quasi diceret: ponamus quod Deus deserit, quod non vocat &c. non potest homo solvi sine gratia, non potest per se solvi à stultitia, quia ante faciem Dei, nemo potest subsistere, nisi ille dederit: unde & paulo post ait: *quis seipsum liberabit, si ille deseruerit* (ubi adhuc clarè vides fieri eandem suppositionem ad eliciendam necessitatem ejusdem gratiæ, quam tandem concludit, dicendo: quod non liberum arbitrium potest nos solvere, & liberare, si Deus deseruerit, sed sola ejus gratia, ut sequitur) & quis liberabit: gratia Dei per Jesum Christum Dominum nostrum. Etce ergo quod volebat dicere: nemo potest solvere, aut liberare, quem Deus deseruerit, nisi solus Deus per gratiam suam, & non homo per lib. arbitrium suum, ut volebant Pelagiani; quos ibi sugillabat, & fere semper sugillat in suis istis enarrationibus in psalmos, ostendens contra eos, quod lib. arbitrium per se solum non sufficit ad bene agendum, ut putabant, sed quod indiget gratia confortante illud ad bonum amplectendum, & ad malum fugiendum: alioqui si Deus deserat illud, & non subministrat illi talem gratiam, quæ est ad agendum, necessaria: ante faciem frigoris illius non subsistet, sed cadet in peccatum, ut ex prædictis clarum est. Sed & Respondeo 2. quod etsi hæc non intelligerentur in suppositione de falso, sed in suppositione de vero, non tamen intelligerentur de negatione omnis gratiæ, sed solius proximæ, ad bene agendum necessariæ, seu talis sine qua non potest homo actu bene agere: nihil enim ibi videas de negatione gratiæ remotæ, quæ est ad orandum, sed tantum de negatione gratiæ proximæ, scilicet vocationis ad fidem, apertionis sensuum ad credendum, & infusionis gratiæ, quam sic simpliciter dictam intelligit Aug. communiter (sed maximè quando loquitur, ut hic, contra Pelagianos necessitatem gratiæ negantes) de gratia proxima, & non de remota: quia gratia remota non est ad operandum, sed tantum ad orandum, seu petendum auxilium, quo agatur. Unde hæc synonyma sunt apud Augustinum, gratia, auxilium, opitulatio, adiutorium, quia nempe de gratia illa agebat contra Pelagianos quæ adjuvat lib. arbitrium infirmum, seu voluntatem infirmam, & invalidam, quam negabant putantes lib. arbitrium esse per se sufficiens ad bonum, sicut ad malum, sed & extra disputationem suam cum Pelagianis, reperitur gratia secundum se, definita ab eo ut ad agendum, non vero ut ad orandum, seu petendum auxilium, ut patet ex libro expositionis quarundam proposit. ex Epist. ad Rom. c. 18. ubi sic ait: *gratia efficit*, ut non tantum velimus recte facere, sed etiam *possimus*, non viribus nostris, sed liberatoris auxilio (ubi nihil retraxit Augustinus) ex quo manifestum est quod gratia simpliciter dicta apud eum, tantum indicat gratiam proximam, & non

Vide supra,
hoc adhuc
probatum
parte 1.
sect. 4. §. 1.

remotam, seu quod idem est, gratiam agendi, & non orandi unde cum in loco supra objecto gratia simpliciter dicatur, ideo debet ea intelligi de sola gratia proxima & non etiam de remota & sic patet quod non intelligitur locus ille de privatione omnis gratiæ ut volebant adversarii, sed solius proximæ, quomodo supra ostendimus Augustinum sumere desertionem in prima objectione communi.

§. XI.

Aliqua alia solvuntur objectiones: ubi & de impotentia propria & impropria.

Verum prosequuntur adversarii animosius intentionem suam & primo dicunt, Augustinum plurimis in locis docere, ita deserti exæcatos, & obduratos, ut bonum quod eis volendum, aut faciendum est, facere, ac velle, imo cernere non possint, quod probant recurrendo ad postremum locum, quem modo solvimus ex Augustino: ubi cum dixisset Augustinus: ecce deserit peccatorem, ecce non vocat, ecce non aperit sensum, ecce non infundit gratiam: vim desertionis illius, inquit, explicando subtextit: solvatur homo si potest gratiæ, non potest stultitiæ; quare non potest; in faciem ejus quis subsistit. Hoc est ut iterum subjicit, inquit, quis seipsum liberavit, si ille deseruerit. Sed hæc additio nihil habet novi, quod non jam solutum sit in supra datis responsionibus: ibi enim solum commendat Augustinus necessitatem gratiæ, sine qua dicit hominem peccatorem non posse solvi, aut liberari à gelu suo, quod non indicat illum esse desertum omni gratiæ, sed tantum illum non posse solvi, aut liberari à gelu sine illa, quod omnino fatendum est, siue absit gratia, siue adsit, & contemnatur, ut sæpe fit ex superbia, de quo postea conqueritur, ut videbimus. Tantum autem abest, ut actu desit omnis gratia in ejusmodi deserto, quin potius supponit eam Augustinus ipsi oblatam, sed contemptam ex superbia. Audi, inquit, & hic gratiam Dei: qui mittit crystallum suam sicut frustra panis, in faciem frigoris ejus quis subsistit: ergo desperatio est, *absit*: sequitur enim: emittet verbum suum, & tabefaciet ea: non ergo desperet nix, non desperet nebula, *non desperet crystallum* (in quibus continentur omnis generis peccatores, præcipue vero omnis desertus, seu induratus, significatus per crystallum) de nive tanquam de lana conficitur & tunica. Nebula illa in penitentia salutem invenit, quia prædestinavit illos, & vocavit (scilicet efficaciter, quia vocatio efficax est propria prædestinatorum ad gratiam) sed licet sint inter prædestinatos durissimi, & multo quasi tempore congelaverint, & crystallus facti fuerint, *non erunt autem misericordie Dei*, emittet verbum suum, & tabefaciet ea; quid est tabefaciet ea: ne forte in malo intelligatis: tabefaciet;

liquefaciet, dissolveth, *duri sunt enim per superbiam* (non ergo per negationem omnis gratiæ, ut volebant adversarij, sed per superbiam, quæ contemnit omnem gratiam, maxime gratiam orandi, quam supra diximus semper superesse in desertis, quæ maxime humiliat hominem, & ostendit ei suam infirmitatem, paupertatem, dependentiam, quæ maxime dura est superbis, vix ideo stimulos ejus, & excitationes ejus sentientibus: unde & sequitur) *merito & superbia stupor dicitur* (quia nempe insensibilis est excitanti eum gratiæ) quicquid enim stupidum est, frigidum est: rigorem passî homines quotidie dicunt, obstupuit: ergo *superbia stupor est* (quia nempe insensibilis est stimulis gratiæ excitanti hominem ad orandum) emittet verbum suum, & tabefaciet ea: & re vera cumuli nivis cum calesunt, *deliquescent in humilitate* (ecce quod requiritur in induratis, ut bene utantur gratia, quam habent, scilicet ut humiles sint, ut agnoscant suam miseriam, & infirmitatem, & implorent Dei auxilium) quomodo ergo quasi montem nivis erigit stupor, sic *stultos erigit superbia*. Ecce ergo unde indurati sunt, non ex defectu gratiæ sufficientis, ut putabant adversarij, sed ex superbia contemnente gratiam sufficientem remotam quam habent, & nolente humiliare se ad utendum sua ista gratia, quæ est ad orandum, & pulsandum ad Deum, per humiliationem, & submissionem suam, ut habeant gratiam faciendi, seu auxilium proximum.

Quantum autem ad locum sequentem, qui est ex libro de perfect. Just. cap. 9. de quo supra jam egimus, ubi ait Augustinus: quasi non debeat Deo agere gratias, quia præcepta voluit, qui desertus omni lumine veritatis hæc velle non posset. Dico adhuc esse de necessitate gratiæ, & tantum significare, quod, qui esset destitutus omni veritatis lumine, non posset præcepta adimplere, non vero indicare, quod excæcatus, aut induratus, sit omni lumine veritatis orbatus, aut saltem gratia petendi, & impetrandi lumen istud, quam supra diximus semper esse reliquam in omnibus desertis, & induratis, quacumque induratione, aut excæcatione detineantur.

Quoad locum autem sumptum ex quæst. in Matth. quæst. 14. ubi ait Augustinus: cogimur fateri, aliis quibusdam peccatis, ita eos excæcari meruisse, quia tamen excæcatione, non potuerint credere.

Respondeo 1. me quidem ibi videre negatam potestatem credendi, non vero potestatem orandi Deum, ut illi crederent in Christum. Cum enim illi essent Judæi, credebant in unum Deum, quem ideo poterant orare, & sic obtinere ab eo adjutorium, quo crederent in Christum quod sufficit ad potentiam remotam credendi, quam dicimus semper esse residuam in quibuslibet induratis, & excæcatis.

Respondeo 2. illam impotentiam in sensu Augustini, non esse veram, & propriam sed solum apparentem, & impropriam: & sumi pro difficultate credendi, sic enim explicat se Augustinus in eadem

materia Tract. 53. in Joann. post med. ubi ait : quod illi non poterant credere , *non quia mutari in melius homines non possunt* (ergo non erat absoluta , & propria illa impotentia , cum possent mutari in melius , id est de infidelitate transire ad fidem) sed quamdiu talia sapiunt (id est superbi sunt , & presumunt de viribus propriis , & ideo contemnunt gratiam Dei , & non putant eam sibi esse necessariam , ut infra se explicat) non possunt credere (id est difficulter possunt credere ob resistantiam superbie , quæ non vult humiliare se ad petendum auxilium , ut ipsi possent , aut ad utendum eo si habeant) *hinc excæcantur , & indurantur , quia negando divinum adjutorium* (sibi esse necessarium) *non adjuvantur*. Quia nempe cum id solum communiter & ordinariè possint indurati , scilicet orare auxilium in miseris suis , & petere lumen in suis tenebris , si non petant , sed ex superbia sua putent , ut ait Augustinus se suis solis viribus resistere posse tentationi , & difficultatibus credendi , merito non adjuvantur (scilicet proxime in sensu Augustini sæpe indicato) sed eorum tunc culpa est , quod non adjuventur , quia non sunt impotentes ex inopia , sed nolentes ex superbia , in quo non est vera , & propriè dicta impotentia.

Respondeo 3. ibi etiam esse aliquid , quod indicat , istos excæcatos non fuisse omni lumine destitutos , sed tantum majori , & abundantiori quod habuissent , si non per peccata sua meruissent eo privari : ponit enim illam excæcationem Augustinus solum in eo quod Christus loqueretur illis in parabolis , & non in verbis clavis , & apertis. Quod certe non excludit omne lumen , cum multi explicent parabolæ , & illi ipsi jam de facto aliquas illius parabolæ explicuerant , ut ait Matthæus cap. 23. ubi habetur , quod audientes principes sacerdotum , & Pharisei parabolæ ejus , *cognoverunt* , quod de ipsis diceret. Ergo bene poterant intelligere illius parabolæ , sed nolebant , in quo non est vera impotentia , sed mera nolitia.

Denique Respondeo hanc excæcationem non fuisse contra gratiam sufficientem ad salutem , cum ibi dicat Augustinus : istos sic fuisse excæcatos , ut tamen illa excæcatio eis ad humilem confessionem , & sollicitam inquisitionem , & obedientem conversionem , & ferventem dilectionem valeret : quod supponit in eis fuisse gratiam orandi , seu inquirendi Deum per humilem confessionem , & orationem , eamque tam veram , seu tam vere sufficientem , ut aliqui eorum actu conversi sint , ut ibi indicat : alij autem non conversi , de quibus tamen sigillatim dicit prædicta verba quæ attulimus. Quibus , inquit , non profuit illa cæcitas ad conversionem , quæ per linguam parabolarum fiebat , ita de illis Propheta alio loco dicit , quod etiam Apostolus commemoravit , cum de obscuritate linguarum ageret : in aliis linguis , & in aliis labijs loquar populo huic ; & nec sic me exaudient. Non enim diceretur , inquit August. nec sic me exaudient , nisi ad hoc fieret , ut vel sic exaudirent (ubi

vides

des sinceram Dei voluntatem per illas parabolas illos instruendi, & illuminandi) id est: ut eis ad humilem confessionem, & sollicitam inquisitionem &c. valeret. Ex quo manifestum est, istam excreationem non fuisse sine aliqua gratia quæ valeret ad eorum conversionem, sed alios ei consensisse, alios restitisse, quod solum indicat difficultatem quam alij non vicerunt quia noluerunt, non vero impotentiam.

Simili modo intelligendus est hic locus, quem consequenter adducunt adversarij Ex lib. 2. de serm. Domini in monte cap. 9. ante medium ubi ait Augustinus de quibusdam induratis: non intuentes, non enim possunt, cum superstitione, & contentione creati sint: nec enim ibi, non posse, significat veram impotentiam, sed solum difficultatem proveniente ex libidine contendendi, & contradicendi, & resistendi veritati propositæ: sic enim sæpe usurpat Augustinus non solum in aliis libris, sed etiam in hoc ipso his: ubi manifeste dicit non posse, quod tamen solum est intelligendum de posse difficile, aut de non posse sensus compositi, qui est amovibilis à creatura, quæ ibi dicitur non posse. Ut cap. 19. circa initium ubi ait: si oderis hominem, non potes velle corrigere. Quis autem dicat esse absolute impossibile, ut qui odit aliquem, velit eum corrigere. Numquid enim potest deponere odium suum, & postea corrigere fratrem suum. Certe paulo post indicat Augustinus, id sic fieri posse, dicens: primò abs te expelle odium, deinde poteris jam eum, quem diligis, emendare. Et cap. 24. non longe ab initio dicit: quamdiu quisque malus est, non potest facere fructus bonos: si enim bonos fructus fecerit, jam malus non erit. Sic verissime dici potuit: non potest esse nix calida, cum enim calida esse cæperit, non jam nivem, sed aquam vocamus. potest ergo fieri, ut quæ nix fuit, non sit, non autem potest fieri, ut nix calida sit: sic potest fieri, ut qui malus fuit, non sit malus, non tamen fieri potest, ut malus bene faciat. In quibus omnibus non est vera impossibilitas, sed tantum impropria, & sensus compositi, ut supra dixi, ab ipso met (qui dicitur non posse) amovibilis, quomodo diceremus de sedente quod non potest currere, potest enim absolute currere; tollens scilicet sessionem suam, & deponendo eam: ita dicit Augustinus quod prædicti contentiosi, non possunt intueri ob difficultatem contentionis, & superstitionis, quæ exacerbat eos. & faciebat aliorum detorquere visum eorum: absolute autem possunt, deponendo scilicet spiritum contentionis, & superstitionis, qui exacerbabat eos. & impetrando à Deo spiritum pacis, & veræ religionis, qui illuminet eos, & faciat eos facile intueri, quod prius difficile intueri poterant, propter quod ipsi intueri non posse dicebantur, fumendo non posse, pro facile posse, aut pro isto supraexplicato sensu composito, ab ipso met (qui dicitur non posse) amovibili. Ex quo etiam rejicitur id quod postea inculcant de illa

Vide Tract.
53. in Ioan.
post med. &
in Psal. 128.
conc. 23.
sub finem.

cacitate, scilicet, quod cum illa non potest homo videre : facile enim concedimus, cæcum, dum cæcus est, non posse videre, seu in-
tueri, sed sua cæcitas non impedit, quin possit petere, & impetrare
visum, seu lumen, quo videat; numquid cæcus ille qui petit à
Christo, & obtinuit, ut videret lumen, non erat tunc cæcus, cum
id orabat : ita & dicimus eos, qui cæci sunt corde, & mente, non
posse videre, dum cæci sunt, sed dicimus id non impedire quominus
petant, & impetrent lumen, seu visum quo videant, & bene ope-
rentur, quod sufficit ad salutem.

§. III.

*Reliquæ solvuntur objectiones contra sufficientem induratorum
gratiam.*

Quantum autem ad illum locum ex libro de corrept. & gr. c. 11.
ubi dicit Augustinus : si hoc adjutorium, vel Angelo, vel ho-
mini, cum primum facti sunt, defuisset . . . non utique sua culpa
cecidissent : adjutorium quippe defuisset, sine quo manere non pos-
sent : nunc autem quibus deest tale adjutorium, jam pœna pecca-
ti est, quibus autem datur, secundum gratiam datur, non secundum
debitum.

Respondeo, hunc locum jam supra satis explicatum esse de gra-
tia proxima, quæ non debebat deesse creaturæ innocenti, aliàs in-
culpabilis fuisset secundum Augustinum, non vero de remota, quæ
tam debet esse in homine lapsæ, quam altera debuit esse in homine
innocente, aliàs, & ipse inculpabilis esset secundum Augustinum ubi
supra late demonstravimus. Unde numquam negavit Augustinus gra-
tiam remotam, seu gratiam orandi hominibus lapsis, etiam iis de
quibus dicit ipsos non habere facultatem bene agendi, eos non suf-
ficere, & non posse : semper enim voluit illam esse eis reservatam ex
infinita Dei misericordia ad sublevandam eorum miseriam, & infirmi-
tatem superandam, & ad servandam in eis indifferentiam ad bene aut
male agendum necessariam. Sic enim ait de istis libro de perfect. ju-
stitiæ cap. 10. *orent gemitu voluntatis, ut impetrent donum facultatis.* Et
libro de gr. & lib. arb. cap. 15. *orent, ut habeant tantam voluntatem,*
quanta sufficit ad implenda mandata. Et libro de nat. & gr. cap. 17.
aliud est inquit intelligere velle, nec posse, & facere contra legem, non
intelligendo quid fieri velit : unde admonentur à Deo petere sapientiam (id
est lumen necessarium ad proxime agendum) qui dat omnibus af-
flueret, utique his omnibus qui sic petunt, & tantum petunt, quo-
modo & quantum res tanta petenda est. Ubi vides, cum semper
supponere etiam in iis, qui non possunt, nec sufficiunt, esse reliquam
orandi gratiam, seu gratiam remotam, & mediatam, qua possint im-

I. p. sect.
13. § 4. ob-
ject. 9.

impetrare sufficientiam, aut potentiam ad bene agendum necessariam.

Nec vero magis urgent, ea quæ tandem afferunt adversarij pro ostendenda in excrucatis, à peccato abstinendi impotentia, cùm in iis non probent, sublatam esse ab eis orandi potentiam, quam solam contendimus tunc eis esse reliquam, quicquid sit de aliis. Imo vero in quodam loco ibi allato manifeste indicatur, eam esse eis reliquam, ut patet, cùm dicit August. lib. de nat. & gr. c. 22. quod cæcus, seu desertus à Deo, ideo tantum audiat vocem legis, quo admoneatur implorare gratiam salvatoris. Per hoc ostendens, ad hoc solum residuam sibi esse gratiam, ut oret, & impetret auxilium, non vero ut videat, & vitet immediate peccatum. Quod volentes obsecrate adversarij, notant, quod ibi dicit Augustinus recte: admonetur: quia quamvis, inquit, huiusmodi admoneatur non lege solum, sed & doctrina, & prædicatione, & correptione, non propterea reipsa invocatur salvatorem: sed quia id gratis dictum, posset gratis negari, sic id volunt probare dicendo: quod legem talibus, doctrinam, & prædicationem, & correptionem proferre, officia sunt benignitatis humanæ, quæ frustra cæcis, & surdis adhibentur, nisi altius misereatur Deus. Quod libenter concedimus: sed primò hæc non sunt contra gratiam sufficientem, cùm quis posset habere gratiam sufficientem, & eam frustraneam reddere, ut & omnem prædicationem, & correptionem, quia non vult eis consentire: & deinde quæro; unde ostendent adversarij: Deum tunc alijs non misereri, id est non concedere gratiam efficacem orandi, per quam obtinetur gratia videndi, & audiendi; num quia ibi tantum mentionem facit Augustinus gratiæ externæ V. G. admonitionis, & prædicationis, quæ ut sic est insufficientis ad movendum cor hominis: sed supra ostendimus, Augustinum per gratias illas externas significare solere gratias internas, easque vere sufficientes, ut patet ex libro de dono persever. cap. 14. ubi ait: homines moveri ad fidem, si congrua suis mentibus, vel audiant verba (sive prædicationis, sive correptionis) vel signa conspiciant. In quibus solum explicatur gratia externa: & tamen dicit Augustinus eam movere homines ad fidem, sine dubio ibi subintelligens gratiam internam, eamque sufficientem, imo & congruam, ut patet ex terminis. Unde non est etiam ad rem id quod adjiciunt ex Augustino in Psalmum 77. scilicet: quibus Deus irascitur; quid misericordia conferet humana: non enim dicimus ibi solam adesse misericordiam humanam, quæ se vera nihil conferret si esset sola sed adesse etiam divinam sub cortice humanæ admonitionis delitescentem & loquentem ad cor hominis, cùm soleat Augustinus per gratias illas externas prædicationis, & correptionis intelligere etiam internas à Deo, ut jam supra probavimus.

Quantum autem ad hunc locum libri de nat. & gr. cap. 23. ubi dicitur Augustinus: deserti luce iustitiæ, & per hoc contenebrati; quid pariant aliud, quam hæc omnia quæ commemoravi, opera tenebrarum, donec dicatur eis, si dicto obaudiant: surge qui dormis &c. hoc non negat potentiam abstinendi à peccato in induratis, sed tantum actum, quomodo sæpe diximus desertionem Dei solum significare privationem actus, seu gratiæ efficacis, non vero sufficientis: non enim ibi dicitur, quid possunt parere, sed tantum quid pariant, quod solum significat actum negatum, seu negatam gratiam efficacem, non vero negatam potentiam, seu negatam gratiam sufficientem. Nec vero magis urgent illa verba sequentia: ad peccatum valet mors animæ, quæ necesse est mortua opera faciat, donec Christi gratia reviviscent. Ibi enim solum indicatur absentia gratiæ habitualis, & non actualis, quæ significatio satis patebit, si restituantur verba è medio textus abscissa, & integer Augustini locus adducatur, qui est huiusmodi. Ad peccatum, inquit, valet mors animæ, *quam deseruit vita sua, hoc est Deus ejus* (quid clarius ibi solum significari absentiam gratiæ habitualis, per quam ipse Deus habitat in nobis, & vivificat animam nostram, propter quod ibi vocatur vita ejus) quæ necesse est mortua opera faciat (id est vitæ æternæ non meritoria, quæ sola, sine tali gratia fieri possunt) donec Christi gratia reviviscent. Id est donec recuperet istam gratiam, per quam solam vivit Deo, & sine qua, mortua est, & ideo solum mortua tunc facere potest opera.

Tract. de
indifferenti
&c. parte
2. sect. 36.
tota.

Quantum denique ad peccandi necessitatem, quam dicunt oriri ex prædicta obduratione, & execratione, jam satis ei respondimus in alio tractatu, ubi ostendimus, nullum peccatum actuale esse necessitate factum, sed solum voluntate prorsus libera, & ad utrumvis indifferenti sive bonum, sive malum.

SECTIO QUINTA.

Quæ est de parvulis, quomodo habeant sibi necessariam, & sibi sufficientem gratiam ad salutem.

6. **C**onclusio: omnes, & singuli parvuli habent gratiam sufficientem ad salutem, non quidem in seipsis, cum ejus recipientes sint incapaces, sed in suis parentibus, & parentum amicis, qui possunt eos perducere ad baptismum, & per hoc ad salutem.

I. Pars probatur non solum ex generalibus supra probatis principiis, ut quod Deus vult omnes salvos fieri: & quod Christus pro omnibus mortuus est, & cæteris ejusmodi, sed etiam probatur ex

specialibus locis, ubi loquens Augustinus de parvulis, affirmat, vel indicat, Christum etiam esse mortuum, pro illis sicut & pro cæteris, ut patet 1. ex cap. 4. libri 6. contra Julianum: ubi cum Julianus negaret parvulos esse mortuos per peccatum, probat illos mortuos esse per peccatum, *quia Christus mortuus est pro illis, sicut & pro cæteris, qui per peccatum etiam mortui sunt.* Nam cum initio istius capituli adduxisset Augustinus hunc locum Apostoli: commendat autem suam charitatem Deus in nobis, quoniam cum adhuc peccatores essemus, Christus pro nobis mortuus est. Sic ait: hoc tu dictum exceptis parvulis vis putari; ubi si abs te quaeram; si non sunt inter peccatores *quomodo pro eis mortuus est qui pro peccatoribus mortuus est.* Ubi vides, illum velle, ita certum esse, quod Christus mortuus est pro omnibus & singulis parvulis, sicut, quod sint illi omnes peccatores, est certum: atqui apud Catholicos est certum, quod omnes & singuli parvuli sunt peccatores: ergo & quod pro iis omnibus, & singuli Christus mortuus sit, apud Augustinum est certum. Neque enim ibi distinguendum est inter eos, qui moriuntur ante baptismum, & eos qui moriuntur post eum. Nam fundamentum totale ob quod dicit Augustinus Christum esse pro parvulis mortuum, est æquale in omnibus, scilicet; quod omnes illi peccatores sunt, seu mortui per peccatum, ut patet ex his illius supraallatis verbis: si non sunt inter peccatores habendi; quomodo pro eis mortuus est, qui pro peccatoribus mortuus est. Ergo pro utrisque mortuus est Christus tam decedentibus ante baptismum, quam decedentibus post eum. Et certe quod de illis parvulis, qui moriuntur ante baptismum, sicut & de cæteris loqueretur Augustinus contra Julianum patet ex diversis illius locis, ubi loquitur Augustinus specialiter de illis, ut lib. 3. contra illum cap. 12. ubi ait: *quare nihil merentes tot in parvulis imagines Dei, si non baptizantur non admittitis in regnum Dei, numquid ipsi sibi defuerunt ut priventur regno, ut tam lætuoso puniantur exilio &c.* & lib. 5. cap. 1. sub fin. justus, inquit, est, Deus quid mali est quod innocentem hanc imaginem ejus prohibet intrare in regnum ejus. Idem habet lib. 6. cap. 1. & cap. 10. & alibi communiter. Ex quo manifestum est, quod disputatio erat inter Augustinum & Julianum de parvulis sine baptismo decedentibus, sicut & de cæteris, & per consequens, quod cum diceret Augustinus: Christum esse mortuum pro iis, in quibus negabat Julianus esse peccatum, loquebatur August. de illis parvulis sine baptismo decedentibus, sicut & de cæteris: & proinde quod putavit Augustinus Christum esse pro iis vere mortuum, sicut & pro cæteris. Probatur 2. ex eo quod cum diceret Julianus omnes in sententia Apostoli sumi pro multis, ita Respondet Augustinus, ut indicet omnes ibi sumi pro singulis, sive multi essent, sive pauci, & neminem excipi ex iis omnibus, de quibus ibi loquitur Apostolus. Si enim (inquit in 2. libro operis imperf. c. 134.) ob unius delictum multi mortui sunt, quippe isti ipsi sunt omnes: non

dicit quod continentur in omnibus, sed quod sunt omnes : unde & sequitur, quod ibi comparat multos omnibus, sicut singulos singulis, seu sicut id, extra quod non est aliud quod pertineat ad idem genus, ei extra quod non est aliud quod pertineat ad idem genus, id est à quo nihil exceptum est. Aliàs multi non essent omnes, ut dicit Augustinus, sed tantum continerentur in omnibus, quod non dicit Augustinus. Unde & paulo post affert Augustinus locum Apostoli; ubi omnes sumuntur pro singulis. Sicut, inquit, in Adam omnes moriuntur. Ubi sine dubio omnes significat singulos quandoquidem Augustinus neminem excipit à peccato originali eorum omnium qui nati sunt per Adam. Et adhuc paulo post affert alium textum Apostoli, ubi comparantur ij omnes, pro quibus mortuus est Christus, iis omnibus qui mortui sunt per peccatum, qui sine dubio sunt omnes & singuli, ut jam supra dictum est. Locus autem iste talis est. Omnes mortui sunt, & pro omnibus mortuus est (Christus) ubi vides comparari ab Apostolo, omnes illos pro quibus Christus mortuus est, iis omnibus qui mortui sunt per peccatum : atqui omnes, & singuli mortui sunt per peccatum : ergo pro omnibus, & singulis mortuus est Christus. Non enim ratio est, cur omnes in priore parte propositionis sumantur pro singulis, & non ita sumantur in 2. cùm ibi hæc duo : mortui per peccatum, & pro omnibus mortuus est, comparentur ad invicem (ubi licet videatur Augustinus loqui tantum generaliter, & non specialiter de parvulis, tamen id solùm dicit ratione parvulorum, de quibus erat disputatio : unde & in eodem textu inter duos locos Apostoli à nobis modo citatos ex illo textu, loquitur specialiter de parvulis dicens Juliano. Ibi videbis & parvulos quia & pro ipsis etiam te consistente mortuus est Christus) Et cap. 147. sic ait : omnes dicit eosdemque multos, non multos dicendo negat, ne sibi sit ipse contrarius, sicut vestra, aut fallit improbitas, aut fallitur excitas. Quia enim utrumque dixit Apostolus, & omnes, & multos, ostendit ergo non inter se duo ista pugnare, quia ipsi omnes, ideo etiam multi sunt dicti, quia omnes aliquando dicuntur & pauci (ubi clare apparet : omnes sumi pro singulis, cùm ad rationem omnium velit indifferens esse, quod sint multi, aut pauci, modo scilicet nullus excipiat) tu autem dicendo non omnes, quos omnes dixit Apostolus, proculdubio convinceris Apostolo esse contrarius. Quod & repetit cap. sequente 148. dicens quomodo non est contrarium, licet jam ostendimus, ut iidem sint multi, qui sunt omnes, ideo quos multos, eosdem omnes Apostolus dicit, non omnes autem dicis, ac per hoc Apostolo contradicis. Ubi nihil aliud contendit Augustinus, nisi omnes, & multos esse idem in sententia Apostoli, modo nullus habeatur exceptus, contra ipsum Julianum qui ex hoc quod alicubi dixerat Apostolus multos, quos alibi dixerat omnes, perperam inferebat aliquos esse exceptos. Ex quo manifestum est, Augustinum ibi sumpsisse omnes pro singulis, & proinde voluisse Christum esse mortuum pro singulis parvulis, de quibus

ibi agebat, quomodo illi singuli sunt mortui per peccatum, cum utrumque exprimitur eadem omnino phrasi per Apostolum ibi ab Augustino citatum. Nam si quosdam parvulos ab hac generalitate mortis Christi pro omnibus Augustinus exceperisset, eadem etiam ratione aliquos eorum ab hac generalitate mortis omnium per peccatum Julianus exceperisset; cum in utroque loco illi significantur ab Apostolo per *et omnes*, nec major appareat ratio, cur in uno loco, omnes, supponat solum pro aliquibus, & in altero pro omnibus & singulis: unde concludendum est, quod cum noluerit Augustinus quemquam excipi ex una sententia, noluit etiam quemquam excipi ex altera, quod sine fundamento legitimo, & sine ratione ibi apparente voluisset. Tandem probatur ex lib. 2. operis imperf. cap. 132. ubi clare dicit: quod gratia Christi pertinet ad pusillos, id est parvulos, cum magnis, & quod nullum prateriti pusillorum, qui remittit omnia omnium suorum, id est, pusillorum, atque magnorum. Ubi vides omnes parvulos significatos ut singulos, & ad eos omnes, & singulos pertinere gratiam Christi, & nullum eorum ab ea prateriti, aut negligi.

Quantum ad secundam partem, scilicet quod parvuli gratiam suam sufficientem habeant in cura parentum, & similium, clare indicat Augustinus lib. 3. de lib. arb. cap. 23. non longe ab initio, dicens: hoc Ecclesie commendat saluberrima auctoritas, ut ex eo quisque sentiat, quid sibi prosit fides sua, quando in aliorum (scilicet parvulorum) quoque beneficium, qui propriam nondum habent, potest aliena commodari. Quid enim filio viduæ profuit fides sua, quam utique mortuus non habebat, cui tamen profuit matris, ut resurgeret. Quanto ergo potius fides aliena potest consulere parvulo, cui sua perfidia non potest imputari. Et lib. 10. de civit. Dei cap. 8. sub finem loquens de temporibus Antichristi, ubi omnia erant difficiliora: sic ait. Profecto tam fortes erunt & parentes pro baptizandis parvulis suis, & hi qui tunc primitus credituri sunt, ut illum fortem vincant etiam non ligatum, id est omnibus, qualibus antea numquam, vel artibus insidiantem, vel urgentem viribus, & vigilanter intelligant, & toleranter ferant, ac sic illi etiam non ligato stipiantur. Sed clarissime de hoc loquitur fidelissimus ejus interpret ac discipulus D. Prosper lib. 2. de vocat. Gent. cap. 23. ubi sic ait. Non irreligiose arbitrari credi, neque inconvenienter intelligi, quod isti paucorum dierum homines ad illam pertineant gratiæ partem, quæ semper universis est impensa nationibus: quæ utique si bene utrentur parentes, etiam ipsi per eosdem jurentur. Omnium namque exordia parvulorum, totaque illa principia necdum rationalis infantie sub arbitrio jacent voluntatis alienæ, nec ullo modo eis nisi per alios consuli potest, & consequens est, illos ad eorum pertinere confortium, quorum vel recto, vel pravo aguntur affectu: sicut enim ex aliena confessione credunt, ita ex aliena infidelitate, aut dissimulatione non credunt. Ubi manifeste indicat & eos habere gratiam sufficientem, sicut & ceteros, & eam sitam esse in cura parentum, qui si bene

uterentur gratia sibi data, etiam & parvulos suos perducerent ad salutem.

Certe Augustinus
supponit
esse aliquas
causas se-
cretas cur
unus par-
vulus assu-
matur ad
baptismum
alter non :
in Enchir.
c. 95 & so-
calle sunt
illæ

Vide Ful-
gent.
lib. 1. de ve-
ritate præ-
dicti & gra-
tiæ.

Vide Pro-
perum lib.
2. de vocat.
Gent. c. 4.
his verbis
Quod utiq;
erga omnes
ita fieret si
ita fieri &c
& c. 24. æ-
quiparat
providen-
tiam divi-
nam circa
parvulos,
providen-
tiam divi-
næ circa ad-
ultos, quæ dat
gratias uni-
us effica-
ces, alteris
autem suffi-
cientes: his
verbis. Si-
cut autem
circa ma-
iores &c.

Sed forte queri posset; quomodo bene uti possunt parentes gratia sibi data ad effectum perducendi parvulos suos ad salutem. Respondeo quod illi parentes, vel infideles sunt, vel fideles: si infideles sunt, non aliter eos juvare possunt, quam ipsi credendo in Christum, ut possunt sicut supra ostendimus: unde si nolint credere in Christum, male utuntur gratia sibi data ad salutem parvulorum suorum. Si autem fideles sunt, orent pro salute parvulorum suorum, ut Deus servet eos usque ad nativitatem, quo tempore solliciti debent esse, ut cito procurent eis baptismum, caveant etiam ipsi à peccatis, ne ob ea priventur parvuli sui, morte temporali antequam nascantur, cum notum sit Deum aliquando punire parentes de peccatis suis per mortem filiorum, & filiarum suarum temporalem. Caveant etiam specialiter matres ab iis omnibus, quæ possant sibi, & parvulis suis, quos gestant in utero, esse noxia, & lethifera. Quæ si bene observent, credo parvulos eorum perventuros esse ad baptismum, & sic ad salutem æternam. Sæpe enim parvuli moriuntur in utero matris ob peccata parentum, aut ob alias causas quibus occasione ipsi dederunt, ut si mater fulmine percutiatur ob peccata sua, aut quia hunc casum, aut similes non avertit per orationes suas, aut quia de loco, in quo erat, noluit transire ad alium contra inspirationem internam. Aut quia dum gestaret puerum in utero, noluit abstinere à quibuscumque cibis, exercitiis, icinationibus, recreationibus inutilibus, & noxiis. Ceterum & si non propter has causas, sed mere naturales, imprævisas, & inculpabiles mors pueri accideret ante nativitatem suam, & baptismum, non tamen ob id providentia divina ei defuisset, cum non teneatur provisor res in universum bene ordinatas, invertere, & mutare pro evitando aliquo accidenti cujusdam particularis: tunc enim se habet provisor ad illud accidens mere permissive, & non volitive directe, prout ostendimus in nostra disputat. de predestin. ad gloriam: ubi etiam respondimus objectionibus omnibus, quæ contra fieri possent ex Augustino, scilicet in prima parte sect. 7. §. 2. puncto 3. 4. & 5. & parte 2. sect. 2. §. 10. puncto 1. & 2.

Quod autem diximus de parvulis dicendum etiam est de amentibus perpetuis, de possessis à diabolo, & de surdis simul & mutis, qui tales sunt à nativitate, eorum enim gratia est in cura aliorum: nisi quod surdi simul & muti à nativitate, cum habeant usum rationis, debent uti gratiis, quas diximus esse datas infidelibus: quanquam & non puto impossibile tales instrui in vera fide, per signa quædam articulatam vocem æquivalentia, si cuipiam fideli, & devoto, & impigro viro committantur.

Et hæc de gratia sufficiente omnibus & singulis data secundum Augustinum: quæ omnia, nostro more, sacrosanctæ Ecclesiæ Catholicæ, & S. Sedi Apostolicæ toto corde submittimus.

PRÆCIPUARUM INDEX RERUM.

A

ACTIONES supernaturales in substantia, seu alterius quam naturalis ordinis non agnovit Augustinus.

P. 214
Cur Adamus non peccasset, si gratia proxima ad agendum ei defuisset, nos vero peccaremus.

P. 63. 167
Adamus non habebat necesse orare pro habenda gratia proxima sicut nos, sed tantum pro habenda gratia efficaci.

P. 161
Adjutorium, & adjuvare, communiter sumuntur pro gratia proxima, & non pro remota.

pag. 252 260
Adversarij ignorarunt questionē gratiæ, quæ erat inter Augustinum, & Pelagianos.

23
Quomodo amentes à nativitate habeant gratiam sufficientem ad salutem.

272
Augustini doctrina commendatur, tanquam purissima, & Apostolica contra quemdam Neotericum, qui voluit culpæ illam.

169
Augustinianæ doctrinæ culpatores ablegat D. Prosper ad non intelligentes eam, aut intelligi eam nolentes. *Ibidem.* ut illa penitus intelligatur, orandū est. *Ibidem.* non est exponenda secundum principia communia,

sed secundum singularia Augustini principia. P. 228. 229
in exponendis illius locis valde attendendum est ad subjectam materiam, seu ad circumstantias illorum. p. 153. & observandum quod aliquando loquitur in suppositione aliorum, & non in sua.

152. 242. 243.

B

Bonum opus moraliter tam ex fine, quam ex objecto est meritum vitæ æternæ secundum Augustinum.

219 & sequi.

Bona opera secundum quid, licet simpliciter mala, vocat interdum Augustinus bona opera; 219 quod multos fefellit.

C

Calvinus vult omnia tribui gratiæ Dei, & nihil relinqui nostris voluntatibus, & studiis nostris ex bono opere. 187. *negat* Deum solummodo permittere peccata hominum, sed vult cum nos in ea per se, immittere, & præcipitare. 174. sæpe corrumpit textum, & sensum Augustini; 178 177 179 183 187.

Consultis suis, ut legant librum.

Mni

P R Æ C I P U A R U M

Augustini de corrept. & gratia,
& qua intentione. 182
Christianis omnibus datur gratia
sufficiens, & quomodo. 194 &
sequent.

Censuit Augustinus Christum esse
pro omnibus, & singulis mor-
tuum. 22 & sequentibus Text-
us Apostoli qui sunt de morte
Christi pro omnibus, exposuit
de morte pro singulis. 17. & se-
quent. valde ingratos censuit
eos Deo, qui dicunt Christum
esse tantum pro aliquibus mor-
tuum, & non pro omnibus, &
singulis. 24 quo sensu aliquan-
do dixit non perire, pro qui-
bus Christus mortuus est. 36

Christus multis modis vocavit ho-
mines, suos. 37. in margine.
Non solum oravit pro prædesti-
natis, sed etiam pro reprobis.
37 & sequentibus. Oravit pro
omnibus & singulis hominibus.

P.
Cornelius non fuit justificatus an-
tequam crederet in Christum.
199. quomodo dicitur religio-
sus, & timens Deum, antequam
esset justus. 200

Creaturæ innocenti, sive Angelo,
sive homini, præcise ut innocen-
ti, seu sine peccato existenti,
debetur regnum cælorum, etiā
si non esset ei promissum: & si-
ne injustitia denegari ei non
posset secundum Augustinum.
F. 62

D

Deus neminem ita deserit, ut non
habeat aliquā gratiam sufficien-
tem proximam, aut remotam
ad non peccandum. 149 & se-

quent. & 162 neminem damnat
ob hoc quod vitare non potuit.
P. 110. 111
Deus est avarus animarum, & sa-
lutis hominum. 111 dat fidem po-
tius indoctis, quam doctis: &
cur. 210. 211

E

Ectius corruptissime quemdam ex-
posuit textum Apostoli. 20 &
sequent. parum attente legie-
Augustinum, unde & ridicula
tribuit ei. 229. 231. 232
Non expectat Deus voluntates
nostras, ut det gratiam. 13. 14
expectat tamen eas post gra-
tiam datam, ut pœniteant, ut
orent &c. 134. 135

F

Fides est prima gratia secundum
August. 196. est duplex: una in
unum Deum, seu inchoata, al-
tera in Christum, seu perfecta,
utraque sufficiens est ad oran-
dum, & impetrandum. 197.
prima si est sola non justificat,
neque salvat, sed solum conjun-
cta cum secunda. 198

Fulgentius Augustini discipulus,
censuit cum magistro dari gra-
tiam sufficientē omnibus & sin-
gulis hominibus. 139 & sequent.

G

Gratiam sufficientem aliter sum-
psit Augustinus quam nunc
Scholastici, & voluit eam ali-
quando habere effectum, de ea
formaliter disputavit cum Pe-
gianis. 2

INDEX RERUM.

Gratiz divisio in sufficientem & efficacem, est merè voluntaria, & ex instituto hominum, non vero naturalis, & in viribus ejus fundata. 2. recte dividitur in proximam, & remotam: & quid sint.

Gratia simpliciter dicta, sumitur ab Augustino pro gratia proxima; unde cum negat adesse gratiam, intelligit tantum proximam. 47. 261. 262. quando abest proxima, semper adest remota, qua proxima queratur secundum Augustinum. 48. & sequ. & 266. & 267. gratia proxima datur in difficilibus, remota in facilibus secundum Augustinum p. 114. 115

Gratiam nulli negari, sed omnidari, semper, & ubique adesse, & numquam deesse clarè asserit Auguit. 127 & sequent.

Gratia communis est duplex Augustino: unam admittit, ut sufficientem, alteram negat. 152 160

Gratia sufficiens etsi detur omnibus, non tamen reddit orationes nostras inutiles, & frustraneas in petenda gratia. 160 & sequent.

Gratia quæ à nullo duro corde respuitur non est gratia Christianisecundum se, sed aliqua singularis inter gratias Christi. 163 164 cur opponit Augustinus gratiam legi. 164. 165

Sub gratia externa intelligit Augustinus communiter gratiam internam. 208. 209

Gratia juvenis est gratia proxima & non remota. 60 & 61

H

Hæreticis datur gratia sufficiens, & quomodo. 244. & sequentibus.

I

De ignorantia invincibili; ut culpabili multa perperam adducunt adversarij ex Augustino quæ late explicantur. 95 & sequent.

Quo sensu Pelagiani damnabiliter dicebant: quod ubi erat ignorantia rei faciendæ, ibi erat excusatio à culpa: & quo sensu idem dicant Catholici laudabiliter. 92

Nulli patet excusatio de ignorantia, cum peccat 88. 89 & sequent. nec de impotentia *Ibidem*.

In omnibus qui peccant, ignorant quid debeant agere, supponit Augustinus potentiam orandi seu petendi scientiam. p. 91. 92. 172. 173

Impij potuerunt pœnitere, & salvari, sed neglexerunt. 408 & sequent.

Alia est impotentia agendi, alia orandi: quando negat Augustinus potentiam simpliciter, intelligit de prima non de secunda. 69

Impotentia hypothetica reperitur in peccatis nostris, non vero absoluta. 77

Impotentiam aliquando sumpsit Augustinus improprie pro potentia. 69. 263. 264.

Impossibile pro difficili. 265

Indifferentia voluntatum non im-

P R A E C I P U A R U M.

pedit omnipotentiam divinam
quin faciat in eis quicquid vult
& sic egit in voluntatibus An-
gelorum & primorum hominum
qui fuerunt indifferentissimi.
P. 184-185

Inexcusabiles sunt omnes reprobi
cum damnantur. 85 & sequen-
tibus.

Valde contrarij sunt Augustino,
qui dicunt Christum non esse
mortuum pro infidelibus in in-
fidelitate morientibus. 29

Omnibus infidelibus datur gratia
sufficiens, & quomodo. 196 &
sequet. latissime. Nullam agno-
vit Augustinus actionem in in-
fidelibus, ex omni parte mo-
raliter bonam, sed semper vi-
tiosam, & peccaminosam ante
fidem 215 & sequent. hanc qua-
estionem putavit esse magni mo-
menti contra haereticos gratiam
necessariam negantes, & per-
tinere ad fidem. 232 & sequen-
tibus. In hac questione valde
distinguendum est, inter infide-
les qui credunt in unum Deum,
& alios qui credunt in plures
Deos. & cur. 216 in margine.

Non ideo vocat Augustinus ope-
ra infidelium mala, quia vitae
aeternae non meritoria, sed quia
simpliciter mala sunt, & debito
sine carentia. 219 & sequent.

Nulla est vera virtus in infideli-
bus. 210 & sequent. omnia ope-
ra eorum, quae videntur aliis
bona, censuit Augustinus esse
vera peccata. 221 non tamen
putavit esse necessitate facta,
sed libere, & ex indifferentia,
& cur. 217 in margine. & 235 in
textu & sequent.

Aliquando Deus instruit infide-
les per seipsum, aut per Ange-
los, & per solas internas illu-
strationes, & motiones sine
praedicatione Evangelij. 242

Judaei antiqui eamdem habuerunt
fidem juxta mentem Augustini,
ac Christiani. 247 & sequent.

Judaei antiqui habuerunt gratiam
sufficientem ad salutem, & quo-
modo. 244 & sequent.

Judaei Neoterici qui extiterunt
tempore Christi, & nunc exi-
stunt, habent gratiam sufficien-
tem ad salutem, & quomodo.
p. 253

Judeos veteres multum aliquando
depressit Augustinus, sed non
ut tales, sicut aliqui perperam
existimarunt, Sed ob alias ra-
tiones. 249 & sequent.

L

Legem saepe sumpsit Augustinus
pro gratia Pelagiana, & non
pro praeepto, ut putarunt ali-
qui. 46-47

Liberum lapsi hominis arbitrium
sine gratia non valere nisi ad
peccandum, quo sensu dixerit
Augustinus. 101 & sequent.

Locus Augustini difficilis expli-
catus. 186 & sequent.

Loci Augustini formales, & con-
tinui pro gratia sufficiente con-
gesti. 135 & sequent.

M

Omnibus Mahometanis datur gra-
tia sufficiens ad salutem: &
quomodo. 244 & sequenti-
bus.

INDEX RERUM.

Nemo meretur privari gratia sufficiente ob peccatum originale, etiam non remissum secundum Augustinum. 84. 85
 Non omne meritum, aut debitum opponitur gratiæ, sed tantum illud quod fundatur in actione. 52. 53
 Multi, aliquando sumuntur pro omnibus secundum Augustinum. pag. 169. 270

N

Nolle, in doctrina Augustini, supponit posse. 28 sed præcipue. 129 in margine.

O

Obdurati omnes habent gratiam sufficientem. 254 & sequentibus.
 Obduratio, sæpe est ab indulgentia, & bonitate divina secundum Augustinum numquam autem à voluntate Dei directa, & primæva. 255 & sequent.
 Obdurati, male utendo patientia Dei, obdurescunt. 258 item & ex superbia. *Ibidem* & 263.
 Opera misericordiæ, impetrant à Deo gratiam proximam, sicut oratio. 123
 Omnes, sumpsit communiter Augustinus pro singulis. 4 & sequentibus.
 Cur aliquando non sumpsit Augustinus omnes pro singulis. 5 & sequent.
 Non stulte orat potentiam, qui jam habet gratiam sufficientem secundum Augustinum. 52. 53
 Quo sensu dixit Augustinus quod

si sciret Ecclesia, quinam sunt reprobi, non oraret pro illis, ut nec pro diabolo. 42
 Orosius Augustini discipulus, censuit cum magistro, dari gratiam suffic. omnibus & singulis hominibus. 142. 143
 Oves Christi sunt, non solum Catholicici, sed etiam hæretici, & Pagani. 32

P

Parvuli omnes, & singuli, habent gratiam sufficientem : & quomodo. 268 & sequent. pro iis mortuus est Christus, etiam ante baptismum morientibus. 269
 Quid observare debent parentes ut parvulos suos perducant ad baptismum. 272
 Pelagiani numquam disputarunt cum Augustino de gratia externa, ut sufficiente sine interna, sed ab initio admiserunt internam. 3
 Cur Pelagiani sibi persuaserant Deum non posse dare gratiam suam sine merito antecedente, per bonum usum meri lib. arbitrij. 15
 Pelagiani facile admittebant orationes necessarias pro impetranda gratia intellectus, seu cognitionis, & cur. 94 in textu, & margine. Putabant etiam prædicationem Evangelij esse medium solum, & unicum, pro suscipienda fide in Christum. p. 242
 Possibilitas, aliquando sumpta ab Augustino pro capacitate recipiendi quosdam habitus, non vero semper pro possibilitate
 Mm iij

PRÆCIPUARUM.

producendi actus. 79
 Per negationem potentiae in voluntate, intelligit Augustinum tantum negationem gratiae proximae, non etiam remotae. 103
 Omne Dei praeceptum est possibile homini lapsō. 43 & sequent. & 143.
 Praedestinatio ad gloriam post praevisa merita obiter indicatur ex Augustino. 51 in margine.
 Primasius Augustini discipulus, censuit eum magistro, dari gratiam sufficientem omnibus, & singulis hominibus. 148. 149
 Idem censuit & D. Prosper praeceptus Augustini discipulus, & interpretres. 138. 139

Q

Quaestio vera gratiae, quae fuit inter Augustinum, & Pelagianos, late declaratur, & demonstratur. 93 & sequent.

R

Redemptio non significat tantum potentiale aliquid, sed aliquid actuale, vel datum, vel designatum, & animo destinatum ad redimendos aliquos. 27. in margine.

S

Salus hominis lapsi, est in ejus potestate, voluntate, & electione. 131 & sequent. pendet ab eo ut salvetur, seu ut faciat, unde salvetur. 128 & sequentibus.

Surdi, & muti à nativitate habent gratiam sufficientem ad salutem, & quomodo. 172

T

Ad mensuram permittitur tentare diabolus: qui dat potestatem tentatori, ipse tentato praebet misericordiam: nihil tentationi nobis accidit ultra vires nostras. 116. 117
 In omni tentatione custodit humilitas, 120. si superbus es, cadis. 121 & sequent.
 Tentationes omnes nostras vincere, & peccata devitare, non solum distributive, sed etiam collective possumus, cum gratia Dei ordinaria secundum Augustinum. 143 & sequent.
 Testamentum vetus multum depriunt adversarii contra mentem Augustini. 247. 250

V

Vasa ad honorem, & contumeliam sunt praedestinati ad gratiam, & non praedestinati ad illam, non vero ad gloriam solum. 181
 Quo sensu neget aliquando Augustinus, omnes vocari ad salutem. 152 & sequent.
 Voluntas Dei generalis erga salutem omnium, non est sterilis, & inactiva, sed collativa gratiae saltem sufficientis. 7. illam habuit Deus erga omnes, & singulos secundum Augustinum. 4 & 16. in quo dissidebant Augustini & Pelagiani, simul cum Semipelagianis, quoad illam. &


INDEX RERUM.


duplex conditio potest prae-
quiri ad illam voluntatem, qua-
rum una est Hæretica, & Pe-
lagiana, altera Catholica, & Au-
gustiniana. 4

Voluntas Dei conditionata fru-
stratur interdum suo effectu,
numquam vero efficax. 33. 34


Voluntatis nostræ concursus me-
re physicus, non sufficit ad con-
stituendam dependentiam boni
operis ab ea, quam indicat A-
postolus & Augustinus, sed
præterea requiritur moralis,
& liber, & ex indifferentia pro-
fectus, 190

FINIS INDICIS.









5-5-1

